



9  
7-F  
39



Ex Bibliotheca  
majori Coll. Rom.  
Societ. Jesu

67.3.35.  
6  
3  
6  
7-F-39  
14







JO: VINCENTII  
LUCCHESINII  
PATRITII LUCENSIS  
PONTIFICI MAXIMO

<sup>A</sup>  
BREVIBUS AD PRINCIPES  
HISTORIARUM  
SUI TEMPORIS

<sup>A B</sup>  
NOVIOMAGENSI PACE.

TOMUS SECUNDUS.



ROMÆ, MDCCXXXVIII.

Typis , & Sumptibus Hieronymi Mainardi .  
SUPERIORUM PERMISSU .



*Bibliotheca.*

*Sec.*

*Coll.*

*Nom.*

*Loc.*

*Reg.*



SANCTISSIMO DOMINO NOSTRO  
**CLEMENTI XII.**  
PONTIFICI MAXIMO



JO: VINCENTIUS LUCCHESINIUS  
FÆLICITATEM.



UÆ duo, BEATISSIME PATER,  
mortalium mentes in obsequium atque admi-  
rationem quammaxime rapiunt, & unde ad  
posterorū manavit eximia clarissimorum vi-  
rorum fama: ornata videlicet summis ho-  
noribus virtus, quo latius majestate fulgeat;

eaque non sibi solum complacita atque indulgens, sed pro communi bono in apertum prodiens ac suas exercens vires: hæc in SANCTITATEM TUAM ingenti nostri seculi felicitate convenisse, merito nobis gloriari licet. Cum enim ab ineunte ætate in eos te mores formasses, iisque saluberrimis institutis, disciplinarum studio ac bonis artibus imbuisses egregiam indolem animi tui, quæ ad consulendum omnium salutem plurimum valent, non tibi laborandum fuit, aut per ambages discurrendum, ut huic gravissimo gerendo muneri admovereris. Ipla statim respublica tibi advenienti occurrit, mandatisque præcipuis magistratibus ope tua carere noluit. Nec sua illam fefellit opinio. Siquidem, ut de reliquis taceam, in duodecemvirum curando Principis patrimonio Collegium cooptatus, renunciatusque deinde Quæstor maximus, nullas tibi reliquas fecisti solertiæ, justitiæ, sedulitatis partes, quibus peragendis non modò commotam tui expectationem sustinuisti, verum etiam privatorum gratiam cum publica utilitate conjunctam, eximiumque tibi nomen comparasti. Hinc ad sublimem Cardinalatus honorem celeriter evocatus potuisti magis magisque effundere virtutum tuarum lucem, atque in te non leviter adumbratam, sed altis expressam lineamentis Ecclesiastici Principis imaginem exhi-

exhibere . Stetit in omnium conspectu illa  
tua singularis humanitas , qua semper cu-  
juscumque ordinis cives ad tui venerationem  
illexisti . Se longius præbuit conspiciendum  
perpetuus æqui bonique amor , quo præci-  
pue deperire animus tuus visus est . Nemo  
literarum studio commendatus tibi in clien-  
telam se dedit, quem dignitate aut beneficiis  
augendum non susceperis . Quot naufragi  
patrimonio tua liberalitate ex adversæ fortu-  
næ fluctibus emerferunt ? Implorantibus pa-  
trocinium tuum præsto eras ; quique in eo  
spem suam collocabant , experti didicerunt ,  
quantum auctoritate valeres , quantumque  
gratum tibi esset , cunctos benignitatis tuæ  
compotes facere . Extollitur frequentissimo  
omnium sermone comitas illa jucundissima ,  
qua te adeuntes complectebaris ; memoria vi-  
get magnificentiæ , quæ , quicquid agendum  
aggredereris , nunquam non se tibi comitem  
præbuit . Hinc enimvero quæ tuæ domus  
celebratio quotidiana , qui Procerum nobi-  
liumque advenarum concursus, quod tuum  
in iis excipiendis magna conspersum urban-  
itate ecclesiasticum decus ! Retulisse videbaris  
illustrium veterum Romanorum consuetudi-  
nem , dum florente republica , qui ceteris  
potentia & auctoritate præstabant , nihil sibi  
æque jucundum reputabant , ac undique cir-  
cumfundi atque observari maximis civium  
exte-

exterorumque clientelis, unde sua in ipsos plena officii ac benevolentiae voluntas, aliorum erga se studium ostentataque praesidii spes in omnium oculis versaretur. Age vero commemorem assiduitatem, qua litibus ordinandis forum agebas, sagacitatem in Procerum dissidiis componendis; sapientiam in tractandis publicis negotiis; gravitatem in senatorio munere peragendo, siue publice rem sacram faceres, siue sententiam in Senatu diceres, siue in Pontificiis magistratibus rempublicam administrares; pietatem denique in probatissima exigenda vita, ac sanctissimis religionis officiis obeundis. Nec tacitus praetermittam abs te fultas eximio studio ingenuas artes ac disciplinas, paratamque ad eas fovendas splendidissimam bibliothecam, immortale documentum, quantum illas usque a prima adolescentia diligenter colueris atque adamaveris. Itaque jam olim nemo erat, qui te Pontificem maximum animo & communi plausu non designaret. At sero quidem voti compotes facti sumus; idque dolenter ferebamus, ignari, quod molesta procrastinatio, seu potius divinum consilium evasurum foret. Expectanda erant ea reipublicae tempora, quae ad illius salutem egregio sapientissimoque moderatore opus haberent. Liceat hoc loco mihi, ut tragici poetae solent funestos casus, ex omnium oculis tacen-

tacendo abripere luctuosissimam tempestatem, quæ non uno procellæ genere exagitata graves huic Imperio molestias attulit. Tantùm dico : nisi ad eam sedandam accurrisset incredibilis SANCTITATIS TUÆ prudentia, solertissimi ingenii magnitudo, & robur animi invictum, non ita facilè adversos concidere ventos, conquiescere commotos fluctus potuisset. Vidimus autem celeriter inductam tranquillitatem, teque ea insigni gloria fulgentem, quæ non e secundissimo rerum cursu, quem tenere nemini non promptum est; sed e præcipiti atque arte cohibito summopere celebratur. Ille enim plerumque fortunæ tribui consuevit; hîc tantùm virtuti, rerumque gerendarum subactæ cumulataque prudentiæ. Simul verò te auspice viguit in foro justitia, mos vetustus, & inveterata gubernandæ reipublicæ norma luculenter invaluit. Salutares ad comprimendam populorum ferocitatem leges constitutæ; refrænata grassantium scelerum protervitas; tuaque illa vel in artuum dolore numquam intermissa cunctos audiendi sedulitas quàm grata civibus accidit, quàm turbulentis ingeniis formidolosa, quibus perperam agendi viam hoc celebratissimo instituto penitus obstruxisti. Quòd si ad magnitudinem animi tui, auctamque splendidissimis ornamentis ac beneficiis Romam, nobilioreſque Pontificiæ di-

ditionis urbes me convertam, quæ mihi non se offerunt dicenda, quæ non illustri laude condecoranda? Miramur Ancone maximum valetudinarium ad explorandam navigantium salutem mediis in fluctibus constructum, datamque illic naviculariis ad frequentanda commercia portorii immunitatem. Ravennæ in omnium oculis adest distractus immani pecunia gemini amnis cursus, extremam illi perniciem minitantis. Bononiæ multo ære tuo recreata manet insignis Academia ad naturæ leges investigandas, & syderum cælique motus faustis ominibus constituta. Nullum facerem dicendi modum, si singulis recensendis immorari vellem. Satis sit commemorasse: vix aliqua reperiri posse subiecta imperio tuo splendidiora loca; ubi non sint beneficentiæ ac liberalitatis tuæ altius impressa vestigia. Alibi Tempia instaurata, alibi pontes suffulti, ubique constrata viæ, munitum iter, redditus desertis agris cultus, misertum inopiæ civium, datumque grandi pecunia levamentum. Quid verò in huiusmodi argumentum gloriæ a SANCTITATE TUA Romæ non gestum? Longum esset cuncta scribendo peragrarè, quinimmo supervacaneum. Satis quippe se ipsa produnt illustri fama atque omnium admiratione. Quamquam e clarissimis hinc pariter affluentius editis munificentiz tuæ monumentis unum silen-



siléntio præterire Capitólum nequeo, im-  
mensò prope sumptu abs te exornatum eru-  
dita rerum varietate ad locupletandam an-  
tiquitatis notitiam, excitandasque imitatrices  
fingentis naturæ artes, capto ex eorum ope-  
ribus exemplo, qui, favente huic studiorum  
amœnitati Græcia, floruerunt. Nemo siqui-  
dem ejus aulas ingressus non dat illico SAN-  
CTITATI TUÆ ingentes plausus, uno intuitu  
conspicatus, te celebrioris vetustatis vindice,  
in unum collecta tot priscorum Cæsarum si-  
mulacra pectore tenus expressa; tot ductas  
e marmore Philosophorum imagines, aliaque  
præstantissima signa, ac tantas inscriptorum  
lapidum divitias. Quæ cuncta plurimum li-  
cèt splendoris habeant, & sint clarissimum  
SANCTITATIS TUÆ nomen posteris traditura;  
tamen propemodum ~~obruuntur~~ <sup>uberiori</sup> lu-  
ce rerum ad Pontificiæ majestatis decus abs  
te gestarum, quas ex hominum memoria  
nulla umquam delebit oblivio. Amplifica-  
tum grandi pecunia sacrum patrimonium  
ad veræ Fidei propagationem, unde sempi-  
ternæ suæ salutis prospectum fuit, numquam  
exteræ nationes, remotissimæque gentes obli-  
visci poterunt. Erit in omnium sermone  
Ecclesiæ dignitas te auspice atque auctore  
alibi oblitteratis injuriolis decretis asserta, ali-  
bi sapientissimis legibus constabilita. SANCTI-  
TATI TUÆ debet Cleri disciplina novis ubique  
b insti-

institutiſtis additum ſibi robur. Compreſſa ſe-  
verioribus monitiſ morum licentia ſtatuet  
in omnium conſpectu documentum illuſtre  
pietatiſ tuæ. Quæ verò umquam ætas ſum-  
miſ non extollet laudibus diremptas mole-  
ſtiſſimas controverſias, quæ diu multumque  
Pontifices maximoſ ſolicitiſ curiſ atque an-  
cipiti animorum æſtu divexarunt; & modò  
tuo conſilio ac ſapientia, potentiſſimorum-  
que Regum moderatione nullo Eccleſiæ vul-  
nere penitus conticuerunt. Quanta hinc  
utriſque veſtrùm obvenerit gloria, quanta  
eas gentes lætitiâ inceſſerit, non ſatis aſſequi  
dicendo poſſem. Id tantùm ſufficit indi-  
caſſe: cetera licet ſplendidiffime geſta pate-  
re obtreſcantium dicacitati, & numquam non  
comiti virtutiſ invidiæ; ſervata Religioniſ  
jura, ſive Principum pietatem ſpecteſ, ſive  
ſummi Sacerdotiſ munuſ, ſive populorum  
utilitatem, omnium veluti in communi vi-  
ſtoria incendere ad gaudiuſ menteſ, lætiſſi-  
moſque plauſuſ excitare. Et hæc quidem  
SANCTITATI TUÆ acclamantium voceſ ea quo-  
que maxima cumulantur laude, quòd in  
ſupremam Sedeni quas adduxiſti admirabi-  
leſ virtuteſ, domeſticis exempliſ, Avorum-  
que recordatione altiuſ inſigi atque hære-  
re animo tuo potuerunt. Natura ſiquidem  
comparatuſ eſt, ut quiſque monſtratuſ ſi-  
bi a Majoribuſ ad virtutem iter, lubentiuſ  
ten-

teneat ac persequatur. Enimvero a sanctissimo illo, quem iaris festisque diebus veneramus, Andrea gentili tuo fovendæ optimis institutis ecclesiasticæ disciplinæ & pascendi Gregis artem discere potuisti. Tibi Petrus quinque ante secula, & Nerius patruus tuus non ita multo ante in amplissimum Cardinalium Collegium cooptrati, documentum dedere, quomodo sacri Principis decus & munificentia cum animi facilitate ac moderatione conjungi debeat. Ad construenda ornandaque Tempia usque ab ineunte seculo decimo quarto te prævivere illustres avi tui Nerius primum, mox Thomas, epistolarum consuetudine cum Diva Catharina Senensi celebris ac decorus. Nec defuere, qui editis jam olim conspicuis ingenii sui monumentis, & familiari vestra Gentis instituto colendas tuendasque bonas literas Philippus & Carolus, & alter Philippus germanus SANCTITATIS TUÆ frater te admonerent. Quod si ad eos, qui tibi ad bene sapienterque administrandam rempublicam, ad solerter obeundos magistratus, & ad moderanda imperia facem prætulerrunt, me convertam, quot quantique nominis mihi se offerunt enumerandi? Petrus, jam tum clarissimæ Familiæ dignitatem referens, ab sexcentesimo amplius anno ad fines agri Senensis jura populis dedit; & vicaria potestate

Urbinati provincie Philippus a quarto Carolo Imperatore Germanici Imperii Princeps renunciatus; Rhodiis Joannes ab Galliarum Rege in equestrem Procerum Ordinem virtutis merito ascriptus; Præterea a pluribus Episcopales insulas gestas, honorificentissimas ab aliis Romanas legationes, ab aliis splendidiore Urbis honores. In iis consisto, qui ab ipsa nascente Patriæ tuæ libertate supremos dignitatis gradus, & consulare omnium præstantissimum Vexilliferi munus quam sapientissime adepti, iisque ad civium felicitatem egregie defuncti; neminem latere voluerunt; quæ sibi inesset consilii vis, quæ agendi prudentia, qui vigor animi ac magnitudo. Horum instructus exemplis, avorumque disciplina luculenter edoctus; maxime CLEMENS, ad tractandum Ecclesiæ gubernaculum accessisti; non ea tamen contentus gloria, quæ splendet alienis laudibus, ac veluti hæreditate percipitur; sed quæ in Familiæ fundo enata, & procerius eximiis factis educta, singulis proprios edit virtutum fructus. Quocirca singulari sapientia tua; maximisque rebus gestis recreata republica; ac præterea in spem erecta, te vindice, citò reliqua sua vulnera curatum iri; mirum non est, si quotquot virtuti non invident; nec sunt huic Imperio inimici; de summa te beneficentia, conservatoque inter undique in-

ingruentes procellas incolumi civium statu  
quam maxime celebrent, gestiantque, ut ut  
liceat, aliquo tributi genere devinctum op-  
timum Principi gratumque animum testari  
suum. Horum non sequi exemplum, SAN-  
CTISSIME PATER, religioni duxi; idque inge-  
nuæ timiditati, qua tuam reveritus maje-  
statem deterrebar, dissolvenda fuit; præser-  
tim cum non communis solum particeps uti-  
litas, sed privatim amplissimis tuis bene-  
ficiis ornatus, quicquid in me est (quod  
sentio quam sit exile) in ære tuo censeri de-  
beat. Igitur ad tuos pedes provolutus, qua  
maxima possum veneratione alterum Histo-  
riæ nostrorum temporum a me conscriptæ  
volumen offero SANCTITATI TUÆ, munuscu-  
lum quidem levidensæ, nec tua sane dignum  
amplitudine, nisi quidpiam gloriosissimo no-  
mine tuo, quod in fronte gerit, honestaretur.  
Illud autem, si qua soles clementia,  
excipere non abnueris, ad tua reliqua libe-  
ralissime collata in me beneficia cumulus ac-  
cedet. Siquidem honesto viro unum hoc  
maximum reputandum est: ut, cum tibi pro  
tua suprema omnium Dignitate nequeat co-  
rumdem referri gratia; hac saltem habenda  
& prædicanda (quod numquam profecto de-  
sinam, cujusque istud me dare posteris te-  
stimonium, vehementer gaudeo) satis ha-  
buisse videaris.

RE-

## REVERENDISSIME PATER.

**A**mplissimam illam summi ingenii ac solidæ eruditio-  
nis laudem, quam clarissimus Vir Joannes Vincen-  
tius Lucchelinus Patricius Lucensis de litteraria re-  
publica optime meritus apud eruditos homines, æ-  
quosque veræ sapientiæ æstimatores cum ob præclarissima  
opera græcis ac latinis litteris in lucem edita, tum præfer-  
tim ob primum Historiarum sui temporis volumen præstan-  
tissimarum Academicarum judicio & calculo absolutissi-  
mum jamdiu consecutus est, hoc secundo & tertio Histo-  
riarum Tomo, quem, te jubente, Reverendissime Pater,  
tota animi cum attentione tum jucunditate perlegi, ornatissi-  
mè cumulari posse sentio ad decus sui nominis immortale.  
Tanta enim doctissimus Præsul in aperiendis summarum ma-  
ximarumque rerum consiliis, explicandisque memorabilium  
bellorum causis subactæ prudentiæ argumenta, tantam in  
bellicis artibus, eventis fortunisque exponendis rei militaris  
scientiam cum latini sermonis nitore copia ac varietate con-  
jungit, ut mihi hæc sedulo expendenti nihil ætas nostra,  
vel ex hoc uno opere aureis illis romanarum rerum Scrip-  
toribus invidere posse videatur. Nemo quippe in eo aut  
acre Sallustii judicium ubi de difficillimis ferenda sententia,  
aut castam perspicuamque Cæsaris orationem ubi militare,  
aliquod facinus graphice describendum, aut ubi res memo-  
ratu dignissimæ posteris cum celebritate commendandæ, Li-  
vianæ tacundiæ majestatem desiderare jure potest. Neque  
tamen horum alicujus vestigiis ita hæret (quod plerisque  
contigisse scimus) ut non suo sed alieno pede incedere vi-  
deri queat servilis aliorum jejunusque imitator, sed liberali  
potius gradu ingenuoque stylo procedens, sibi propria atque  
in sui compendium facit quæcumque in illorum scriptis pec-  
uliari digna laude æqua posteritas judicavit. His accedit  
(quod ad præcipuum Historici munus maximè pertinet)  
animi ab omni prorsus studio partium liberi ac soluti, veri-  
que tantum tenacis clara ubique ac plurimis documentis  
expressa significatio, qua dictis suis fidem vel ab invitis  
extorqueat. Quæ cum ita sint, nihilque præterea hoc in  
utroque volumine reperiatur, quod christianæ pietatis mo-  
ribus aut institutis adversetur, quin potius multa, nec exi-  
gui

gua ad fovendum religionis studium argumenta, ubi per occasionem datur, mirifice exposita in illo sint, dignum profecto censeo, quod juris publici fiat, ut ex eo litteraria respublica ornamentum, commodum, fructumque uberrimum capiat. Dabam Romæ ex Ædibus S. Bartholomæi in Insula Tyberis die 25. Novembris 1736.

*Joannes Antonius Bianchi Frater Minorita.*

---

**I**Uſu Reverendiſſimi P. Jo: Benediſti Zuanelli Sac. Pal. Apoſtolici Magiſtri volumen alterum ac tertium Hiſtoriarum legi clariſſimi Præſulis Jo: Vincentii Luccheſinii Patricii Lucenſis, in quo cum nihil contrà Fidem Orthodoxam, aut bonos mores depræhenderim; ſummum verò ſermonis ornatum & elegantiam, ſententiarum gravitatem, civilium bellicarumque rerum ~~ſcientiam~~ <sup>miro in iis per-</sup> tractandis ingenio & prudentia conjunctam, edi poſſe cenſeo, utpote opus egregium, & ejuſmodi, quod non minùs Authori ſuo laudis, quàm literariæ rei publicæ utilitatis ſit alaturum.

Ex Collegio Romano Idib. Sept: MDCCXXXVI.

*Contuccius Contucci Soc. Jeſu.*

**I M P R I M A T U R**

**Si videbitur Reverendissimo Patri Magistro  
sacri Palatii Apostolici .**

*Philippus Spada Episc. Pisaur. Vicesg.*

---

**I M P R I M A T U R**

**Fr. Joannes Benedictus Zuannelli Ordinis Præ-  
dicatorum sacri Palatii Apostolici Magister.**





# HISTORIARUM

## TOMUS SECUNDUS

### Liber Septimus.



E juvat in parte Operis mei, ut qui longo ex itinere salebrosa asperrimaque loca subituri sunt, nonnihil, ~~facto voluminis~~ intervallo, respirasse. Major enim se offert rerum copia literis consignanda, major exantlandus labor; quem modò, quasi recenti robore confirmatus, obiturus alacrius mihi videor. Bellum hoc anno, inter Christianos Principes ortum atrox, atque omnium, quæ unquam, prope dicam, gesta sunt, maxime memorabile, barbaricum alterum, cum debellari e sententia posset, debilitavit. Recruduere siquidem veteres inter ipsos inimicitiae, quæ licet aliquandiu intermissæ, nunquam tamen prorsus extinctæ, quin & recentibus injuriis, querelis,

1688.

lus-

Tom. II.

A

*Initium belli  
inter Christianos  
Principes.*

*Cause.*

*Qui eorum il-  
lud differri cu-  
piunt, qui sta-  
tim moveri, &  
quare.*

suspicionibus identidem irritatæ; compressæ au-  
tem, cum nemini tempestivæ adhuc forent ad  
exercendum, nunc tandem in apertas discordias  
eruperunt. Armorum initium ab Ludouico Re-  
ge. Culpam quisque in hostem rejecit, veritus  
nomen subducti ab se ingenti periculo Turcarum  
Imperii, Christianæ Reipublicæ hoc nouo diris-  
simo vulnere dilaceratæ. Ego quæ fuerint dissi-  
dendi semina, & quibus aucta incrementis, in  
medium proferam. Quo verò auctore fata, &  
modò in stirpemeducta, æqua Posteritas, ubi  
conticuerit Partium strepitus, eæque desierint in-  
censo nimis studio præoccupare sibi Mortalium  
animos, rem suo momento expendens, tutius  
judicabit. Vixdum inierant pactæ cum Galliæ  
vicennales induciæ, Cæsar, Hispanus, aliique  
Germaniæ Reguli, ut superiori volumine dictum  
est, fœdere se conjunxerant, specie quidem ab  
se propulsandæ communibus armis, si quæ infer-  
retur, injuriæ: consilio re vera satis aperto coer-  
cendæ Gallorum potentiæ; Argentoratum, Lux-  
emburgum, & quicquid Metensi, & Briſiacensi  
Judicio ereptum sibi fuerat, recuperandi. Batavi  
in societatem vocati diu dare nomen abnuerant,  
otii cupidi, nec ullo incommodo, quamobrem  
arma appeterent, lacesſiti. At crebris Arausio-  
nensis monitis, ut sibi prospicerent, sollicitati,  
denique & ipsi in fœdus coierant, metu præfer-  
tim, ne atra nubes, quæ procul in Anglia concre-  
sce-

scere videbatur, postquam illic dedisset imbrem, Gallicis ventis circumlata, in se fulgura atque ignem præcipitaret. Nec res ab fide abhorrebat. Nam cum Jacobo Regi compertum esset, turbida fuorum Civium ingenia, Batavorum atque Arau-sionensis fiducia, intestinis discordiis novandisque rebus studium atque operam impendere, nemo non reputabat, hos illum, ne Britannico insidiarentur otio, conterendos constituisse. Quin & opinio erat, in id conspirasse cum Galliarum Rege, ejusque viribus fretum, quæ modò aversante suæ Gentis Concilio gereret, gerenda suscepisse; & huc pertinere, quodd idum dudum Augustæ Vindelicorum fœderi ascribi noluisse, licet acerrime pertentatus, tanto præsertim studio a Petro Ronchillo Hispaniensi Oratore, ut sponderet, se illi hoc pretio Legatorum Aulam conciliaturum, ne relaxare adhibitam hæcenus in Catholicos severitatem amplius abnueret; majori sane promisso, quàm quod præstare aut credi posset. Nec diu post Germani, finitimique Principes, qui a Romana Religione dissident, Magdemburgi inter se conjuraverant, daturus operam, ne qui per Britanniam eadem cum ipsis placita sectarentur, ab Catholico illic Rege sibi, suisque Sacris timerent: neue Calvinianorum Secta, ut dudum jussa fuerat, penitus ab Gallia exularet; quod sibi communi maxime probro ducebant esse. Quamquam huic studio non Religionis amor, sed si quis isthic fieret ani-

*Cur hæcenus  
Gallie Rex ab  
eo inferendo se  
continuerat .*

morum motus , moderaturus videbatur . Non tamen , etsi omnibus idem in Gallos odium , se seque ulciscendi voluntas ; eadem & rei gerendæ sententia erat . Cæsar , ut induciæ manerent , enitebatur , utiles sibi ad Turcicum interea bellum profigandum . Hispanus , ut illico dissolverentur , suadebat , æger animo ob acceptas injurias , & damno auctus . Huic Octovir Palatinus assentiebatur , spe , minus sibi in communi periculo , dum bellum arderet , ab iratis Gallis pertimescendum . Batavis in animo erat , cunctari quousque adulta in Britannæ Regem conjuratione nullum ex ea parte negotium exhiberi sibi posset ; Arausionensi , non ultra quàm matura illa foret ad erumpendum , verito inimicam temerariis incæptis moram ; ceteris , quoad oblato sibi rerum suarum discrimine provocarentur . Hæc Ludovico Regi hæud ignota . Nihilo secius ab inferendis armis , quamquam prævertere Fæderatos , dum iis minus opportunum bellum foret , e re sua reputasset , se sustinuerat , adversa primum vetitus valetudine ; mox Civium Calvinianorum sedando penitus fremitu ; denique pudore quodam , ne se Germanis , Turcas sæliciter impellentibus , præcidisse victoriæ cursum , per hominum ora dissiparetur . Inter hæc , evertendis Fæderatorum consiliis , duo sibi proposuerat . Unum , ut Britannæ Regem , secum jampridem non sæderis vinculo , quod nullum , ut vulgò cre-

1688.

*Frustra conatur Anglia Regem in suas partes adducere.*

creditum, intercedebat; sed necessitudine atque amicitia conjunctum in suam prorsus voluntatem adduceret, qua sibi invicem opitulantes, ille suorum insidias, ipse externos impetus ener-  
varet. Alterum, ut Cardinalis Vilhelmus Furstembergicus, quem sibi beneficiis addixerat, Colonien-  
sis Pontifex renuntiaretur; unde ad belli gerendi rationem plura ex illo Imperio sibi com-  
moda, hostibus difficultates accessuræ forent. Sed utraque spes occiderat. Nam ut primum de Furstembergico dicam, illum paullo ante undeviceni  
majoris Templi (tres ac viginti aderant) Colo-  
lienses Canonici successorem Antistiti suo Maxi-  
miliano Henrico e principe Bojoariorum Domo designaverant. Verum Collegii decretum Pontifex  
Maximus, cujus id erat auctoritatis, uti ratum haberet, nullis hæcenus potuerat machinis ex-  
pugnari. Quin Furstembergicus, ne inter Candi-  
datos reciperetur, viam interseperat, prohibito  
abdicare se Argentoratensi Pontificatu, nec ea  
lege soluto, quæ duplicem gerendum vetat. Hæc  
illi negata venia perculerat, insuetum repulsæ,  
Regis animum eò vehementius, quod data Prin-  
cipi Clementi Bojoario, cui pariter ad alterum  
obtinendum Ratissponensis, Frisingensisque, qui-  
bus moderabatur, impedimento erant. Interea  
Colonien-  
sis Octovir III. Non. Junias hoc anno moritur. Comit-  
tia successoris creando indicuntur. Tres petebant, Franciscus Ludovicus Octoviri  
Pala-

*Et Card. Furstembergicus ad Colon. Archiepiscopatum.*

*Hinc ejus adversus Inn. XI. querela, & unde orta.*

*Octovir Colon. moritur.*

1688.

*Qui ejus Oſtovi-  
ratuſ Candidati.*

*Diviſis ſuffra-  
giis, cui adju-  
dicandus ſit,  
Romæ decer-  
nitur.*

*Cauſam obtinet  
Clemens Bojoa-  
rius.*

*Oblata inde  
movendi belli  
occaſio Ludovi-  
co Regi.*

*Verito præoc-  
cupari.*

Palatini filius, Clemens Bojoarii frater, ac Furſtembergius ea ſuffultus lege, quæ vel alio devin-  
ctos Sacerdotio ſubire ſuffragia ſinit, dum tamen  
e tribus duæ ſuffragatorum partes in eorum quem-  
piam conveniant. Ceteris eligendis, quicquid  
ſupra dimidium ſatis eſt. Hac duriori licet  
conditione paleſtram ingreſſus, vincendi retine-  
bat ſpem, certus, ſi nemo ex undevicenis fidem  
mutaret, plus æqua parte ſe habiturum. Eos au-  
tem jampridem ſibi ab Ludovico Rege concilia-  
tos in officio manſuros arbitrabatur. Verum Cæ-  
ſar, aliiſque Germaniæ Reguli averſati Virum  
turbandæ provinciæ idoneum expertumque, cùm  
omnes contendiffent nervos, ei ſenos ex eo nu-  
mero abripuerant. In ſuffragium miſſi, tredecim  
Furſtembergium poſtularunt, unum tulit Pala-  
tinus, novem Bojoarius. Cùm alter non fuiſſet  
legitima, ut poſtularetur, ſuffragia; alter, ut  
eligeretur, aſſequutus, ad Romanum Judicium  
Cauſa deferretur, eamque non ita multo poſt Bo-  
joarius obtinuit. Hinc tantus Ludovico Regi dō-  
lor inuſtus, ut illam Romani aſyli plagam, de  
qua jam retulimus, exaſperaverit, cœperitque  
Auguſtano fœdere in ſe conjuratis indicendi belli  
occaſionem; quod, quippe ſua nimium intere-  
rat, non ultra diſſerre, jam apud ſe non tacitus  
conſtituerat. Noverat enim, Turcas non una  
clade exanimatos pacem ab Cæſare quaſitum ire;  
& hunc vehementer ab Hiſpaniæ Rege, ab So-  
cero

cero Palatino, atque ab Arausionensi sollicitatum, ut Gallicum gerendum bellum sibi tantum proponeret, honestas conditiones non rejecturum. At nihil æque Ludovicum ad arma urgebat, ac lubricus rerum Britannicarum status, provido complexus animo, si quid adversi contigisset Jacobo Regi, eo fracto aut debilitato, in se statim validas ejus Gentis vires contentum iri. Siquidem (ut isthuc sermonem referam, atque inde faciam narrandi exordium, ubi superiori volumine desitum est) postquam illic perpetuo Magistratu creati Judices, qui de Majestate perturbataque Republica in Præsules ac Mystas inquirerent; factumque in Londinensi Antistite severitatis exemplum; & legitimis Judiciis comprobatum fuerat, in regia esse potestate, quoscumque vellet, legibus solvere; Jacobus indulto in obloquentes metu, cohibitoque plurimum animo, quidpiam remiserat indictæ Britannico jure in Catholicos asperitatis, horum alicui mandatis honoribus; permiseratque privatim in suorum Conventu Sacra facere. Quin & prophanum illud anniversarium Ludicrum aboleverat, quo Londinenses ad Reginæ Elisabethæ memoriam celebrandam quotannis contumeliose circumlato per Urbem Romani Pontificis Simulacro atque igni tradito, ejus Majestatem ludibrio habebant, anili ac pene incredibili in eâ cultissima Gente furoris genere; siue hujusmodi inep-

*Et conjuratos  
in Regem suum  
Britannorum  
animos.*

*Britannicæ in  
Regem suum  
conjuratæ  
obtentæ.*

*Dati Catholicis  
Magistratus  
facultasque sacra  
privatim  
faciendi.  
Interdictum  
Ludicrum Ro. Pon.  
contumeliosum.*

1688.

*Missa Romam  
Legatio.*

*Inducti in Oxonienſem Academiam Catholici  
Præceptores.*

*Tyrconellus Hiberniæ Prætor  
datur.*

*Proceres ad  
Cathol. Religionem illeſti.*

ineptiis éxaturare Civium in Catholicam Religionem odium, ſive excitare & confovere arbitrantur. Romam quoque Legatum miſerat Comitẽ Caſſelmainum, acceperatque ab Innocentio Ferdinandum Abduam, contempta Civium ægritudine, quam, ex hoc publico Legationum commercio, triſti vultu mæſtoque ſilentio præſeferebant. Illa deinde non ſine liberis querelis audita: induc̃ti ſcilicet Catholici aliquot Diſciplinarum Magiſtri in Oxonienſem Academiam; Præſes ibi Magdaleneo Collegio Epiſcopus Giſſordus, Prætor Hiberniſ Talbotus Tyrconelli Comes datus, juſſo leviro ſuo Clarentiæ Comite, eo Magiſtratu abire. Sic enim, ajebant, non obſcuris indiciis parari in ſe bellum, illic doctrina, hîc armis; miſſo Catholicis, qui tunc in Hibernia reliquos Cives numero præſtabant, duce, ut ex occaſione colligeret ipſorum vires, intenderetque. Et in ſermonem venerant præmiis quotidie adducti ad Romana Sacra Procerum aliqui, plures ſolicitati; quali conſilium foret, nudare potentiorum præſidio prævalidas in ejus Imperio Anglicanam, Calvinianamque Sectas, ab iſſique leniter Plebem abducere, hærentem plerumque Principum veſtigiis; illata proinde majori per huiusmodi inſidias clade, quàm ex aperto bello. Quæ quamquam a rerum novarum cupidis, quibus nunquam Gentis indole, caret Anglia, in vulgus diſperſa dubias ad tumultuandum



1688.

dum mentes impellerent, parum pensi ea Rex habere, fretus jure, atque exercitu, quem sibi fidissimum reputabat. Quin ratus quo quisque magis in adversum tendat, eò vehementius dejicere obtreptantium animos, opinione virium, aut virtutis: longius processerat, facta superiori anno suis Civibus copia impunè sectandi, quæcumque luberet, cultam seu Catholico, seu Lutheranæ, Calvinianove ritu Religionem, æque simul iis aperto ad gerendam Rempublicam & ad honores aditu. Quamquam simul edixerat, Anglicanis constitutam placitis, vel se vindice, sua jura, sua Tempia, ac principem locum retenturam; dederatque fidem, nihil unquam de sacris, privatisque Catholicorum patrimoniis, quæ olim sectione in aliena transissent nomina, mutatum iri. Hæc Religionum impunitas cumulum mœoris attulerat Britannis de sua sollicitis, ac tandem expresserat seditiosas voces palam invocantium supremi Conventus opem, monentiumque extorres ab Romanis Sacris, errare, si crederent acceptam de rebus divinis, ut quisque vellet, sentienti libertatem fore diuturnam; Catholicis, ubi se primum corroboraverint, ceteros depulsuris. Eos quippe moleste ab se discrepantium societatem pati; dominari velle; & sicubi agatur rerum sacrarum scientia, nihil, quod ab sua distet sententia, moderate ac patienter ferre. Haud frustra ceciderant monita inclinatis in suspicionem aber-

*Jacobus Rex  
huiusmodi que-  
relarum negli-  
gens.*

*Dat Catholicis,  
Lutheranis, Cal-  
vinianisque li-  
berum sua Reli-  
gionis usum.*

*Et ad honores  
aditum.*

*Præstino Angli-  
canæ Sectæ ser-  
vato jure.*

*Que concessam  
Catholicis Sa-  
cris libertatem  
palam dolet.*

Tom. II.

B

ran:

*Et cum reliquis  
Sectis adversus  
Catholicos con-  
jurat.*

*Illora interpo-  
nitur promul-  
ganda Religio-  
num libertati.  
Britannia Sco-  
tiæque Senatus  
id Regi jubenti  
parent.*

*Comitia non  
assentiuntur.*

*Frustra poten-  
tiorum pluribus  
ab Rege priva-  
tim sollicitatis.*

*Quos tandem  
abire muneri-  
bus ab se pri-  
mè accepit ju-  
ber.*

rantium animis, & nunquam non falsi comite,  
metu. Itaque jam nullo apud ipsos haberi pretio  
data illa e suo cuique ingenio de divinis rebus opi-  
nandi facultas; Potentiores, quantumvis religio-  
ne diversos, veluti in communi discrimine, ad-  
versus Catholicum nomen conjurare in occasio-  
nem intenti; iisdemque suadentibus, Britannia,  
Scotiaque Senatus promulgando edicto moram  
interponere, & vix non palam obfistere; quam-  
quam denique Regis, id severe imperantis, au-  
toritati cesserant; patebat autem, isthuc obse-  
quio ingratisque adactos: & Anglicus aperte  
simul indixerat, non hinc veteres de rerum sa-  
crarum cultu abrogari leges, sed connivendo  
tacituras. Concilia verò ambarum Gentium, quo-  
rum dumtaxat scito, quicquid Reges decernunt,  
perpetuè ratum manet, ad illud reiiciendum se se  
obfirmaverant, non fracta incommodis, quibus  
Rex mollire obstinatos animos pertentaverat, sæ-  
pius comperendinando; nullisque machinis ex-  
pugnata. Eò siquidem usque ille se demiserat, ut  
Britannici Conventus, quem Scotos imitatu-  
ros non dubitaret, Proceres Legatosque, singillatim  
ad se vocatos, obtestari, suadere, in suamque pel-  
licere sententiam conatus fuerit; obnixos tamen  
eò magis, quò rogabantur: Quod cum irritò  
eventu & infra majestatem egisset, pertæsus nimis  
facilitatis, quàm tanto regii decoris impendio,  
clementiæ famam aucupaturus, adhibuisset,  
utrum-

utrumque Cœtum dimiserat, spoliaveratque ad-  
versantium plures publicis muneribus, quæ sua  
liberalitate acceperant, fatus: non eos beneficiis  
ornandos, qui abnuant referre gratiam. Non tam-  
men, renovato Legatorum Confessu, rei obtinendæ  
abjecerat spem; quos ut æquiores haberet, mi-  
nuerat ( ut in Regis est potestate, si quando Rei-  
publicæ nocumentum afferant ) Civitatum jura,  
ne temere turbulenta, utcumque luberet, inge-  
nia legare sibi possent. Hinc querimonia, & in-  
gens per hominum ora dissipatus rumor: vim ad-  
hiberi. Interea per omni Delubra, dum sacra-  
fierent, datam celebrandæ, quo vellent cultu,  
rei divinæ libertatem denuntiari Populo jusserat,  
non sine maximo Anglicanorum Antistitum luctu  
certoque abnuendi proposito. Dum alii cunctan-  
tur, consilium ex occasione temperaturi, palam  
affuere Regi Cantuariæ, Asaphopolis, Bathoniæ,  
Cicestriæ, Helii, Bristolii, Petroburgi Sacrorum  
Præfecti, liberis sermonibus proloquuti, se, quo-  
minus ejus voluntati in re tanti momenti acquie-  
scerent, religione prohiberi. Accepti ferociter,  
veluti seditionis signum protulissent, jussique  
sponsionem facere: Si dolo malo. Cum recusa-  
rent, e Londinensi Arce apud Tribunos Capitales  
( quorum judicium, tamquam sibi Regni Opti-  
matibus non adeundum, prius abnuerant ) cau-  
sam de majestate dicere coacti sunt. Hanc verb  
cùm non satis explicare possent, eludere, inficiati

1688.

*Conciliumque  
dimittit.*

*Minuit Civi-  
tatibus jura Le-  
gatos eligendi.*

*Yubet promul-  
gari in Templis  
cujusque sectan-  
dæ religionis li-  
bertatem.  
Qui coram Re-  
ge Episcoporum.  
dissentiant.*

*In custodiam  
traduntur ve-  
luti Majestatis  
rei.*

*Judicium elu-  
dunt, & quomo-  
do.*

1688.

*Liberantur falso, ut fama fuit, consilio, & quare.*

*Hinc nova barbarum occasio.*

*Unde orta & à quibus nutrita.*

*Illam Arausio-  
nensis fovet.*

libellum ab se prodiiſſe, quem ſcirent Regi oblatum remotis arbitris; & in Anglia Regis testimonium (quod prope ab fide alienum) dum ſua res agitur, perinde ac privati cujuſpiam non audiri. Itaque dimiſſi eo connivente. Id enim Jacobus habuit familiariffimum: in rem ingredi ingenti conatu; & cum e ſententia procederet, nervos remittere; incertum tædio an benignitate. Quo conſilio nullum in perturbata Republica periculofius. Alit quippe ſeditiones ſeveritas mox deſitura, non minus præſenti aſperitate quàm certa ſpe veniæ. Inveteravit opinio: Si fortiter in eos, fama ipſa redargutos, lege animadvertiſſet, & vi ceteros coercuiſſet, qui turbida exercebant ingenia, pacatum Regnum fuiſſe habiturum. Neque id præter vires; fido exercitu, dum adhuc in ancipiti res erant, promptioraque ab ipſo præmia; nec Exteris, compreſſa Domi audaciorum temeritate, mare tranſgredi auſuris. Dum indulget, cunctaturque, animos & ſpatium dedit tumultuandi. Plures ſupererant Shafsburiænæ factionis, quam perpétuò Arauſionenſis foverat officiis ac benevolentia, augebatque in dies, clam complexus, quotquot ab Rege alienabant Religionis diverſitas, crepti Magiſtratus, repulſæ dolor; nequaquam dubius, ſi tandem ad res novandas adjicerent animum, ſe unum, ut iis ope & conſilio adeſſet, oratum iri. Nec ſpes fruſtrata illum eſt. Nemo ſiquidem, vixdum concepto in

in Regem odio, non statim Arausionensem deliquaverat perturbandæ Reipublicæ potentem, avidum, & capacem. Nunc verd omnium votis, occultisque & frequentibus nuntiis, ut in rem daret operam, sollicitari. Et ipse veluti eorundem misertus, spem dare, se non defuturum, dummodo paratis antea Civium animis viam sternerent ad rem gerendam. Irent proinde, recenserent suas vires; ac meminissent: duo esse validissima ingentium facinorum præsidia, silentium, & celeritatem. Itaque seditionis capita per provincias, ubi præcipuas unusquisque clientelas haberet; dimissa, ad eam inflammandam faces ex uniuscujusque ingenio subiecere. Anglicanæ Sectæ cultoribus ostentarunt imminentem sibi, & mox primas acturam Romanam Religionem; Præbyterianis gravem infestamque suis institutis regiam auctoritatem; Sacrorum Præfectis, acceptas injurias; Optimatibus honores, imperia, Magistratus in Catholicum prorsus nomen traducenda; mediocris fortunæ Civibus, eligendi ad Concilium, quos vellent, Legatos ademptam libertatem; Cunctis, violatas sacratiores leges, minutam Comitiorum majestatem, constitutam legibus religionem contemptui habitam, Romanam inductam, & mox pro legibus futurum Regis arbitrium. Hæc, addebant, qui negligeret, non esse Civem; non liberum, qui despiceret; non hominem, qui non videret. Ergo ingen-

*Quid a Conjuratis contra Regem postul.*

*Quid ab istis agitur.*

*Quo pacto inflammata seditio.*

1688.

*Ubi satis incensam putat, Arausionensis consilium suum Federatis Ordinibus aperit.*

ingenti animorum æstu fluctuabat Anglia, & quotidie Procerum aliqui, diversa ad trajiciendum causati, cum Arausionense congregiebantur; alii per literas, ne maturam spem prosperi eventus dimitteret, quin & urgeret, suadebant. Ille ubi novit eò conjunctionem progressam, ut conspirantium numero, viribus, auctoritate sustinere se posset, nec sine ingenti conatu ambiguoque rerum discrimine refrænari; dignum facinus, in quod intenderet, arbitratus, adiit supremum Federatorum Ordinum Magistratum; retulit, quæ Britannia Regi procella impenderet; docuit, hanc si paullum impellere adniterentur; quam tempestatem Jacobus in eos concitaret, dissipaturos. Non enim, quin occultis ille in Rempublicam flagraret odiis, ambigendum esse; nec præcaveri eam posse, nisi in ipsum turbo, quem in alios cieret, verteretur. Idque non multi negotii fore, tantum ut aucta classe atque exercitu, Conjuratis facerent auxilii spem, qua illi se confirmarent. Decernerent proinde, utrum malint: perpetua affici sollicitudine, quiescente Britannia; an ista intestinis discordiis exagitata, diuturnum sibi otium parere. Arausionensis consilium suspensis jamdiu metu Senatorum animis placuit, dataque illi in classem ac militum supplementum pecunia, jussu tamen ad rem, quam ageret, simulandam, maritimum robur veluti ad Reipublicæ securitatem, sensim colligere, & clancul-

*Amplendiendumque suadet.*

*Interea, ne ab eo caveat, Regi blanditur.*

*Detegitur a Schultona Legato coniuratio incredulo Regi.*

*Qui monitus iterum a Ludovico Rege Bavos interrogat, ab iisque ambigue respondetur.*

clanculum copias conducere ab Germaniz Regulis, iter non antequam maturum foret, ingressuras: Quæ dum aguntur, Socerum Arausionensis cumulatis officiis effusiorique amoris significatione, ut cum fallendo est, incautum reddere, atque in plagas inducere pertentabat. Non tamen Schultoni fefellit, qui Regis Legatus apud Fœderatos Ordines diversabatur. Is enim cum nunquam ab eo demitteret oculos, ejusque Domum perpetuò specularetur, novit frequentes ibi Anglorum Procerum, aliorumque identidem e Britannia advenientium occultos conventus fieri; suboluitque tandem, quid molirentur. Rex, ut caveret, admonitus, nuntium contempsit, mendaci freitus Generi obsequio, & quodd ejusmodi: conjurari in se: vocibus assueverat. At cum mox eadem ab Ludovico Rege renuntiarentur, præbuit aures, quanquam non ultra progressus, quam ut fœderatos Ordines, quod hic tantus bellicus apparatus pacata circum regione tenderet, sciscitaretur. Responsum: prius ipse diceret; cur tot milites sub Signis, instructamque classem retineret; eadem se verba reddituros. Superbo responso aucta Regi suspicio, nec mitigata, licet per literas, & Cellerii Legati voce, nihil ab se Britanniz timendum esse, palam ac sæpius pro certo affirmarent ea fide, quæ in publicis negotiis, si pudor ac fama negligatur, bona an mala sit, perinde habetur. Illud

1688.

*Tandem in sus-  
picionem induc-  
tus ab ipsis re-  
pexit sex suas le-  
giones, olim o-  
pinulatum mis-  
sas.*

*Et eluditur.*

*Quocirca auget  
exercitum &  
Classen.*

*Conscriptis Ca-  
tholicorum plu-  
ribus, & alicu-  
bi repudiatis,  
sed non impune.*

*Quomodo sibi  
in omni fortu-  
na cavendum  
putat.*

lud ejus pariter acuebat curam, quod se dudum  
sex suæ gentis legiones, quas Batavis jam antea  
miserat auxiliatum, repetentem eluserant; facta  
iisdem, si vellent, abeundi copia, clam verb  
Præfectis militibusque, ut manerent, sollicitatis.  
Et cuncti quidem præter sex ac triginta Ordinum  
Ductores, meritori apud ipsos manserant. Qua-  
mobrem Rex classen atque exercitum lustra-  
re; duces gregariosque præmiis atque humanita-  
te in suam fidem illicere; maritimis viribus ad-  
dere decem naves, terrestribus quatuor novas  
legiones; veteres studioso Catholicorum dele-  
ctu, sed veluti fortuito, supplere; qui tamen  
ubique ægre accepti, repudiati quoque a Borro-  
vicensis Legionis Centurionibus, & prolegato,  
sed non impune, quippe statim exauthoratis,  
quamquam timendum foret, id illos incorrupta  
reliqui exercitus fide nunquam aufuros, ac la-  
tius manasse malum, quam quod ea pœna coer-  
ceri, quin etiam irritari posset. Hæc ubi pro-  
visa, satis publicæ tranquillitati consultum cre-  
dere; licet quos frustra per Provincias curatum  
miserat, ut Legatos ad nova Comitia ex sua  
sententia deligerentur, renuntiarent, ubique  
Civium animos subagitari. Apud se siquidem  
constituerat, faciliè externas vires classe, inter-  
nos motus exercitu compressum iri; & si om-  
nia in præceptis ruerent, adhuc portum sibi non  
defuturum, quod ab iratis fluctibus se reciperet:  
le-



legum scilicet abrogationem , quæ tantos su-  
genti terrores facerent . Nondum enim suo peri-  
culo satis didicerat : præocupandos civiles tumultus ; timida seditione , si non inceperit . At non eadem Ludovico Regi sententia erat ; qui propterea Britannum sæpius per literas , semel etiam per Bonreposi Marchionem , quem alia causa-  
tus , ad eum legaverat , ut sibi prospiceret , sua-  
debat, offerebatque auxiliares Copias , decem hominum millia ; monebat quoque , ne fideret fal-  
laciis suorum dictis , a quibus compertum sibi esset , insidias fieri . Neutrum acceptum . Non consilium , ob insitam Jacobo opinionem : ne-  
minem , quem beneficiis obstrinxisset , non eundem obstrictum fide sibi fore ; hanc verò deficere , si semel suspectam habeas . Non auxilia , utpote apud æmulam Nationem nocitura potius , daturaque integris Civibus suspicandi occasionem , vacillantibus rebellandi . Qua quidem in re omnium consensu nihil erravit . Sed eò usque processit , ut cum Schultonus , ejus negotia curaturus , Lutetiam venisset , interque familiares cum Ludovico sermones sententiam rogatus , qua ratione renuenti peregrinos milites ferri quidpiam auxilii posset ; dixisset : Si Batavis Britannia pacem turbantibus Gallicum bellum , ni desisterent , ostentaretur ; nec Rex ostentare desiisset ; Illis apud Jacobum rem conquestis , de-  
tuendaque amicitia obstringentibus iterum fidem  
Tom. II. C suam ;

*Oblatum à Ludovico Rege auxilium recusatur quare .*

*Schultonus Legatum e Gallia revocat Batavis suspectum .*

1688.

*Quo cognito,  
Ludovicus Rex  
Germanicorum  
bellum decer-  
nit.*

*Quam ejus cau-  
sam adduxerit.*

*Delphino duce  
Philippoburgum  
oppugnatur.*

suam; hic Schultorum in Angliam redire ac veluti odiosi consilii reum in Londinensi arce servari jussit. Quod postquam in Gallia compertum fuit, videretque Ludovicus, in ea lubrica Jacobi conditione si Britannicis rebus sese immisceret, periculum fore, ne vel ipso invito ejus gentis odium bellumque in se concitaret; simul verò, cum e tanta ejusdem fiducia argumentum duceret illum non facile de statu suo demoveri posse, ac sibi saltem tempus ad opem ferendam, si qua indigeret, post Germanicam expeditionem sussecurum, hanc modò suscipiendam statuit, ratus præsertim e re sua nimium esse, prævertere Fœderatorum irruptionem, atque ulteriore expedita Rheni ripa iter obstruere Galliam mox invadere cogitantibus. Itaque vixdum a Villarfi Marchione, suo ad Cæsarem Legato, certior factus, Germanorum exercitum Danubio trajecto Albam græcam oppugnare aggressum, unde ad Rhenum citò accurrere & itineris prolixitate, & suscepti facinoris magnitudine prohiberetur, ad sexaginta hominum millia properare Delphino duce in Germaniam jubet, causa in vulgus edita: ne anteverterent hostes; utque Carlottæ fratris suæ Palatinam hæreditatem, Cardinali Furstembergio Agrippinensem Pontificatum vendicaret. Delphinus secum adducto Duratio Legato (Marescallum Galli vocant) cum equitum quindecim millibus, viginti

ginti peditum Legionibus , reliquis Beuffersio , & Monclario ad terrorem circumferendum divisis , sub ætatis finem Philippoburgum petit . Jacet ad dextrum Rheni latus in Spirensi ditione Oppidum , loci natura , munitionibus , & vario calu celeberrimum . Nomen habet a Philippo Christophoro Soetereno Trevirorum , Spiræque Antistite , qui illud principio hujus Seculi operibus cinxit , & falso quidem consilio tanti fecit , ut dignum potentiori Principe redditum , mox Episcopo ereptum , in Cæsaris , Gallorumque vicissim potestatem concesserit . Heptagoni formam refert , septem rostrata protendens in angulis propugnacula . Interius aggere , exterius fossa , quam brevi deductam spatio flumen interfluit , valloque munitur . Loricam , propugnaculis interiectam , protegit lunata parma . Lateri in Occidentem verso jungitur coronarium opus ; huic alterum cornutum , quod tredecim non amplius passus ab amne distat . Et aliud coronarium explicando trajectui consurgit in adversa ripa . Stagna circum fere continua . Prope flumen , & ad Boream intermittunt . Præerat oppido Comes Staremburgius . Duo Germanorum peditum milia , centum equites præsidio erant . Galli eo progressi , cisrhenanum munimentum , vix obnitentibus Prædialiis , in potestatem redigunt . Dein celeriter ad Vicum Julium ponte imposito , fluvium transmittunt . Nec mora , triplex instituitur

*Arcis & oppugnationis descriptio .*

tur militaris agger ; robustior atque operosior adversus duo borealia oppidi propugnacula , interpositamque parmam ; exiliores ab ripa ad utrumque Forcipis cornu . Magna militum alacritate producuntur , quam laudibus ac præmio Delphinus acuebat , ubique præsens non sine ingenti animi robore , nullisque fractus periculis . Operi ducendo non Præsidium , nunquam muros egressum , resistebat ; sed , vix depresso udo solo , erumpentes aquæ . Nihilo secius quarto die ad Forcipis fossam utrinque succeditur . Postridie testum illic iter vi obtinetur non levi & mutua strage . Bidui spatio fodiuntur scrobes , deducitur aqua , fossa exæquatur , & jam utrumque munimenti cornu majora torinenta mœnibus denudaverant . Quare tentandum constituitur . Quatuor Pyrochtyphorum cohortes ruinas conscendunt . Germani in margine se se objiciunt ; pugnam conferunt . Verum ferociter impellentibus Gallis primò turbant ordines ; mœx in coronarium opus , quod a tergo erat , fuga se proripiunt ; paucis utrinque desideratis , triginta Præsidiariorum captis . Inventæ ibi quatuor machinæ statim in hostes directæ ; & a fossæ quoque labro tria coronariæ munitionis propugnacula dilacerantur . Major hic fuit succandæ implendæque fossæ difficultas , quæ tamen improbo labori cessit . Re perfecta , apertoque per stragem murorum aditu , Legio Andegaven-

ven-

venſis cum aliquot Regiæ cohortibus trifariam diſiſo agmine in ea propugnacula invadunt. Vix diſſipata vallorum ſepe in altum proſiliunt. Prælium non diu tenuit, pedem ordine referentibus Germanis, atque intra oppidum ſe recipientibus. Staremburgius ea munitione capta, deditionis illico ſignum dedit; quamquam adhuc intactis interioribus mœnibus, ac tolerata undeviginti ſolùm dierum oppugnatione. Sed cum nulla in ſpe foret recipiendæ opis, & morbo conſiſtaretur, noluit inutili diſcrimine rem protrahere. Kal. Nov., natali Delphini die, duodeviginti Præſidiariorum centuriæ honeſtiſſimis conditionibus cum quatuor æneis catapultis, ſed pacti in militiam ante Ver proximum non redituros, ne reliquas circum urbes præſidio firmarent, diſceſſere, Ulmam deducti. Reperta quatuor ſupra centum muralia tormenta, comæatuum bellicique apparatus quantum ad longam obſidionem ſatis. Gallis arx muniſſima non plus mille ducentis ſtetit gregariorum militum, paucis minorum ducum, majorum uno Bordagi Marchione exercitus Inſtructore. Quæ dum iſthc geruntur, Humiereſus Legatus cum viginti armatorum millibus Moſam legens, Dinantium atque Huyum, quæ conſtructis ibi pontibus aditum in ulteriorem ripam aperiebant, lubentibus Civibus, occupavit. Inde inflexo ad Rhenum

*Oppidum in Gallorum poteſtatem venit, & quibus conditionibus.*

*Humiereſus Dinantium & Huyum occupat.*



1688.

*Bonnam quoque in potestate habet Cardinalis Furstembergii munere .*

num itinere , Bonnam aliasque haud ignobiles Agrippinensis Ditionis arces in potestate habuit , Cardinalis Furstembergii munere , qui paullo ante Archiepiscopi Maximiliani Octoviri mortem ipsarum imperium , successor designatus , obtinuerat . Coloniam Agrippinam citato progressum agmine , clientelarum ope , quas idem Furstembergiius clanculum in id paraverat , illam surrepturum , Schombergius , dudum in gallica militia clarus Legati nomine , Arausionensis monitu , apud quem religionis causa exulabat , cum ter denis centuriis prævertit . Sub idem tempus Bouffersius cis Rhenum , globo suorum militum circumducto , Cæsaropolim , Crucinianumque munita Palatinatus oppida , simul atque admotæ mœnibus machinæ jaculari cœperant , in deditio- nem accepit . Dein Moguntiam , Vormatiamque profectus , portas aperientibus Civibus , præsidium induxit . Confluentes , loci opportunitate non parvi momenti oppidum , cum nihil pacati respondisset , sæde incendiariis ollis verberavit ; oppugnare , quoniam hyems instabat , nequaquam ausus . Et per hos ipsos dies Monclarus ulteriorem Palatinatum infestis signis pervagatus , Spiram , Hailbrunamque liberas civitates , mox Haidelbergam Octoviri sedem , vacuas præsidio cœpit . Atrox per omnem regionem vastitas est consequuta ; multati maximis pecu-

*A Colonia Agrippina excluditur , & quomodo .*

*Bouffersius aliquot oppidis potitur .*

*Eique Moguntia , & Vormatia portas aperiuunt .*

*Confluentes resistunt , & verberantur .*

*Monclarus Spiram , Hailbrunam , Haidelbergam vacuas præsidio occupat .*

1688.

*Fadissime Pa-  
latinum po-  
pularum deſectis  
etiam veterum  
Imperatorum  
Sepulcris.*

pecuniis Cives, injuriis affecti; nudata orna-  
mentis Tempia; & Spiræ veterum Imperato-  
rum scrutandis Sepulcris, si quid, ut fama fe-  
rebat, auri gemmarumve inesset, cineres exa-  
gitati; tanta ubique licentia militum, ut vul-  
go percrebuerit: satiando Ludovici Regis in  
Philippum Octovirum, Augustani fœderis au-  
ctorem, odio tam diram ejus regioni fuisse  
cladem illatam. Sed comites belli calamitates  
facile quisque miseratione aut ægritudine, cum  
eas aliter ulcisci nequeat, in invidiam vertit. Del-  
phinus, Monclaro cum mille centum equiti-  
bus ad invadendum Manhemium præmisso,  
non ita multo post cum omni exercitu illuc  
advenit. Seder urbs ad confluentem Neccarum  
munitionibus circumvallata; arcem habet diffi-  
ciliorem. Expeditis machinis, ad primam ver-  
berationem urbs Victoris fidei se permisit. Præ-  
dæ inhiantem militem Delphinus coercuit, de-  
ditque argumentum, quæ dudum per id lo-  
corum nimis ferociter gesta fuerant, militari  
furore, non sua nec Patris voluntate fuisse ge-  
sta. Præsidium (mille ducenti erant) in arcem  
concessit. Operibus oppugnari cœptum, biduo  
post ut honestis abire conditionibus sibi liceret,  
petiit, impetravitque. Inde exercitus cis Rhe-  
num reductus, Franchenthalium munitum op-  
pidum subiit. Nihil ei præter auxilii spem deer-  
at ad resistendum. Vix tamen bombardis con-  
cus-

*Manhemium  
obsidet, & ob-  
tinet.*

*Franchenthalis  
expugnat.*

1688.

*Delphinus domito Palatinatu ad Patrem redit.*

cussum in hostium ditionem se permisit. Ita bi-  
 mestri expeditione Palatinatu finitimisque re-  
 gionibus in potestatem redactis Delphinus in  
 Aulam remigravit, decorus Ludovici patris lau-  
 de, Civium plausu, & militari gloria. Mili-  
 tes per devicta loca hybernare iussi, maximæ-  
 que circum, vastitatis metu, imperatæ pecu-  
 niæ, sollicita suspensaque Germania, ne lon-  
 gius procella ingrueret. Quamobrem, qui pro-  
 pius erant periculo, territi ad arma concurre-  
 re; remotiores de communi salute inter se con-  
 ferre; Philippus Octovir, tetram felicissimi du-  
 dum Imperii sui speciem circumferendo, si-  
 dem opemque Fœderatorum implorare; se pri-  
 mum tantò vulnere confossum, dicere; mox  
 reliquis eandem calamitatem, ni caveant,  
 adhæsuram. Ed præcipue verterat omnium cu-  
 ra, ut Cæsar cum Turcis pacem reconciliaret;  
 utque Batavi, atque Arausionensis adversus Bri-  
 tanniæ Regem facinus, quod jamdiu parturie-  
 bant, aliquando parerent. Nunquam enim,  
 aiebant, Gallorum impetum perfractum iri, si  
 Jacobus Rex domestica seditione liber, ipsis  
 animos ac vires addat; Leopoldus Cæsar, si  
 barbarico detentus bello, Germanicum robur  
 augere nequeat. Jam Britannicus tumultus prom-  
 ptus erat Arausionensis non minus studio, quàm  
 rebellantium. Nam cùm XII. Kal. Quintiles  
 Rex virili prole auctus fuisset, id enimvero,  
 ut

*Britannica  
 Arausionensis  
 contra Jacobū  
 Regem expedi-  
 tio describitur.*

*Unde orta at-  
 que eunivita.*



ut seditio in apertum prodiret, plurimum valuit. Qui ab Catholica Religione abhorrentes adhuc incerto animo fuerant, illeſti ſpe, Regem, qui mox Iacobo ætate jam proſecto nec ſoboleſcenti ſufficiendus eſſet, a Romanis Sacris alienum fore. Nunc inſperato ſua fraudati opinione (quippe legitimo Succeſſore, qui modò natus erat, Parentum ſuorum cultam Catholico ritu religionem proſequuturo) ſe ſe hanc reſpicientes extra diſcrimen ponere, induxere tandem animum. Et qui odio aut ingenio jamdiu res novas moliebantur, Arauſionenſis præter cæteros, ſoliciti ne firmata regia ſtirpe, amor in eam populi reviviſceret, dare conſiliis tempus, in rem ſuam non eſſe reputarunt. Itaque frequentes ad Vilhelmum Proceres ire ſpreto Regis edicto, qui cunctis mare, niſi facta ab ſe navigandi poteſtate, vehementius per eos dies in ſuſpicionem adductus intercluſerat; illum hortari, ut ſtatim transmitteret; monere, nullam eſſe Reipublicæ partem tumultu vacuam. Sed ingentia facinora vel citò patrari, vel nunquam: moram iis inimicam eſſe, facilè ſubeunte metu, ſi ſe reſpiciant. His ille atque aperta fretus tot ex unoquoſibet Ordine Civium voluntate, qui ſe ſuamque fidem datis literis veluti pignore obſtrinxerant, non amplius tardandum ſtatuit. Præſertim cum jam abiret autumnus, idque eſſet anni tempus, quo Batavis altum vul-

1688.

*Ab Arausio-  
nensi cum duo-  
bus supremi Fed.  
Ord. Magistra-  
tus communica-  
tur.*

*Probata fulci-  
tur viribus Rei-  
publicæ.*

*Jacobus Rex  
ad eam repel-  
lendam accin-  
gitur; quo con-  
silio & viribus.*

nus ab Gallis inferri haud amplius posset. Ne  
verò facinus, ut cum ex plurium voluntate  
pendet, æmulatione aut nimia sagacitate cor-  
rumperetur, supremum Fœderatorum Ordinum  
Magistratum rogatum adiit, ut, qua de re sibi  
dicendum foret, uni aut alteri ipsorum clam,  
ceteris dici latis haberent: quorum sententia, si  
bene constituta videretur, fulto sibi Reipublicæ  
viribus gerendam permetterent. Quamquam in-  
usitata suspectaque postularet, Magistratus annuit;  
datique duo, qui remotis arbitris rem perpen-  
derent judicarentque. Renuntiantibus, vide-  
ri cuncta, quæ ille meditatus fuerat, feliciter  
evasura, dicto fides habita; datumque, quic-  
quid sibi ad rem patranda opus fore postulasset.  
Discedentem, cum in Curiam venisset salutan-  
di causa, lætis omnibus prosequuntur. Iret, ex-  
plicaret consilium, quod sibi proposuisset. Se  
fretos ejus prudentia ac strenuitate non dubitare,  
quin illud ita digesserit, ut redargui temerita-  
tis nequeat. Ceterum nihil magis inexpressibile,  
quàm ingens aliis inferre periculum irritò even-  
tu; nihil æque gloriosum; ac maximum faci-  
nus pro miserorum salute, Religionis tutela, Pa-  
triæ securitate susceptum felici exitu. Quæ dum  
illic jam non occultò geruntur, Jacobus Rex ad  
ingruentis vim tempestatis frangendam repellend-  
amque studiis omnibus adjecit animum. Ar-  
maverat sagittariorum equitum mille, quinque mil-

millia levis armaturæ ; Anglorum , qui pedibus merebant , viginti millia ; Hibernorum septem , & horum agmen alterum Tyrconellus prætor parabat ; Scotorum quatuor . Quadragenas Hibernorum centurias excubare ad Conjugis Natiq̃ue tutelam ; reliquos prope Salesburium castra metari iussit . Cunctis Duratium Feverfami Comitẽ præfecit . Provincialibus mandatum , ut quicquid boum equorumque haberent , ab litore ultra vigesimum lapidem retraherent , ne hostibus ad transuehendas machinas atque impedimenta usui forent . Darmuthi Comiti classis præfecto , ut illam educeret ; occurreretque adventanti Inimico , pugnam initurus , imperitatum . Erant bellicæ naves quadraginta , unde viginti incendiariæ , quibus ad certam victoriæ spem nihil deerat præter ipsius Præfecti plurimæque Navarchorum fidem . E Scotia accitæ aliquot legiones . Quinque hominum millia Perthiæ Comes , politicorum ibi negotiorum præses , ad regni fines Carleolum misit . Montanorum , gentis suo Regi fidissimæ , quindecim millibus Strevelinum accedere inditum , illinc , quod ferret occasio , profecturis . Hæc adversus externas vires . Civibus reconciliandis , quidquid tanta contentione ac studio quadriennii fere spatio Catholice dederat Religioni , vix non penitus abrogavit . Vetitum , ne quis illam sectantium ad Comititia deligeretur , neve amplius in propatulo

1688.

*Terrestribus Co-  
piis præficus Fe-  
vershami Comi-  
tem .*

*Classi Darmu-  
thi Dynastam .*

*Quicquid ad  
Catholicorum  
utilitatem de-  
creverat , abo-  
let .*

1688.

*Et quicquid se-  
verius adver-  
sus Anglicanæ  
Sectæ Episco-  
pos, & Civita-  
tum jura.*

*Plurima idcir-  
co ei gratulatio  
& servandæ fi-  
dei promissio.*

Romana fierent Sacra . Quotque illa colebant , ab Oxonienſi Academia , ejusque Magdaleneo Col- legio abire juſſi . Inſtitutum Anglicanis Myſtis coercendis Tribunal , abolitum ; Londinenſis Antiſtes muneri ſuo reſtitutus ; priſtinæ Civita- tibus , quæ non parum contractæ fuerant , red- ditæ immunitates ; cogendi primo quoque tem- pore Concilii data fides , & nihil vel ſe vindice ad ejus libertatem defuturum . Quæ tamen , quia metu expreſſa videbantur , ad acuendam perfidiam ſuas ita monitam vires , valere . Adeo vel ipſa beneficia , ſi non in tempore ac ſponte oblata , ſæpius nocent . Sacrorum Præſidi- bus , quotquot Londini erant , in Aulam vocatis , ceteris per literas dat negotium , ut ſuos in of- ficio continere ſtudeant . Ad hæc factæ undique , acclamationes , fideſque eò promptius promiſſa , quò mox peritura . Scotiæ Senatus , complura Municipia , Procerum quot adhuc Londini ver- ſabantur , militares duces , Societates , aliique Ordines , opem quique ſuam polliciti , ut bono eſſet animo , adhortabantur . Quin & Darmuthi Comes glorioſe renuntiavit , ſe modò e portu ſoluiſſe , velaque , cum hoſte congreſſurum , in altum dare ; mox fore ut illum ſolum fugatum- que , Regnum metu liberum referat . Tamen Antiſtites aliqui reperti ſunt , qui Regem de mutanda Religione , ſi otium vellet , admonue- rint , tanta iplius indignatione , ut palam ejus-  
mo-

modi temeritate imminutam majestatem con-  
questus fuerit. Factam a reliquis spem gratam  
habuit, tantique reputare visus, ut edicto pro-  
mulgaverit, se fretum suorum populorum fide-  
litate externa repudiasse auxilia, ne quidpiam  
iis decedat gloriæ, si non ipsorum strenuitate  
repulsus hostis; neve ignominie accedat, si ve-  
riti peregrinum militem ab eo suscipiendo se  
continuisse, censi possent. Quamquam jam tum  
denique interioribus amicis crediderat, Proce-  
rum Civiumque aliquos labare. Iis nihilo secius  
inquirendis abijciendisque abstinuit, seu paucos  
ratus & in plurium constantia nihil ausuros;  
seu tantæ moli tempus non suppetere, & satius  
esse in discrimen se permittere, quàm turbandis,  
plusquam nunc essent, rebus ansam præbere.  
Unum tantummodo, ceteris deterrendis, & ju-  
sto dolori obsequutus, ab se se abegit Rober-  
tum Spenserum Sunderlani Comitem, Sena-  
tus principem, arcanorumque participem ac  
prope arbitrum; cujus præsertim consiliis in-  
plagas Regem inducunt nemo dubitat; illud  
incertum, perfidia an errore. Hunc Jacobus  
durum adversarium expertus fuerat, cum in  
Concilio de prohibenda sibi ob Catholicam Re-  
ligionem Regni hæreditate, viuo adhuc Caro-  
lo, sermo fuerat. Deinde amicum, fautorem-  
que acerrimum, ubi hac illum spe depulsum  
querentemque in gratiam redire libenter acce-  
pe-

*Spenserum Sun-  
derlani Comi-  
tem in exilium  
pellit.*

*An is fuerit  
perfidia reus?*

1688.

*Unde hujus or-  
ta anteaque su-  
spicio.*

perat, hominem magnis opibus magnisque  
fulcrum clientelis, majori præditum rerum agen-  
darum dexteritate, & unde ingentes fructus,  
regnum assequutus, percipere se posse arbitra-  
retur. Igitur ubi Fratri successerat, confestim  
præcipuis muneribus honestatum ad intimas  
de Republica deliberationes adhibuerat, ejus-  
que præsertim auctoritate adactus, rem Catho-  
licam, nullo adversantium & futuri metu,  
strenue ab tot suæ gentis injuriis vindicandam  
susceperat; fama que tulit, ab eo propositum,  
quicquid vel ipso ancipite quandoque Rege  
imperatum irritaverat præter cetera Civium  
animos. Quod cum Robertum, summa virum  
sagacitate, longe prospexisse dubitari non pos-  
set; contra verò pertinaciter contendisset non  
timendum a Batavis, quos nemini insidiari sci-  
ret ornanda classe; prorsus abigendum Britan-  
nici tumultus pavorem, cujus inanis increbre-  
sceret rumor; nec præbendas delatoribus aures,  
ne suspicaces animi ad scelus antea non cogi-  
tatum, sibi cavendo, ruerent; argumentum de-  
dit subleste fidei; cum præsertim per id tem-  
poris frequentes ab ejus conjugē ad Mariam  
Arausionensis uxorem literæ commeassent; ejus-  
que avunculus Henricus Sydneus, Conjurato-  
rum unus, in Hollandiam profectus, clam apud  
ipsum Arausionensem diversaretur. Intercepta  
quoque ejus epistola, qua suum in Catholicam  
Re-

Religionem ab Anglicana digressum huic utilitati fore, quasi melius alteri e propinquo nociturus, profitebatur. Eadem mox Religio ab ipso, postquam ex Anglia ad Batavos decessisset, deserta fraudis suspicionem auxit. Nihilo tamen secius perfidiæ damnari, quia præmio caruit, non posse videtur. Nam plerumque ex emolumento scelus, rarum ex ingenio. Hoc rerum Britannicarum statu Arausionensis III. Kal. Nov. collecta classe atque exercitu vela fecit. Quinque & quadraginta bellicis navibus, quindecim incendiariis, amplius quingentis onerariis traducebat equitum quatuor millia, peditem undecim, quos inter duo Scotorum millia, totidem Anglorum; armorum ingentem numerum; pecuniæ decies centena millia Cononatorum. Insignia Nassaviæ Gentis pro vexillo erant imperatoriæ navi, circumposito lemmate: pro religione ac libertate. Cum eo confecerant Scombergius extorris Gallia, Anglorumque Procerum Henricus Sydneus, Carolus Thalbotus Salopiæ, quam modò Shresburiū vocant, Carolus Gerardus Marchelsfeldi Comes, Mordantius, Herbertus. Hic, ut dudum in Anglia, Legati munere ductabatur primum classis agmen; medium Arausionensis; postremum Evertzenus maris præfectus apud Zelandos. Vix in altum progressis, ingenti procella inhorruit pelagus tumuitque adeo, ut naves,

*Unde posita.*

*Arausionensis in Angliam solvit.*

*Qua classe, viribus, comitatu.*

1688.

*Tempestate di-  
si eius redire  
cogitur.*

*Citò sarcitur  
classis.*

*Quid susceptæ  
expeditioni  
pratenderit.*

ves, cum susceptum insistere, adversante ven-  
to, iter nequirent, jactatæ disiectæque tempe-  
statè, equis plus mille in profundum projectis,  
magno armamentorum & compagum damno  
ad Mosæ ostium, & quò unaquæque proxi-  
mum litus arripere potuit, redire coactæ sint.  
Celeriter sarcuntur; & contulere studium Fœ-  
derati Ordines ea sedulitate, ut intra quintum-  
decimum diem instructæ iterum paratæque fue-  
rint ad navigandum, auctæ insuper septem bel-  
licis humilioris formæ (Fregatas vocant). Præ-  
cesserat movendæ seditionis tuba, publicis con-  
signatum literis monumentum, quo Vilhelmus  
Scotiz Britannizque populis ostentabat, se ab  
ipsorum clarissimis genere ac dignitate roga-  
tum evocatumque, & regni commotum ærum-  
nis, opem afflictiis rebus, priusquam penitus  
corruerent, adducere. Qua quidem in re nul-  
lam privatim sibi utilitatem proposuisse, sed  
rem sacram ex Anglicanis institutis tutandam;  
coercendam intra legum modum regiam pote-  
statem, altius sese efferentem, & mox, ut li-  
centius irrumpat, ingenti Civium pernicie quic-  
quid superesset aggeris dissipaturam; celebran-  
dum Gentis Concilium, cui quod lubeat, pro  
Patriæ bono & sentire & agere liceat; Ca-  
tholicorum arrogantiam, plures jam usurpan-  
tium magistratus, præfecturasque, reliquis inhian-  
tium, comprimendam; regni hæreditatem sub-  
diti-



dititiæ proli per simulatum partum quæſitam, legitimo Hæredi conſtabiliendam. Monere ſimul ut, cùm Rex per eos dies fidem ſeu magis verba dediſſet, ſe cuncta, quæ ad Reipublicam ac Religionem pertinerent, e Civium ſententia moderaturum; haudquaquam fiderent fallacibus promiſſis, ejuſque voluntatem non ex præſenti metu, ſed ex præterita fiducia metiri vellent. De mutanda Imperii forma, exauctorando Rege, ac ſe in ipſius locum ſufficiendo tacuit, veritus ne in ſententiarum varietate, aliis alia exoptantibus, diſcordia obreperet. Rex, præoccupato ea novarum legum abrogatione ſuæ gentis deſiderio, cùm ſeditionem ſatis hinc exarſiſſe crederet, e vulgi opinione ſtolidam quoque ſuppoſiti Infantis fabulam extorquere voluit; publicis mandato literis tot Procerum Antitiſitumque teſtimonio, qui Valiæ Principem naſcentem viderant. Et nemo quidem per id quoque temporis ingenuo fuit animo, cui non ſtomachum moverit, eò ſtupiditatis aut inverecundiæ Britannos deveniſſe, ut huiſmodi commentum excogitaverint, crediderint, protulerint; haud reveriti regiam majeſtatem, quam tantæ fraudis damnatam vulnerarent; non tam illuſtres Viros, quos mendacii redarguerent; non ſui conſcientiam ſceleris; quippe, qui cùm ſæpius Reginam uterum geſtantem vidiffent, negata oculorum fide

*Jacobus Rex  
ſubdititiæ ſuæ  
prolis fabulam  
apertiſſime e-  
vertit.*

Tom. II.

E

fuf-

1688.

*Arausionensis  
iterum in An-  
gliam navigat.*

*Appulsus ali-  
cubi excipitur.*

*Magni in An-  
glia ubique tu-  
multus dubio  
successu.*

suffarcinatam iniquis sermonibus divulgarent. Nec minor iniusta labes Arausionensi, qui nuper gratulatus Regi novam sobolem, & huic deinceps ut reliquis propinquis, dum domi publice rem sacram faceret, auspicatus, illam modò, ambitioni potius quàm verecundiæ serviens, diffiteretur. Fabula suis confossa telis citò periiit; manet assertæ pudor, & posteritatis iudiciùm. Vilhelmus ornata iterum suppletaque classe Id. Nov. e portu solvit. Altero die ad australem Britanniae oram pervenit. Expositis circa Limam Torbayumque prope Dermutham copiis, Exoniam Devoniae provinciae caput ire pergit. A Civibus receptus, aliquot ibi dies moram traxit; intentus, qui ad se populorum concursus, qui motus ubique fierent. Magni confestim & frequentes orti, sed non pari successu. Primæ Devoniae provincia Cornubiaque, solitante Bathoniae Comite, qui Devoniae præerat, rebellarunt. Eboracum deinde cognominemque tractum in ejus fidem adduxit Danbigæ Comes. At Bristolio insidiantem cientemque per ea loca turbas cum globo militum Lovellatii toparcham Bedfordiae Dux, collecta popularium manu, pugnantem cœpit, reliquis dissipatis. Tumultus quaquaversum pervaserat, Conjuratis clientelas, & quos rerum novarum cupiditas illiciebat, ad signa vocantibus. At simul pro sua in Regem fide plures consilio aut armis, ne ma-  
lum

lum serperet, obnitebantur. Pars major ex eventu in alterutrum inclinatura videbatur. Hæc Arausionensem angebant, veritum inimicam seditionibus moram. Nec minor irreperat in Regem sollicitudo, quoddam perfidia lues ingredi exercitum cœperat. Tres legiones, quas ad invadendam prope Axam urbem hostium stationem acceperat, Cornubius tribunus militum in itinere, ut secum ad Arausionensem desisterent, subornaverat, paucis manipulis, ne fidem mutarent, remeantibus. Exemplum graviora minitabatur. Nam defectionum initia, quia periculum & pudor obstat, difficiliora. Si semel incipiant; sæpe odio aut metu trahuntur alii, plures sequuntur. Itaque Rex, ut quantum consilio posset, ulcus sisteret tentaretque, an adhuc in aliorum animos penetrasset, militares præfectos, quot secum retinuerat, ad se vocatos de Cornubii defectione certiores facit. Cum quisque tantam perfidiam detestaretur, paucis infuit. Ita sane vestra mihi & animi & generis suadet indoles. Nec aliter suadere vobis posse videtur meus in Cives amor, quo, nulla mei habita ratione, quicquid ipsis displicebat, dudum delevi. Concilium quoque, ubi primum, quieta Republica cogi poterit, cogam, in eoque meam nemo facilitatem inclinatamque in omnium studia voluntatem desiderabit. Quoddam si hæc tanti esse non ducitis, ut vestra & cuius-

1688.

*Tres legiones  
ab Rege ad Arausionensem  
deficiunt.*

*Regis ad explorandos animos concio.*

que Civium erga Regem suum maneat fides, liberis vocibus, quid in mente geratis, palam facite, ut vos ceterosque sacramento, quo mihi obligati estis, absolvam; ne, quod quispiam scelus patrare induxerit fortasse animum, periculo violataque maiestate cumulet. Sit hoc extremum benevolentiae, ut minuendo crimini Cives malim ingratos quam perduelles. Hæc dicentem omnium gemitus interruptit; subsequutaque effusus cum lacrymis vox affirmantium, nihil sibi ea dubitatione molestius accidere: quasi negligenter ignorarentve, tantum ab Rege suæ genti datum, quantum nemo unquam sperare potuisset; proinde se colligeret, perciperetque ipsa re: virtutes reliquas optimo Principi gloriam parere; in una concilianda populi benevolentia securitatem inesse. Ille constanter ab iisdem asserta fide, acceptisque a Fevershami Comite literis, quibus admonebatur, præter Cornburium, defectionem neminem infecisse, confirmatus, ire ad exercitum statuit, prælio adversus Arausionensem, priusquam novis accresceret viribus, dimicaturus. Adhuc enim lente serpebat per provincias flamma seditionis, hærebatque data Arausionensi spes, ad ejus adventum secessione regias copias dissipatum iri. Is proinde per eos dies cum intimis conjuratorum egerat, ut capto per insidias Rege, compendio rem absolverent. Nec ad irritum sermo ce-

*Que plausa ex-  
cipitur.*

1688.

*De capiendo  
Rege instrum-  
tur insidia.*

*Exonia Anti-  
stis, aliorum-  
que perfidia.*

*Quo pacto elu-  
sa.*

cecidit . Primas agendi partes susceperat Exonia Antistes, qui, ut perfidiam, quò plus noceret, vultu ac verbis teget, vixdum Exoniam Vilhelmum progredi cum exercitu noverat, vehementer Cives hortatus fuerat e superiori loco, ut portas adveniēti clauderent firmarentque urbem stationibus. Se celeriter, opem exoratum, in Aulam ire; modico studio ac tolerantia parerent sibi servatæ fidei decus, mox pretium amplissimum relaturi. Comiter ab Rege acceptus, ac statim ad conciliandam ostentato præmio reliquorum voluntatem, nobiliori Eboracensi Sacrorum præfectura honestatus, admissusque ad arcanos sermones, ipsius Regis consiliis plurimum moderabatur. Dum in Aula commoratur, cum Curchilli toparca, Conjuratorum altero, regiis eo pariter beneficiis obstricto, de insidiis, ubi & quibus artibus instruendæ forent, convenerat. Regem, dum ad exercitum iret, comitati Salysburium pervenerant. Incerto, illico ne ingressus castra, quæ propius hostem promota fuerant, militibus se permetteret, an tantisper e proximo illorum mentem specularetur, omnem abruptere suadent moram. Præsentem, dicere, animos bonis Civibus additurum, ut pro communi salute alacritus armorum discrimen subeant; malis, si qui sint, terrorem, ut se cohibeant. Neque verò, cum in propinquo sit hostis, cunctandum esse.

Nam

1688.

Nam quiescunt desperato eventu ambigua ingenia, panditque turbulentis consiliis aditum occasio. Interim Arausionensem monent, postridie Regem parvo & prope inermi comitatu, ut per tutissima loca, iter Salysburio ad exercitum prosequuturum. Saltum, quâ progrediendum erat, aptum insidiis locum, tacito agmine insideret. Se se illi adhæsuros inducturosque sermonibus explorandæ muniendæque viæ negligentiam. Re composita, postridie mane Rex vix non rhedæ inferebat pedem, cum repente stillare ipsi e naribus sanguis cœpit, attulitque procrastinandi necessitatem. Dum cunctatur, stratas positasque insidias (quo pacto ignoratum) cognovit. Dissimulata causa, ne dilapæ opportunitatis ira, futuræ desperatio, atrociora consilia suggereret Conjuratis, diem illic absumpsit. Ubi illuxit, veluti ex improvviso Londinum rediit, missis prius ad Fevershami Comitem literis cum mandatis, ut quas fidissimas legiones arbitraretur, eò secum adduceret, reliquas dimitteret. Statuerat enim, principē urbē timore, sin minus auctoritate, in officio retenta aut parum aut tardius seditionis luein integris regni partibus nocituram; sibi interim spatium fore ad respirandum, restituendamque affectæ Reipublicæ sanitatem. At ubi labare cœpit fortuna, impellitur mole sua, nec facile sustinetur. Exoniæ Antistes, Curchillus, Graf-

to-

*Rex Londinum  
redit.*

*Quò fidas Legio-  
nes adduci ju-  
bet, reliquas  
exauthorari.*

1688.

*Procerum plures ab eo descescunt.*

tonus, aliique Conjuratorum hæcenus circa Regem versati, postquam illum mutata sententia ab exercitu recedentem vident, & se detectos, ad Arausionensem pergunt. Quotquot Procerum e rerum inclinatione consilium moderari suum constituerant, audita Regis consternatione, male hinc ipsi ominati, derepente in Vilhelmi partes, ne facti pretium minueret mora, concessere. Hos inter Georgius Daniæ Regis frater, qui gener Jacobo erat cum Anna coniuge, Ormundi Dux, Antonæ borealis, Mancuvii, novi Castri, Abindoniæ Comitès plus ceteris in ore hominum fuerunt. Repentina quoque totius exercitus dissolutio consequuta est, corrupta dubiaque ejus parte ad Æmulum abeunte, ceteris domum aut in aliquam viciniam arcem, si fortè, nondum a præfecto mutata fide, reciperentur. Rex Londinum reversus, cunctos, qui ibi dignitate, natalibus, auctoritate illustres diversabantur, ad se accersitos, quid in tantis tenebris Reipublicæ gerendum videretur, sententiam rogat. Mæstum primò silentium tenuit, mox interruptæ gemitu voces indignantium, serò perditis rebus medicinam queri. Cum nemo singillatim auderet liberum proferre sermonem, invidiæque se offerre; unus Clarentiæ Comes, atque alter Cantuariæ Antistes, ille affinitatis fiducia, hic dignitatis, inventi sunt, qui ex communi sententia palam

*Et Magna sui exercitus pars.*

*Rex quotquot Londini sunt aliqua dignitate, consulit.*

*Datum consiliis accipit. exequiturque.*

ca

1688.

ac libere Regi denuntiarent: non de frangendo populorum tumultu, sed de placandis animis agendum videri. Eò rem progressam, unde non vi non armis revocari queat. Ire jam suo pondere suoque impulsam momento, facile quidquid obliſtat, proculcaturam. Itaque obsecundando retardare ac mollire ejus impetum opus eſſe. Nunc verò non aliam obsecundandi rationem se offerre, quàm si nulla morà Concilium convocet, ei se permittat, & qualecunque remedium desperatis prope rebus ab ipſo proponatur, gratam habeat. Simul per legatos agat cum Arauſionenſi, ut accepto hibernis loco ſiſtat agmen, & in Regiam proſectus conſiliis non gladiis Rempublicam explicare velit. Senſit Rex, quàm acriter ſibi eſſent inſenſi, qui hæc proferrent; & ipſorum alterum ereptæ Hibernæ præfecturæ, alterum Londinenſis carceris adhuc memorem. Noluit tamen quidquam ſibi reliquum facere, quo publicum otium reſtitui poſſe reputaretur. Itaque habendis Comitiiſ diem perendie Id. Januar. edixit; ad Arauſionenſem tres procerum legavit Halifatium, Nortinghamum, Godolſinum cum liberis mandatis, ut in iis rerum anguſtiis, quàm commodiùſ poſſent, rem ſalva majeſtate componerent. At cum diffideret, ad honeſtas illum conditiones traduci poſſe, quem non temere arbitrabatur, regnandi cupiditate,

non

*Comitia indicit, ac Legatos ad Arauſionenſem mittit.*



non Anglorum benevolentia, neve eorundem religionis studio, quam ipse non sectaretur, sumptuosam plenamque periculi expeditionem suscepisse; in rem esse duxit, cavere in omni fortuna regiæ Coniugi & Filio, ut salvo regni hærede, longius ab Æmulo dimoveret, qualiscunque sibi fortuna subeunda foret, dominandi spem. Itaque duo illa augustæ Familiæ pignora clam subducta, creditaque Povii Marchioni cum fidis custodibus ad Portum magnum ( patria voce Pormuthum dicunt ) deduci iussit, datis ad Darmutum classis præfectum, ut ea in Galliam transmitteret, literis; quem nondum alieno ab se animo esse didicerat, quamvis insigne, declinato occurso Batavæ classis, sublestæ fidei documentum exhibuisset. Darmutus, secum opinatus, id Arausionensi grave incommodumque futurum, varia causatus abnuit. Illi viam, ne in suspectis manerent locis, regressi, ingentibus curis implexo Regi hac nova solitudine molestiæ atque ægritudinis cumulum addidere. Ejus Legati Vilhelmum convenerant docuerantque, præoccupasse Regem cuncta abrogare, quæ dolorem suæ genti fecisse compererat. Concilium quoque mox agendum indixisse, ut si quæ alia fieri ad commune instaurandum otium medicina posset, omnium sententiis decerneretur. Cum igitur ad quod ipse armatus venerit, con-

*Coniugem & Filium in Galliam deduci imperat.*

*Classe non excipiuntur & Londinum redeunt.*

*Legati Regis Arausionensē adveniunt.*

*Tom. II.*

F

fe

fectum sit; arma quiescere opus esse, ne tempestive ad salutem educta, postquam occasio decesserit, perniciem afferant. Angliam non amplius ejus viribus sed consilio indigere. Nam ferro salubriter curari corpora, quoad stupent; ubi ad se redierint, ictum si addas, lethaliter vulnerari. Torporem, quo plerique alienis malis obduruerant, ejus adventu discussum; nunc ingenio ac dexteritate colorem valetudinemque affectæ Reipublicæ restituenda. Proinde sequestris; non bellatoris in speciem Londinum procederet, & quam adducto exercitu sibi gloriam, Britannis utilitatem peperisset, dimisso aut in hiberna deducto, cumularet. Hæc a legatis renuntiata Vilhelmo displicuere, haud ignaro: pacatis regia facilitate Civibus, nihil sibi ad regnandum spei superesse. Quippe qui penitus jam exploraverat, iis multò maxima ex parte, seu judicii æquitate seu belli civilis metu, non Stuardos, non Jacobum, non Regem invisos esse; supremam tantum potestatem intra angustiores fines coercitam velle. Quod ubi Concilii auctoritate peractum fuisset, quietem in Anglia, sibi suscepti facinoris damnum, irriti dedecus atque odium fore. Ictui, quo nullo atrociori percuti potuisset, declinando, veluti in re gravissima consulturus, responsum distulit. Propius Londinum progressus legatos vocat, compositoque ad severitatem vul-

*Triste responsum referunt.*

vultu paucis infit. Rex tantum vulnus intulit Anglicanis legibus ac Religioni, ut infensam exuisse mentem, haud facile mollioribus dictis credi possit. Quotidie mihi in aures infusurant clarissimi omnium Ordinum viri: mansuetudinem timore inductam, hic si decedat, in iram verti eò vehementiorem, quò animus vi & ingratis abreptus fuerit in alienos mores. Id autem qui ab Jacobo rege non timeat, eum videri præteriti temporis parum memorem, præsentis ignarum. Quocirca ut absolvam beneficium, rogant, neve tot laborum fructum, jam feliciter maturefcentem, nimia credulitate aut mora corrumpam. Ego, qui status sit rerum, præsens inspiciam. Quietus Londinum ingrediar Socero obsequutus; sed ita, ut, cum populi ærumnis mederi aggressus fuerim, a perficienda curatione prohiberi nequeam. Hæc loquutus, iter accelerat. Rex aditum per literas ab uno legatorum monitus, nihil sibi ab Genero tutum; ea respondisse, quæ turbulenta consilia, & non obscuris indiciis illum regnandi avidum ostenderent; omni se nudatum præsidio circumspiciens, dissipato exercitu, infida classe, procellam declinare, sævientique nimium fortunæ in præsentia se subducere, induxit animum. Re deliberata, id ei primum fuit Conjugi Valliæque Principi consulere. Navis apud Gravesindam in Galliam conducitur. In-

*Conjuge, &  
Filio prius in  
Galliam dimis-  
so.*

1688.

*Quo pacto evaserunt.*

*Caletum appellant.*

*Rex postridie in navem conscendit.*

*Vento repulsus litus repetit.*

*Cognitus detestatur.*

gentis erat difficultatis, occultò e Regia egredi, stipatoribus, ut suspiciosissimo tempore, diligentius excubantibus, incertoque omnium animo. Tamen feliciter res evenit. Concubia pluviaque nocte XIV: Kal. Jan. parvo sed fido comitatu per posticum cunctis ignoti evaserunt, nec se quinquemestris Infans vagitu prodidit; quod prope miraculo fuit. Tamesi amne trajecto, exceptique mercenaria rheda, ante lucem navi proximam ripam tenuere. Ignoti conscendunt, felicique navigatione postridie ad Gallicum litus, ubi se aperit Caleti portus, appellant. Nocte insequenti Rex per eadem occulta itinera ad aliam navem pervadit, quam sibi in Galliam pariter soluturo ab interioribus amicis curari iusserat; celebrandorum Comitiorum decreto, priusquam discederet, ne legitime haberi possent, antiquato. Navarcus vela se statim facturum promiserat, quamquam inornatus ad navigandum, opimo illectus naulo, & fidem tenuit. Sed cum ventus increbruiisset, nec ad impetum sustinendum armamenta sufficerent, his suppleendis litus repetere opus habuit. Prope Feuershamum jactis anchoris, dum bajuli navem instruunt, eorum quispiam Regem de facie novit, indicavitque Magistratui, a quo (nam severissimum, ut retineretur, urgebat Arausionensis edictum) in terram summis honoribus deducitur; discedere tantum prohibitus, quoad

quoad Londinum delato, nuntio, quid sibi ejus  
agendum foret, renuntiaretur. Magnos ibi con-  
civerat motus Regis fuga, miserantibus aliis,  
eò tantum Principem conditionis adductum;  
aliis gloriantibus. Dum plebes variis sermoni-  
bus distinetur; Proceres, quotquot aderant, qui-  
bus suffragii in Concilio jus erat, conventum  
habuerant, miserantque publico nomine ad  
Arausionensem quatuor legatos, qui vacuum  
illum in Regiam invitarent, dicerentque sibi  
& reliquis Civibus additurum beneficii pretium;  
si præsens explorare vellet, quo essent in ser-  
vatore suum incredibili obsequio, obstricta  
penitus voluntate. Id postquam gestum, nun-  
tius recepti e fuga Regis advenit. Gravis hinc  
Procerum mentes, de re gerenda ambigen-  
tium, incessit cura. Cum aliis aucupandam  
Vilhelmi gratiam negotio in eum reiecto,  
alii demerendam tradito ab se Rege arbitra-  
rentur; vicit sententia, quæ de ipso hono-  
rifice in Aulam reducendo fuit. Quamo-  
brem illuc ire jussus Duratii Comes cum  
prætorianorum cohortibus regioque ad iter ha-  
bendum apparatu, Regem oravit, ut ad suos  
rediret. levaretque anxios suo discessu Civium  
animos; & ille ingenti magnanimitate haud  
abnuït, quamquam incertus, quò eorum con-  
silia tenderent, & quid ultra in se fortuna mo-  
liri vellet; Londinum ingressò medianque pe-  
ragran-

1688.

*Quid Londini  
de ipso agita-  
tum.*

*In Aulam ho-  
norifice reduci-  
tur.*

1688.

*Ingenti plausu  
excipitur.*

*Arausionensem  
ad se invitat.*

ragranti urbem incredibilis cujuscunque generis multitudo, festivas iterans voces, occurrit. Nemo lætitiæ tenere modum, certare unufquisque plausu, officiis antecellere. Dies hilari acclamatione, nox ludicro igne ac splendentibus ubique facibus celebrata. Adeo potentiorum ærumnæ, velut æquata forte, benevolentiam; fœlicitas invidiam quæ & odium, si tumeat, pariunt. Hinc aliquam in spem adductus, in Civium animis supremæ potestatis reverentiam natura omnibus inditam revixisse; ne occasioni deesset, rursus Generum; misso Fevershami Comite, oravit ut parumper facta exercitus adducendi mora ad se veniret vel cum aliqua ad sui tutelam prætorianorum cohorte; secumque congressus, unanimi consensu de Republica deliberaret; accepta fide, facilem ad ea, quæ sibi instauranda proposuisset; Socerum habiturum. Ille ignarus, haud raro vulgus mobilitate ingenii, fluctuum instar, in alterutrum variare, & maximi ad repentinos affectus, quicquid oculis subijcitur, momenti esse; vixdum Regem noverat Angliæ litus repetiisse, Zuyesteinum familiarem suum ad eum legaverat, graviter obtestatus, ne ultra Rossam progrediretur. Nunc audito, ipsum a Proceribus evocatum populi-que favore exceptum in Regia diversari, vehementer exarsit partim dolore quoddam ille præoccupata via nuntium antevertisset, partim pavore,

vore , ne jam prope naufragus emergeret atque in discrimen adduceret res hactenus sua & Conjuratorum industria feliciter inchoatas , quæque vix non in vado esse viderentur . Ambagibus non amplius utendum ratus , soluto pudore atque iræ indulgens , liberius asperiusque agere instituit . Itaque legatum in vincula conijci , causatus ab eo dimissum . Regis exercitum , qui suas in partes traduci , sibi que mereri cuperet . Quamquam illum non ita multò post , famam violatæ legationis , nec sibi amplius timens , in libertatem restituit . Dein duo militum millia Londinum ingredi , Regiæque aditus custodire jussit . Simul ad Jacobum tres dynastarum Halysatium , Merium , Schresburium durioribus verbis nuntiatum misit , Humum Haptonive Curiam discederet . Quippe ad Rempublicam pertinere , ut ego , inquit , statim Londinum me conferam ; nec ita rem ferre ut modò utrique eodem loco versari liceat . Tacuit Rex ad imperii severitatem , cum suarum non esset virium , obniti ; non dignitatis , detrudi ; dumtaxat Generum obtestatus , ut sineret se Rossæ potius domicilium statuere . Haud obscurum erat , quin illinc fugam iterum , adjuvante loci opportunitate , in Galliam meditaretur . Et Vilhelmus diu anceps an id e re sua foret , tandem permisit . Ferunt , duo illum , ut Socerum sibi eripi e manibus pateretur , impulsisse . Unum ,

*et quo abire  
Londino jussus.*

*Fuga sibi rursus  
consulendus  
statuit.*

*Ab Austronensi non impeditur, & quare.*

ut

ut apud Cives exterasque nationes discessus invidiam in ipsum verteret, & minus sibi ad absolvendum facinus negotii relinqueretur: iis, qui hactenus ab Rege animo non defecerant, profugum illum rebusque desperantem suis, ut sibi consulerent, proclivius deserturis; & plures, veluti exonerata fide, faciliores se præbituros ad res novandas. Alterum, quodd reputaverit, quem Galli æmula gens in avitam reducere sedem annisuri forent, ab Anglis difficilior receptum iri; idque inter eos belli, quod inflammari, sua & fœderatorum nimis intererat, initium fore. Præcipue tamen nullus dubito ab eo in consilium adhibitos pudorem atque honestatem, quorum Vilhelmus, nisi regnandi causa, nunquam contemptor. Jam quoque ad regnum satis explicatam undique viam sibi esse arbitrabatur. Non enim Socerum odebat, perpetuis ab eo cultus officiis, ut ipsum dare vellet in furentium arbitrium, quorum deinceps cohibere ne posset impetum, incertum erat. Extimuisse præterea omnium mortalium odium, nimium primi Caroli nefario dirissimoque paricidio exagitatum. Rossam profectus Rex, ibique per occultissimum nuntium a Genere certior factus, negligenter (sic enim iste clam imperaverat) custodiri; horto, qui erat in posticis ædium, silentio egressus, cum Ber-vici Duce, sibi extra legitimum matrimonium nato,



nato, & quatuor aliis, paratam ab suis Oriam  
 conscendit, felicique navigatione, quamquam  
 hyeme summa, Gallici litoris Ambletusam te-  
 nuit. Aumontii Dux provinciæ prætor, cog-  
 nito ejus adventu, præstò affuit, excepitque splen-  
 dido ac liberali hospitio, in id præmonitus ab  
 Ludovico Rege, quem Jacobus, præmissò Lau-  
 zani Comite, discriminis consilii que sui com-  
 potem fecerat. Illinc a Beringheni Marchione  
 publico sumptu, ut dudum Maria Conjux,  
 ad S. Germani Fanum in Laya Sylva deductus,  
 Ludovicum cum Filio, ac Fratre, Purpuratis-  
 que obviam habuit. Magna quoque Parisien-  
 sium multitudo ed confluerat; auctura oculis  
 gaudium, quod jam mente perceperat, com-  
 perto, eximium Regem sospitem ex hostium  
 manibus evasisse. Quæ quidem illius populi be-  
 nevolentia calamitatis dolorem ærumnoso Prin-  
 cipi lenire visa. Propius autem absuit, quin om-  
 nem abstergeret Hospitis magnificentia in eo  
 suscipiendo, familiaritas in consolando, facta-  
 que amantissimis verbis spes ope sua Imperii re-  
 cuperandi. Hac enimvero insigni laude, pos-  
 terorum memoriæ commendanda, mirifice  
 tunc enituit Ludovici gloria; qui nulla in se  
 irritandæ potentissimæ Gentis, cumulandique  
 sibi hostes habita ratione, unus Jacobum, re-  
 gno pulsum ob Catholicam Religionem, jacen-  
 tem erexit, liberaliter fovit, restituendi in Ma-

*Gallicum tenet  
 litus honorifi-  
 centissime ex-  
 ceptus.*

*Ad S. Germa-  
 ni Fanum duc-  
 tus, ab Ludo-  
 vico Rege to-  
 taque regia  
 Domo ibidem  
 salutat.*

1689.

*Cur Galliam  
Scotia prætulit.*

orum suorum sedem consilium & curam cœpit. Æque vero Jacobum, hanc unice sequutum spem, Galliam Scotia prætulisse, fama fuit, dum se tot malis oppressum & jam non amplius resistendo parem conspicatus, de quarendâ in præsens securitate, in posterum vindictâ, secum tacitus cogitaret. Quamquam enim Scottorum gentem, montanam præsertim, pluresque Procerum sibi fidos existimaret; & Antistites Senatusque novum per literas fidei suæ testimonium dedissent; censuit tamen ingenti bello patientia ac pecunia non suffecturos; externaque auxilia plerumque tarda aut minora esse, ni præsens urgeas. Utque fortius impellit animos timor, quàm spes; Patris, ab ea gente proditi hostibus, memoria apud ipsum plus valuit, quàm Fratris, Imperio ac Penatibus ejusdem ope ac viribus restituti. Londini comperto primo Regis abitu, plebs efferata, obtentu religionis sed prædæ cupida in Catholicos se se effudit. Fractis ubique potentiorum foribus, veluti prophanatura locum, ubi Sacra illi peregerant, domesticam supellectilem diripuit, & quæ rei divinæ faciendæ ului erat, per vias ludibrio circumlatam dilaceravit; jure quoque Gentium violato, cùm ab Hispani, Hetruscique Legatorum ædibus non abstinerit; ab Gallici, quod etiam perrumpere pertentavit, armis repulsa. Vis deinde ab re in homines versa.

*Post ejus disces-  
sum Catholici  
Londini enagi-  
tantur.*

fa. Humiliorum plures injuriis & flagris vexati; splendidiorum delati alii ad Tribunos capitales, alii in vincula ducti, nec nisi diu post fœdis conditionibus exoluti. Exterorum pars major fuga se proripuit; Popularium latuit, trepida incertaque vitæ ac rei familiaris, quibus vesana circumeuntium rabies insidiabatur. In aliquot etiam Anglicanæ Sæctæ, qui Reipublicæ, Jacobo auctore, partes habuerant, sævitum. Hos inter opportuna in carcere mors Jefferyesum civilium negotiorum præsidem, politicorum Midletoni Comitem pœnæ subtraxit. Furandi rapiendique finem Vilhelmus urbem ingressus fecit, jussu urbano Magistratu isthuc sedulam navare operam. Quod plebs inique adeo tulit, ut quem dudum latis maximisque clamoribus tamquam suæ vindicem libertatis exceperat, nunc veluti oppressorem, quod Londinum legiones admovisset, inseclaretur. Sed ira non ultra voces progressa, sedataque armorum & mali, quod inferre poterat, metu. Simul Pontificis Maximi Oratori libere ac tuto abire, Catholicis impune manere, si vellent, permisit; ratus ita ejusdem Religionis Principum sibi gratiam confirmaturum, qui secum fœdere conjuncti, Britannæ turbandæ si non suasores, consilium certe non disturbaverant. Totum deinde ad Rempublicam se convertit, cujus moderandæ arbitrium eò usque a Toparchis sibi dela-

1689.

*Alique Proce-  
rum.*

*Mrauslonensis  
Londinum in-  
gressus plebis  
furorem com-  
primis.*

*Libere P. M.  
legatus dimittit.*

1689.

*Urbium Lega-  
ti, Procerisque  
Londinum con-  
veniunt.*

*De Jacobo Re-  
ge dissident, re-  
gi jure exci-  
disse reputanti-  
bus Legatis.*

*Negantibus  
Proceribus, &  
quo argumento  
in speciem.*

tum, quoad Comitiorum auctoritate componeretur, renuentis in speciem, libenter accepit. Interea Legatorum per oppida delectus habitus, selectique factiosorum ingenti studio ii maxime, qui Regi adversarentur. Londini haud ita multò post Proceres Legatique suas in Aulas coiere Comitiorum in morem; nam Concilium, nisi ab Rege indictum, celebrari nequit. Utrisque Jacobus Rex primò in sermonem venit, an regno procul discedens, regnandi quoque jure se abdicasse censendus esset; vel eo excidisse tot legibus violatis, colendaque Romana Religione, quæ cum iisdem legibus non consentiret. Illum utroque nomine reum ac vacuam idcirco regalem Angliæ Sedem dicere, Legati non titubarunt. Proceres frequentioribus suffragiis, in hanc ire sententiam diu recularunt, contenderuntque, pessimi ac detestabilis exempli esse, regiam dignitatem, sive ipso auctore Numine seu gentium jure constitutam, Civium judicio subijcere ac publicare. Hinc turpe Conventui nomen, suæ genti dedecus injustum iri; & si qua modò exterarum nationum rei plauderet sibi commodæ, plausum, lucro non virtutè expressum, citò perituum, subitumque rei gestæ invidiam, & non placabile posterorum odium. Tanti verò facinoris quid in causa? Quòd Jacobus, fuga ab iratis Civibus sibi caverit? quasi periculum declinare nefas sit.

Quòd

Quodd vim sacrationibus legibus attulerit ? At nihil ab regia potestate alienum fecisse, Duodecimvirum iisdem interpretandis legibus Collegium, Forum juri dicundo, mos vetustus judicarunt. Cuncta deinde, quæ Civibus displicuerant, delevisse. Quodd ad Catholica Dogmata se traduxerit ? Id autem Anglicano retinendo Imperio nihil officere, utrumque regni Lycæum, Jurisperitorum consensus, Scotorum Concilium solemnibus suffragiis palam fecerant. Nec aliud Britannos opinari, illud non inani argumento esse, quodd sæpius ipsorum Comitia aures iis præbere, qui ex adverso sentirent, recusaverint. Optandum ut Rex ad Romana Sacra non transmigrasset. At quandoquidem secus illi visum fuit, æquo, dummodo salutis gentis religione, ferendum animo. Hanc verò, & avitas leges immunitatesque ne unquam violari queant, cavendum. Quamquam ille damno suo didicit, impunè lædi non posse : Cur igitur scelere quærendum, quodd jure obtineri liceat ? Cur præsidium postulandum ab ingenti infamia a nobis, exauctorato Rege, nunquam discessura ; quodd, illo severioribus vinculis obstricto, cum summa nostri nominis gloria in promptu sit ? Hæc palam modestis sermonibus ; clam autem urgente invidia, quodd primas apud Vilhelmum partes æmulos habituros plurimi jam oculis nedum mente conspici-

Quo re vera.

caren-

1689.

*Ad Aransio-  
mensis denique  
voluntatem qua  
arte adductis.*

carentur, Procerum animos dividebat; antiquabatque proinde pars major adeo obstinate Legatotum sanctionem, ut vix unus aut alter officiis promissisque victus a pristina sententia dimotus fuerit. Quod ubi Arausionensi cognitum, rediitque in mentem, frustra superioribus annis Legatorum Collegium de interdicensda Eboracensi regni hæreditate consensisse, dissentientibus Patribus; veritus parem exitum, ad impellendas immobiles adhuc mentes arietem valentissimum promovit. Proceribus denuntiavit, se in Angliam vocatum venisse, fessis rebus salutem allaturum. Quid adhuc curatione profecerit, in aperto esse. Ne illam absolvat, paucos remorari. Igitur quandoquidem morbi reliquias retinere velint, retineant ut lubet. Se nulla mora cum exercitu discessurum, daturumque Socero locum ut repetat teneatque Imperium vi, quod amore non potuit. Se facile cum ipso in gratiam rediturum, edito illorum nomine, a quibus cavere debeat, & quorum precibus officiisque prope abreptum in tanti facinoris aleam se permiserit. Qui barbarum auctores fautoresve fuerint, ipsi in animo secum versent, qua fiducia quave securitate in ejus potestatem redituri sint, ac meminert: majestatis crimina, si nullum Principi detrimentum attulerint, piari nonnunquam posse; si damno ac sollicitudini fuerint, ira & me-

métu suadente, nunquam non atrociter plesti. Hoc perculsa ictu concidit Procerum vel æquitas vel sollicitudo, abstulitque, ut sit, omnium, qui adhuc restiterant, animos potentior quolibet studio præsens timor. Nam pauci ab conjurando se continuerant, tamerli opinati, non ultimam Regi perniciem, sed aliquem regnandi modum statuendum esse. Ergo Jacobus in ordinem redigitur, Angliæque vacare solum decernitur. Cetera minori contentione gesta. Vix enim Imperii forma in deliberationem adducta; confestim Præsbyterianis, quibus delenda regis potestatis, communique auctoritate moderandi Imperii voluntas erat, compressis ab frequentiori numero Episcopianorum. Nec cui regium nomen atque auctoritas deferenda essent, ambigebatur. Placuit autem, priusquam deferretur, novis eam legibus illigare. Octo & viginti facili consensu constitutæ; quas inter præcipuæ ac duriores illæ. Jus fasque Regi ne sit, legibus quemquam solvere, vel infringere legum vim. Nequeat ære alieno regium patrimonium opprimere; non exercitum, nisi perrogata Comitiorum sententia, cogere aut retinere; non minuere quovis colore Civitatum privilegia; non reos ad Concilium delatos judicare, non iis crimen dimittere. Nullum Sacrorum Præsidiibus judicandis Forum instituat, regiaque muniat auctoritate. Cives ne querelas

1689:

*Communi consensu Jacobus Rex in ordinem redigitur.*

*Novis legibus futuri Regis potestas coercetur.*

1689.

*Maria & Vilhelmo Araufionensi Angliæ Regnum defer-  
tur.*

*Sancito simul  
successionis or-  
dine.*

*Maria in An-  
gliam traduci-  
tur, cum suo-  
que l'ito coro-  
natur.*

las ærumnasque suas datis libellis Regi exhibeant  
quærantque remedium, interdicare, nefas sit.  
Regiæ Domui connubia cum Catholicis veti-  
ta. Oppida libere & suo more legatos ad Con-  
cilium eligant. Istud tertio quoque anno, ipsa  
indictum lege, & necessariò habeatur. Hæc  
ubi sancita, Mariæ majori natu Regis filiæ,  
ejusque conjugii Araufionensi regnum decerni-  
tur. Si prior illa fato cedat, alter regnare per-  
gat. Anna Maria soror in spem tertiam voca-  
tur; ipsique sterili, Vilhelmi suscipienda e se-  
cundis nuptiis proles sufficitur. Suffragatores,  
quod legitimum adeundæ hoc ordine hæredi-  
tatis, argumentum prætenderent, anxios habuit.  
Nam dudum natus Regi filius cunctis obsta-  
bat; Anna Araufionensi; hujus ex altero con-  
jugio soboli conjunctiores alii cum regia do-  
mo. Non enim (quod plerique & ipse Arau-  
fionensis sibi antea proposuerat) tulit pudor ut  
subdititii commentum Valliæ Principi objice-  
rent; nec fivit armorum metus, & plurimo-  
rum additum Vilhelmo studium, ut primas  
illi darent partes. Quare, quod erat reliquum,  
rei ita gestæ ratio silentio præterita, ut hanc  
unusquisque ex ingenio sibi fingeret; pruden-  
tiores, quòd sic libuisset, arbitrarentur. Ita  
plane accidit ut arduum facinus pauci conce-  
perint, plures adjuverint, nemo vetare sit au-  
sus. Extemplo in Hollandiam bellicæ duode-  
cim



cim naves tranare jussæ, Mariam in Angliam traducturæ. Advenienti magnis acclamationibus occursum est. A. D. XII. Kal. Apriles solemnibus cœremoniis, ei simul ac Viro suo diadema impositum ab Sacrorum Eboracensium Præfecto; nam Cantuariensis, cujus id erat munus, renuit. Iis quoque sacramentum dicere, quamquam urgeret Concilii scitum, aliquot Procerum Antistitumque detrectavere. Quo fuisse animi robore Clarentiæ Comitem, licet alieno hætenus in Jacobum animo, Episcoposque nuper Londinenſi arce detentos, præter Aſtophopolitanum, magnis ubique celebratam sermonibus, admirationem habuit; cùm maxime præſens fortuna & inclinatio temporis aliter suaderet. Id ne virtute, an aliquam ultia acceptam a Vilhelmo injuriam geſſerint, anceps fuit. Quamquam mirum videri nequeat, si quandoque ob inditam mortalium ingeniis æqui rectique indolem, accepto vulnere cicatricem obducatur honesti amor. Doluit Arauſionenſi exemplum; vi tamen abſtinuit, ne atrociori pœna ſemiſopitos complurium animos excitaret. Antistites magiſtratu ſolum deſecti; Proceres ab Romanis Sacris alieni triente fructuum multati, beſſe Catholici, quorum nemo ad novos Principes fidem ſuam jurejurando aſtrinxit; fidemque deinceps arma tradere, Londinoque vicena paſſuum millia diſtare juſſi, quamquam nullo delati crimine.

*ſis Procerum,  
aliqui Sacra-  
mentum dicere  
abnuunt.*

*Qua idcirco  
pœna affecti.*

Tom. II.

H

Quod

1689.

*Catholici solum  
a gerenda Re-  
publica exclusi.*

*Ac delationi-  
bus divexari.*

*In Scotia ea-  
dem, quæ in  
Anglia decer-  
nuntur.*

Quod licet asperum, visum tamen dominandi prudentibus nec immodicum nec præter modum; nunquam non meticolosis, regnandi rerumque novarum initiis: suspectaque illorum fide, quorum non interfuit rem novari. Sed illud haud intactum invidia atque obtrectatione, quodd, cum omnes ab Anglicana Secta aberrantes, Tremuli etiam, insanum religionis genus, legibus soluti fuerint, potentisque facti Reipublicæ, id Catholicis Arausionensis negaverit, nec abnuerit diutius delationibus, secundo calumniarum fonte, eos exagitari. Hinc falsis accusationibus latior patefactus aditus, ac Titus Oatius celeberrimus delator, ejusmodi infamia non ita multos ante annos legitime inuflus, in libertatem restitutus Concilii sententia veluti innoxius; datumque publice testimonium, veram fuisse Catholicorum in secundum Carolum conjurationem, de quo stolidissimo commento, apertissimis argumentis falsi redarguto, Titus damnatus fuerat. Scoti per idem tempus de summo imperio (nam & illic sine Regis auctoritate Comitia celebrari nequeunt), præside Hamiltoni Duce conventum habuere. Et illic brevis de Jacobo Rege deliberatio. Eadem ipsi, quæ a Britannis, objecta crimina, eodemque obtentu abrogatum imperium est. Tam citò in hanc sententiam convenisse, præter opinionem fuit, Stuardis addicta Scotorum gente,

te atque hætenus præcipua in Jacobum fide. Creditum , plures adductos metu , ne , si diversa ab Anglis decernerent , illinc bellum in se impares concitarent ; alios exulcerato jam pridem animo . Et procerum aliqui ab cætu abstinerant , haud ignari , si affuissent , nihil pro sua Regi obnoxia voluntate se profecturos . Palam Antistites obstitere , sed spreti sui magistratus odio , præbyteriana ibi Secta dominante . De Imperii forma , & cui tradendum , diutius disceptatum ; Legatorum Aula , ne ab Concilio suprema potestas divideretur , diu obnitente ; Proceribus inter se dissidentibus . Vicit denique mos vetustus , & monstrata in proximo Arausionensis arma . Visum itaque , Regem creari , sed simul brevioribus , Anglorum exemplo , finibus coerceri . Septemdecim jussæ novæ leges , quibus ei primum tota fere judicaria potestas obfessa , auctaque retinendorum militum , ni bellum foret , difficultas . Antistitum deinde præfectura suæ genti gravis renuntiata , nec diu post dejectis , qui eam gerebant , prorsus deleta . Catholici publicis muneribus interclusi . Eorum imbui religione suis Regibus vetitum ; indictumque , ipsam ad regnandum iter intercidere . Quod tamen qui paulo ante affirmasset , solemnibus Comitibus majestatis damnaverant . Hæc ubi scita sunt , nullo negotio cetera expediunt . Iis iisdem , quibus

*Non sine contentione , quæ tandem , & quæ obrem sedata .*

*Imposita Regi novæ leges .*

1689.

*Federicus Octovir Brandenburgensis moritur.  
Terremotus in Samnio & Campania.*

bus Anglicanum Concilium, eodemque succedendi sibi invicem ordine, regnum addicitur. Missi Argatelia Comes, equites Mongomerius, Delrimpleusque, qui tantum Mariæ & Vilhelmo afferrent munus. Ita hujus sagacitate res difficillima, quantum erat, brevi expeditione, nulla cæde, & non eductis armis, pulso legitimo armatoque Rege, Exterum in Anglia rerum potiri, felici quidem sed detestabili eventu confecta est. Superiori anno, quo hæc initium habuere, Federicus Vilhelmus Octovir Brandenburgensis vita cessit. Principio æstatis horribilis terræmotus in Samnio Campanique hominum oppidorumque stragem dedit. At per insequentem hyemem longe ubique majores animorum motus. Res in Anglia ab Araulionensi prospere gesta fœderatos in Galliam Principes ad bellum sine mora ineundum eò vehementius incenderat, quod iis accesserant fortissimæ gentis vires, quas, si Jacobus regnasset, cum hostibus futuras pertimuerant. Hibernum dumtaxat bellum & aliqui per Scotiam tumultus manebant. Sed hæc non ita æquabant Britannicum robur, ut ad externas quoque inimicitias persequendas ejus satis non superesset. Reliqua erat cura, pacem cum Turcis componere, ut omni conatu Cæsar ad Rhenum posset Gallos impellere. Is commotus totius Germaniæ Fœderatorumque desiderio, dummodo e præ-

senti

fenti sua rerum felicitate , illam non recusabat; consensiebantque Poloni tot ærumnis admoniti, Veneti Euboica haud parum clade debilitati. Itaque Solymani legatis, qui per autumnum Rotterdorsi prope Budam detenti custoditique diligenter fuerant, ne quid ipsi turbatae ad Rhenum pacis suboleret, Viennam ductis, salutatoque Cæsare, ac redditis Veneto Polonoque Oratoribus ad suos Principes a Solymano literis, datum de instaurando fœdere colloquium fuerat. Ernestus Staremburgius, Franciscus Uldaricus Kinschius, Carrafaque Antonius Leopoldi partes agebant; Venetæ Reipublicæ Federicus Cornelius; Sarmatarum Michael Racquosquius primum, mox superioris Ordinis & legati nomine eques Potoschius Pomeranii Conventus præses. Turcæ in has se venturos finiendi belli conditiones dixerunt. Cæsar eis Savum Danubiumque imperet; Alba Græca decedat; Transylvania abstineat, ductis præfidiis; eaque utrique Imperio vëdgalis fuit. Venetorum Peloponnesus, Leucas, & quæ in potestatem redeissent Dalmatiæ oppida, sint. Sarmatis nudatum munitionibus Camænecum accedat. Responsum: nunquam a Fœderatis Solymano fore otium, nisi illud reddimat traditis Cæsari belli auctore Tehelio, Servia, Bulgaria, Bosnia, Croatia, universaque Mæsia; Venetis Eubœa, Peloponneso, maritima . ab

1689.  
*Orbomanici  
Legati Viennam  
deducuntur.*

*Cum ijs de componenda pace a  
Fœderatorum  
Legatis agitur.*

*Ejus dicta a  
Turcis conditiones.*

*Qua a Fœderatis.*

1689.

ab Corintho ad Epirum ora, Dalmatiaque montium jugis, litore, Titlo, Barbanaque amnibus circumscripta; Polonis Camæneco, Podolia, Uchrania, Valachia, Moldavia, Taurica Chersoneso, fartoque Scythicarum populationum damno & impensa in bellum pecunia. Communi quoque Cæsaris & Poloni nomine postulatum, ut religiosa Hierosolymis nostræ salutis monumenta ab Græcis ad Franciscanam Familiam custodiendâ redirent; Christianæque gentis major, quàm adhuc, per Turcicum Imperium ratio haberetur. Hæc ubi a Turcis audita, mediis stuporem inter atque iracundiam se statim e colloquio proripuerunt, fati: qui talia peterent, pacem nolle. Quamquam ignorare non poterant altius dirigi tela, ut in medio consistant. Sed cùm apud se statuissent negotium disputando prolatare, oblatam neclendæ moræ occasionem avide tenuerunt. Iis enim, cùm ab se discederent, Mustaphus mandaverat: si paciscendo prævertere Albæ græcæ expugnationem aut illam, si jam vi captam, recuperare ineunda pace non potuissent; rem per ambages traducerent; ratus, non ita multo post Germaniam gallicis armis turbatum iri, & se validius, quàm hisce supremis annis, Turcicum robur exquisito hominum pecuniæque dilectu instauraturum. Itaque legati sæpius in congressum vocati quæsitique, ut quas postremas

*et Turcis Legatis protinus repudiatæ.*

*Quo consilio.*

mas attulissent integrandæ pacis conditiones proferrent; de re tacendo, quiritando autem, joco sibi ab tam immania postulantibus colloquium dari, tempus terebant. Hyems in exitu erat, ipsique corruptis pecunia custodibus clam perceperant, bellum ingenti Germaniæ clade ad Rhenum incœpisse, ac Turcas splendidissimo apparatu ad arma, si foret opus urgenda, se comparasse. Tentati proinde, ac sæpius vel adhibitis Britannico Batavoque apud Cæsarem Oratoribus, qui eos honoris obtentu, sed hoc proposito, convenerant, vehementer impulsæ, ut suprema ederent mandata; cùm amplius tergiversari non possent; Sulphicarus legationis princeps libere tandem professus est, se prisco suæ gentis more nihil, cujus sibi proponendi facultas esset, reticuisse. Id si placeret, acciperent; sin minus, sibi & Collegæ com meatum darent. Quod ubi Cæsar, e cujus voluntate suam reliqui Fœderati moderaturi videbantur, cognovit; quid in rem suam foret, convocato Consilio sententiam rogavit. Lotharingius fœdus vel oblati conditionibus ferendum suadere aggressus, in hæc prope verba loquutus fertur. Si quis fortè miretur, Cæsar, quid sit, quodd, cùm superioribus annis de hoc ipso argumento ageretur, te ad Turcicum prosequendum bellum hortatus fuerim; nunc ad sedandum adhorter; hinc autem in suspicionem veniat, me aviti

*Turca Legati dimitti postulant.*

*Lotharingii oratio. fœdus vel oblati conditionibus ad conciliandum suadentis.*

recu-

recuperandi Imperii delinitum spe , pristinum placasse in Turcas odium ; puto , suspicionem admirationemque positurum , si ad ea , quæ mihi dicenda proposui , paulisper advertat animum ; te simul hoc novo documento percepturum , me semper , non quid alii loquuturi sint , sed quid mea postulet fides , curandum existimasse . Ac priusquam in causam ingredior , pauca mihi de præsentis superiorisque temporis diversitate narranda sunt ; quippe unde tota hæc pendere consilii ratio videatur . Bis Turcæ hoc bello de componendis rebus sermonem intulerunt . Primum Budensis Prætor ante duos annos ; nunc ipse Mustaphus Rex . Ea tunc erat rerum conditio , ut illi validissimis adhuc munimentis in Hungariæ visceribus hærent ; ærumnis irritati potius quàm debilitari , quotannis e tanta sui Imperii magnitudine instructiori apparatu se reficerent ; Viennæ , memoria dirissimæ oppugnationis & molesta vicinitate , non desinerent terrori esse ; Hungarica seditio , licet confusa , maneret tamen fulta munitis oppidis , populorum inveterato in nos odio ac ferocitate . Ab altera parte post Argentoratum & Luxemburgum in potestatem redacta nihil moverent Galli darentque fidem , hoc demum retento pignore se quieturos . Alia nunc rerum imago se offert . Barbarorum , qui belli erant periti , tot præliis , tot urbium oppugnationibus



bus pene absumpti ; trans Savum ac Tybiscum repulsi , exhausto ærario , desertis provinciis , demissis animis , fracti , inopes , pavidi , vix ut loco se teneant , ac satis habeant , sibi si liceat vitam ducere , nedum vires instaurare . Perduelles ubique domiti nihil retinent , ubi in suo vestigium faciant ; corpore quiescunt , si non mente ; necessitate , si non ingenio . Germaniam contra ad Galliæ fines hostili exercitu Mars deformat ; captæ arces nobilissimæ : direpta oppida : vastatæ provinciæ : consternati Cives præfenti malo , futuri metu . Age verò , ut hoc tempus cum illo , res cum re conferatur : tunc nobis deliberandum proponebatur , quid satius foret : acceptas ne a Gallis injurias ad exigui spatium temporis concoquere , ut integris interea viribus liceret Turcas longius propellere atque enervare : Hungaricos tumultus ab radicibus excindere , tuumque Imperium non periculo solum , sed & periculi metu liberare : an , Thracibus pace sequestra dimissis , cum omni exercitu provocare Gallicum bellum ? Modò vicissim consulitur , tua ne magis intersit , ad periclitantis vulneratæque Germaniæ tutelam accurrere ; an Turcas in longam ætatem prostratos , ultra montium asperrimorum maximorumque claustra fluminum rejectos , a quibus nihil timendum sit , diutius exagitare ? In hac tanta rerum dissimilitudine , quæ alia , suo mo-

*Tom. II.*

I

men-

1689.

mento rem perpendenti , tunc poterat sententia esse , nisi ut non diuturnam ab Gallis solitudinem mansuro ab Turcis periculo ; brevem procrastinatae illic ultionis pudorem perpetuae gloriae , quae sane , parva isthuc Imperio tuo securitate , obventura tibi esset , praeferebat ? Quae modo alia esse queat , nisi ut pluris facias , incendium ab Germaniae latere dimovere , quam longius in barbaras profligatasque provincias dilatare ? Compararet quis incertum illum , suspectis Gallis , timorem nostrum cum hac certa ab ipsis perniciem : pristinam Turcarum ferociam cum praesenti imbecillitate ; atque ut tunc ad Rhenum , ita nunc ad Danubium bello , si sapit , supersedendum non arbitretur ? Tunc verebatur , ne illi te Gallico tumultu implicatum , fracta istius foederis fide , in novum discrimen adducerent ; nunquam non infida ab iis pace , quos irritaveris , & vires habeant ad ultiscendum . Quamobrem optimum consilium fuit , rei etiam exitu comprobatum , ab iis tandiu impellendis non desistere , quoad penitus prostrati nocere tibi amplius non possent . In praesentia timendum est , ne in alienam potestatem veniat ora in primis Germaniae fertilissima ; & ratio postulat , ne , pro amplificandis in deserta prope loca dominandi finibus , patrium solum tantique pretii regionem neglectui habeas . Huc accedit ( & sit liberae vo-

ci

ci gratia aut venia ) quodd tibi & illud propagandi Imperii studium invidiam, & hæc sciorum natalisque regionis incuria odium pareret. Quæ inde sequerentur mala, facile unicuique in mentem veniunt. Unum non reticebo; diffidentiam ac suspicionem; quibus nulla deterior pestis ad perimendam animorum conjunctionem; hac autem præ ceteris rebus Germania viget. Sed erit fortasse qui dicat, istiusmodi agendi prudentiam, Alba græca Transylvaniaque dimissis, nimio redimi. Enimvero quod utile, nunquam sumptuosum: nec asperum, quod salutare. Prætereo, iis restitutis; nihilominus Hungariam ab Turcarum irruptionibus tutam fore, objectis hinc montium vallo, inde fluminum fossa: magis verò, quàm naturæ præsidio, tua munitam victoria & hostium cladibus. Reliquum esset disserere, an tibi ad arma duplici loco tractanda vires suppetant. Sed hæc consultatio jampridem hoc loco rejecta est; satis comperto, quibuscum gerenda tibi res foret; & bipartiti, divisisque proinde copiis attenuati exercitus non aliam futuram conditionem, quàm ut vinci utrobique, vincere nusquam posset. Lotharingii dictum pars major vultu ac gestu probare visa. Tamen Ludovicus Badensium Princeps, cui plerumque, ingenio an æmulatione, sententia cum Lotharingio non conveniebat, sic exadverso di-

*Ludovici Badensis oratio pacem cum Turcis dissuadentis.*

1689.

cere exorsus est. Quæ duo maxime ad reconciliandam cum Turcis pacem Lotharingius facere existimavit: cladem ab Gallis dudum Germaniæ illatam, fractumque Othomanorum robur; hæc, Cæsar, ut bellum ducas, inclinatumque istorum fortunam tandem præcipites, suadere mihi plane videntur. Erit qui meam sententiam arduam difficilemque reputet; plures erunt, qui, si iis ipsis argumentis, quibus contraria innititur, illam tueri contendam, operam me ludere secum statuam. Id autem a dicendo, quæ sentio, non me deterret, cum sciam, te non hominum opinionibus, sed rationum momentis, quicquid decernis, sapienter expendere. Errem verò, an salutaria moneam, paucis auditis facile judicabis. Atque ut primum de pace Barbaris, nisi eos antea penitus profligaveris, non concedenda sermonem faciam; quæ ipsorum superbia est, Victori ejus conficiendæ leges dare velle? Cæsar Transylvaniam græcamque Albam restituat; ultra Savum & Tybiscum flumina pedem ne inferat. Quid aliud dicerent, si toties tecum pugnando non cecidissent? Quid, si paribus polerent viribus? Ergo firmissimum Pannoniæ propugnaculum, in quo majores nostri ejus tutandæ spem prope omnem locarunt, diu omnium votis expetitur, tanto coemptum sanguine, vix uno aut altero Legatorum verbo e  
tuis

tuis manibus extorquebitur ? & provincia populorum multitudine , oppidorum frequentia , loci opportunitate , nobilissima ; unde perpetuum seditio- nis Hungaris fomentum , subsidium , tutela ; tam- quam redditæ amicitiae præmium in jus ditionem- que hostium redibit ? Quod si in iis remittendis nulla , ut suadere student , jactura fieret ; tamen ad Germanici splendorem nominis , ad tui majesta- tem Imperii pertineret , pedem illinc haudqua- quam referre , ne ad ea servanda tuis diffidere viribus videreris . Nemo enim ignorat , præci- puum robur ac patrimonium Principum , pro- speram famam & decus esse . Sed falsa ducitur opinione , qui non maximi ea facit . Siquidem & Transylvania in superiorem Hungariam patet aditus ; græcaque Alba ad inferiorem Asianis Europeisque Barbaris claudit iter ; quod utique immunitæ annuum ripæ , ut sæpius experti su- mus , non remorantur . At , inquiunt , si vel intermedii residerent montes , flumina exaresce- rent , nullus in posterum a Turcis metus , pro- fundo jam satis vulnere debilitatis . Verum de hoste potentissimo non ea nobis opinio esse de- bet , ut aliquot detrusus locis , & nondum pe- nitus ab Hungaria , confestim velut incisis ner- vis conciderit . Quamquam , ut prædicant , in aperto sit , concidisse . An non vident , hoc ipso urgendum , quo ille minus valet ? Nisi forte quod ceteris ad insectandum hostem incitamen-

to est, id nobis ad dimittendum esse velint. Et medius fidius quem hostem? Taceo (quod non est modo ad rem nostram) ferum atque implacabilem; eum dico solum, cui temporis spatium non diuturnum ingentem sobolem juvenutis; diligentior ærarii procuratio magnam pecuniæ vim; modica ad se colligendum quies ferociores animos allatura sit; quique, ubi se confirmaverit, nemo dubitare possit, quin illico ad ulciscendam ignominiam doloremque suum non sit ad arma cupide iturus. Igitur pigebit modo, cum certò licet, illum avertere, ut mox ancipiti secum Marte congregiamur? Gratum erit, præcipua Serviæ, Bosniæque parte, quæ nondum victa & vinci potest, veteri Hungarici regni accessione, abstinere, ut non ira multò post de ipsa Hungaria periclitemur? præsertim cum illa ob afflictam hostium fortunam facilius & minori exercitu obtinere in præsentia queas, quàm tua deinde retinere. Horum utrum intersit, satis patet; utrum malis, non sane consilii res est. Sed video quibus obscurare studeant difficultatibus negotium adeo manifestum. Opponunt invidiam prolati Imperii, & quæ isthinc exoriantur mala, taciti obijciunt. Ego, si vel unum Germaniæ opus tibi adijceres, vereretur profectò, ne, concitatis suspicione animis, turbas dares. Dolet enim quicquid injuria eripitur; & quamvis

vis damno unus tantum, cuncti exemplo mæ-  
rerent; eaque plures sollicitaret cura: quod, qui  
semel egreditur honestis fines, progredi ulterius  
velit. At vindicando e Barbarorum manibus an-  
tiquissimo Hungariæ patrimonio quis tibi Ger-  
manorum succensere possit? aut, longe ab suis  
finibus prolatando Imperio, metuere ne sibi  
deinceps gravior impendeas? Quin vicissim ope  
te sua fulciendum existimabit, distractis in re-  
motissima & suspecta loca tuis viribus; quip-  
pe quæ ingentibus prædiis firmanda ac reti-  
nenda forent; rara illorum sagacitate, qui, quæ  
primo aspectu parvi momenti videntur esse, ma-  
ximum intervallo temporis prævideant habi-  
tura. Venio nunc ad Gallicum bellum, quod  
tamquam insensissimum telum intendi in hanc  
meam sententiam animadverti. Illud, ajunt,  
in ambiguo non amplius esse, ut omitti; non  
tenui apparatu ab Gallis instructum; ut levi  
conatu a nobis repelli; non exiguo damno la-  
cessitum, ut cui Patriæ salus ac dignitas  
cara sit, hunc non vehementer ad iracundiam  
movere possit. Isthuc igitur flectendum penitus  
omnium studium ac robur, nec permittendum ut  
ulcus pestiferum cis Rhenum serpat, neve ut  
amnem transgressum nostras urbes atque arua  
depopuletur. Hæc vera, nec satis pro merito  
exaggerata. Verum quod atrociora, eo te ma-  
gis, ut Barbaros magna tuorum militum par-  
te

te labefactare pergas, hortantur : Id plerisque novum ac prope incredibile accidet ; sed in rem necum ingressis certum exploratumque fore non dubito . Ufu ac repetita nostrorum annalium memoria didici , nihil Germaniæ æque luctuosum fuisse ac modicas calamitates . Ad eas enim dum pauci dolerent inclamarent que , tacerent reliqui , rati ad se periculum non pertinere , hæsit corpori altum vulnus , quod primo aspectu vix sanguinem elicuisse reputabatur . At si quando horribili fragore in nos irrupit armorum tempestas , nemo obtorpuit , nemo non tulit opem , inundantem non repres- sit , veritus ne per aliorum stragem ad se pervaderet , communique naufragio sua quoque involueret absorberetque . Ita sane superioribus annis , dum Galli prope taciti Argentoratum & aliqua circa Rhenum oppida , minis ulteriora loca non insequuti , occuparunt ; remotiores Principes se tenuerunt ; frustra , ad quos ea labe pervenerat , implorantibus socialem fidem . At modò cum nullum sibi faciendi minitandi- que modum imponant , cui non patet , Germaniam excitam prope e sedibus suis ad refræ- nandos accurrere ? Ubique coguntur milites , nemo pecuniæ parcat , unusquisque alterius soler- tiam æmulatur , periculo instigatus , ira percit- tus , dolore atque ærumnis exasperatus . An non cuncti , Cæsar , ad te confugiunt , instant fini-  
ri



ri Turcicum bellum, Gallicum agitari? Quid hæc tanta animorum concitatio sibi vult? Quid tanti armorum apparatus? Quid ubique iustitium fere indictum? Timent, & metum avertere; irascuntur, atque iram exaturare: oderunt, atque odium explere cupiunt: Itaque si huic bello quidpiam tuarum legionum detrahas, supplebunt ipsi nec cessabunt, te aliis distracto curis, in hanc vehementius incumbere. Quod si constatum paucos ante annos ad Rhenum incendium pactæ illico induciæ non extinxissent, quis non videt, conniventibus plerisque Germaniæ Regulis, eò tibi cum omni exercitu procedendum fuisse, ut ne aliqua Germanici pars corporis interiret. Non enim aliter vindicari ab interitu potuisset. Nunc autem cum membra collatis invicem auxiliis sibi consulant, non est cur caput, alieno haud sollicitum periculo, se suamque rem penitus negligat. Neque istud eò refero, ut perpetuas habeas cum Thracibus inimicitias. Unum aut alterum peto annum, quibus continuato victoriæ cursu funditus eos contundas doceasque, te bellum finire voluisse consilio, non metu; moderatione animi, non demissione. Quod si non belle res caderet; quandocunque voles, liberum tibi erit, Albà græca Transylvaniaque restitutis pacem statuere. At non facilè nec citò dimittenda, quæ frustra, si cupias, aut dis-

1689.

ficulter repēti possunt. Sint ne, quæ adhuc dixi, e re tua, erit fortasse, qui dubitet. An sint ex animo & fide mea, nemini profecto in mentem veniet subvereri, tantum ut secum reputet, quicquid ad Rhenum aviti Imperii in potestate ac ditione teneo, Gallicis nunc armis circumfideri, quæ certius, ea te toto tuarum virium impetu propellente, removerentur. Cum tamen, ut eas partim adversus Thraces adhibeas, sedulo adhorter; argumentum præbeo, me non ex mea, sed ex publica utilitate arbitrari, bene ita rebus consultum iri. Badensis oratio quod minus privati commodi, eò plus apud Cæsarem auctoritatis habuit. Itaque ad repudiandas, quæ latæ ab Turcis fuerant, ineundæ pacis conditiones inclinavit; spe ductus, ampliores propediem, vi aut pacto expressas, prolatum iri. Ex hac opinione non data legatis abeundi venia, sed regem suum literis dumtaxat interrogandi, an largioribus pacisci vellet. Nuntium, qui literas deferabat, Samandriæ per æstatem Cæsariani detinuerunt, ut ex armorum per id temporis eventu certiùs temperarent consilium suum. Nunc intermissa pacis mentione, omnium studia ad bellum intenta. Quod Solymano gratum accidit, in fiduciam elato sarcindi nova facinorum gloria acceptas injurias, prosperis rebus præteritas calamitates. Nec spes ab eventu abhorrebat, implicatis, ne

ma-

*Cæsar pacis oblatas conditiones respuit.*

*Æstus, meliores a Turcis datum iri.*

magnam Cæsari opem ferrent, altero bello Germanis, explicatisque sibi difficultatibus ad rem gerendam. Eadem redierant, quæ superiori anno, ærarii angustiae ac seditiones. Osmanus Gentien deserta, ut diximus, Alba græca, ad Moravam amnem castra posuerat. Illic audito urbis & propugnatorum excidio, culpæ conscientia ab irato Rege sibi timuit. Pœnam declinaturus, ad defectionem iterum spectare cœpit. Veterano suo milite, & quotquot aliorum potuit, in hanc sententiam adductis, Macedoniam petit eo consilio, ut provincia adhuc ærumnis intacta stipendium atque alimenta sufficeret, populi frequentia copias augeret. Simul ut e propinquo ostenderet Byzantio discrimen excitaretque spem deturbandi solio Solymanum regem, in illudque aut Mehemetem restituendi, aut hujus majorem natu filium Mustaphum inaugurandi; quam spem, per superiores tumultus pecunia illectus, Matri jam prius & Filio eorumque Clientibus fecerat. Visirius hominem, ne ad ingenium rediret, iisdem, quibus antea bene successerat, blanditiis aggressus, nihil profecerat; gnarum: remedia, quæ sefellere, ad salutem non exhiberi. Blandienti oclusum cum dolo non potuisset, vi comprimendum susceperat, cunctis circum populis e falsi Prophetæ lege sacramento adactis, ut contra perditionis damnatum insurgerent, arma caperent expedi-

*Apud quos oborti tumultus compressi, & quomodo.*

1689.

pedirentque. Sed facile incondita turba, nullo digesta ordine, & belli imperita ab veterano Gengienis milite in fugam versa. Major hinc perduellibus saviendi in provinciales occasio, prædandi fiducia, audendi alacritas. Cum ingravesceret malum atrociolemque labem minitaretur, fraude tandem extinctum est. Acridis præfectus, Virrii promissis suaque in Regem fide sollicitatus, hanc vetere, quæ sibi cum Gengiense intercedebat, necessitudine potiolem habuit. Facta spe transgrediendi in ejus partes, incautum cum aliquot centurionibus hospitio excepit trucidavitque. Ipsorum morte dispersa gregariorum manus & quies provinciæ reddita. Gravior tumultus Asiam per hos ipsos dies dilacerabat. Ejus auctor Gedichus idem, qui superiori anno accepta Terdonis prætura ab armis discesserat. Pellectus adversa Othomanorum fortuna, quam capta Alba græca senescentem existimaverat, desidiæque averfatus, civiles iterum movere turbas induxit animum. In id audacissimo viro viam stravit magna eorum militum multitudo, qui severo delectu per Asiam conquiesci, ubi in Europam ad infestam militiam transmissuri erant, signa reliquerant, discurrebantque catervatim militari licentia, vi ac terrore comparandis sibi vitæ subsidiiis. Iis Gedichus se ducem præbuit, libenter acceptus, commendatusque turbandarum rerum

rum experti fama, dataque vivendi ex ingenio libertate. Et hæc quidem attraxerat ingenti numero voluntarios, ad justique exercitus formam copias auxerat; quæ dum longe lateque vagantur, aliquando in ipso Bosphori litore Byzantio se ostenderant. Exacuerat pudor Regis iram, dederatque Ussaimo prætori negotium, ut continuè cum aliquot Janizarorum cohortibus traducto freto, collectaque undique militari ætate, prædones vel factio prælio, si foret opus, disijceret. Gedichus pugnam non detrectavit. Vix signa contulerant, cum tumultuaria illa, Ussaimi turba ad hostem transfugit, rata se uberiorem victoriæ fructum, si cum hoc vinceret, relaturam. Hinc alter pulsus fugatusque. Successu elatus, & aliquot nactus murales machinas, Gedichus Ancyram ad opulentam nec satis munitam urbem legiones ducit, gratiam militibus vicemque beneficii præda redditurus. Id finitimis oppidis iniecit paris ærumnæ metum, adduxitque vel remotiores ad Euphratem provinciarum præsides, ut cohiberent invalescentem pestem, sedulamque reipublicæ navarent operam. Conscripto exercitu in perduelles movent; & isti obviam procedunt, acie congressuri. Prope Iconium concurrunt, atrociter conferunt prælium, invaluitque diu pugna; qua tandem Gedichus vincitur; captaque fuga, præmii spe ab servo dum iret, contru-

cida-

1689.

*Turcarum ad  
bellum ingens  
apparatus, &  
quomodo com-  
paratur.*

*Moschi adver-  
sus Scythas mo-  
vent, & quan-  
to apparatu.*

*Taphras oppu-  
gnant.*

*Oppugnatio de-  
scribitur.*

cidatur. Civilibus discordiis sæliciter dissipatis; Visirius ad externa bella curas omnes & vacuum animum convertit. Pecunia & delectu opus erat. Quæsi e penitioribus provinciis milites, nec rejectæ seditiosorum reliquæ exercitum supplere, pecuniam tributum; quod licet in ea rerum asperitate acerbissimum, & Byzantii cœpisset movere turbas, ubique tamen collatum fuit, leniente dolorem Visirii & potentiorum exemplo, qui sua sponte pecuniæ ingentem vim in ærarium intulerunt. Nam probabile nec injucundum multitudini, quicquid primorum imitatione gerit. Paratis omnibus ad bellum, ejus gerendi tempus advenerat. Moschi primi ex hibernis copias educunt adversus Scythas, Turcarum socios auxiliareque. Ducenta fuisse armatorum millia, & prope mille habuisse murales machinas, sermo est dissipatus. Vere adulto ad Tauricam Chersonesum Principe Gallicino duce iter arripiunt, sitasque in Isthmi faucibus Taphras, quas modò Præcopiam dicunt, munitam propugnaculis & arce urbem, invadunt. Ingenti præsidio tenebatur, sed longe validiorem fecerant vastitas circum longe lateque a Scythis illata, & aquæ ad hominum brutorumque usum in arido solo inopia. Hæc prævisa Moschos non deterruerant, ratos, pro tanta suæ gentis machinarumque multitudine paruum oppugnationi tempus suffecturum, cui

tradu-

traducendo tantum advexissent omnis generis  
 commeatum , ut satis futuros arbitrarentur .  
 Exercitu more suo carris vallato , tormenta ex-  
 pedire , vineas ad mœnia ducere instituunt . Sed  
 citò , quo difficillimo se implicassent negotio ,  
 palam fuit . Agger non cespitem , non pingui com-  
 pactus humo , facile subsidebat . Nec diu fuit ,  
 cum subducto jumentis ignobilioribus alimen-  
 to ne reliquis deesset , macie , siti , fame con-  
 fecta passim deficerent . Nihil tamen æque in-  
 commodum ac ipsi Scythæ , qui vagi instabi-  
 lesque , & hoc ipso , quoddam nullo consisterent  
 loco ; ut impares ad statuariam pugnam ita in-  
 terdiu noctuque ( & incertum qua parte ) ad  
 vallum succedentes , hostem assiduis velitationi-  
 bus divexabant ; nec justo prælio comprimi  
 poterant , quippe celerrimis equis se proripien-  
 tes . Et præliarii frequentissime erumpentes  
 opera morabantur . Ea nihilo secius oppugnato-  
 res obstinato labore produxerant ad fossæ labrum ;  
 & metus erat , ne , tædio ac multitudine sua-  
 dente , corona oppidum adorirentur . Itaque  
 Scytharum Regulus factò sex millium Janiza-  
 rorum , quos a Turcis auxiliares acceperat ,  
 cuneo , atque latissimis suorum equitum alis  
 circumfuso , in vallum aperta vi percurrere  
 statuit . Re oppidanis conductâ , ut simul e por-  
 tis se effunderent , initur pugna . Lenta illa  
 primum & parum pressa , Scythas prohibente  
 vehi-

1689.

vehiculorum sepe, ne pedem inferre; Molchos loci angustia, ne ad jacula coniicienda explicare ordines possent. At denique dissipato vallo tantum Scythæ dederunt impetum, Janizari in primis, ut Molchorum, qua parte impressionem acceperat, inclinaverit acies, per omnemque simul terror pervaserit. Maxima horum cædes est subsequuta; cum constipati pecudum more præberent jugulum ac prope inulti trucidarentur. Triginta millia eo die cæsa; quadragenæ murales machinæ in oppidum abductæ. Nec Scythis incruenta victoria fuit; clades tamen longe minor. Aucta hinc Molchis superandæ urbis difficultas; & cum juges aquæ vehementiori per ætatem ac solis ardorem siti non sufficerent, nec sine ingenti periculo, incursantibus assidue turmatim hostibus, longius aquari possent; Gallicinus imperator colligi vasa, & pedem referri iussit, questus delusam a Sarinatis, quam sibi fecisse diceret, spem unâ Bessarabiam invadendi, occupandique alteram Scytharum partem, quæ tamen ad sociorum periculum otium teuvit. Sed querelæ apud vulgus argumenti loco sunt. Ad lævam Borysthenis ripam reducto exercitu, transmissoque Samara amne ad confluentem aliquot dies, quoad milites se refecissent, castra locat. Illinc magnis itineribus, metu ne Scythæ urendis adultis ac torridis herbis magna equorum pernicie ante-

*Quam denique  
Molchi desce-  
runt.*

*Eorumque in  
Sarmatas que-  
rimonia.*

*Intra suos fines  
regrediuntur.*



anteverterent, in Russiam contendit. Hi tamen  
nunc a tergo nunc in latera invadentes, pro-  
perantibus injecere moram non sine cæde &  
centum muralium tormentorum præda; quibus  
agendis jumenta defecerant; nec qui difficili  
molimento milites præstabant operam, gradu  
exercitum æquare, potis fuerant. Ita hoc quo-  
que anno a Moschis immenso apparatu atque  
inani simul expeditione res gesta; facto nunc  
pariter documento: in re bellica, perinde ut in  
corporibus, mole supra modum excedere, no-  
cumento esse; & robur militare non hominum  
frequentia, sed virtute ac disciplina vigere.  
Gallicinus in Regiam profectus, uti victor ex-  
ceptus est; Fœderatisque illorum Principum no-  
mine, eum vicisse, renuntiatur; seu falsa  
opinio, quod hostes æquo Marte configere de-  
trectassent; seu contraria fama obruenda; quæ,  
occultis ex initiis orta, eò tandem inclinatur, quod  
plurium voces & major ducit auctoritas. Scythæ  
repulsis Moschis in Volimniam Podoliamque  
digressi, eas provincias fœdis populationibus  
affligere, quiescentibus Sarmatarum legionibus;  
magnaue provincialium multitudo in servitu-  
tem adducta, qui ad primam irrupentium fa-  
mam in Sylvas cum tenui comœatu se abdi-  
derant; rati ad hostem propulsandum cito quid-  
piam suæ gentis militum, qui non procul in  
stativis erant, affuturos. At sua decepti spe &

1689.

*Carpi a Scy-  
this in itinere  
non levi cæde  
ac præda.*

*Gallicinus uti  
victor excipi-  
tur.*

*Ac Fœderatis  
rennunciatur.*

*Scythæ Sarmatiam  
populantur ingenti cla-  
de.*

Tom. II.

L

pau-

1689.

*Quiescentibus  
Sarmatis, &  
quare.*

*Rex Conciliū  
celebraverat ad  
curandum mi-  
litibus stipen-  
dium.  
Inani eventu.*

*Pecuniam illis  
de suo spondet  
& male audiit.*

*A Scythis ad  
pacem separa-  
tim cum Turcis  
reconciliandam  
sarmatæ solici-  
tantur.*

*In eamque Sc-  
natus propen-  
det.*

paucos post dies fame coacti ad suos redire la-  
res consilium cœperant. Nemo si quidem ex hi-  
bernis moverat, jamdiu stipendio fraudatus, nec  
ausus commeatuum inopia in viam se dare. Cu-  
randæ in istud pecuniæ Rex media hyeme Co-  
mitia habuerat, inani eventu. Nam Legatorum  
plures ex animorum contentione ab ipso dis-  
sidentes bellum vel neglecta republica averfa-  
bantur. Et ad Convenum citò dirimendum ac-  
cessit metus, ut fama fuit, ne de Jacobo Filio  
successore sibi designando sermonem haberet;  
quem longo silentio jam senescentem revivisce-  
re pertimuerant. Desperata ex ærario pecunia,  
Rex illam de suo militi numeraturum, ut signa,  
ex hibernis decedens, lubens sequeretur, palam  
dixit. Quod male audiit, quasi exercitum ob-  
noxium reddere atque obstringere sibi vellet;  
suspecta semper in rebus publicis privata libera-  
litate. Cum igitur comitiales abiissent dies, &  
more majorum Senatus de re bellica haberi cœ-  
pisset, illata extemplo pacis cum Barbaro in-  
staurandæ mentio. Nec deerat occasio. Nam  
per id tempus Scytharum Regulus, alia in spe-  
ciem prætexens, nuntium ad Regem miserat  
& conditiones, si belli cum Turcis suscepti Sar-  
matas tandem tæderet, illudque separatim com-  
ponere annuerent. Senatorum plures præteritas  
sux gentis ærumnas, præsentis inter se discor-  
dias, nullamque in posterum melioris fortunæ  
spem

spem prospicientes, tenendam occasionem privatis sermonibus disseminabant; & periculum erat, ne huc tandem Senatus inclinaret, nisi Rex, pudore nuper quoque renovatæ Fœderatis fidei, & nunquam intermisso in Barbaros odio, invalescenti huic sententiæ auctoritatem opposuisset suam; & Cantelmus Archiepiscopus Legatus Romanus habita in Senatu concione docuisset, si seorsum pacificarent, iniquam subituros famam violati fœderis, obstruendosque sibi in posterum adversus potentissimum finitimumque hostem auxilii spem, vicem reddituris sociis exemplo admonitis, damno irritatis. Ita fluctuantibus animis, medium consilium, quod plerumque pessimum, tenuit; siquidem nec bellum instructum, & pax repudiata. Id Regem, ut ab infrequenti imparatoque pecuniæ exercitu moderando abstineret, suavit. Quamquam invitus supremis Lithuanæ Polonæque militiæ præfectis relinqueret ejus curam; veritus ob æmulationem gloriæque cupiditatem, ne quid prosperi accideret, cujus non ipse auctor. Illi ex hibernis, cum una eademque regio inopialendo militi non sufficeret, ad Regni fines progressi, an aliquid tentandum suppeteret, quod esset suarum virium, meditabantur: cum ab transfugis renuntiatur, Camenæcum, hostium contemptu an sui fiducia, negligenter custodiri; & si scalæ concubia nocte ab Ca-

*Renuente Re-  
ge.  
Ac dissuaden-  
te P. M. Le-  
gato.*

*Exercitus ad  
Camenæcum  
ducitur & qua  
spe.*

1689.

*Deceptus oppi-  
dum improvise  
tentare aggre-  
ditur.*

*Oppugnatio de-  
scribitur.*

stri novi ( sic illud vocant ) parte admoveantur; superari posse. Digna res ysa, in quam vel ancipiti casu & suspecta Nuntii fide se committerent. Collecto equitatus flore & mille pedibus, gradum illuc accelerant, reliquo exercitu cum machinis sequi iussu, mœnia subituri ante lucem. Sed consilium eludit transfugarum, viam præeuntium, dolus aut error. Non prius enim quam aperto die illuc pervenire. Dubii quid agerent: decepti prædiali-  
rum astutia in id propenderunt, quod sibi ingenti perniciæ luendum fuit. Nam cum illi infrequentes ad mœnium loricam se se ostentarent, & raro majoribus tormentis jaculantes argumentum darent, pauciores esse & minus instructos, quam ad tolerandam oppugnationem foret opus; oppidum vi & operibus, quod per insidias non valuissent, subigendum statuunt. Duo altrinsecus adversus Castrum novum ca-  
stella erigunt, vallo coniungunt, machinis ar-  
mant. Hinc Lithuani, illinc Poloni vineas ducunt ad opposita propugnacula, quæ simul arietibus discutiebantur. Tres jam dies prope otiose vallum produxerant, telis tantummodo confictati, unde solutior iis disciplina, negligentiorque se se muniendi cura; cum repente prædialiarii e fossa, in quam per abditam portam descenderant, ingenti numero maximisque clamoribus adversus Lithuanos erumpunt, pri-  
mos

mos obtruncant, deletisque vineis septem abducunt muralia tormenta, duos pyrolmos corrumpunt, illata sexcentis nece. Nec eò stetit, ni Poloni ex altero castello suppetias tulissent; quorum adventu, recedentibus Turcis, dirempta pugna. Illi sua clade admoniti, quid virium oppidum, quid animorum oppidani haberent, veriti quoque ne ala sex millium Scytharum, qui non procul aberant, comineatus interciperet; prudenter ut in temere susceperet, confestim se retulere. Viam nullo impedimento regressi, in hiberna, quamvis autumnus vix inciperet, deducti sunt gravi populorum querela. Hanc, & improspere expeditionem tacite Rex irrisit ob iram negati in stipendia tributi, reique se ignaro gestæ. Par prope Venetis hoc anno armorum exitus. Animum ad vires instaurandas post Euboicam ærumnam studiose intenderant. Verum extenuato ærario, & bello clausa Germania, ne illinc milites educi possent, minus successerat. In Konigsmarchi locum suffecerant Carolum Felicem Gallianum Avenionensem Guadagnii ducem auxerantque ad dena millia Mauroceni copias, collectis per Italiam aliquot cohortibus, & bis millibus legionariorum e d e Dalmatia deductis; in hanc verò provinciam tribus millibus tumultuario per suas provincias delectu conscribi iussis. At cum ex huiusmodi exercitu partem in

*Deseritur.*

*Sarmata in hiberna ducuntur*

*Quid a Venetis gestum.*

no.

1689.

*Inter varias  
opinionēs Epi-  
daurus Limera  
oppugnanda de-  
scribitur.*

*Oppidum de-  
scribitur.*

nobiliora Peloponnesi oppida, partem ad isthmi fauces occludendas distrahi necesse foret; quod supererat, ingenti facinori non satis erat. Quare dum in Consilio de re gerenda ageretur, ii statim reiecti, qui differebant Chalcidem rursus tentandam. Et aliæ terrestres expeditiones aut ignobiles, aut majoribus tentandæ viribus; maritimæ, valida hostium classe, periculosa reputabantur. Una erat Epidaurus Limera, quæ com meatibus & militum supplemento jamdiu interclusa domari vel tenui exercitu posse videbatur; quæque nondum in potestatem redacta quidpiam de victæ Peloponnesi titulo decerpbat. Proinde hac ætate oppugnandam Maurocenus animo destinaverat eo etiam consilio, ut successori nullam ibi relinqueret materiam laudis, quæ nonnihil de sua detraheret. Nam cum hyeme graviter ægrotasset atque ex animi dolore affecta identidem valetudine uteretur, de reditu per autumnii tempus in Patriam cogitabat. Re ad consulendum proposita, nemo dissensit. Datis itaque Henrico Harcurtii Principi duobus millibus septingentis mercenariis ad isthmi custodiam, ipse reliquis in naves impositis, Epidaurum proras obvertit. Est paullo intra Argolicum sinum, brevissimo sexagenum passuum freto ab Laconia divulsus, scopulus testudinis forma erigens se in præcipitem undique & altam rupem; nisi qua parte meridiem spe-

ſpectat, per aliquod ſpatium leni clivo excipit ſuburbanas ædes, quæ muro, & ubi pelagum ſubeunt, paucis turribus circummunitæ, crepidini conjunguntur. Vertex octo per gyrum ſtadia late patet. Supercilio circumducuntur mœnia veteri ſtructa muniendi more. Propius continentem extollitur altiori jugo, habetque ibi tenuis munimenti arcem. Adverſo litori ponte conjungitur, cui brevi intervallo ſuburbium occurrit, unde in oppidum per exciſum ferro ſaxi latus anguſtus & arduus callis aperitur. Huc veteris Epidauri Cives, illecti aeris benignitate ac tutiſſimo natura loco, ſe contulere quinque diſtracti a priſcis laribus paſſuum millia, ſedemque locarunt in conſpectu Patriæ ruinis obrutæ, quæ adhuc e regione conſpiciuntur. Veneti haud procul inde in Laconiam deſcenſu factò, iter ad pontem convertunt, diſſipantque tormentis lunatum opus, quo ejus aditus occludebatur. Via patefacta, ſuburbium tentare ſtatuunt, rati, illuc e ſaxi vertice obiectas murales machinas incertiùs ( nam nimis ex alto ) collineaturas; ſpe quoque, hoſtem ancipiti percuſum metu, quippe terra marique oppugnatum, animos deſponſurum. Binas cohortes ponti admovent, juſſas præſtolari ſignum, ut non prius tranſgreſſæ mœnia ſubirent, quàm bellicæ quatuor naves maritimum latus vulnerare cœpiſſent, obcæcantesque tormentorum fumo circumpoſitam  
oram,

*Et oppugnatio.*

1689.

oram, levioribus cymbis occasionem darent fur-  
 tim aliquas inter hostium biremes alteramque  
 onerariam, quæ illic ad anchoras stabant, se se  
 insinuandi, injectaque flamma tumultum exci-  
 rent, averterentque illuc popularium partem.  
 Verùm, cùm ventus reflaret prohiberetque ab  
 appulsu naves, spes ad irritum cecidit. Quin  
 & Barbari ad pontem progressi, & cominus emi-  
 nusque jaculati, hostem ab ejus aditu submove-  
 runt non sine hujus cæde ac vulneribus; cumula-  
 vitque damnum Laurentii Venerii bellicarum  
 navium præfecti mors, ictu majoris machinæ,  
 dum longius e litore increbrescentem pugnam  
 conspicaretur, interempti. Quamquam Veneti non  
 ita multo post secundo vento propius admovente  
 quatuor hætenus repulsas naves, Turcarum na-  
 vigia jaculis confossa depresso. Nihil inde  
 tamen deterriti Cives; impavidi quoque, dum  
 tecta ollis incendiariis sæde perculsa ruinam fa-  
 cerent, omnem hostibus spem ademerunt, pa-  
 vore administro, capiendi oppidi. Vi proinde  
 oppugnandum Gallianus adhortabatur; posse  
 quippe ad suburbii mœnia milites pene intac-  
 tos succedere, difficili incertoque e rupis fa-  
 stigio machinarum ictu; nec multi ipsa mœ-  
 nia momenti esse ad resistendum. Attamen  
 Maurocenus dissensit, Chalcidis infelici oppu-  
 gnatione territus, nec opportunum ratus, cruen-  
 to facinore imminuere atque enervare suas  
 co-



copias, vix pares ad repellendum ab isthmi faucibus Ismailem prætorem, qui prope Megaram cum aliquot legionibus diverlabatur. Quamobrem excitatis in ipso litore duobus propugnaculis, iisque bis mille armatorum præsidio instructis; altero pontem ab terrestribus subsidiis, altero portum a maritimis interclusurus; pelago quoque dispositis circum ratibus impedito; cum septem ac viginti quinquerebus vela fecit adversus Africanos piratas, ut sexdecim quas ducebant ad classem Turcicam naves congressu arceret, vindicaretque illatam dudum cladem duabus Venetis quinquerebus fæde vulneratis, & una in potestatem subacta, dum ab reliquis divulsæ, sex Barbarorum majoribus navibus, quæ mare prætexebant, obviam jerant, ratæ onerariarum agmen esse, quod ad se Venetiis profecturum jamdiu perceperant. Vix altum Maurocenus petebat, quum iterum febris corripitur. Hac monitus, sibi vires ad militiæ labores non amplius sufficere, & valetudinem quiete instaurandam esse; traditis classe atque exercitu Hieronymo Cornelio, quem ei, si quando imperio abdicare se vellet, Senatus successorem designaverat; in Italiam se restituit. Primum Spalaturn appulit, expurgataque ibi per statos dies pestilentiae suspitione, decembri medio Venetias pervenit. Advenienti Senatus cum triumphali

*In obidionem postmodum versa & quare.*

*Maurocenus cum classe per Ægeum navigat quo consilio.*

*Et non felici successu.*

*Febri tentatus classem relinquit.*

*Venetias petit.*

*Ei Cornelius succedit.*

1689.

*Molinus Citclutum invadit.*

*Inauspicio evenit.*

*Molinus illinc signa ducit in Tribuniensem castrum, eoque potitur.*

nave obviam fuit, deduxitque in publicas ædes circumfufum ingenti sed tacita populi multitudine, quippe cuius in ipsum gratia confuenerat ob recentes ærumnas; quoddamque vulgus non solidæ plerumque virtuti, sed fluxæ rerum prosperitati plaudit. Eadem ætate parum feliciter vel in Dalmatia res gestæ. Alexander Molinus Cornelio prætor suffectus cum bis mille & quingentis legionariis validaque provinciarum manu Citclutum invasit; spe arcem tenui munitione & perangustam, levi negotio subactum iri. Illam, fertili ac late circum regioni imminuentem, colligendisque e Narone anime vectigalibus opportunam, Veneti aggredi superiori anno, ob inhorrescentem pluviis autumnum abstinuerant; frequentiori deinde præsidio Turcæ firmaverant, facile suspicati, redeunte Vere periculum subituram. Vis prius inferenda erat subjacenti suburbio, turrique proximo impositæ colli, quam Divi Stephani vocant nomine. Utraque Dalmatis provincia datur, qui vix ulla munitione septa loca, veluti prædatum irent, incompositi subeuntes, ac telis obruti dedere illico præfidiariis erumpentibus terga non sine cæde ac vulneribus. Nec eo stetit clades, ni legionarii acie instructa se se admovissent, retudissentque insequentium impetum. Molinus trahere illic moram ob inditam Illyriis trepidationem, per-

ri-

riculi plenum duxit . Itaque in Tribuniensem tractum signa intulit ; quem in ditionem redigendum , si occasio ita ferret , Senatus mandaverat , Epidauriorum regionem , ut jam memoravimus , circumsepiendi cupidus . Nec magni res molimenti fuit . Conspectis Venetorum signis , qui pauci Turcarum denas illic turres tutabantur , vix expeditis ad verberandum machinis , pacti vitam & libertatem , abire permessi sunt . Tres earundem turrium tenui praesidio & aliqua subitaria munitione firmatae ; reliquae apertae dissipataeque . Ad rei famam accurrit cum tumultuario delectu Chelmir praetor , sibi , si hostem non repulisset , non minus ab Rege timens , quam Epidauriorum vicem sollicitus , unde plura Turcis commoda obveniebant . Vallem vixdum ingressus , in potestate illam habuit , Neocastrum sine dolo malo dimissis Venetis , quibus turrium tutela commissa fuerat . Dum haec in Dalmatia ac Peloponneso geruntur , Germanos inter ac Turcas atrociori Marte , & longe diverso exitu bellum descevit . Id Ludovico Badensium Principi cum viginti Germanorum millibus Caesar gerendum dederat , facta ei simul potestate deligendi Hungarorum , quot e re sua censeret esse . Duo ex iis tantum levis armaturae equitum millia secum duxit , plures Comiti Budiano attribuit ad Canisiam , Turcarum in

*Non ita multo  
post repelluntur.*

*Quid hoc anno  
in Hungaria  
gestum .*

1689.

*Sigetum a Germanis fame victum.*

Stiriæ finibus arcem validissimam, lenta obsidione subigendam. Nam Germani, quæ a tergo reliquerant munita hostium oppida, fame, non armis expugnanda sibi proposuerant. Hac arte initio præsentis anni Sigetum in deditiorem acceperant; ad quod, media in palude situm cinctumque triplici muro ac fossa, vi perdomandum iustus exercitus & longum tempus vix valuissent; nec memoria exoleverat, ingenti clade oppidum stetisse bellicosissimo Othomanorum Principum Solymano centum viginti tres ante annos, nec nisi post diuturnam oppugnationem, ac triduo post ejus mortem morbo illic absumpti, fortissimis præsidariis occisione occisis, prius tamen vicem suam egregie ultis, vi subactum. Varadinum quoque munitissimum in superiori Pannonia oppidum, populato circum agro, stationibus occludere inceperant. Sed bis terque erumpentes oppidani, cæsis hostium trecentis, longius reliquis ab infesto loco se referentibus, consilium eludere. Badensis Vere jam adulto Albam græcam, quod convenire exercitum iusserat, se contulit. Ibi certior ab exploratoribus factus (nam antea rumor variaverat) Turcarum copias quinquagenis vigere hominum millibus, & alias propediem ex Asia legiones affuturas; nuntium ad Cæsarem misit, qui aliquid supplementi peteret. Se scire, mente non oculis metiendum militum robur, & plu-

*Badensis exploratis hostium viribus supplementum petit.*

plurimi faciendam suorum strenuitatem ; sed æque non ignorare , hanc minui debilitata vincendi spe , quæ in summa gerendæ rei difficultate rarè sustentatur . Annuit Cæsar ; at quo illum milite auget , anceps distrahebatur . Ab Rheno ut quidpiam ejus deduceret , nec res nec tempus ferebat . Ab Transylvania & superiori Hungaria haudquaquam sinebant populares ad defectionem vel dudum ab Tehelio sollicitati ; & nunquam non dubia , nisi metu retenta , æmulæ gentis fides . Satiùs visum , Sclavoniam præfidiis extenuare ; cum præsertim per eos dies Bosniæ prætor facta quinque armatorum millium manu longe minorem Germanorum globum , qui ad Unnam fluvium prope Dubitiam incaute morabantur , improvisè adortus , adeo nihilo secius ferociter acceptus fuerat , ut mortem aut servitutem nemo effugerit . Capta duodecim signa militaria & ipse Prætor . Quacumque Turcas deterritos in incertum pugnæ discrimen haud amplius illic se daturos , reputari poterat . Quamobrem Comiti Piccolomineo prolegato imperatum , ut oppidis trans Savum dimissis , & nobilioribus , quæ citeriorem prætererent ripam , ut ut licuisset , munitis , quicquid reliquum ibi Germanici nominis legionum esset , Albam græcam adduceret . Quatuor millibus comitatus , ineunte Sextili illuc pervenit . His copiis suppleto exercitu , cum qua-

*Ab Sclavonia accipit , re ibi prius a Germanis prospere gesta ,*

1689.

*Ad hostes per-  
git.*

*Illico recedit,  
Qua de causa.*

*Turcae illum  
insequuntur,  
quamquam a  
Visirio intra  
castra manere  
jussi.*

quatuor & viginti Germanorum millibus, duobus Hungarorum Badensis ire ad hostem constituit. Septimis castris ad Moravum majorem progressus, ponte ad Passarovitiam injecto, amnem trajecit. Ibi castello ad custodiendum redeuntibus aditum imposito, iter continuavit. Jam prope hostis in conspectu erat, cum mutato derepente consilio retro signa convertit. Continens imber, quamquam orta Canicula, viam corruerat, & auctum supra modum flumen lintres commeatui in adversum ferendo remorabatur. Inde verò periculum aderat, ne annona ingravesceret cumuletque nova ærumna militum lassitudinem. Tacita quoque illum incescit cura, inutilem incommodamque per ea loca trahendam moram; a speculatoribus monitum, Turcas loco tutissimo confedissee, quò non facile pervadi, & unde inviti extrahi non possent ad decertandum. Mustaphus enim Visiriorum princeps Rechebo armorum præfecto mandaverat, ut omnino castris se teneret, nec prælio cum hoste congregiens, in incerta casuum se permetteret; iaque eo consilio, ut ne tyronibus, quibus magna exercitus pars constabat, fideret adversus veteranum Germanorum militem, licet numero longe imparem; nisi prius assuescerent armis, & hostium rei que militaris notitia se se ad pugnandum firmassent. Itaque ad confluentem Naissum amnem

nem flativa posuerat , cognomine oppido & duplici protecta flumine , quæque a tergo solum , sed longo circuitu , adiri possent . At ubi novit Germanos remeare ; falso opinatus id metu fieri , instare occasione animum induxit . Dena equitum millia , qui suum ex hostis gressu moderarentur , ab læva Moravi majoris ire , transitum interdictura , jussit . Ipse ab dextera cum reliquo exercitu quatuor millium intervallo Germanorum vestigiis hærebat , detinebatque levioribus præliis cupidos ob angustias annonæ viam accelerandi . Non una isthæc Badensem angebat cura ; sed & metus urgebat , ne hostilis , qui flumen traduxerat , equitatus , breviori itinere Samandriam peteret tenui munitam præsidio , interciperetque ingentem eò congestam commearum vim , qui Danubio ad exercitum comportabantur . Hæc expendens , consilium cæpit , clam traducto exercitu alam illam repente aggredi , priusquam aut viam præriperet , aut ripæ succedens transitum obsepiet . In id plures equitum legiones locat in summo colle , ripæ , unde tranandum erat , imminente , ne illinc , quid fieret , speculari hostes possent . Dein pedites , ponte cymbis imposito , ut transmittant , accelerat . Duo jam hominum millia tenebant ulteriorem ripam , cum aliquot Turcarum turmæ supervenere . Atrox illicò accenditur pugna , & Germani eque-

*In eos Badensis  
vertis signa :*

1689.  
*Initur pugna,  
 & quo successu.*

equestrem tumultum vix sustinebant. In tempore cum valido equitum globo, tentato feliciter vado, affuere Badensis ac Veteranius. Hinc primò æquatum prælium. Mox Turcæ fugam arripuerunt, incertum dolo an metu. Nam reliquum suorum agmen propinquo in saltu confederat, hostes, si fortè illuc pertraherentur, ex insidiis oppressurum. At ubi Germanos vidit, priusquam suspectum intrarent locum, in ordines iterum, quasi caverent, se digere; ad alterum suæ gentis agmen, quod simulate an vere fugiendo præierat constiteratque in aperta haud procul inde planitie, se subduxit. Eò Badensis peditatum omnem jam ponte egressum, equitumque plures legiones ducere properavit. Turcæ longius audito adventantium strepitu arma expedierant, & cum se ab reliquo exercitu, fluvio Germanisque intermediis, avulsos conspicerentur, audaciam præsentis periculo acuentes, primi concurrunt; diu ac strenue decertant. Verùm hostilem pedestrem aciem suo firmatam equitatu cum impellere nequaquam possent, & geminatis ab ea telis conficerentur, præfecto & quadringentis ferociorum in prælio, pluribus in fuga desideratis, se dissiparunt. Quæ dum illic geruntur, Rechibus imperator, comperto demum Germanorum trajectu, signa in equites movit, qui dispositi in collis jugo suorum, dum traducerent-



rentur; conspectum speculatoribus ademerant;  
ratus ita, si pauci transmississent, ceteros mor-  
raturum; & si plures, facile quicquid eorum  
superesset, deletum iri. At spes in iritum ce-  
cidit. Cuncti prævetterant, paucis tantum in  
speciem relictis, qui statim intra vallum ad  
pontis aditum recepti, fregere irruentium im-  
petum, sibi deinceps per ipsum pontem, si Bar-  
bari urgere pergerent, prospecturi. Id non Re-  
chebo visum dignum satis operæ pretium; &  
ea major instabat sollicitudo, ne impune hostis  
abiret, neve suorum equitum ala trans amnem  
progressa, in discrimen adduceretur. Itaque  
raptim copias traducit, Germanos, quam cer-  
leriter posset, assequuturus. Dum iret, nuntia-  
tur hos sibi obviam venire ac statim affore.  
Badensis enim post acceptam victoriam suos ex  
templo in Rechebum verterat, priusquam aut  
illi pugnandi ardorem remitterent, aut ille fu-  
ga dispersum agmen colligeret, augetetque vi-  
res. Locus erat, ut circa flumina, arboribus  
densus, nisi quoddam irrigua identidem latissima-  
que interiacebant prata. Horum alterum du-  
plici vallo Rechebus interciderat; & quod in-  
terius erexerat, munierat fossa & curulibus  
tormentis, tutum receptui locum; Dein suis  
nimium confusus viribus, longius processerat,  
hosti occursurus. Fortè in apertam planitiem  
uterque exercitus intraverat, alter alteri gra-

*Rechebus exer-  
citum omnem  
adversus Ba-  
densem ducit,  
equitum au-  
xilium.*

*Semel iterum-  
que committi-  
tur prælium,  
ubi, quibus ar-  
tibus, & quo  
eventu.*

N

dien-

1689.

dientium fremitu non ignotus ; sed conspectum adimebat nebula ad multum diei infundens udo solo , premensque lucem densa caligine . Hac tecti otiose dirigunt aciem . Turcæ in prima fronte Janizaros locant , reliquum perditatum in subsidiis , equitatum in cornua dividunt . Badensis pari ordine suos digerit . Castellium prolegato jubet , e secunda acie clam subducere duas equitum sagittariorum legiones , easque per ingentem sylvam , quæ dexterum protegebat latus , ita circumducere , ut , cum strepitu nuntio audisset initam pugnam , se se hosti obliquum ostenderet , tubarumque clangore magni agminis speciem exhiberet . Ubi Sol dissipatis vaporibus aperuit diem ostenditque instructas ad prælium acies , datum concurrendi signum . Turcæ primi , ut iis plerumque est in more , equites immittunt , provocantque pugnam . Misso telo circumagebant equos , latoque redibant gyro ad jaculandum . Verum Germanus densatis ordinibus recto cursu premebat obequitantium vestigia , frequentibus adeo missilibus tergo insultans , ut Barbaris obvertere frontem ac stataria ex ipsis equis decertare pugna opus fuerit . Interea perditatus ad teli conjectum venerat ; quo armorum genere cum plus Cæsariani valerent , Thracæ illico eductis gladiis pedem inferunt . Robur illic utriusque exercitus erat ; quare æquis viri-

viribus incertoque eventu Mars desæviebat; nisi quodd Turcæ (quippe qui multitudine excellerent) fessis integros sapius subjicientes, Germanos fatigabant. Diu multumque non sine mutua cæde perseveraverat prælium; cum e transverso auditus tympanorum tubarumque sonitus longe plurium, quam pro legionum numero; mox visum equitum sagittariorum, quos Castellius ductabat, e nemore egredientium agmen Barbaros consternavit, majus illud ex ingenti clangore, quam re vera esset, suspicatos; simulque veritos, ne si eis tyrones; quibus secunda constabat acies, oblique invadendi daretur spatium, sæde cuncti profligarentur; in sylvam, quæ sibi a tergo erat, referendi pedem consilium capiant. Ordine, sed non incruenti (carpentibus postremum agmen Germanis) illam ingressi, quieti deinde pergunt ad primum vallum. Nam suos Badensis continuerat ad sylvæ oram, prius exploraturus an occupata insidiis foret. Missus Comes Staremburgius cum equitum turma citò retulit, illam non ultra quingentos passus patere, proceris arboribus, sed raris consistam. Cum multum adhuc superesset diei, facto brevi ad respirandum spatio, datur militibus progrediendi signum. Vixdum aliqui in apertum evaserant, Barbari in ulteriorem aggerem, fossa protectum, recedunt; inde verò centum ac quinque æneis

tormentis jacula in hostem inferunt. Nox ingentem procellam, quæ stragem faciebat, diremit. Anceps erat an iterum subeunda foret, quærendumque intra munitionem hostis, quippe qui non faceret ex æquo pugnandi copiam. Advocato Consilio, exquisitisque sententiis nemo laceffendum esse dissensit. Nunquam Germani Turcas adeo contempserunt. Duceret, quod vellet, inquit, atque uteretur Imperator ardore militum, qui tanquam non ad certamen, sed ad prædam mitterentur, parati essent, per fossam per vallum, hostes invadere. Itaque in posterum pugna edicatur. Interim somno & cibo reficerent corpora; animos suæ virtutis opinione, vincendique spe augerent. Tertia vigilia Comes Palſus cum omni devi armatura iter silentio & longo circuitu per opacum nemus, quod continuo tractu ad dexteram, ut diximus, protendebatur, capere iussus atque hostem a tergo cedere, dum circa vallum prælio detineretur. Rebus ita dispositis Badensis, postquam illuxit, copias in aciem aducit. Robur legionum locat in prima fronte, equites in cornua didacit, subsidium agmen constituit. Ubi Palſum satis habuisse temporis visum est ad ea, quæ imperata fuerant, perficienda; intrepido & magno gressu acies procedit, quamquam telis, quæ frequentissima ex adverso micabant, dilacerata.

In

In fossæ labro sagittarii ex equis defiliunt. Pars hostem, si ex abdito ad pyrobalistarum usum corpus aperiret, missilibus confodiunt; pars per inæqualiter compactum, ut qui opere tumultuario, scandunt aggerem. In altum egressi, alii tela reciprocant, alii prætentia pyroscorpionibus cuspide viam expediunt. Fumus e tormentario pulvere oculorum usum; strepitus, aurium ademerat. Quocirca unusquisque sibi dux & miles, impetu magis quam arte, pertinaciter ad exitum properabat. Turcæ obnitebantur, Rechebo in ipso agmine quâ minis quâ precibus impellente milites ad obsistendum. Sed frustra Germani, quominus inundarent, vetabantur. Nihilo secius prælium incerta durabat alea, ni Palsius in tempore latissima fronte, velut ingentes copias adduceret, ab tergo hostibus sese ostentans, terrorem injecisset. Quo hi demum victi, animis cadunt, tumultu turbant ordines. Nec ita multo post, cum Palsius accederet, ex alteraque parte ferociter trucidarentur, in præcipitem fugam se committunt, quaquaversum, quod fors ferebat, dispersi. Rechebus pluribus in via collectis, Moravum supra Naissum amnem, ubi tenuiori fuit aqua, transgreditur. Eò usque Victor fugientes persequutus, magnam edidit cædem, quæ ad octo armatorum millia pervenisse dicitur. Non minor fuit præ-

*Quanta Turcarum ac Germanorum cædes.*

da

1689.

*Badensis Turcas insequitur, in castris aggreditur.*

da . Bellicus apparatus , impedimenta omnia, tres pyrolmi , & quicquid machinarum aggerem communierat , in ejus potestatem venit . Cæsarianorum cecidere ad mille ducentos , plures vulneribus debilitati . Hac insigni victoria , tantae suorum militum alacritate Badensis celeriter utendum ratus , audax alterum consilium iniit hostem , tutissimis receptum castris , iterum aggrediendi ; quamquam viginti hominum millia e pugna ad ejus signa se retulissent , submisissetque Visirius Asiaticas quinasdenas legiones , iter illuc post suorum cladem accelerare iussas . Itaque ex omni exercitu sexdecim legionariorum millium dilectu habito , quot integro erant corpore aut valetudine , paucos post dies trajecto Moravo ad Turcas pergit . Hi arte & natura munitissimo se continebant loco . Ab tergo lævaque rapido cursu , ac tum fortè pleno fluebat alueo , Naissus amnis . Ab dextera ejusdem nominis jacebat oppidum . Frontem obtegebat altus agger , profunda munitus fossa sudibus circumlepta , qui longius etiam productus collem , haud procul ab urbe sitam , aliqua ex parte complectebatur . Germani duplici ibant agmine ascenderantque tumulum alteri oppositum , quò Turcæ acie instructa e castris processerant . Modica interjacebat vallis , in quam illi confestim descendunt , Thracem aggressuri . Is , ubi signa in-

fe-

ferentes vidit, intra vallum extemplo, consilio an metu, se recipit. Eò Cæsariani irrumpere nequaquam ausi, territi loci munimento & muralibus tormentis, quæ subituris funestam nimis cladem minitabantur. Itaque in vallem reducti, Comitem Czachium cum aliquot levis armaturæ speculatum mittunt, an alibi hostium castra pervia forent. Collem refert, ipsis ab dextra continentem castris, immunum esse, indeque intra munitiones penetrari posse. Statim illuc ducuntur. Ob vallis angustias dextrum, cui præerat Crojæ Dux, præibat cornu; sinistrum, cui Comes Piccolomineus, subsequēbatur. Non fugit Barbaros hostium consilium. Quod ut eluderent, carpere postremos ordines & moram facere immissa equitum ala connituntur. Simul summo colli properant aggerem circumducere; in eoque statuunt Janizarorum robur, qui viam obsiderent. Locum antea neglexerant; falsò arbitrati, nunquam Germanos eò persuadere ausuros, ne inter castra hostium atque oppidum certo periculo se committerent. Nihil id tamen eos movit, quominus per ipsum tumulum se inferrent. Nullo impedimento clivum subeunt, scandunt informe adhuc vallum, conferuntque cum hoste manus. Atrox ibi aliquantum Mars fuit. Sed fractis adverso toties eventu animis Turcæ demum pedem non tenuere. Subiecta erant tumulo-

*Praeliū nat-  
ratū.*

1689.

lo ipforum castra ; facile proinde , telis murasi tormento procul vibratis , terrore ac tumultu oppleta . Qui ubi cæde auctus increvit , Germani se promoverunt acie decreturi . Interea ab sinistro cornu repulsa Turcarum turma , cum reliquo prope omni equitatu intra vallum regressa irruperat in ferocientium Germanorum latus , attuleratque ingens discrimen . Verùm Badensis dato signo , ut sui frontem illuc obverterent armarentque præpilatis pyroscorpionibus primos ordines , reliqui jacularentur ; simul e transverso in Turcas immisisis duce Palsio equitum legionibus , eos repulit . Mox data impressione vicem vertit . Non enim tulere Turcæ ingruentem undique tempestatem . Quà quisque potuit , turmatim in pedes unàque Rechebus se coniecit . Fuso equitatu peditum legiones , ad quas Germanorum dextrum agmen pervenerat miscueratque pugnam ; nudatæ equestri præsidio cum pares obnitendo non essent ; acie non dissoluta , per fugientium vestigia se referebant . Sed citò , urgente hostium agmine , jugulum aut terga dare coactæ sunt . Cæsa eo die octo Turcarum millia . Captæ quatuor ac triginta majores machinæ , bellici instrumenti ad solum moliendum ingens copia . Nox & Cæsarianorum lassitudo plures neci subduxit . Eorum non plus trecentis , in his Vellen Instructor exercitus , humi strati . Naissum oppidum portas sub-

in-

*Ejusque eventus .*

*Strages utrinque edita .*



inde Victori aperuit . Non parva illinc egesta præda . Magna quoque reperta commeatuum vis annonam jam jam ingravescentem laxavit . Postridie Badensis Comitem Piccolomineum cum duobus equitum millibus exploratum misit , an iter ad Sophiam , Bulgariæ caput , nobilem urbem expeditum foret . Quamquam enim centum viginti passuum millibus ab Naïso distaret , deliberandum censebat , ibi ne caperet hibernis locum . Saltus medium iter interceptabat , quem Rechebus , dum illac se subriperet , militum præsidio & aliquâ munitione obstruxerat ; eo præsertim consilio , ut Solymano Regi , qui supremo Visirio comitatus , per ætatem Sophiam venerat , e propinquo belli negotium gesturus ; tutam ibi , ne metu discessisse videretur , moram faceret . Sed ille , audita exercitus clade , confestim Adrianopolim se contulerat . Quæ Badensi ubi cognita , prope Naïssum se continuit , datisque Piccolomineo , cui non diu post vita functo Vido Staremburgius successus est , quatuor armatorum millibus , qui oppidum munirent ac tutarentur ; simul bis mille & quingentis aliis Holsatiæ Duci instructori exercitus ad explicandam populandamque provinciam ; ipse cum novem millibus , quot reliqui erant , dextram legens Moravi ripam , ad Danubium pergit , hiberna ( nam medio Octobri senescebat autumnus ) quæsiturus . Bydenam progressus , ubi su-

1689.

*Badensis non ultra prægreditur, qua causa de-  
censu.*

*Dimissis legionibus aliquot circem occupari oppida jubet. Ipse ad Danubium recedit.*

1689.

*Bydenam vali-  
de propugnatam  
vi superat.*

perare Danubium ponte decreverat, sena millia Janizarorum se se atque oppidum erecto aggere conclusisse ut aditum prohiberent, reperit. Ad deditionem vocati, cum nihil pacati respondissent, indomitos animos, quos non e præsentī fortuna gestarent, vi frangere, exempli fore duxit. Nullam secum adduxerat muralem machinam, qua vallum dispergi æquarique solo posset. Nihilo secius, militum virtute fretus, invadere in ipsum statuit. Copias in duo divisit agmina; alteri Comitem Veteranorum præfecit, ipse alterum ducit. Diu Turcæ atroci prælio obstitere. Sed ferociam non remittentibus Germanis, pulsi tandem ab aggere fugatique sunt. Duo millia ferro absumpta; ceterorum pars annem tranavit, pars in arcem transgressa, postero die accepto libero comœatu discessit. Quadringenti Germanorum occubuerunt; aliquot vulnerati. Insignis præ ceteris Veteranus, dum primus cum sagittariorum manu, qui ex equis descenderant, in vallum evasit. Traducto exercitu, Badenſi in animo erat, Vallachiam militi ad hyemandum dare. Sed Regulus pecunia & comœatibus molestiæ non parum redemit, aliquot solum legionibus intra fines receptis. Pars major locum iis agendis in proximo Temesvariensī tractu supra Danubium cœpit, unde Tehelius, qui Temesvarium victu recreaverat, cum aliquot perduellium cohort-

*Veteranii in-  
geas facinus.*

cohortibus non ita pridem abscesserat Visirii iussu, qualicumque posset, ope afflictam rem Turcicam sublevaturus. Dum hæc in ea parte geruntur, Holfatiæ Dux globum suum per superiorem Serviam circumduxerat, incenderatque Uscopiam, nobile ad Assium flumen emporium; nam cives cum re familiari in arduum propinquum Orbelum montem se subdixerant. Inde ad Pirotum arcem se circumflexerat. Quinque illuc Turcarum millia perfugerant ex improspera ad Naissum pugna. Hi, procul viso Cæsarianorum agmine, freti numero ad ipsum Naissum, qui propius mœnia exiguis fluebat aquis, se se obijcere ac provocare prælium ausi sunt. Sed non impune. Quippe signa inferentibus Germanis extemplo inclinati; mox turbatis ordinibus effusa fuga pedibus se commiserunt. Ad duo millia cecidere, sædis plerumque a tergo vulneribus contrucidati. Pirotum Victori cessit, validoque præsidio retentum est. Sub idem fere tempus Sclavoniam Barbari pertentaverant, Sabazum ad Savum oppugnare adorti. Verum tot alibi acceptis ærumnis conterriti, incepto abstinere. Dein per otium traducta hiberna, fessis debilitatisque multiplici aliis clade, aliis victoria.

*Disunitis aliis oppidis per ea loca Germani potiuntur.*

*Finis Libri Septimi.*



## Liber Octavus.

1689.



*Fœderatorum  
contra Gallos  
belli apparatus.*

NUM hunc fecit insignem Turcarum non minus Imperium tot præliis ac tanto a Germanis impetu concussum, quàm res Christiana, præcipue ad Rhenum, sævo irarum atque odii exemplo ( ut initio discordiæ sunt acerbiores ) misere labefactata . Prolusum primò atrocibus vicissim in hostem querelis, regerendaque alterutrum belli causa ; quæ tamen perinde accipiuntur ut sunt audientium animi, & dolorem non vim præferunt . Dein versa omnium cura ad bellum, postquam verum advenisset tempus, e dignitate gerendum . Hispani ad Cataloniæ fines adduxerant non parvas copias ; plures in Belgio conscripserant, quæ in unum cum Batavis corpus coaluerant . Undique Germania strepebat armis, & maximi exercitus ab Cæsare, tribusque Octoviris  
Bran-

Brandeburgensi, Misnienſi, & Bojoario, ab liberis Civitatibus, aliisque provinciæ Regulis comparati. Ad reliquos adverſus Galliam conjuratos acceſſerat e Concilii ſuæ gentis ſententia Vilhelmus Rex; qui, quamvis domeſticis adhuc turbis detentus, graviffimum momentum faciebat ſeu occupanda Hibernico bello Gallicanorum militum manu, quo uno auxilio rem ſuam Jacobus Rex ſuſtentabat; ſeu injecta ſpe, illinc ubi ſe ſe expediffet, Britannicum omne robur in Belgium traduſtum iri. Hæc Galliarum Regi Ludovico ſedulo cogitanti, nec hætenus experto, iis pollere ſe viribus, quæ ſibi hoſtes in intima ſede laceſſendos patefacere, verius modo viſum eſt, firmatis valido præſidio opportunis oppidis, obſtruere iis invicem in Galliam aditum. Itaque ſubactam dudum trans Rhenum oram, deducto inde milite, dimitti jubet; inſtrui verò frequentioribus copiis Philippoburgum, Moguntiam, Bonnam, Keiſervertum, quibus obleptum flumen haud facile ſuperatu ab Germanis foret. Colonienſem tractum nullo diſcedentes affecere damno, ſed acerbiffimo Palatinatum. Heidelbergam, Manheimium, Franchenthalium, Oppenheimium, aliæque munita ejus ditionis oppida mœnibus denudata; Vici ubique flammis conſumpti; vaſtatas arboribus fatiſque illata; & alicubi populares domiciliis ſedem mutare, in Galliæque terris col-

1689.

*His accedunt  
Britanni.*

*Galli deſerta  
dudum devicta  
regione, in oppi-  
da munita ſe re-  
ſerunt.*

*Inſiſta Palati-  
næ ditioni hor-  
ribili clade.*

1689.

collocare adacti . Hanc enim atrocissimam plagam Philippo Vilhelmo Octoviro ; quem hujusce belli nutriculum discordiarumque flabellum fuisse arbitrabatur , infligi Ludovicus induxit animum , fatus : e republica esse , illum , qui commovisset , quanta sæviret clade armorum procella , expertum discere . Hæc tanta socii Principis ruina Fæderatorum studium ad vindictam accelerandosque bellicos apparatus exacuit . Nec absuit ab eventu res . Non dum enim Ver appetebat , cùm tredecim supra centum armatorum millia , ad Rhenum profectura , in armis erant . Unum & quadraginta millia Cæsari merebant , viginti millia Octoviro Brandenburgensi ; quindecim millia Misnienfis signa sequebantur , decem Bojoarii , totidem Hassiæ Reguli . Et Monasteriensis Episcopus sexagenas centurias instruxerat , Svevia provincia quadragenas . Septem quoque millia se submissurum Hannoveræ Dux , quæ serius venire , fidem dabat . Ratio tantum gerendi belli adhuc incerta . Nam qui iusti prope instar exercitus copias collegerant , quidpiam suo Marte suisque auspiciis tentare , & nemini imperio cedere , apud se constituerant . Cæsar quoque , quem suis legionibus præficeret , ambigebat . Duo petebant , Bojoarius & Lotharingius ; hic diutius belli expertus , ille auxiliorum potentior ; ambo strenuitate , fide , suaque , si vincerent ,

*Germanorum  
Copia diminuta-  
rantur .*

rent, utilitate commendati. Plus tandem, ut apud sapientes Principes, valuit virtus atque honesti pudor; datumque Lotharingio in eas imperium. De summa tamen subducta hominum septem millia Bojoarioque adiecta; quibus & quatuor Svevorum millibus suppleta suorum militum manu, Svevia & Palatinatu hostem ad Nicrum usque amnem arceret. Nicrum inter ac Mænum Lotharingius consisteret. Hinc ad Lhōnum fluvium Saxones, Hassianique; reliquam Rheno continentem oram Brandeburgenses, juncto sibi Monasteriensium agmine tarentur. Quin etiam e sua unusquisque parte hoste ut possent propulso, privatum aliquem vel re sua amplianda, vel retinenda, vel recuperanda, fructum perciperet. Ita, divisis copiis atque imperio, plurium ambitioni consultum fuisse; male tamen reipublicæ, non diu latuit. Galli enim munitissima ubique objicientes oppida, frustra tot viribus, si nullo coalescerent loco, impulsu iri videbantur. Initio Veris Misnien-sis Octovir Francofurtum cum suis legionibus venerat, ad eumque salutandum convenerant Bojoarius, Lotharingius, Hassiæ & Wirtembergæ Reguli, nonnullique majorum militiæ ducum. Sermone inter ipsos de re injecto, nemo fuit qui mutandum consilium non reputaret. Unum proinde sexagenum septem millium consilari corpus, in idque ad Cæsarianas, quæ Lotharingii auspi-

*Suarum Lotharingio imperium datur a Cæsare.*

*Alie in plures divisa globos.*

*Mutato consilio pars major Lotharingio ad ali quod facinus attribuitur.*

1689.

*Moguntia oppugnanda decretaur.*

*Quo munimento valeret, & quo presidio.*

*Oppugnatio describitur.*

auspicio sequebantur, legiones accedere novem Mitnienſium millia, decem Bojoariorum, Haſſianorum ſeptem, deliberatum; quorum omnium Lotharingius ipſe imperium gereret. Reliqui, quod ſibi ſupererat militum per loca eorundem jam antea tutelæ commiſſa, detinerent. Non diu deinde quæſitum, quid primum validiore illo exercitu tentandum foret. Moguntia ante omnium oculos obverſabatur, qua Germaniam cis Rhenum veluti compedibus vinctam Galli detinebant, & ulterior ipſorum populationibus aperiebatur. Itaque ad oppugnandum decreta, eoque Lotharingius traducto Rhenum exercitu, ſigna admovit. Jacet Moguntia patenti campo ad huiusce fluminis lævam. Mœnia lato convexoque ducta gyro parum pridem munimenti habebant. Sed Galli per hyemem celeri ampliffimoque opere ſuperinduxerant novam ceſpite compactam loricam, interiori aggere, exteriori foſſa, tectoſque itinere, & quatuordecim propugnaculis circummunitam. Illuc etiam congeſſerant quicquid fere bellici instrumenti in Palatinatu repertum fuerat, impoſuerantque decem armatorum millium præſidium, cui præerat Uxellæ Marchio prolegato. Circumvallato exercitu, oppidum Lotharingius tripartitò aggreſſitur. Ipſe medias urgebat vineas; ab dextera Miſnienſis & Bojoarius; Haſſiæ Lantgravius ab læva, utrinque prope ripam. Ingens erat



erat militum ardor, nullum detrectantium laborem nullumque discrimen ut aggerem promoverent. Præliarii pari ferocia resistebant operi, frequentissimis jaculis non sine plurium cæde submoventes hostem, crebris eruptionibus aggestam humum dissipantes. Nihilo tamen fecius trigesimo die eò processerant vineæ, unde majoribus tormentis frons & latera propugnaculorum concuti ad ruinam possent; cùm viginti oppidanorum centuriæ tanto impetu in Saxones se demisere, ut mille ipsorum cæsis, pluribus vulneratis, ceteris ad interius vallum protusis, quicquid usque eò compactum fuerat, penitus disiecerint; affectæ ipsæ pariter quingentum nece. Lotharingius rapta secum e proxima statione suorum manu opitulatum venerat. Sed illi intra mœnia, successu alacres, jam se receperant. Idem postridie mane adversus Cæsarianos tentatum facinus. Sed vix commissa pugna, Gallis pedem referentibus, dirempta est. Arte recessisse, ut in hostem, simulato metu, negligentiam inducerent, citò patuit. Mox enim regressi, incautum imparatumque, quoddam statim redituros non crederet, facile oppresserunt. Dum aggerem demoliuntur, Cæsarianorum globus, ad primum suorum strepitum e castris profectus, supervenit. Initur, sævitque diu prælium, quo tandem victi oppidani lento gradu ad propugnacula se retulerunt. Non ta-

P

men

men diu fuit, cū tria millia delecta equitum peditumque, prælatis signis, atque ingenti clangore, tertid in eadem opera impressionem dederunt. Confertis manibus stationarii ferocem impetum sustinebant hærebantque vestigio, fulti aliquo expeditiori milite, extemplo e castris submisso. Verū non diu post circumuenti, magna clade in fugam se consternarunt. Sexcenti perire: duo maiora tormenta clavis obœcata, vineæ prorsus deletæ, & ubi ipsarum caput, statio ibi posita oppidanorum; quorum in eo conflictu vix centum desiderati. Nox eos dirimit. Postquam illuxit, Germani e castris, injuriæ impatientes, in aciem prodeunt, promouentque signa iterum congressuri. Sed illico cessere Galli pugnam averfati, quæ cruenta urbis tutelam debilitasset. Inter hæc Duratius legatus tricena Gallorum millia Rhenum trajecerat prope Oppenheim, opem ex adversa ripa, si fortè in ipsam penetrare licuisset, obsessis adducturus. Re comperta, Lotaringius octo equitum millia oppugnationi subducta Comitē Dunevaldum illuc traducere, collectisque quotquot Hassianorum provincialiumque præsidio erant per ea loca, Meni ripas munire, atque aditu hostem illac transgressurum prohibere jussit. Duratius ubi novit, obviam itum consilio suo (quod erat proximum auxilii genus) circumjacentem regionem ferro ac flamma

ma

*Inter ea Galli  
Palatinum,  
invadunt abdu-  
cturi ab oppu-  
gnatione Ger-  
manos.*

ma grassatus, insigni clade affecit; spe, Dune-  
valdi copias ad eam præpediendam in aper-  
tum, ut æquo Marte in pugnam descenderent,  
pertractum iri. At cum pedem ripa non ef-  
ferrent (vincente ærumnarum dolorem conjun-  
cta cum insigni decore utilitate, quam ipsi  
recepta Moguntia paritura erat) Duratius fle-  
xit in Palatinum iter. Tentata ad Nicrum  
Haidelberga, quingentum militum; quò ante  
tenebatur, præsidium mille. Virtembergensibus  
per eos ipsos dies casu auctum, quamvis subi-  
taria tantum protectum munitione, portas clau-  
sit. Res digna, quæ moram faceret, non fa-  
tis visa. Continuato proinde itinere, Brucsala,  
Veingarten, Durlachium vi capta; cumulata-  
que novis calamitatibus provincia. Exercitus  
præda manubiisque gravis trans Rhenum ad  
Philippoburgum deductus, ut illinc Germano-  
rum, si quid ultra hostile, Moguntia in po-  
testatem redacta, meditarentur, consilia obside-  
ret. Ibi accepto ab oppugnatoribus Harinove-  
rianorum supplemento, eò demum triplex val-  
lum admotum fuerat, unde quassata machinis  
opposita propugnacula nudari mœnium lorica  
possent. Qua parte id Lotharingius dabat ope-  
ram, tricenæ constitutæ, quinævicenæ ad utrum-  
que circa flumen latus, brevi ingentem stragem  
ediderunt. Nec diu post ad fossæ labrum pro-  
motus agger, unde cuniculi ad interiora ope-

*Qui tamen in ea  
persistunt.*

1689.

ra confestim ducti . Horum aliqui sulphurato pulvere discussi quidpiam objectæ munitionis ruinis involverunt , & major illinc instabat oppidanis clades ; qui tamen curulibus undique tormentis tantam ingeminabant telorum procellam , ut hostes ibi sine ingenti clade diu stare non posse viderentur . Quamobrem Lotharingius advocato Consilio , haud amplius cunctandum dixit , sed quacunque parte per apertum aditum pateret iter , nulla mora irruendum . Satius esse accelerando facinori quidpiam militum honestæ , dum pugnant , morti devovere , quàm ipsos & majori fortasse numero , dum lentis operibus se se insinuant , ignobili fato missilibus auferri . Quantum & quadragesimum jam diem omnibus prope Germaniæ viribus Moguntiam oppugnari ; urbem , si cum tot aliis , quæ Gallicum regnum prætexunt , conferatur , non multis cinctam munitionibus ; & serò illam ab exercitu , Turcarum Hungariæque domitore , superari , vix non ignominix loco censendum esse . Quodd si hoc nimium gloriose dici videatur ( quamquam militi supra cetera honestati ac decori serviendum sit ) an non hinc omen in reliquum bellum conjiciendum esse . Semel verò præoccupata opinione : nihil nisi longo molimine ex hostium manibus detrahi posse : casuros Fœderatis animos , incerta remotissimaque debellandi spe .

*Lotharingius  
abrupti moram  
dato impetu sua-  
det , & quibus  
argumentis .*

spè. Quandiu enim fore ut ad priscos legitimosque ejusdem regni fines infesta ducantur signa? eaque gens ad vivum combusta, damno ac periculo suo discat, alienis parcere? Et si ne istud quidem pensi habeatur: an non timendum, re diutius producta, opem obsessis adductum iri. Facile quippe in Gallia, quæ floret hominum multitudine, & ubi regium imperium sanctissimum est, militum delectus conficitur, nec deest bellicosæ Nationi animus ac voluntas pericula quæque obeundi, cum id omne se posse credat, quod Regi lubeat. Tunc enimvero non ita certam nobis, diuturno fessis labore, victoriam fore. Quærendam proinde modò esse, nec nimis caute investigandum: quid augeat periculi obnoxia adhuc obliquis propugnaculorum lateribus via, qua militi irrumpendum sit. Nam bellum ex occasione, non certis statisque legibus administrandum. Ab hac oratione ad impetum vel qualicumque discrimine in hostes faciendum incensi omnium animi. Postero die (idustunc erant Septembres) certamen indicitur. Prolusum frequentiori e machinis verberatione. Olla deinde incendiaria proposito pugnae signo Germani trifariam se se intulerunt. Erant in prima fonte Pyrochitrophori, medii Hastati, a tergo Sagittarii. Pauci in castris relictæ; & primores militiæ ordine aut natalium dignitate

(tan-

*Ad superandas  
munitiones a-  
trocissimum ini-  
tur prælium.*

1689.

( tanta pugnandi cupido eos cœperat ) cohiberi non poterant , quin ante signa progredierentur . Oppidani intra murorum viæque tectæ loricam taciti occultique se continebant , donec hostem vel minutis telis interiorem haberent . Tunc se pectore tenus aperientes , laxarunt majores minoresque machinas tanta subeuntium strage , ut primos ordines pene deleverint . Inita deinde pugna , confertæque manus flammiferis primum ollis . Quo telo consumpto , succedere Hastati Pyrochitrophoris . Ab his , utpote certo ictu , efferata pugna . Sed major Germanos urgebat vis , eminus quoque tormentis dilaceratos . Immani proinde territi suorum nece ter inclinaverunt . Ter novis extemplo inductis legionibus , & majoribus ducibus gregariorum in morem certantibus , animi ac prælium restituta . Tres horas plusquam civili odio dimicatum , alterutrum ferina rabie se diserpentibus . Tandem hostium superante multitudine , oppidani in fossam detrusi sunt . Non diu illic traxere moram ; quippe Germani explicato Sagittariorum agmine ferociter e superiori loco in ipso jaculabantur . Ergo in propugnacula se propripientes , armis & corpore aperta murorum claudunt , minitantes : si qui succedere eò vellent , per stragem ac vulnera successuros . Hastianis Saxonibusque , asperiori ascensu aut lassitudine præpeditis , satis visum ad rudera radices in-

jecto

jecto vallo se permunire . At Cæsarianos , præ  
furore vix mentis compotes , nihil incertos ha-  
buit , quin ire pergerent tentarentque aditum .  
Irritabat ferociam tanta sibi ante oculos posita suo-  
rum clades , & , nonnisi ulciscendo quiescens ,  
ira præceps . Itaque ne expectato quidem ducum  
imperio signa inferre Vexillarios jubent . Plu-  
res , dum ruinas conscenderent , transversis mis-  
silibus obruncati ; plures incendiariis ollis in  
margine propugnaculi . Postquam verò quidpiam  
spatii ad figendum pedem adeptis potestas ex  
æquo pugnandi fuit , cædes utrinque illata , ste-  
titque incerto Marte diu certamen ; donec Cæ-  
sariani sensim se se inferentes , præsidarios ab eo  
propugnaculo , cui ab D. Bonifacio nomen est ,  
funditus deturbarunt . Cæsa eo die Germanorum  
supra duo millia ; in his Vallis , Staremburgius  
junior , Borellius , Zinzendorffius , qui inter ma-  
jores duces recensebantur ; Gallorum octingenti .  
Sauciorum par prope interemptis utrinque nu-  
merus . Hac ad Moguntiam postrema pugna di-  
micatum est . Nam cum Cæsariani ad interio-  
rem subeundam postridie fossam se compara-  
rent , prisca subinde non multi momenti mœ-  
nia decussuri , Uxellæ Marchio præfectus , de-  
sperata ope ac fere absumpto nitrato pulvere , ra-  
tus quoque in rem non esse , plurimo reliquo-  
rum militum sanguine urbis occasum paucos  
dies remorari ; deditionis signum post toleratam  
duo-

1689:

*Quo successu ac  
strage .*

*Moguntia Ger-  
manis deditur  
& quibus con-  
ditionibus .*

1689.

duorum prope mensium oppugnationem proposuit. Cito de conditionibus conventum. Discederent praesidiarii cum sex muralibus tormentis, duobus pyrolmis, atque omni militaris decoris significatione. Sex adhuc eorum millia supererant; quadragenis centuriis propugnatio steterat. Germanorum deleverat ad decem millia; quos inter illustri sanguine quatuor Principes, totidemque dudum memoratos majores duces, minorum longe plures. Moguntia capta, Bojoarius cum suis legionibus in Sueviam se retulit, oram trans Nicrum amnem ne Philippoburgensis praesidii incursionibus pateret, tutaturus. Misniensis circa Francofurtum locum ex templo suis copiis ad hiberna cepit, causatus multa illas caede fractas, diuturno labore debilitatas. Lotharingius, datis Comiti Souches praefecto fabrum septem armatorum millibus ad captæ urbis custodiam, quatuor equitum millia, undecim peditum Bonnam duxit, quæ jamdiu hostili exercitu circumfessa non fame non metu domari poterat. Octovir Brandenburgensis Coloniensem tractum cum iis, quas retulimus, copiis expediendum susceperat. Primum infestis signis Kaiserverto admotis illud quarto die, vix locatis machinis, in deditio- nem acceperat, dimissis centum sexaginta Gallici nominis praesidiariis; quadringentis Germanis aut sibi stipendia facere, aut domum redi-

re

*Kaiservertum  
a Brandebur-  
gensibus expu-  
gnatur.*



re iussis . Dein Bonnam progressus , statim com-  
perit , non sibi eas modò esse vires , quibus ur-  
bem non parùm munitam sub imperium redi-  
geret . Nam situ atque operibus valet plurimùm ,  
protecta ad lævam alluente Rheno , ab altera  
parte decem in gyrum rostratis propugnaculis ,  
quibus interiacet lunata parma , & ubi se flu-  
men insinuat , coronarium opus . Validissimo  
quoque præsidio , cui præerat Hasseldi Comes ,  
tenebatur . Eam proinde , cùm aliud non pos-  
set , ollis incendiariis verberaverat , si fortè Ci-  
ves ruinæ metu flexisset ad deditionem . At nul-  
lum tecta incensa ac prostrata , dimissa pridem  
imbelli turba , tumultum excitaverant . Positis  
igitur cis transque amnem stationibus , com-  
meatu externaque ope intercluserat . Huc in-  
tentus , parum absuit quin caderet in oppi-  
danorum potestatem . Insidias in vinetis loca-  
verant haud procul ab obsidionalibus castellis ,  
si quispiam illinc digrederetur . Casu Octovir  
cum turma equitum per ea loca longius pro-  
cesserat , urbem , qua parte aggredientibus op-  
portunior foret , speculaturus ; cùm repente ad  
postremos ordines tumultus oritur , ijs ab tergo  
inferentibus arma ferociterque insilientibus , qui  
in insidiis , dum pergeret agmen , delituerant .  
In quos se laqueos induisset , re ac strepitu ad-  
monitus extemplo novit . Nam angustæ , quæ  
remeanda erat , viæ imminebat hostis ; & fa-

1689.

*Bonna primùm  
ollis incendia-  
riis verbera-  
tur .*

*Ibi Octovir  
Brandeburgen-  
sis vix insidias  
evadit .*

1689.

cto impetu pugnam committere, palmitum nexu impediti equites vetabantur. In tanto rerum discrimine timor, ut sit, ad audendum stimulos admovit. Scoeningius Octovir alium armorum præfectus paucos sagittarios, qui ceteros turmales præbant, ad se vocatos, desilire ex equis, strictoque gladio ire illico secum jubet. Audacissime inter vitium flagella, numero licet longè impares, manus conferunt. Dum verò pugnant avertuntque in se hostem, Octovir suis undique stipatus, celeri cœsu in apertum evasit, agmine tamen, dum iret, non parum missilibus imminuto. Æstas deinde minutis præliis transacta; uno tantum memorabili, quo prædarii Batavorum stativa non sine illata plurimis nece prope delerunt. Quæ dum ita se haberent, exeunte Septembri Lotharingius ed pervenerat cum suis legionibus; & Brandeburgensis partem suarum revocaverat, paullo ante, ut mox referemus, immissam adversus Gallos circa Mosellam amnem populando sæviendoque ferocientes. Alium quoque suorum globum receperat, ad urgendam Moguntiarum oppugnationem dudum transmissum; quod tamen non pervenerat, certior, dum iret, deditiois redditus. Itaque Bonnam, collectis undique viribus, armorum vi subigendam statuunt. Conjuncto vallo, triplici loco vineas agunt, Cæsariani ad coronarium opus; ad huic proximam lunatam parmam

Mo-

Bonna oppugnatione narratur.

Monasterienses Batavique; ad intermediam promuralem lorica Brandeburgenses. Æmulatio studium acuebat, procedebantque celeriter militares aggeres, cum nonnisi ingestis perpetuo telis oppidani sese objicerent. Paucos post dies producti ad fossæ marginem, ibique ad ferendas discerpendasque oppositas munitiones locata machinamenta. Horum vi aperto nonnihil ad eas aditu, dies ad irruendum condicuntur. Quod prædarios haudquaquam latuit; in exteriora idcirco munimenta ad excipiendum ferociter hostem eduxerant militum robur. Conferunt prælium pertinaciter ac diu tenuit, utrinque obstinatis, vita potius quam loco cedere. Primi ordines haud semel deleti; sæpius integri laucis submissi. Sed tandem corporibus fessi, animis quoque utrique obtorpuerant, nec amplius certamen invicem provocabatur. Id magnam Germanorum præfectis iræ facinoris curam injecit; ac tantum averlati dedecus, indignati præterea, missilibus suorum aciem concerpi longe majori cæde, novum illico e sua quique parte inducunt agnien. Progressi ante signa, vesanoque prope impetu concitati exacunt pugnam. Tanta fuit impressio, ut prædarii ad eam sustinendam non satis fuerint. Primi Brandeburgenses viam tectam occuparunt; mox Batavi ac Monasterienses. In fossam non tamen ausi se demittere, quam nimis jaculanti e pro-

1689.

*Ejusque ded-  
tio, & quibus  
conditionibus.*

*Res circa Mos-  
sellam gestæ de-  
scribuntur.*

pugnaculorum lateribus nondum everfis hosti obnoxiam conspicabantur. Cæsariani tardius se se intulere; sed obfirmatius prosequuti, non prius quieverunt, quàm signa, deturbatis oppidanis, in coronaria munitione constituerint. Abstulit ea pugna Germanorum mille, & minorum ducum multo sanguine pugnata est. Oppidanorum quoque, accepta licet tenui clade, constantiam fregit. Quamobrem Hasfeldi Comes pactus omni militari decore cum Gallico præsidio discendendi veniam, & Germanico liberum fore aut exauthorari, aut suæ gentis militiæ dare nomen, oppido cessit. Uterque exercitus, nam hyems instabat, in hiberna deductus. Quæ dum illic geruntur, Beulseri Marchio, simul ac Duratius legatus eam, quam narravimus, expeditionem trans Rhenum susceperat; collectis & ipse e vicinis præsidiis tribus peditum, sex equitum millibus, in Trevirensẽ regionem ferrum ac flammam intulit; ratus Octovirum Brandeburgensem sociorum ærumnis suas copias ita distrahere coactum iri, ut alicunde refici Bonna subsidiis posset. Oram ingressus, comperto Cocheini mille sexcentos hostium stativa habere, illuc exemplo duxit infesta signa. Vocati in deditionem, cum liberi abire vellent ac vetarentur, portas clauferant. Arx erat continens oppido, mœnibus haud parum dirutis. Eam Galli corona in-

invadunt capiuntque levi conatu. Præfidiarios, vestigiis prosequuti, in foro, dum se se ad certamen instruunt, circumstant. Inito superatoque prælio mille trecentos Libitinæ tradunt; reliquis, fatigati magis quàm saturati cæde, vix parcant; suorum non amplius ducentis desideratis. Postmodum circumlato exercitu Keiserfeschium, Meyenum, Ulmanum, aliaque parvi momenti oppida incendio labefaciunt. Nec destitissent, ni Brandeburgensis Octovir ab Trevirensi Collega, & flamma prope in ejus conspectu sæviente, exoratus, decem militum millia Schoeningio duce suppetias misisset. Hæc aucta subitario civium delectu cum reliquam provinciam extra durioris fortunæ periculum posuissent, Beuflerius reductis copiis Luxemburgum rediit. Per hos prope dies & in Belgio levi prælio dimicatum; quod tamen parum absuit, quin omni exercitu committeretur. Valdechi Princeps, accepto ab Fæderatis Ordinibus armorum imperio, eorundem copias & aliquot ab Vilhelmo Rege submissas Britannorum legiones in Hannonia coegerat ad Sabim fluvium. Eas deinde, ut ex hostico solo viverent, traduxerat in adversam ripam, mittebatque circum pabulatores, firmato prius octingentorum statione Forge vico, ne, cum in proximo Gallorum exercitus Humieresio duce castra haberet, ab levi armatura interciperent.

*Quid altum in  
Belgio.*

1689.

rentur. Is comperto, hostium equites postredie frequentiores, & longius pabulatum ituros, omni equitatu secum adducto, viam illis interclusurus, movit. Peditatum iussit lente ad vicum succedere, ut postquam pabulatores se dispersissent, stationem vico inclusam aggredierentur. Comperit ex ipso exercitus gressu Valdechi Princeps Humieresi consilium; datoque pabulatoribus signo, ut sibi prospicerent, cohortes aliquot præmisit, quæ recedentibus viam munirent. Sed jam eorum plures in hostem inciderant; alii pugnantes ceciderant; pars major fuga se subripuerat. Cohortium adventu locata Forge militum manus robur accepit, ac primum adversus irruentes Gallos se tenuit; mox quadrato agmine, infesto quamvis itinere, Vallocuriam, quæ non longe distabat, pedem retulit. Immunitum erat oppidum, una tenui cinctum murorum lorica. Hanc repente Galli ariete decutiunt. Quod ubi Valdechio cognitum, & quanto in discrimine forent qui se ibi concluderant, Ailux prolegato negotium dedit, ut tribus Germanorum legionibus, totidem Britannicis Mehenus, præverteret illuc opem adducere; ipse brevi intervallo cum reliquo exercitu est subsequutus; spe, hostes improvisè oppressos in apertam pugnam eliciturum. Id Humieresius (quippe qui novo militi parum fidebat) averfabatur. Vix  
dum

dum igitur adventare Batavos novit, celeri gradu in proximos colles relictis impedimentis copias subduxit. Ibi moratus, quoad illi pabuli inopia Sabi rursus trajecto in vetera castra remearunt, cum rei timide dudum gestæ pudorem non sustineret accepissetque militum supplementum, transmissa amne propius hostem castra locavit. Utrinque machinarum telis ad pugnam prolusum; sed neuter vallo egressus aciem instruxit. Quin ambo post paucos dies longius ab se se invicem digressi, reliquum tempus otio traduxerunt, decepta hominum opinione, qui eos memorabili prælio congressuros existimaverant. Belli flamma jam quoque in Hispaniam pervaserat. Principio æstatis Noallæ Dux e Ruscinonensi tractu in Cataloniæ profectus, Campredunum nullo prope negotio in potestatem redegerat, munieratque præsidio atque operibus oppidum, unde per asperos montes in eas invicem provincias aditus aperitur. Deinde in viciniam diffusis armis Jugum Cerretanorum, Charonnam, castellaque alia tributo imposito in fidem acceperat. Ad ea recuperanda præsentis ærumnæ dolor, futuræ metus, ut omnem abrumperet moram, extimulavit Villæ Fælicis Ducem, qui armorum illic præfecturam gerebat. Peditum sexdecim, equitum quatuor millibus raptim confectis Campredunum petiit. Dudum illud commeatu ac-

*Quid in Catalonia.*

*Galli Campredunum aliaque loca in potestatem redigunt.*

mi.

1689.]

*Caelli deinde ea  
deferere non  
parva clade.*

milite, ut ab spe prosperæ oppugnationis hostem deterrerent, Galli refererant. Dena quoque legionariorum millia, quibus ab eo vim remove posset, Noallio ad signa convenerant. Nihilò secius oppugnari ab Hispano cœptum, ductæ ad fossam vineæ, vulnerataque non sine hiatu tormentis mœnia. Affuere Galli suorum periculo, & ubi imminebant oppido sylvestri montes locato exercitu, occasionem invadendi Hispanos aucupabantur. Hæc statim: ut visa adesse, Noallius octo peditum cohortes, quæ pugnam lacefferent, præire iussit, reliquas interea in armis habuit, ut si fortè vacillaret hostis, omni conatu impelleret. At contra evenit. Hispani non expectato Gallorum incurfu munitionibus erumpentes, præmissum illorum agmen tanto impetu contuderunt, ut vix quinquagenis fuga vitam servaverit. Infelici successu Noallius perterrefactus continuit legiones, satis expertus, certam in perniciem, si pugnare vellet, ituras. Ratus quoque, in rem non esse, illic diutius trahere infestam moram, præfidiarios monuit, ut ad se taciti venirent concubia nocte per nondum occupata castrensi munimento loca; prius autem nitrato pulveri, caveis subtus mœnia concluso, aptarent sulphuratum funem, per quem statò temporis spatio ignis serperet ad ea subvertenda. Illi imperata fecerunt, & ipse cum omni exercitu iter ante

te



te lucem ingressus, ea celeritate se subripuit ut impedimentorum partem & aliquot campestris machinas, ne viam tardarent, deferere opus fuerit. Prima luce mœnia ingenti fragore convulsa, hostem abiisse, Hispanos docuerunt. Locorum asperitas, ne ad carpendum agmen insurgerent, in causa fuit; contenti quoque provincia multo minori suorum quam hostium sanguine sæliciter explicata. Horum quippe ad mille ducentos occubuisse, Hispanorum vix centum quinquaginta, fama tulit. Nunc res Britannicas, quæ in hunc annum inciderunt, narrare pergam. Jacobus Britanniae Rex acceptis ab Ludovico Rege pecunia, classe, armis & centum quinquaginta minoribus militiæ præfectis, majoribus quinque, Rosa, Mammonio, Pusignano, Leryo, Boisseloque, & paucis copiis; aliquot etiam Anglorum procerum secum adductis, initio Veris Brivate conscenderat in Hiberniam iturus. Diu per hyemem dubitatum fuerat, quò primum tenderet; aliis Angliam decernentibus, ubi tacitæ plurimorum conjurationes seu admissi sceleris pœnitentia, seu iracundia, quodd illud sibi sterile, fructuosum æmulis accidisset; Scotiam alii, quæ adhuc suam alicubi in Regem fidem tutaretur daretque argumentum, si quidpiam externis subsidiis recreata metum exuisset, per civiles discordias honesta quæsituram. Sed qui Hiberniam cense-

R bant,

1689.

*Rerum status  
Britannicarum.*

*Jacobus Rex  
accepto ingenti  
auxilio ab Gal-  
liæ Rege, quò  
eat, deliberat.*

1689.  
*Hiberniam  
 cur prætulit.*

*Ad eum appul-  
 sus, militibus a  
 Tyrconello de-  
 lectis præfictos  
 assignat.*

bant, pervicere. Minus illic pervagata fuerat defectionis lues, Tyrconelli prætoris industria, & civium ingenio, Catholica tunc plerumque sectantium dogmata, unde invictum erga legitima imperia obsequium, & ad scelus timidiore hominum mentes. Quamobrem celeriter extinguere seditio illic posse videbatur. Hinc autem exuli Regi plura commoda. Nam ad ingentes primum confluendas copias opportunitas aderat delectu juventutis, quæ ibi plurimum gaudet armis. Militibus autem parum ab Gallis, suo impeditis bello, se juvari, spes ipsi erat. Dein promptus ex Hibernia in Angliam Scotiamque trajectus, unde perduelles sibi timerent, cum præsertim Vilhelmus adhuc regnandi incertus maneret; & in recenti discordia facile redeat quietis amor. Ad otium denique instaurandum faciliores habiturum se civium animos, si suo, non alieno, stipatus milite postliminio rediret. Itaque ex hac sententia proras Jacobus in Hiberniam direxit. Primo die adversa tempestate in portum rejectus, mox prospera expeditaque navigatione ad australem oram Corcagium appulit. Ibi ei Tyrconellus prætor obviam fuit, Ducis tunc nomine ac dignitate auctus, virtutis fideique præmio. Dublinium insulæ caput deductus exceptusque omnium Ordinum acclamationibus, minimum quieti, nullum vanis cæremoniis tempus dedit. Una il-  
 lum

lum urgebat cura profligandæ penitus seditio-  
nis, antequam domesticis aut Anglicis viribus  
confirmaretur. Tricena hominum millia Tyr-  
conellus conscripserat. His Jacobus centurio-  
nes, tribunos, majoresque duces attribuit, quo-  
rum plures Gallici nominis ex iis, quos secum  
adduxerat; unde popularium ægritudo & non-  
nunquam dubia fides. Armis novum militem  
instruere, cum, quæ secum pariter attulerat,  
duodecim haud amplius millibus sufficerent,  
nequaquam penitus in promptu fuit. Cum hac  
suorum manu & Gallicano milite viam illico  
ad Boream, ubi perduelles aliqua tenebant op-  
pida, arripuit. Colerainum, Rupes Forgutii, &  
quicquid per ea loca primo tumultu abreptum  
desecerat, ad ejus conspectum in fidem redie-  
re. Duo portas clauferunt, Enniskillingum  
Neolondinumque. In hoc præcipua rebellan-  
tium spes nitebatur, edque idcirco frequentio-  
res ex omni circum regione se contulerant.  
Jacet oppidum ad Lifferi amnis lævam, ubi  
æstuarium se insinuant, dilatantque navibus al-  
veum. Illuc jampridem Angli coloniam de-  
duxerant, indomitos incolarum animos in offi-  
cio retenturi. Creverat deinde civitas eorundem  
instituta moribus ac religione. Hujusmodi tunc  
erat rerum condicione. Lundæum Anglum tri-  
bunum militum, qui magistratum gerebat,  
Cives expulerant, suspectum sibi, quod duas

*Statim contra  
Perduelles per-  
git.*

*Neolondinum  
oppugnas.*

*Qui illic verum  
status.*

1689.

suæ gentis legiones, subsidio missas oppido prohibuerat, causatus, satis sibi esse militum, & eas graviolem ceteris annonam reddituras; cooptaverantque Valcherum quemdam mystagogum, cui gratiam conciliaverat obfirmatus adversus Jacobum Regem animus; obsequium, quia, quæ vellent, imperaret. Armorum potentes quæ cives quæ advenæ ad duodecim millia recensabantur, supremis ad rem bellicam ducibus Bachero Murraioque, militiæ non imperitis. Kilmoreum castellum, quod ad fluminis ostium in potestate habebant, civibus augebat auxilii spe animos ac ferocitatem. Aprili exeunte Rex urbi admoto exercitu oppidanos monuit ut celeri deditione clementiam potius, quàm obstinatione iram Principis experiri mallent. Cum nihil pacati responderent, vim inferendam statuit. Dum verò qua parte inferret, propius ad mœnia succedens cum turma equitum, specularetur, vitæ discrimen adiit, parum ab se aberrantibus tormentorum jaculis, quibus turmalium tres interempti. Propugnaculum ad Boream vergens ictibus destinatur. Nec mora vallum erigitur muniendis machinis, vineæ ad fossam ducuntur. Simul aries Kilmoreo incutitur, fluvii fauces obsidenti; quod exili compactum opere cum statim ruinam fecisset, intacto quamvis trecentorum presidio, quarta die in deditionem concessit. Hinc om-

*Oppugnatio  
describitur.*

omnis in oppidi perniciem versa cura ; non tamen fracta oppidanorum audacia , qui continuo erumpentes dispergebant quicquid in se aggeris promovebatur . Quin aliquando hostium stationes aggressi , nonnisi ipsorum saturati sanguine ac diuturno prælio cogi intra mœnia poterant . Ter præsertim id ausi nobiliori certamine , quo ad quatuor hostium millia , in his tredecim minores duces , superioris ordinis duos , Maumontium , ac Passignanum obruncarunt ; non plus mille suorum accepta clade . Hac tanta strage irritati , ad ejus vindictam sarcindumque famæ damnum extrema conari Jacobæi statuunt . Silentio noctis omnem exercitum urbi circumdant fossamque subeunt , rati alicubi negligenter excubare cives ; sin. minus , ex anticipiti periculo eos non ubique fortes paratosque ad repellendum fore . Sed vano eventu . Sensere quippe hostis adventum , armataque frequentiori milite viæ rectæ lorica se se intruxerant ad eum ferociter excipiendum . Is ubi in re gerenda suæ solum virtuti , alienæ socordiae nihil fidendum novit , accelerat gradum ; concurrit ; gladiis , telis oppidanos summovere nititur . Magnis utrinque viribus locus defenditur & oppugnatur , dispari tamen animo , qui aliis , tantum ut resisterent , augescebat ; flaccescebat aliis irritato conatu . Non diu proinde obstinarunt Jacobæi prælium ; & oppidanis tantus

ac-

1689.

*Jacobæi multa  
clade fessa Il-  
linc recedunt,  
oppugnatione  
in obsidionem  
versa.*

accessit pugnandi ardor, ut non ita multò post, quotquot erant gestandis armis idonei, septingentis dumtaxat domi relictis, e portis in hostem effusi, illum detrusum e propinquis munitionibus, deferendæ post quadragesimum diem opugnationis in consilium impulerint. Non tamen ab Rege obtinendi oppidi perdomandæque fame, si vi non successerat, civium pertinaciæ abjecta spes. Quamobrem terra custoditis frequenti militum statione com meatuum itineribus; amne demersis scaphis aliisque machinamentis, ne navigiis daret aditum, occluso, Dublinium discessit, Concilio interfuturus, unde sibi adversus hostiles copias, mox in Hiberniam transmissuras, quammaximam posset opem compararet. Araulionensis enim duo & viginti armatorum millia Cestriam, quæ brevis in Hiberniam trajectus, convenire jusserrat, præmiseratque tres onerarias com meatibus refertas cum altera bellica Kircho prolegato duce, quæ NeoLondinum facta vi aut captata occasione appellerent, si fortè, nisi aliqua reficeretur ope, durare diutius non posset. Kircho illuc directo cursu, compertoque, annem molibus obstrusum non dare ad oppidum viam, procul anchoras jecit, monuitque cives non diu fore, quin Schombergius cum ingenti exercitu suppetias veniat. Sed si tandiu vitam producere ac ferre nequeant malorum tædium, re-  
non-

nuntient ; sibi in animo esse , iis propellendis extrema subire pericula , ne ipsorum salutem sua minoris pendere videatur . Facta spes ad famem , vel ultra quàm ferre natura posse videretur , tolerandam obsessos obduruit : quamquam ad sex hominum millia dira calamitas tabelque ex infandis cibis consumsisset , reliqui vix corpora sustinerent . Tandem post trium fere mensium obsidionem , cùm eos non modò frugum herbarumque genus omne , verum & jumentorum ac felium carnes defecissent , victi malis ad deditionem spectabant . Quod ubi Kirchus novit , commeatus inferre hoc pacto aggreditur . Bellicam ipse navem ducit firmatque anchoris sub ipsis prope Kilmori mœnibus . Dum verò majoribus catapultis tela utrinque reciprocantibus micat flamma , & fumus obcæcat aerem , tres onerariæ vehementissimo flatu illatæ , & per caliginem intactæ castelli jaculis , in claustra impingunt . Cessit , fracta lignorum compage , ictui moles , duabusque aditum patefecit . Tertia fragmentis hæsit . NeoLondino commeatibus recreato , Kirchus non multo armamentorum damno bellicam navem in altum subduxit . Jacobæi subversis Kilmori mœnibus discesserunt . Pars ad refrenandas oppidanorum incursiones Enniskillingum petiit ; pars Dublinium ad Regem , qui per eos dies adversus Arausionensis copias , com-

1689.

*Oppidanis extrema conflictatis fame auxilium affertur, & quomodo.*

*Jacobæi discedunt soluta obsidione.*

1689.

*Yacobus Rex  
plura Hibernis  
concedit.*

*Copias auget  
Hiberno milite  
ac Gallicis au-  
xiliiis.*

*Movet adver-  
sus hostem.*

*Qui Schember-  
gio duce pu-  
gnam detrahit  
& quamobrem.*

compositis prius civilibus negotiis, ad arma se comparabat. Nam statim ut ad Conventum venerat, illum ex incipiti deliberatione ad bellicum ærarium in singulos tredecim menses octoginta Coronatorum millibus constituendum pertraxerat; conciliaveratque sibi, eorum fidem aucupaturus, cujuscumque religionis populares impunitate sectandi, quam quisque vellet; ratoque habito quod sanxerant ingenti studio, ne amplius ex Hibernici Concilii placitis judiciisque in Angliam provocaretur, neve in posterum ab Anglicanis Comitibus lex ulla in Hiberniam prodiret. Dein novo delectu facile legiones suppleverat haud parum NeoLondinensi obsidione debilitatas. His accesserant quinque Gallorum millia cum aliquo armorum apparatu, ei feliciter a Castri Reginaldi Comite dudum traducta, quamquam Herbertus classis Britannicæ propratore, objecto navium agmine inita quoque pugna, quæ leviter utrinque damno dirempta est, illi navigationem ac descensum impedire studuisset: Conftrato instructoque tricenum amplius millium exercitu, media æstate adversus hostem processerat, acie conflicturus. Etenim per id tempus Schombergi Dux ex Anglici litoris Cestria discedens, Hiberniam tenuerat prope Dunam. Nullo impedimento expositis viginti hominum millibus, acceptisque NeoLondinensis præsidii reliquiis,



quiiis, Castra inde movit . Rex circa Dunke-  
ranum stativa posuerat , expectabatque ejus ad-  
ventum , ut ibi aperto loco pugnam confere-  
ret . Verum Schombergius certior per explorato-  
res redditus , illum equitatu sibi antecellere , nec  
peditatum (qua opinione fretus agmen eò promo-  
verat) tyronum videri esse ; veritus proinde in  
certaminis aleam se dare , pedem non procul  
ab ejus castris continuit ; jactoque vallo se  
communivit ; nec illinc , ab Rege instructa non  
semel acie provocatus , elici unquam ad pu-  
gnam potuit . Præsertim cum vulgati laboribus  
& cæli diversitate morbi tantam suorum mili-  
tum stragem jamdudum ederent , ut quæ tan-  
dem e Scotia traductæ fuerant aliquot legio-  
nes , ad eam instaurandam parum momenti  
habuerint . Ita nulla re gesta , cum autumnus  
discederet , primus Schombergius copias ad in-  
sulæ oram septentrioni obvertam reduxit , quæ  
statim civium ingenio ad Arausiconensis partes  
regressa , commodum hyemando locum dedit .  
Rex Dunkerano aliisque oppidis , quæ in ho-  
stium conspectu erant , valido præsidio confir-  
matis , reliquo exercitu in hiberna dimisso ,  
Dublinium rediit anxius , seditionem , quam  
statim extinguere non potuisset , citò majori-  
bus viribus convalituram , nec amplius , nisi in-  
genti conatu dubioque eventu , quin quaquæ-  
versum , ut in Anglia Scotiaque , irrueret , coer-

*Utrunque in  
Hiberna disce-  
ditur .*

S

ceri

1689.

*Jacobæi Slegum  
adorti re-  
pelluntur.*

ceri posse . Nam civiles tumultus initio timidi ancipitesque , & facilè comprimuntur ; adulti spe vigent , successu augescunt . Et perduelles jam quanta rei agendæ fiducia , & quid animorum gererent , per eos dies argumentum dederant . Quingenti Enniskillingo profecti Slegum , ut fidum sibi oppidum , quod quatuor Jacobæorum millia subitario delectu oppugnabant , extra discrimen ponerent , iis obviam processerant . Istihinc audacia , illinc numerus ad pugnam suafit ; & conferta illico signa . Regii telo , priusquam tempus foret , emisso , tanta subinde procella obruti sunt , ut fugam arripuerint , suorum longe majori quàm hostium cæde . Quod cum grave Regi accidisset ; res tamen in Scotia quotidie magis inclinatz vehementius angebant ejus animum cumulabantque sollicitudine . In tanta reipublicæ tempestate immota steterat fide una Edimburgi arx , Montanique , gens Regi suo perquam obstricta . Illam incorrupto milite Gurdoni dux tutabatur . His Alesti , quod modò Dei donum vocant , Vicecomes ducem se præbuerat , alebatque spem , citò ad se conventuros quotquot populorum non ex ingenio sed timiditate atque ignavia fidem mutaverant . Vilhelmus ad has conficiendas reliquias nulla mora adiecit animum , gnarus , facilè impelli novos dominatus , si alicunde eos impellendi occasio maneat . Statim ar-  
cem

cem oppugnari, & Machajum dynastam collecta mercenariorum & popularium manu pergere ad hostem jussit, cum eo, priusquam viribus accresceret, conflikturus. Arcem non intentatæ Gurdonio minæ, non vis illata domueret. Cessit trium mensium obsidioni & graviore in dies annonæ, quam nemo in tempore laxare posse videretur. Gurdonius accepto libero commeatu; præsidium facta sponsione, non amplius contra Vilhelmum Regem stipendia facturum, principio ætatis honorifice discesserunt. Ex altera parte Machajus cum septem hominum millibus quintili exeunte adversus Vicecomitem moverat. Is in Atholia provincia prope Blairum oppidum cum pari militum numero, acceptis per eos dies decem Hibernorum centuriis, stativa habebat. Audito, Machajum ad se venire, confestim iter ad eum arripuit, acie decreturus. Idem illi animus erat. In aperta planitie duo a Pertho urbe passuum millia infestis signis concurrunt, ducum, ut in civili bello, majori studio quàm militum. Vicecomes primis ad acuendam pugnam immixtus ordinibus tantum potuit voce atque exemplo, ut sui renovato sæpius impetu Machajanos multa percussos cæde ac vulneribus in fugam verterint. Sterlingium Machajus petiit, quod mox diversis itineribus fugientium mille & quingenti se collegere. Plures occisi; alii in victoris

1689.

*Edimburgi arm  
Vilhelmis de  
ditur.*

*Qui prope Per-  
thum infelici-  
ter pugnant.*

1689.

partes transgressi . Jacobæorum pauci necati : Sed funestam ipsis victoriam fecit Imperatoris mors, qui dum strenue ante signa irritat prælium, lethali accepto vulnere paullo post fato cessit incredibili suorum luctu, inexpressibili damno . Etenim subsequutæ inter Darfelini Comitem, & Dunchellium, Ratrajum, Canonemque discordiæ, quodd quisque demortui locum subire postularet, exercitum dissiparant; qui si præsens, aut rumore saltem nuntio adventurus, aliis metum aliis spem fecisset; opinio fuit regnum in Jacobi fidem restituere potuisse; sin aliter, seditionem in dubii eventus discrimen consternare . Dum verò procerum singuli suas copias abducunt, in diversas distracti partes, ac populando miscendoque levia certamina nihil ad rei summam proficiunt, spatium se confirmandi instruendique ad prosperos successus diligentius bellum, hosti dederunt . Obiit hoc anno postremum diem Christina Svecorum Regina, magni Gustavi filia & regni hæres . Ejus auspiciis, priusquam per ætatem publicis moderandis rebus vacaret, Germanicum bellum, quod Pater susceperat, diu sæliciter gestum; cum jam ad clavum sederet, utili ac decora pace compositum . Quiete restituta inductoque in cives morum & ingenii cultu, regnum Carolo consanguineo cessit, non ejus pertæsa, quod sælicissimum tenuit; sed quia major sibi visa

*Jacobi in  
plures globos  
distracti male  
reingerunt .*

*Mors Christi-  
na Svecorum  
Reginae, ejus-  
que elogium .*

vifa. Hanc moderati animi gloriam abjudicata falsa religione, catholicamque professa, cumulavit. Dein Romæ privatæ vitæ institutis magnifice ac liberaliter vixit, nullo unquam abdicati Imperii desiderio; ut illud virtute, non curarum aut ancipitis fortunæ metu dimississe, fidem fecerit. Publico elata funere, omnium plausu laudata est, commendataque posteritati non per ingentia facinora, sed per civiles artes, & quia minor fama, quæ non surgeret e mortaliū ærumnis, ei placuit. Paulo post Innocentius, hoc nomine undecimus, Pontifex Maximus e vita discessit, postquam tredecim regnasset annos. Severe magistratus gesserat, gravissimo vitæ atque agendi instituto benevolam nunquam vulgi opinionem aucupatus. Quod cum sæpius iter ad Imperium intercludat, ei mirifice aperuit, jamdiu vulnerata republica ob nimiam superiorum principum lenitatem. Hæc morum severitas quibusdam incommoda, pluribus accidit injucunda. Inde illi, dum regnaret, molestæ curæ & modica laus. Vita functo ingentes plausus ac tacita vel ab ipsis æmulis admiratio, quod non sibi otium sed commune quæssisset bonum, vidissetque illinc denique affuturum, unde abiisse videbatur. Rara ab ipso liberalitas, nunquam tamen non solum virtuti præmium, nec habita necessitudinum aut amicitiae ratio.

Quem

*Inn. XI. P. 24.  
moritur, ejus-  
que laus.*

1689.

Quem morem magna reipublicæ felicitàte ipse primus post longum tempus induxit, ut sacerdotali quammaxime imperio consentaneum erat. Ingenio cunctator difficilisque mandandis honoribus, non invidia sed metu errandi. Nihil privatim, quod non intra virtutum fines; multa publice præclare gessit, & illud in primis ad posteritatis memoriam, ad famam nominis, celeberrimum, quod ejus industria sacrum in Turcas fœdus coaluerit; ejus ingenti pecunia fulsque ad Deum lacrymis tantas acceperit vires, ut tum demum teterrimus hostis acerbissimo vulnere debilitatus, terrori esse desierit. In principem locum Card. Petrus Othobonus Venetus adscito sibi octavi Alexandri nomine cooptatus est, exacta ætate, annum siquidem agens octogessimum. Verum vivido mentis robore adhuc par tanto muneri. Initio anni morbo pariter decesserat Maria Aloysia Caroli Hispaniæ Regis uxor. Quamquam non defuere, qui veneno, ut sterilem, inscio Rege sublatam suspicarentur; prona sæpius in deterius fama, ubi constare pretium sceleris videatur. Carolus non ita multò post in matrimonium duxit Mariannem e principe Neoburgensi domo, commendatam sibi opinione fecunditatis atque averso ejus Familiæ ab Galis animo. Affuere Neoburgi ad nuptiarum celebritatem Leopoldus Imperator, germanaque Sponsæ augusta conjux Eleonora Magdalena cum

*Petrus Card.  
Othobonus Pontifex Maximus  
eligitur.*

*Maria Aloy-  
sia Hispaniæ Re-  
gina moritur.*

*Anna Neobur-  
gensis Carolo  
Regi nubit.*

cum filio Pannoniæ rege Josepho , inde Augustam Vindelicorum progressuri , quod Cæsar Octoviralem Convantum indixerat , ut de creando Romanorum Rege inter se convenirent. Nam quamvis post vexatam atrociter a Gallis Germaniam ei timor decesserat , eximiam dignitatem , unde certus ad Imperium gradus , in Delphinum traduci posse ; non tamen abiecerat suspicionem , ad eam conspirare Octoviri alicujus sobolem , & huic majorem Collegii partem adhæsuram , sultam Gallorum ope quibus injucundum erat , supremam Imperii auctoritatem diutius manere in Austriaca stirpe. Itaque dum totius Germaniæ ferveret in istos odium ; & ipse armorum sælicitate moderati- que animi fama sibi omnium benevolentiam conciliasset , tenendam occasionem ratus , de Filio Imperii successore designando tentatos dudum Octoviros faciliè in suam sententiam perduxerat ; cum puero , duodecimum licet annum obeunti , sed Pontificis Maximi auctoritate soluto ea lege , quæ duodevigesimali jubet , non amplius ætas impedimento esset , quin inter Candidatos reciperetur . Medio decembri coiere , præsentis reliqui , per legatos Misnien- sis ac Brandenburgensis . De conditionibus deferendi accipiendique tanti muneris actum primò , & quæ jam tum invaluerant pactæ decretæque . Dein IX. Kal. Febr. delectus omnium suffragiis ;  
biduo

*Josephus Austria-  
cus Rex Rom.  
eligitur .*

1690.

biduo post solemnibus cæremoniis inauguratur. Austriaci Monachium digressi, ubi lautissime plures dies ab Octoviro Maximiliano recepti sunt, ineunte martio Viennam rediere, quod Cæsarem ingentes curæ & magna vocabant rerum negotia. Initio in spem venerat, Turcas, tot vel recentibus plagis admonitos, ad pacem obtinendam quidpiam oblati hæcenus conditionibus addituros. Nec ab eventu spes aberrasset. Nam Solymanus statim ab exercitu profligato nuntium Viennam legatis remiserat cum mandatis, ut, si possent Canisia Temesvarioque Albani græcam redimere, ac Transylvaniam utrique Imperio vestigalem pacisci, bello finem imponerent. Sed hi comperto, Cærianos superioribus tametsi prosperis ad Rhenum expeditionibus plurimum labefactatos, Turcas verò deleto nuper hostium globo, colligere animos incœpisse, quidpiam ad pristinas conditiones addere obstinate recusarunt. Quamobrem Cæsar, priusquam Viennam regrederetur, eos dimitti iusserat. Tristes abire visû; mæstitiamque vulgus ferebat inductam metu ne nimia ferocitate Regi suo male consulissent; hinc quoque, simulata Sulficarii invaletudine, Komaræ substituisse, annuente Cæsare; quodd speraret, eos largioribus dicendis pacis conditionibus captasse moram. Et longo intervallo oblatae quidem, quas nuper ab Solymano accep-

*Turcarum Legati ab exhibitis pacis conditionibus non recedunt, & quare.*

*Dimissi Komaræ manent.*



perant ; sed repudiata , nisi de Transylvania penitus deferenda transactum foret . Diu dein- de veluti e composito non petita nec data invicem discedendi facultas ; quippe legatis in animo erat , ex imminente armorum fortuna consilium capere ; spem Cæsar fovebat , tæ- dio ac superiorum ærumnarum memoria , ab ipsis tandem , quicquid vellet , expressum iri . Interea ad urgendum bellum advertit animum . Prima ejus cura supplendi exercitus ; quem jam antea vincendo imminutum accepta nuper in Servia clades iterum debilitaverat . Principio anni Scythæ firmatis gelu itineribus Sophiam processerant . Ubi auctis Turcarum manu ; com- pertoque , Germanos hiberna dissolute & lato divisos spatio traducere , ad ipsos cursum dire- xerant , ex occasione consilia ac rem gerendam moderaturi . Strasser Tribunus cum quinque ve- teranorum legionibus circa Pistrinam ad Epiri fines diversabatur . Illuc Scythæ se primum conferunt , infestaque ducunt signa . Prope Kai- senechum difficilis saltus superandus erat ; quem si Germanus præoccupasset , nihil ab hoste pe- riculi , intercluso itinere , patebat fore . Nec segniter Strasser eò movit tenuitque locum . Quinque legionariorum millibus binisque po- pularium , quos Christi religione imbutos per ea loca subitario delectu collegerat , constabat agmen . His copiis velitare hostem , quan-

T

1690.

*Nec abguntur,  
quo utrinque  
consilio.*

*Clades Germa-  
norum in Ser-  
via.*

tuf.

1690.

tuscumque foret, non aggredi ab ipsoque nimix ferocitatis pœnas non exigere, turpe visum. Itaque e saltu egressus, per apertam planitiem pergit ire. Nec diu fuit, cum illum comperit in aciem eductum & pugnx cupidum, Extemplo concurrunt, alter numero, alte virtute fretus. Sed citò patuit, quàm improvide Germani se se intulissent. Vix inito prælio Indigenarum cohortes ad Thraces divertunt, & Scythæ (explebant cum Turcis hominum decemmillia) hosti se circumfundunt. Is, undique obversa fronte, quadrato agmine decertabat repellebatque pari ferocia ingruentium vim; telis tamen, quæ ab omni parte accidebant, quaquaversum confixus, & nullo dato ad respirandum spatio, sæpius extrema vi perumpere Turcarum agmen conatus, repellitur. Vice ni vix per tumultum elapsi cladis nuntium attonitis tanta calamitate suis retulerunt. Straffer cum Carolo Hannoveræ Ducis filio, paucique alii vivi capti. Ceteri occisione prope deleti. Undetriginta militaria signa, & quatuor campestris machinx in hostium potestatem venerunt. Horum quoque facta cædes non modica. Sed citò aliorum discurrentium turmis suppleti, Kaifenechum invadunt. Duo ibi erant Germanorum millia, qui statim ut cæpta concuti prisæ munitionis mœnia, pacti vitam & libertatem, oppidum dediderunt. Dum Naifsum

sum, Turcis deducantibus, pergunt; iis, casu an consilio, sit obviam circumcursantium Scytharum ac perduellium manus; quæ subito adversus inermes & frustra implorantes promissam fidem eductis armis, partem ipsorum trucidat, partem in servitutem adducit. Tanta pristinae fortunæ commutatio Veteranum prolegato illuc attraxerat, distracto a belli curis ob afflictam valetudinem Holsatiæ Duce, qui summum per ea loca armorum imperium gerebat; nam Staremburgius jamdiu discesserat. Ille id primum habuit, colligere ex apertis oppidis milites, iisque firmare Naissum, Pyrotum Bydenamque; Barbaros ita Moravo amne prohibiturus, ne longius populari possent; reliqua dimittere. Scythæ, cum suarum non esset virium, ea pertentare munita oppida, superato Danubio in Valachiam flexere cursum, quod eosdem clam vocaverat provinciæ Regulus, spe opprimendi ipsorum ope Germanos, qui illic graves civibus hiemabant. Simul istos vaser & græcus homo, ut a Scythis mox adventuris caverent, admonuerat; ratus discessum nullo regionis discrimine maturaturos, ne sibi cum longe majoribus copiis dimicandum foret. Nec spes ad irritum cecidit. Nam Haislerus quid sibi a Scythis impenderet periculi certior factus, legiones ex hibernis in Transylvaniam contraxerat, veritus non solum hostes, sed & Val-

*Eam sistere Veteranis aunitur.*

1690.

*Abaffii Tran-  
sylvaniæ Regu-  
li mors.*

*Ejus filius ab  
Cæsare Transyl-  
vanis successor  
datus.*

*Tehelius a So-  
lymano.*

luchos recentes socios, quos aucto, ultraquam convenerant, Germanorum illic hibernantium numero, ab se penitus abalienaverat. Hæc Cæsari molestiam exhibuerant. Sed longe atrocioribus curis duo funera, quæ sub Veris initium contingere, ejus animum perculerunt. Michael Abaffius Transylvaniæ Regulus vita decesserat per eos dies, confectus morbo atque ægitudine. Consulari familia Cibirii ortus, Turcis auctoribus, Calvinianisque adnitentibus, quorum in hæresi erat, provincialibus Comitibus Vaivoda creatus, Chiminoque Jano, quem Cæsar proposuerat, petitione dejecto, undetriginta regnavit annos. Vir Imperii moderandi potens & non ignarus; veterator idem, sed infælici successu, ut plerumque accidit mediis inter potentiores. Animo tamen clam aut palam Turcis perpetuo obstrictus, ipsorum egit causam fovendo Hungaricas seditiones, quarum fluctibus & ipse tandem, uti retulimus, absorptus fuit. Mortuo Abaffio, ejus filius a Cæsare, ut jampridem promiserat, in principem locum successus est; reputans illum ob familiæ necessitudines clientelasque facile suæ gentis suffragia laturum, & sibi experientia malorum, quæ versutum patris ingenium multaverant, obnoxium fore. At Solymanus Tehelium cooptaverat deducendumque attribuerat quindecim Turcarum Scytharumque millibus, quo milite

Cæ-

Cæsarianorum prædiis vacuum sibi provinciam redderet; ceterum haud dubius inclinata in se popularium voluntatis, utpote conciliatus frequentiori illic Calvinianorum sectæ, religionis similitudine; reliquis haud absimili morum vitæque instituto atque in Germanos odio. Anxium dubia Transylvanorum fide, & quod inde res processura foret, Cæsarem luctu atque ægitudine cumulavit Lotharingii mors, angina primum, mox inundante rupti tumoris sanie, biduo properata, cum duodequingenta vixisset annos. Æni-ponte Viennam citatis itineribus progrediebatur, quod illum ad solenne majorum militiæ præfectorum Concilium Levir accersierat, confuturus, quomodo tanta sustineri posset, quantæ impendere videretur, belli moles. Veltium, ad ignobile oppidum prope Lentiam, profectus, extremum diem morte confecit ea pietate, ut si extra militiæ strepitum perpetuò divinis meditandis conquirendisque vacasset; ea constantia & fortitudine animi, ut se bello & periculis assuetum mortem nunquam timuisse, fidem faceret. Ubi novit adesse vitæ discrimen, literas sua manu ad Cæsarem, ad Eleonoram conjugem exaravit; quibus alteri in tutelam dedit filios adhuc impuberes; alteram obsecravit, ut memor qua lege vivitur, se e vivis ereptum non lacrymis sed amore prosequeretur. Dein cum Sacrorum ministro, cui ar-cana confessione, quicquid erraverat, aperiebat,

de

1690.

*Lotharingii  
obitus & laus.*

1690.

de re solum divina sermonem fecit. Vir sane memorabilis & bono reipublicæ natus; quo duce fracta primùm ingentibus ruinis Turcarum potentia, quamquam non aliàs major ac periculosior; reclusumque arcanum: immanissimam gentem domari posse. Exercuere illum perpetuæ æmulationes & nunquam non comes virtutis invidia. Sed æque ut labore & rerum gerendarum difficultate, ita & gloria cumularunt; victis aliis moderatione animi, aliis facinorum splendore; atque utroque tandem consequutus, ut, cum arduum quidpiam & conjunctis copiis agendum foret, nemo non ei primas daret, atque imperio concederet. Vindex Germanicæ felicitatis, domesticæ tamen restituendæ non satis fuit, procul ab avito solio ad vitam ingressus & fato functus. Clarus proinde uno virtutis, non fortunæ ornamento. Utque sunt illustres magnorum virorum calamitates, vel hoc nomine sui famam posteris proditurus. Tanti viri desiderium affecit adeo Cæsaris animum, ut haustum ex Canisia, munitissimo ad Stiriz fines oppido, per hos ipsos dies fame in suam potestatem redacto, gaudium propemodum obliteraverit. Hanc aliquot Hungarorum cohortes Comite Budiano duce biennium obsederant, interdixerantque com meatibus. Tandiu tamen se sustentaverat, pretio primùm corruptis custodiis ut in frumenta

*Canisia fame  
in Cæsaris po-  
testatem venit.*

ria

ria popularium vehiculatione conniverent . Dein diligentius conclusa , victum attenuaverat . Nunc illam tandem extrema laborantem inedia prætor , pactus sibi suæque genti honestas conditiones , in hostium ditionem dedit . Sex ibi ac sexaginta repertæ murales machinæ , bellici apparatus ingens copia . Postremo superioris seculi anno in Turcarum servitutem venerat . Insequenti ætate , atque iterum post annos quatuor ac sexaginta a Germanis oppugnata , loci natura ( palustri siquidem jacet solo ) validisque cincta propugnaculis se tenuit . Hoc rerum statu , de utriusque gerendi belli ratione Cæsar cum Bojoario , Ludovico , Hermanoque Badensibus ( hunc enim post Lotharingii mortem ad militaris præfecturam senatus extemplo revocaverat ) aliisque majoribus ducibus consilium habuit . Ex ipsorum sententia cetera , ut res commodius ferebat , expediit . At cui alterutra provincia mandanda , esset , non parum hæsit . Rhenum Ludovicus Badensis , Maximilianusque Octovir petebant . Et nunc quoque æstuabat Cæsar , plusne hujus ad auxiliandum facultas , an alterius bello experta virtus , futura sibi usui foret . Verum cum animo prospiceret : cuicumque illic in milites daret imperium , ei neminem sociorum suas copias , ut antea Lotaringio , commissurum ; maluit , hujusmodi honore Bojoarium illicere ad exercitum validio-

*Cæsar de Germanici Turcique belli Duce eligendo de-  
liberat .*

1690.

*Boioarum Germanico, Baden-  
sem Turcico  
bello præficit.*

lidiori suorum agmine augendum, conflandum-  
que unum corpus hostibus metuendum, & quo  
quidpiam in eos liceret aggredi. Præsertim cum  
in Hungaria Badensis, ductu auspicioque suo  
re hæcenus bene gesta, sælicis eventus omen  
(ut hac nientis præoccupatione vulgus gaudet)  
secum ferre videretur. Paruit ille, quamquam  
æger minori præfectura nec ignarus, quan-  
tum in discrimen se offerret, imminuto isthic  
Cæsaris exercitu; hostium, præter opinionem,  
vehementer aucto. Nam Solymanum Regem,  
& Aulæ procures, quorum ea respublica in  
manu erat, accepta superiori anno dira clades  
irritaverat potius quàm conterruerat, illam in-  
consultæ Rechebi armorum præfecti audaciæ ac-  
ceptam referentes qui acie congredi cum hoste  
prohibitus, hunc recedentem, ipsisque annonæ  
viæque difficultatibus satis domitum, ultro ad  
pugnam quæsisset, opposuissetque tyronem ve-  
terano militi, dum otitando vinci potuisset.  
Itaque animos haud quaquam desponderant,  
sed frequentibus inter se sermonibus agitabant,  
quo pacto afflictis rebus medendum foret. Pri-  
mum Rechebo, quod contra Visirii edictum  
pugnasset, tristi sed iusto exemplo cervices fra-  
ctæ. Mox Mustaphus purpuratorum princeps  
magistratu dejectus, quamquam innoxius plu-  
rimumque de sua gente meritus. Sed e bar-  
barica disciplina visum est, simulato ejus cri-  
mi-

*Capta a Soly-  
mano consilia  
ad urgendum  
bellum.*



mine , civium terrorem fallere ; quibus plerumque redit animus , si ærumnarum causa detegitur ac dissipatur . Jussu Agoræ Thraciæ ducere privatam vitam , hæc illum paullo post deseruit confectum dolore atque imparem ægritudini . In ejus locum susceptus Mustaphus Chiuperlius Cydoniæ prætor , quod per superiores tumultus , ad extinguendam alienæ culpæ invidiam , tacitus , ne atrocius divexaretur , honorifico exilio traductus fuerat . Nunc ejus in Aulam reditum conciliaverat quæsitæ dubiis firmandis rebus undecumque virtus , & Patris Fratrisque Turcico Imperio fausta nomina ; quorum ut hæres gloriæ , & militaris civilisque scientiæ vulgò reputabatur . Is omnium primum habuit , supplere exercitum . Quod ne turbas cieret , ( averis a militia terrore populis , ac metu animos irritante ) spargi per provincias jussit , quas hostes pacis conditiones , ab Othomanici Imperii gloriæ nimium abhorrentes , dare vellent ; & quantum Germanorum vires attenuasset Gallicanum bellum , Sarmatarum discordia desidiaque , Venetorum lassitudo & non una clades ; proinde spem adesse recuperandi quicquid ereptum fuerat , referendique hostibus damni vicem ; quam sane spem bellicosæ genti , ut adhuc hoc nomine Turcæ gloriati sunt , intempestivo pacis desiderio corrumpendam non esse ; cum præsertim nulla unquam sit quies , tumultuantibus

V

pudo-

1690.

*Quomodo a  
Chiuperlio Vi-  
srio digesta,*

*Tehelius cum  
validis copiis  
in Transylva-  
niam pergit.*

*Et viam Ger-  
mani occludunt.*

pudore animis, dedecore parta. Tanta ubique in provinciis præcipue a belli sede remotioribus, ex hac rerum notitia exorta dicitur populorum simul indignatio, simul ulciscendi acceptas calamitates fiducia, ut nulla morâ faciles ad delectum se præbuerint, conscriptumque militum, quantum e præsentis usu visum fuerit. Re militari sæliciter apparsa, Camenzæco adversus Polonos, Græciæ nobilioribus urbibus adversus Venetos milite & commeatu instructis, Chiuperlius reliquas copias ducere in Germanos statuit. Fuere equitum quinquaginta milia, in his plures Scythici nominis, peditum triginta; præter quinadena utriusque gentis Tehelio, ut diximus, in Transylvaniam attributa. Aliquot præterea cohortibus armavit sex trirremium multorumque lemborum classem, e Ponto Euxino in Danubium inductam ad explicandum sibi amnem, hostibus impediendum. Tehelius raptim & sine machinis iter præcepit; in opinionem adductus, unam moram, per quam illic Germanos novis legionibus auxilium iri non ambigebat, præripere sibi victoriam posse. Valachia peragrata, confragrosis asperrimisque jugis, quibus Transylvania ab ea dividitur, copias admoverat, cum saltum, quod eundem erat, Cæsariano milite & aliqua subitaria munitione clausum reperit. Haislerius enim, ubi ad se contendere illum novit, quatuor

tuor suæ gentis millia, quot non penitus ener-  
vatis arcium præfidiis collegerat, pluresque pro-  
vincialium ab Regulo Abaffio tumultuario de-  
lectu conscriptos adversus æmulum, in saltus  
faucibus locaverat, fretus difficilis natura loci,  
ubi multitudo nihil adderet virium arcta fron-  
te depugnaturis. Id magnis Tehelium obruit  
curis, & quid ageret, æstuabat. Cum casu pa-  
stor quidam, assuetus armenta ducere per ea  
loca, ad ipsum deducitur. Rogatus, an alibi  
ea montium asperitas daret viam: se, ait, non  
procul inde iniquum sed pervium callem osten-  
surum, quæ expeditus miles traduci posset.  
Lætus ea spe, duo equitum millia tribuno tra-  
dit, quos hostibus, dum a se frons impellere-  
tur, a tergo objiceret, jubetque noctu (& per-  
nox fortè luna erat) viam pergere ne pateret  
hostium speculatoribus. Ducti per aspera den-  
sisque arboribus occupata juga, & aliquando  
per rupes in tantam abruptas altitudinem, ut  
cum vertigine vacillaret caput, pedibus ire  
ac trahere loris equos opus fuerit. Venère tan-  
dem ad molliores colles, ibique brevi otio in-  
staurant vires. Jam Tehelius hostem invaserat,  
sæviebatque ab ea parte pugna, cum trepidus  
Haislerio nuntius assertur: Turcas, ignotum  
qua parte egressos, a tergo irruere. Locaverat  
ille Germanicas legiones in acie prima, ubi  
solum reputaverat manus confertum iri; in sub-

*Per occultum  
iter circumven-  
ti cum ipso pu-  
gnant.*

1690.

fidiis Transylvanos, incertus istorum fidei ac roboris. Hos proinde ab ea parte jubet, novo discrimini se opponere. At vixdum in conspectu fuere barbarica signa, nulla ignaviae aut perfidiaē verecundia, fugam arripuerant. Germanos a fociis desertos subiit illico vitæ desperatio, quæ tamen furore, ut fit, inflammata, ad pugnam animos efferavit. Jubentur a tergo legionum altera, tres reliquæ a fronte insistere, utrobique duplicatis ordinibus urgere hostem ac dare impetum. Haislerius interim ad tribunos centurionesque conversus, non amplius, inquit, obniti ac stare gradu satis est. Eò res devenit, ut una in medio nobis sit posita mors aut victoria. Et vincere, nisi ingenti conatu factaque impressione, haud potis sumus; mori desides non debemus. Proinde miles ubi telum emisit, stringat ensen illatoque pede exerat, ut in extremo periculo, extremas vires. Hæc ubi dicta, facto cuneo in Turcas erumpunt. Præsertim equitatus ferociter se immittens turbare aggreditur primos ordines. Sed illi gradu stantes constipatique vëtabant aciem discindi. Et quamquam plura acciperent quàm inferrent vulnera, clades tamen longe gravior accidebat infrequentioribus Germanis; quorum jam Magnum instructorem exercitus, Noirchermum tribunum militum, atque omnes prope absumpserat minores duces; adeo quis-

*Pugnatur ingenti caede.*

quisque destinaverat animis vincere aut mori. Diu atrociterque pugnatum fuerat; cum Haiflerius, comperto, suis lassitudine vires effluxisse; dat signum ut qui reliqui erant, in unum coeuntes, secum a tergo, ubi hostis minori agmine præliabatur, viam sibi ad Coronam oppidum facerent, quod illinc minus quam cetera Germanorum infesta prædiis, distabat. Impigre imperatum facere conabantur; sed undique circumventis, aliis vita, aliis libertas, in his Marchioni Joanni Baptistæ Auriz, adempta est. Haiflerius cum trecentis equitibus per eadem ac tumultum in apertum se proripuerat effusoque cursu carpebat viam; cum vestigio hærentibus Scythis atque identidem jaculantibus, confosso equo in eorundem potestatem venit. Sibi deinde redemptum pecunia Tebelius ascivit in spem cum ipso permutandæ Conjugis; quam tamen clientelarum nimis potentem idoneamque ob ferox ingenium inflammandæ Hungaricæ seditioni, Cæsar nunc dimittere recusavit. Parta victoria apertoque in Transylvaniam aditu Emericus Cibinium provincie caput copias adduxit. Vocati ad deditionem cives, suæ se potestatis non esse responderunt; Germanorum præsidio firmari portas ac mœnia. Nec diversa ab reliquis munitis oppidis retulit. Ad ea vi subigenda murales deficiebant machinæ; quibus a Temesvario, Alba-

ve

*Tebelius Cibinium progressus Transylvanos ad se illicere studebat inani eventum.*

1690.

*Germani ad-  
versus illum legio-  
nes ex Hunga-  
ria ducunt.*

*Consilium ge-  
rendi belli a  
Badensi propo-  
situm repudia-  
tur.*

ve græca accipiendis dum trahit moram, Con-  
cilium gentis ad se, Solymani auctoritate ipso-  
rum principem cooptatum, inaugurandum con-  
venire jubet; ratus procères armorum pavore,  
si non ex ingenio, morem gesturos. Non ta-  
men, quamquam plurimi in eo Conventu suf-  
fragium ferant, ultra vicanos paruere. Pars  
major imperium neglexit, suo damno satis edo-  
cta otiose ab civibus expectandum belli exi-  
tum, qui utri competitorum subesse debeant,  
decernat; nec mediocrem fortunam pro incer-  
ta melioris spe in discrimen offerendam. Inte-  
rea Cæsari funestum prælium & commune pe-  
riculum Abassius renuntiaverat. Quo ille anxius  
mandaverat Nigrello prolegato, ut cum omni  
levi armatura septemque legionariorum milli-  
bus, quibus superiorem Pannoniam tutabatur,  
in Transylvaniam properaret; prudenter arbitra-  
tus; ea retenta, nihil turbarum ab Hungaris  
perduellibus timendum esse; amissa, nihil otii  
sperandum. Sed jam illuc ire cum præcipua  
exercitus parte Badensis præverterat. Serò &  
sub id fere tempus, quo infelicitè ab Haisle-  
rianis pugnatum est, pervenerat Albam græ-  
cam, ægre in speciem divulsus ab nova nupta;  
re vera moleste ad Turcium bellum appellens  
animum, quod sibi imparibus viribus, ac se-  
cus quàm proposuerat, gerendum erat. Sen-  
serat autem, egregie munita Alba græca reli-  
quam

quam Serviam deferendam esse, collectisque inde præsidiiis auctum exercitum, in amnium ripis, quâ transgredi vellent, hostibus opponendum. At contra Cæsar existimaverat, plurimum oppidorum objectu conterendas illorum vires, obsidendumque tempus armis idoneum, ne interius penetrare possent. Itaque Badensis, quicquid erat militum extra præsidia, prope Bydenam contraxit, ex occasione deliberaturus quid factu esset opus. Mox ibi uno eodemque fere tempore nuntium accepit, Naissum a Chiuperlio oppugnari, Transylvaniam ab Tehelio in discrimen venisse. Cum utroque vires ad auxiliandum non sufficerent, de Consilii sententia in Transylvaniam ire constituit. Præterquam enim longe ista majoris momenti erat, & minori vi conflictata; nulla adversus Turcarum multitudinem spes aderat opitulandi Naïss; nec tanti ducebatur ut propterea luctuosæ periculum pugnæ subeundum foret. Firmata septem millium veteranorum præsidio Alba græca, Bydena quoque ac Spenderobi decem utrobique centuriis, cum quinis vicenis, quot reliqua erant, millibus Danubium trajecit. Per Karansebem oppidum ad saltum (portam ferream incolæ vocant) progressus, quo solum ex ea parte aperitur in Transylvaniam iter: vacuum ab hostibus reperit. Quod cum manifeste ipsorum argueret vel inertiam, si se tam

*Badensis omni exercitu secum adducto Transylvaniæ opem affert.*

an-

1690.

angusto impeditoque loco obijcere pertimuis-  
sent: vel incuriam, si neglexissent: tantus in-  
cessit Germanis eorum contemptus ut pergere  
maturarent, signa collaturi. Vix Albæ Juliæ refi-  
ciendis ab longo itinere corporibus duos morati  
dies, illinc recta ad Tehelium gradum accele-  
rant. Aberat duo & triginta passuum millia pro-  
pe Cibinium; nunquam isthinc digressus, ubi  
primum castra munierat, opportuno recipiendis  
machinis loco, quæ in itinere & non procul  
erant; auctus interea novis militibus sibi a Vi-  
sirio submissis post acceptum victoriæ nuntium  
in ejusque argumentum aliquot hostium signa.  
Quamquam numero Germanos superaret, sta-  
tim ut comperit illos celeri cursu ad se veni-  
re, convasare atque eodem, quo processerant,  
saltu iter in Valachiam præcipere suos jussit.  
Non adeo tamen properarunt ut supervenien-  
bus Germanis impedimentorum pars deferenda  
non fuerit, ducentique milites humi strati.  
Saltus ne longius urgeret, Badensem cohibuit.  
Dissoluto agmine Turcæ ad Visirium, Scythæ  
domum rediere, Tehelius cum perduellium  
manu circa Buchorestum, Valachi Reguli se-  
dem, se tenuit. Quæ dum ab ea parte gerun-  
tur, Chiuperlius ex altera non sine ingenti Cæ-  
sarianorum perniciæ bellum circumtulit. Prima  
ad eos progredienti se obtulit Piroti arx. In  
ea quatrinduo quadringenti Germani tantæ ar-  
ma-

*Inde Tehelius  
raptim discedit.*

*Visirius Pro-  
tum recipit.*



inimatorum multitudini obniti ausi. Liberi tamen strenuitatis merito, cum se dedidissent, dimissi. Inde Naissum promota infesta signa. Tria illic peditum millia, quadringenti equites praesidio erant. Vido Staremburgius prolegato, qui supremum per ea loca imperium habebat, biduo ante hostis adventum eò se retulerat. Mœnia prisco more constructa praesidarii rostratis cinxerant propugnaculis terra compactis, lata fossa densisque vallis protexerant. Eos Chiuperlius ad deditionem vocatos cum nihil nisi arma cogitantes reperisset, suorum fretus multitudine atque hostium paucitate, urbem compendio oppugnare statuit. Aliquot legiones audacter succedere aperto corpore ad fossam, ibique terram, ne muralibus jaculis paterent, moliri jubet. Certatim inconditeque accelerantes, humum suffodiunt. Qua illecti opportunitate oppidani, & quia contemni videbantur, ferociter in eos irrumpunt, septingentos obtruncant, reliquos nihil propemodum obnixos in fugam vertunt. Chiuperlius ea re monitus, cum quo sibi milite negotium esset, consilium mutavit. Ducere aggreditur militarem aggerem, quo tectus miles se insinuaret; tormenta expedit; cuniculos inducit ad subvertenda mœnia. Multis confusus cadaveribus nec sine mora procedebat agger, nullo siquidem intervallo micabant in ipsum jacula, &

169a

*Naissum oppugnat & in potestatem rediit.*

X

quid-

1690.

quidpiam ejus identidem discerpebant oppidani  
interdiu noctuque erumpentes non incruenti,  
sed longe majori hostium clade, Verùm Turcæ  
affluentes numero nihilo secius vallum intra vices;  
nos dies erigunt in fossæ margine; cuniculos fa-  
cile ingenio soli, & quia nemo in oppido ejus  
artis gnarus sese obijciebat, sub prima propu-  
gnacula inducunt. Hoc rerum statu Chiuper-  
lius iterum Staremburgium tentare, an pericu-  
lo admonitus quidpiam ferociæ remisisset cen-  
seretque deditiōe prævertere malorum extre-  
ma. Nihil præfectum movit agger proxime du-  
ctus, nec ad impendentem nitrati vi pulveris  
ruinam abiicit spem oppidi retinendi. Illud re-  
pressit ardorem spiritus novaque suggestit consi-  
lia, quod a duobus captivis, in id sibi a Chi-  
uperlio dimissis, comperit, Badensem, cum exer-  
citu in Transylvaniam properantem, Danubium  
trajecisse. Nam desperatis auxiliis cum prohi-  
bere urbis occasum non posset, neque ei refo-  
ret, ad eum paucos dies remorandum fortissi-  
mos, qui adhuc supererant, milites neci offer-  
re, ad deditiōem inclinavit. Duo millia &  
quingenti cum omni militari honore suæque  
re domesticæ Albam græcam abire permissi,  
Turcarum agmine, ne ulla in itinere affice-  
rentur injuria, custoditi. Qua tamen haud pe-  
nitius intacti, spoliato armis ab popularium ca-  
terva postremo agmine, sed non impune. Que-  
ris

His enim violatam fidem Visirius denos, qui fuerant violanda auctores, capite damnatos piaculum dedit. Naïssō in ditionem redacto, armatorum illico decem millia ad explicandum clāssi Danūbium, Bydenam præmisit; quæ non plus quatrīduo obnixa est. Præsidium, Naïssi expugnatione territum, accepto libero com-  
meatu, Orsovam traductum non sine data præ-  
properæ deditiōnis ignavixque suspitione,  
quam qui illic imperium habebant, haud fa-  
cile perpurgarunt. Chiuperlius inde Moravum  
transgressus, infesta signa Spenderobim ducit.  
Clauferant Germani portas nec minacibus aut  
blandis verbis præbebant aures. Ille tantam fe-  
rocitatem adversus victorem exercitum punien-  
dam arbitratus, cingi oppidum corona & sca-  
lis admotis superfcandi imperavit. Atrox ac diu-  
turnum certamen fuit, extrema virium exerent-  
ibus prædialiis; Turcis, impellente Visirio,  
extremos conatus. Hi tandem, inundante mul-  
titudine, in muros evadunt, pulsoque oppida-  
nos vestigiis prosequuntur. Ad angustias viarum  
novum inquit prælium, nec finem accepit, ni-  
si Germanis ad unum omnibus occisione occi-  
sis, magna pariter Barbarorum strage. Recta  
illinc Visirius Albam græcam, quam Byzantio  
discedens in animo habuerat, copias ducit, in  
ejusque conspectu Kal. Octobr. statuit signa.

*Bydenam obti-  
net.*

*Sponderobim  
expugnat.*

*Albam græcam  
oppugnandam  
aggreditur.*

Inerant ibi, ut enarravimus, veteranorum ad  
sep-

septem millia, quæ nunc aucta Naissi præsidia-  
riis decem prope millium summam explebant,  
aderantque inter majores præfectos Aspremon-  
tius Archintusque Comites, instructores exerci-  
tus. Summum gerebat imperium Carolus Eu-  
genius Croiæ Dux. Commeatum ac bellici ap-  
paratus tantum aderat, quantum vel ad longam  
obstinatamque obsidionem superfuturum foret.  
At mœnia, qua parte ad Austrum ariete bien-  
nio ante decussa fuerant, fatali quadam negli-  
gentia adhuc jacebant. Duplex dumtaxat val-  
lum claudebat patentia ruinis, protectum ge-  
mina semilunari parma cespite compacta. Quo  
pariter munimenti genere promuralis ubique fos-  
sa, recenti opere, identidem præsepiebatur.  
Oppidum tot fultum viribus eaque anni tem-  
pestate oppugnandum aggredi, plenum incon-  
sultæ temeritatis & a Viriis militari scientia ni-  
mis alienum videbatur; præsertim cum Savus  
Danubiusque expeditum Germanis ad opem fe-  
rendam præberet aditum. Nam classis Turcica  
Orsovam prætergredi haud potis fuerat, verita  
sibi extremam perniciem ex immensa jaculo-  
rum procella, quæ dispositis ibi & in insulæ,  
medio e flumine exadversum surgentis, ripa  
machinis nullo impedimento irruptura erat, si  
ultra navigare conniteretur. Nihil hæc tamen  
Chiuperlium, ut facinore abstineret, deterrue-  
re; fretum seu suorum militum numero, seu  
Ger-

Germanorum in Transylvaniam discessu despe-  
rataque proinde obfessis ope , seu occulto ali-  
quo telo , quod ab eo comparatum , non vana  
ex ipso eventu commota suspicio est . Castra  
metatus , vineas contra urbis partem superiori  
oppugnatione mœnibus nudatam agere instituit .  
Fortè illic manebant adhuc suburbiorum ruinae ,  
quæ non parum a muralibus tormentis immu-  
nes reddebant operas , celerius idcirco , sed ne-  
gligentius aggerem promoventes . In eas oppi-  
dani , capta occasione , ingenti manu egressi  
primos obtruncant , reliquos sæda fuga usque  
ad castrense vallum protrudunt facta septingen-  
torum strage æquatoque ubique solo , vix uno  
aut altero suorum desiderato . Visirius ea clade  
efferratus , non amplius instaurari vineas , sed  
aperto corpore in utramque invehi semilunarem  
munitionem iussit , quò prius humo tecti se se  
admovebant . Duplex agmen , quod subsidiariæ  
legiones prosequabantur , postridie mane illuc  
adductum , temerario in speciem consilio , nisi  
quid arcani subesset . Siquidem infestum mayo-  
ribus minutisque telis , quæ frequentissima intor-  
quebantur , longum spatium superandum fuit ,  
nec sine atrocissima irruentium clade supera-  
tum . Ceterum nullum interius datum perfidiæ  
signum ; nec magni molimenti fuit Barbaris  
supergradi loricam humili surgentem vallo ,  
non diuturna tamen victoria . Nam postridie  
regres-

*Oppugnatio  
describitur .*

1690.

*Dubie oppu-  
gnationis even-  
tum horribilis  
casus aut perfu-  
dia, Turcis  
faustum reddit.*

*Oppidum atroci  
pugna supera-  
tum Turcæ in-  
grediuntur.*

regressi oppidani, Turcas vice sua loco depu-  
lere. Jam prope Chiuperlio prosperi successus  
concidebat spes, nullo intestino tumultu juvan-  
te facinus, & foris ob præsidii sæpius erum-  
pentis ferociam lento vinearum progressu; cum  
repentè horribilis casus oppidum illi in pote-  
statem dedit. Magnum sulphurati pulveris acer-  
vum servabat turris in arce media. Is concep-  
ta flamma terribili fragore exarsit, nulloque  
temporis intervallo quicquid ejus non uno in  
loco ad tormentorum usum alibi condebatur,  
ignem evomuit. Vesano ictu discussæ propio-  
res ædes, iisque dissolutis obrati mortalium  
plures, alii saxi dilacerati. Cunctos occupa-  
verat gemitus, tumultus, terror; tenebatque  
incertos, quò irent, quid agerent, quo con-  
silio se se expedirent. Attonitos excussit pu-  
gnantium clamor ad mœnia exortus. Thra-  
ces ex horrendo furentis pulveris ac præci-  
pitantium domorum strepitu hostium trepida-  
tionem coniectantes, eamque suam esse oc-  
casionem rati, in aciem prodierant, semilu-  
naresque adorti munitiones, unde paullo ante  
dejecti fugatique fuerant, vix ullam a præsi-  
diariis, tanta oppidi ac suorum strage prope  
stupidis, moram habuerant. Inde in fossam  
dilapsi, dissipataque triplici vallorum sepe, qua  
circumdatus priscis mœnium ruinis agger com-  
muniebatur, in altum manibus pedibusque  
con-

conñiti atque urgere Germanos , qui tandem excusso terrore illic ad signa convenerant . Pugna adversus irrupentes confecta obstinate primùm crudescēbat , præfidiariis desperatione alienataque a sensibus mente vires acuate ; Barbaros irritante pudore , quodd sibi in tanta tumultuantis urbis clade cunctatio inferretur . Cessere illi denique horum extrema vi conantium numero ac pertinaciæ . Tunc omnia cædes obtinuit ; Germanis , quotquot defecit fugiendi tempus aut ratio , occidione occisis . Fuere militum veteranorum ad sex millia ; reditaque ipsis clades par prope illata illic Thracibus ante duos annos . Septingenti cum Croÿæ Duce , Archinro , atque Aspremontio per portam Savo proximam , cymbis traducti in adversam ripam , neci se subtraxerunt . Inde Murfam pedibus contendere , secum in itinere abductis Petri Varadini , Valkovari , aliorumque per ea loca oppidorum præfidiis . Incensu ubique nitrati pulveris dirum facinus ad prodendam Turcis urbem patratum fuisse , constans opinio fuit . Non enim flamma pervadere in turris penetrare poterat ollarum vi , nec inde erumpere in tot diversos pulveri servando specus . Cui verò ascribendum esset , incertum mansit , vel sublatis immensa clade perfidie testibus , vel neglecta demum difficili inquisitione , postquam occuparunt animos majores curæ .

*Atque insigni strage deservunt.*

*An dolus intercesserit , differtur.*

1690.

curæ . In suspicionem venit Andreas Cornelius Cretensis, militarium illic operum architectus, qui casu an arte fuga non se subripuit ; eodemque a Turcis , quo adhuc a Cæsarianis , habitus loco , decus ac benevolentiam scelere meruisse visus est . Hanc autem adversam famam duos post annos extinxit , clam ad Germanos se recipiens, quamquam infelici eventu, prope Illocum a Turcis detentus coactusque redire Albam græcam eo ipso, quo prius, functurus munere . Archintus atque Aspremontius negligentiz in exploranda conjuratione redarguti , dicta apud iudices causa , ille prorsus, alter vix tandem se perpurgarunt . In Croyæ Ducem ne hoc quidem nomine quaesitum est ; sui fama tutum aut recenti merito . Optimo siquidem usus consilio, Mursæ cum ea , quam diximus, militum manu se concluderat, hosti, cui promptæ rates ad traijciendum non erant , Hungariam tum non aliunde perviam prohibiturus . Timor, ne secus accideret postquam de amissa Alba græca auditum est , Cæsarem sollicitaverat, conscius, aperta adhuc ruinis munitoria Hungariæ oppida nullam invadentibus obijcere posse moram ; dolebatque ( ut plerumque metus in extrema fertur ) ijs nondum instauratis, vixdum quidpiam adversi contingeret, nil minus, quàm de Austriæ periculo cogitandum . Nec erat, qui sibi non proponeret Chiu-  
per-

*Germani Mursam presidio firmant .*



perlium, quamquam instabat hyems, Budam  
exemplo exercitum traducturum, atque illinc  
Germaniæ bellum vastitatemque ostentaturum.  
Hanc ei mentem Superi ademerunt, non ultra  
Albam græcam progresso, metu ne incommo-  
da expeditione partam sibi gloriam in discrimen adduceret. Igitur Albæ denis impositis armatorum millibus, auctis Temesvarii Varadinique præsidiis, reliquis copiis in hiberna distributis, jussuque Bolniæ prætore, cum suorum provincialium globo Mursam oppugnare, unde sibi primò quoque tempore via in Hungariam pateret, Byzantium rediit. Prætor sub exitum octobris quindecim millium agmen & aliquot machinas Mursæ admovit. Oppido mille quingenti Germani præsidio erant; & Comes Budianus (sic enim Cæsar mandaverat) ingenti studio Hungaricas copias diligenti delectu ad signa vocabat, opem obsessis, ubi sors arrideret, laturus. Quamobrem Turcæ, ne illi tempus ad ferendam suppeteret, properare vallum, subire mœnia, machinas expedire, urgere oppugnationem accelerabant; sed incauti inordinatique, quippe qui nihil a tergo, parum a fronte hostem timerent. Quod ubi vidit Croyæ Dux, inmissis trecentis præsidiariis, totidem Turcarum neci dedit delevitque propriorem aggerem. Id Barbaris curam ac studium auxit, non minuit animos. Nulla mora instaurant

*Eam Turcæ invadunt.*

Y

opus,

opus, quintoque die vineis ad fossam ductis, in ejus margine aliquot statuunt arietes, non satis validæ substructionis muros laceraturos. Patebat, si, lorica tandem hiant, vim intulissent, haud quaquam repulsum iri; cum non haberent oppidani, quos obstinato fatigatis certamine sufficerent; & hostes vicissim recenti submisso milite obfirmare potuissent pugnam. Quare præfectus, quandoquidem armis non valeret, arte vincere, & felici quidem eventu, conatus est. Duo transfugæ ad ipsum retulerant, pervagatum castra rumorem confirmatumque desertorum dicto: mox plures Hungarorum legiones obsessis auxilium adducturas; quamobrem Turcas, ne illæ in tempore adessent, urgere opera ac festinare. Croyus ex hac fama consilium capit, clam prima noctis vigilia emittendi per celeberrimum sublicium pontem, illic Danubio contiguisque stagnis impositum, præsidii partem, quæ paulum progressa, non ita multo post rediret leni primum, veluti longius assurgente, plurimo deinde tubarum tympanorumque strepitu, ut magni adventantis exercitus speciem exhiberet. Tertia vigilia invaluit clangor conterritaque adeo barbarici exercitus ducem, auxilii opinionem jam antea oppletum, nec ad cetera suæ gentis in re bellica ingenia satis callidum, ut illico milites convasare, viamque regredi, quin & ma-

machinas gravioraque impedimenta deferi iusserit, ne moram facerent. Molientium fragor suspensos oppidanos diu tenuit, veritos hostem ad irruendum in fossam se comparare. Nec prius ea posita suspicio est, quàm duo milites præmio inducti, quid istud rei esset, ad explorandum egressi, retulerint: capita vinearum primoresque munitiones milite vacuas se conspexisse, ac suboscuro strepitu, sensim recedentem, exaudiri. Dies deinde certum reddidit: Turcas, omissa oppugnatione, fugientium prope in morem se referentes iter propere. Primus hoc gaudio Cæsarem impertire voluit Croyæ Dux, confestim citatis equis Viennam profectus. Angebat Leopoldum cum omni civitate præter modum sollicitudo, quid barbarorum exercitu actum foret, & an uspiam vi aut anni tempore fuisset ab itinere aliave re gerenda cohibitus. Ubi audiit, Murfa repulsum, & sibi dari spatium per hyemem res firmandi, non parum susceptæ ærumnæ dolorem leniit. Et quamquam Lippha ad Transylvaniæ fines, prius tamen bellicis tormentis exarmata atque incolumi præsidio, per hos ipsos dies se dededisset Temesvari prætori, illuc infestis signis progressus; non tamen Transylvaniæ timuit, fretus Badensis militari virtute, ejusque exercitus robore; ratusque non prius illinc discessurum traducturumque copiarum partem in su-

*Hinc discesso  
timore ingens  
Vienna lætitia.*

*Lippha a Germanis  
deseritur.*

1690.

*Poloni ad bel-  
lū incenduntur,  
& qua ratione.*

*Annitente Jo-  
anne Rege.*

periores Pannoniam, ubi eas hyemare desti-  
natum fuerat, quàm omne periculum propul-  
sasset. Ex eo magis, & quàm vehementer do-  
lebat, quòd videret in se prope unum ver-  
sa Scytharum & Thracum arma, Sarmatis  
jam nimis a bello abhorrentibus. Hos & Re-  
gem ut ad pristinam virtutem servandasque fœ-  
deris leges incenderet, sub ipsum comitiorum  
tempus illexerat, promissis demum Jacobo ip-  
sius Regis filio Elisabetæ Palatinæ nuptiis, quæ  
per autumnum coaluere; datoque diplomate,  
quo suam ei genti fidem obstrinxit (nam an-  
tea non nisi privatis literis) Valachiam Mol-  
daviamque, si quando illas armis subigerent,  
ipsorum fore; omnique se in eam oram abdicavit  
jure. Privatim simul spem Regi dedit, quan-  
tū officiis apud clientes amicosque conniti  
posset, utramque provinciam Concilii auctori-  
tate Jacobo fiduciarium commissum iri; quo  
luculentius sponsæ & familiæ decus, non exi-  
guo auctus imperio, tueri posset. Non enim  
Volavensis Ducatus, quem sibi quingentis flo-  
renorum millibus modò in Silesia comparabat,  
tanti esse videbatur. Hac illectus Cæsaris be-  
nignitate Rex ad urgendum bellum se confir-  
maverat; quod utique opportunum accidit.  
Cum enim per eos dies Comititia peragerentur,  
in iisque legatorum plures ad pacem inclina-  
rent; ille argumentis officiisque obtinuit, ut bel-

bellum e sacra fœderis lege ad sociorum voluntatem protraherent, decernerentque in militum stipendium pecuniam, jam per triennium compressam; hiberna quoque ad arcendos præda hostes in regni finibus constituerent. Et cum legati ab Scytharum Regulo Visirioque oblatum venissent honestas reconciliandæ amicitiae conditiones, si seorsum ab reliquis fœderatis pacisci vellent, sua apud Senatum auctoritate tenuit, ut re infecta repudiataque dimitterentur. At nihilo secius bellici expediendi apparatus, quippe dissentientibus opinione animis, segnis hoc quoque anno, ipso licet sedulo annitente, habita cura. Nec prius acceleratus, quàm Scythæ intima regni depopulati, pigrescentibus pudore ac damno torporem excusserint. Sextili ineunte Kamenæco, trito jam sæpius itinere, in finitimas provincias digressi, collecta omnis generis præda, quam secum possent traducere, ignem reliquis vastitatemque intulerant. Ad primam Barbarorum incurSIONEM validus Polonorum globus e vicinis hibernis moverat, ut pugnando reprimeret prædabundos. Illi præda jam graves impeditique se referebant, ea contenti, si salvam ducerent. Verùm cum hostis recentibus equis viam præciperet ac tergo prope instaret, in editum collem se proripientes statuerant, subeuntem propellere, atque interim convehendis manubiis tem-

*Quo auctore  
Senatus cum  
Turcis pacem  
seorsum a Fœ-  
deratis recusat.*

*Scythæ Sarmatiam depopulantur.*

1690.

*Prosperè cum  
Polonis pugnat.*

*Qui tandem  
collecto exerci-  
tu iter in Molda-  
viam ineunt.*

*Oborta mili-  
tum seditione,  
recedunt.*

tempus occupare. Eò progressi, Polonos ex alto conspiciunt inordinatos effusoque succedentes cursu; quocirca mutata vice irrumpunt ipsi; nullo negotio incompósitos fundunt fugantque; septemdecim turmas, dum reliquæ præoccupant viam, tresque in iis tribunos militum obtruncant. Dein Sarmatiam interius quàm antea pervagati, relatam dudum prædàm uberiore cumularunt. Poloni suorum clade expectecti ad signa tandem coiere; non plus tamen quàm duodecim peditum, octo levis armaturæ equitum millia, bis mille quadringenti sagittariorum. Cum hoc exercitu, non expectatis Lithuanis, nam septembre ineunte haud amplius cunctandum monebat autumnus, ad Naparim contendunt. Rex eo militum numero atque anni tempore in incertam expeditionem ducem se dare noluit. Commonefecit autem armorum præfectum, nihil Reipublicæ fore utilius Valachia Moldaviaque in ejus potestatem redactis. Rem ille complexus, Naparim transmittit nullo impeditus hostili exercitu; quo pariter, vacuam nactus Moldaviam, Jassium copias ducere aggreditur. At milites, vixdum parum progressi, tumultuari, agmen sistere, ac vociferari se longius ab eo flumine, unde sibi commeatus, non processuros; memores ob annonæ cibique inopiam quanta illic superioribus annis percussis fuissent calamitate. Nullum imperium tanti fuit, ut eos vinceret atque

atque a proposito dinoveret : invicta multitudine , si se respiciat . Quapropter renuentibus imperator cessit , & cum aliud non liceret , aliquod saltem munire propinquum oppidum statuit , unde commodius primo Vere consilium Regis explicari posset : Visa in id Socidava opportuna . Ed speculatum missa equitum ala an faceret deditiois spem , desertam a civibus reperit . Firmat proinde octingentorum præsidio ac semestri commeatu , romana pecunia comparato . Niecmagem quoque non longe positum ad Transylvaniæ fines occupat , quæ prædiariis in omnem fortunæ eventum ad Cæsariarum arces pateret aditus . Ipse copias , remensa via , in hiberna deduxit . Hæc perexigui sanè momenti ad barbarici belli summam . Minus tamen hoc anno contulere Moschi , suorum Principum discordiis penitus implicati . Fædor magnus ejus gentis Dux immatura morte pridem decesserat sine liberis . Duo illi erant fratres Joannes natu major , eadem , ac ipse , genitus matre ; atque e secundis Alexii patris nuptiis Petrus ; quem licèt decimum nondum superasset annum , successorem testamento sibi delegerat ; quippe alter ob tardum ingenium imbecilla esse mente atque impar visus . Imperii ac puerilis ætatis , quoad ille pubesceret cum delecto procerum Consilio moderatrix data Sophia germana soror , magni animi atque ingenii

*Aliquot prius oppidis occupatis.*

*Moschorum inter se discordiæ causæque narrantur.*

*Quibus artibus & unde nutrita.*

1690.

nii sœmina. Hæc quo pacto, exeunte ex éphe-  
bis Petro, auctoritatem retineret, multa secum  
animo volutaverat; diuque fluctuata, cum  
nihil a minore fratre, quem excelsæ indolis  
noverat, sibi sperandum crederet, in eam tan-  
dem sententiam venerat, ut huic Joannem,  
quem penitus obnoxium habitura erat, confor-  
tem Imperii, dari conniteretur. Ejus proinde  
causam apud Senatum egit obtinuitque; miser-  
tum Juvenis in ordinem fraterna injuria coacti,  
cui uni gentis more regnandum fuisset. Rem  
difficilem, biceps imperium, difficiliorem fe-  
cerunt procerum studia in alterutrum inclina-  
ta, prout cuique ex altero spes aut gratia;  
curabantque, illum potentia crescere, a quo  
se augendos opperiebantur. Sophia prætorianos  
milites, qui duodevicenis constabant millibus,  
Joanni conciliaverat; Petro dynastarum plu-  
res, suamque præsertim Natalia mater Na-  
rischinam familiam, quæ apud cives plurima  
florebat gratia atque auctoritate. Dum ita in-  
genti animorum motu ac tacitis concertatio-  
nibus æstuat Aula; Sophia pugnx pertæsa, il-  
lecto ascitoque in suas partes Basilio Gallici-  
no, illustri inter suos genere ac magni nomi-  
nis, de Petro necando conjuravit. Condicto  
sexcentis prætorianis die, quo, diversa causa-  
ti, in sacras Sanctissimæ Trinitati Monacho-  
rum ædes, easdemque propugnaculis munitas,  
Mo-

*Eorundem exi-  
tus.*

*Conjuratio in  
Petrum Ma-  
gnum Ducem.*



Moscu non longe distantes, peruaderent. Eò  
 siquidem consanguinei insidias odorati, Petrum  
 dimiserant. Duo interea milites conterriti faci-  
 noris atrocitate, rem clam renuntiando, irri-  
 tam reddidere. Facta siquidem popularium ma-  
 nu advocatisque peregrinis legionibus, quas  
 prætorianis æmulas, firmitus sibi præsidium, Pé-  
 tri auus paterque conscripserant, non sine in-  
 genti eorumdem prætorianorum cæde conjura-  
 tio celeriter extincta est. Sophia claustro sa-  
 crarum Deo Virginum conclusa; Gallicinus  
 duro in Siberiam provinciam exilio multatus,  
 ne gravior ipsorum pœna turbas aleret. Necati  
 plures vario sævissimoque supplicii genere, pu-  
 blicataque bona. Joanni vix tantum non spe-  
 cie tenus relictum Principis nomen. Habitæ  
 deinde per reliquum anni reorum quæstiones  
 averterunt animos ab Turcici belli curis. Con-  
 trā Veneti in illud eò alacrius intenderant stu-  
 dium atque operam, quò in spem venerant,  
 validam accepturos opem a Pontifice Maximo  
 cive suo; & hic spem haudquaquam fefelle-  
 rat. Nam præter illius Imperii Sacerdotiorum  
 decumas, ingentem ipsis contraxerat pecuniam,  
 Camaldulensium Cœnobii, quod ad Carceres  
 nuncupant, ditissimis fundis pretio additis;  
 submiseratque mille quadringentos milites cum  
 quinque Romanis, binis Genuensium quinque-  
 remibus, tribusque constratis navibus, apertis

*Quo pacto com-  
 pressa.*

*Quorumque da-  
 mno expiata.*

*Alexander VIII  
 P. M. Venetis  
 auxiliatur.*

Z

quin-

1690.

quinque ad transvehendam legionem & com-  
 meatus. Eius quoque auctoritate Melitenfes octo  
 rostratæ, quatuor onerariæ cum octogenis alba  
 signatis cruce, sexque armatorum centuriis ad  
 eos accesserant. Jamdiu terra marique obside-  
 bant Epidaurum Limeram, fame domituri.  
 Verùm per hyemem dispersis quandoque pro-  
 cella stativis navibus, capto tempore furtim a  
 proximis insulis illuc irrepsertur Turcarum ali-  
 quod navigium, invecstoque frumento anno-  
 nam levasse reputabatur. Quin & incefferat  
 rumor, idcirco duodecim bellicas naves, ad  
 propinquam Melen in anchoris stare, eò, tem-  
 pestate oborta, quando nulla hostium navis  
 furentibus undis resistere in statione atque iter  
 obsidere posset, trajecturas; positurasque extra  
 discrimen oppidum resectum milite atque ali-  
 mentis. Id temerarium potius quàm audax  
 videri poterat cogitantibus, haud illinc procul  
 excubare Venetorum classem, nec mare, præ-  
 cipitante jam hyeme, illam amplius quin na-  
 vigaret, prohibiturum. Attamen opinio erat,  
 nihil non ad opem ferendam ausurum maris  
 præfectum, veritum Visirii atroces minas, nisi  
 Epidauo caveret; elatumque prosperitate, qua  
 duas per eos dies oppresserat hostium naves.  
 Has sub Solis occasum procul visas, cum no-  
 ctu quoque se proderent prætoria lampade,  
 denis, quot secum habebat, per tenebras cir-  
 cum-

*Quibus due pe-  
 rennt bellica  
 naves.*

cum venit. Prima luce Venetæ jaculis undique  
 lacerari cœptæ, ferociter pugnando Thracias  
 repulere, quoad altera concepto igne correpta  
 est; altera, ubi majoris machinæ confossus telo  
 cecidit Alexander Valerius propratore, cujus  
 plurimum bellica virtute ad pugnam durave-  
 rat, in hostium potestatem venit, non sine  
 Marci Pisauri, classis majorum navium præ-  
 fectionis culpa, qui ex adversa Peloponnesi ora  
 comperto suorum discrimine jussusque ab Cor-  
 nelio imperatore periclitantibus opem ferre,  
 serò naves molitus, senatusconsulto negligen-  
 tiæ pœnas carcere luit. Quæ dum ita se habe-  
 rent, Cornelius haud amplius, quin Epidau-  
 rum invaderet, supersedendum statuit. Ex hi-  
 bernis educto exercitu castra e regione oppidi  
 in continenti locat. Inde protecto clypeis cor-  
 pore a pyroscorpionum telis, per pontem co-  
 hortibus aliquot immixtis, quæ adducta secum  
 materia (nullum quippe nuda rupes suppetere  
 videbatur) prope suburbii mœnia se communi-  
 rent. Dum aggerem struunt, sit oppidanorum  
 in eas impetus; & cominus gladiis, ex alto  
 saxi telisque disceptatæ, ducentis suorum hu-  
 mi relictis, totidem vulneratis, fugam arripe-  
 re coactæ sunt. Prope pontis aditum continue-  
 re gradum, prohibita primum ultra progredi  
 ab subsidiario agmine, pontem ipsum jam  
 antea ingresso; dein ducum voce partim in-

*Epidaurum Li-  
 meram inva-  
 dunt.*

*Varii ejus op-  
 pugnacionis e-  
 ventus.*

1690.

crepantium, partim suadentium, congestisque ibi lanæ terræque faccis aliquo munimento se concluderunt. Non tamen ita, ut muralium tormentorum jaculis non paterent aut auderent vallum ad muros ducere. Quare Cornelius infestum locum deferendum, quin & ad lentam obsidionem redeandum censuit. Huic opinioni Gallianus armorum præfectus diu multumque adversatus fuerat, exaggerata mœnium prædiiique imbecillitate. Quamquam frustra contendisset, fossam audacter subeundam esse, locandas machinas, murisque minitandum; ostendissetque spem: Barbaros vixdum Venetis quidpiam rediisse animorum conspicerent, se dedituros: fecerat tamen viri auctoritas, ut Cornelius non statim suum recedendi consilium exequeretur. Interea auxilium copiis aucto exercitu, captoque e Turcarum sepulcris, quæ prope suburbii muros effossa viscebantur, argumento: posse illic excitando vallo solum proscindi: in Galliani tandem sententiam animum inclinavit: Nec inani successu. Nam per noctem illuc progressi ac facili opere terram moliti, stationem opportuno loco ad verberandos quatuor maioribus tormentis muros firmarunt, nullo ab oppidanis impedimento, quippe quos ad erumpendum jam tandem robur atque animus deficiebant. Edita humilioris lorice strage, prætor non diu post de tradendo Venetis oppido agitare

*Quos deinceps  
falsis Venetis  
deditio sequi-  
tur.*

tare cœpit. Conventum, ut liberi adductaque secum re familiari in Cretam, qui solum mutare vellent, traducerentur. Quotquot ibi erant Turcarum, discessere, trecenti armati, reliqua (nongenti fuere) imbellis turba. Repertæ octo supra septuaginta murales machinæ, commeatuum bellicique apparatus parum. Ita penitus expedita barbarico jugo Peloponneso, Cornelius, ubi reliquum æstatis traducendum foret, consuluit majores duces. Cunctis, quam ipse afferebat, verior visa sententiâ est: satis videlicet in Græcia Venetiis esse domitæ Peloponnesi, quæ obiectu suo Thracias naves ab Adriatico sinu; & sive circumfusa mari, sive Isthmi faucibus montium asperitate clausis, ab se hostium impetus arcere posset. Ceteras illic continentis oras, utpote apertas, nullum momentum facere. Duas nobiliores insulas Eubœam & Cretam, tametsi non imperviæ præsentibus forent copiis, plus Reipublicæ dispendii ac sollicitudinis, quàm roboris securitatisque allaturas; Thrace nunquam nisi iisdem, quas in conspectu haberet, recuperatis quieturo; & maritimis expeditionibus duplici terra marique apparatu ærarium exhaurientibus; nec ad Italiæ tutelam tanti, ut antea, pretii Cretam esse, capta Peloponneso. Contra per Dalmatiam Epyrumque dilatarî posse Imperii fines tenuiori sumptu, non distracta scilicet in classem pecunia; & facilio-

*Eorum præcepta in Dalmatiam auxilia copias, & quo consilio,*

1690.

ciliori successu ob popularium ingenium in Venetos inclinatum. Plus autem utilitatis dignitatique ex hac veluti suburbana provincia Reipublicæ accessurum; minus Turcis ad eam in extrema amplissimi regni parte repetendam, irritarenti. Itaque lustrato exercitu, bis mille & quadringentis peditibus equitibusque sexcentis ad Isthmi custodiam relictis; duodecim bellicis navibus, duabus incendiariis Danieli Delphino ipsarum præfecto attributis, quibus ab Turcarum classe Peloponnesi littora & mare circum expediret; ipse cum quinquere milibus hepteribusque & pluribus onerariis quinque equitum, septuaginta peditum centurias in Adriaticum sinum traduxit. Vix illum ingressus tenuit ad Cæciam Aulonis litus. Parvum oppidum Aulon sedet fertili planoque solo, vix non mare subiens, turribus muroque cinctum exigui operis. Tria illinc passuum millia Canina arcis in speciem vicò supereminet non ignobili. Ad hæc oppugnanda Veneti in proximum continentem descendunt; illinc quinquere milium jaculis dissipata hostium turba, quæ ubi classem propinquantem viderat, descensum prohibitura, ad mare e vicinia convenerat. Pars Caninam petunt, pars ad Turcas in circumpositis collibus sese ostentantes iter arripit. Hi vero ad primum incursum conjectumque telorum longius intra nemora pedem referunt. Canina unum

*Aulonem ag-  
grediuntur, &  
facinus descri-  
bitur.*

unum non ultra diem Venetos repulit, aliqua tantum injecta mora e suburbii ædibus, unde Turcæ jaculabantur non sine equitis Giannettines Melitenſis legionis præfecti, Nicolai Borrii instructoris exercitus, & centum gregariorum cæde; fauciis pluribus, & superioris ordinis Aloysio Sagredo Morovilloque ejusdem legionis protribuno. Vico superato, castelli moenia suffodi cœpta. Quo viso Barbari, accepta libere abeundi venia, portas aperuerunt. Aulonenses postridie ad deditionem vocati, pollicitique eadem nocte se deliberaturos, tacito agmine oppidum deseruere. Exercitu in naves imposito Cornelius Dyrrachium nobile emporium septuaginta illinc passuum millibus navigavit. Hujus periculo Turcæ longius exciti, pedites equitesque accurrerant ingenti numero ac descensuris minitabantur; quin & procella vetabat litus. Ere proinde non visum, facinus pertentare, cum præsertim jam senesceret autumnus, & Auxiliaribus redeundum ad suos foret, nimium longis navibus infensa hyeme. Iis digredientibus Veneti Aulonem repetunt, ubi per octo dies Cornelius febris confectatus postremum confecit diem maximo suorum luctu, quorum animos sibi conciliaverat blandis moribus, militari virtute, & rebus gestis; nunc novo rei gerendæ consilio magnam in spem crexerat. In Dalmatia vix quidpiam hoc anno me-

*Desertam a  
Turcis occu-  
pant.*

*Dyrrachium  
invadendum  
pergunt rece-  
duntque.*

*Cornelius Pra-  
tor moritur.*

1690.

*Mutua per  
Dalmatiam  
populationes.*

*Chulmia Præ-  
tor a Venetis  
fugatus, & cap-  
tus.*

*Pestilentia per  
Dalmatiam gra-  
vis.*

memorable patratum est. Principio Veris Chulmiæ, quam nunc Herzegovinam dicunt, prætor cum ingenti popularium manu adversus Nissichios Scodri montis, quem modò nigrum vocant, incolas, ab Turcis in Venetorum partes digressos movit. Hi e villarum diro incendio moniti prætorem hostiliter ad se progredi, facto mille armatorum globo, viam angusto in saltu obsederunt. At ubi illum vident inordinatum ducere agmen interjecto peditibus equitatu, continuè erumpentes ac ter jaculati in fugam consternarunt, illata trecentis nece. Prætor dum pedibus sibi consulit, occurrit latronum catervæ, quos cum nec vincere nec placare potuisset, victus Venetis traditur. Per æstatem intra Turcarum fines a Dalmatis procursum exigua præda, quæ tamen satis fuit ad ipsorum spem fidemque retinendam. Ultra vastitatem gravis pestilentia ex interiori provincia in maritimam oram cum manubiis adducta est, cui restinguendæ non parum Venetis impensum curæ. Sub finem Autumni Vergoratum, non magni momenti oppidum prope Naronem amnem, vix armis tentatum sub eorundem potestatem deditione venit. Nec mare prælio vacuum fuit, majori tamen discrimine quàm successu. Delphinus cum ea, quam diximus, classe & una piratarum nave Ægæum circumibat exigendo ab insulis tributo. Ubi novit,

no.



novem bellicas Turcarum majores naves, tres vicensque Africanorum additis sex ac viginti biremibus prope Mytilenem in anchoris stare eo consilio, ut si ventus & occasio ita ferret, in Bœotiam copiarum quidpiam traduceret, indeque Peloponneso offerrent periculum; illuc proras obvertit. Turcæ pugnam non detrectarunt. Dum concurrunt ordine instructo, cecidit ventus. Delphini prætoris navis, quæ classem ducebat, sola intra muralium telorum conjectum processerat, occurrens majoribus hostium navibus; jamque invicem se verberabant. Unde ipsi non multum discriminis, maximum verò a biremibus adiit, quæ celeriter propius admotæ hostem in eam effuderant. Telis obrutæ salutem primum attulit fabrefactus ignis, quo Turcas progredientes ad puppim non modò repressit, sed ab se penitus depulit. Mox lenis aura vela intendens laceram concussamque periculo exemit, excepta ab reliquis navibus, quæ statim ac per ventum licuit auxiliatum venerant, acie cum hostibus decreturæ. Sed nox intercessit. In ea pugna Delphino murale telum lævæ digitos præter pollicem deterfit, Joanni Bugiæ trierarcho vitam ademit; aliquot utriusque classis gregariorum desiderati, fractaque armamenta. Postridie perendieque in altum utriusque progressi pugnæ periculum facturi rursus videbantur; ve-

*Navalis pugna  
inter Venetos  
ac Turcas de-  
scribitur.*

*Ejusque succes-  
sus.*

A a

rum

1690.

*Res in Hibernia gestæ narrantur.*

*Conjuratio pro revocando Jacobo Rege a quibus, & quo pacto struitur in Angliā.*

rūm inani eventu, Turcis circumflectentibus proras, priusquam proluderent. Dum ita barbaricum defævīt bellum; sociale inter Christianos Principes non minus inhorruit. Galliarū fines armis undique obstrepebant; sed Hibernia præcipue in se obverterat omnium animos. Nam Fœderatis, occupato illic Vilhelmo Rege, nihil subsidii (quod præter conceptam antea e præpotentis ejus Imperii viribus opinionem acciderat) e Britannia sperandum erat; dejecto, nihil ab ipsa non metuendum, in Jacobi legitimi Regis fidem ex hujusmodi successu faciliè reditura. Et sane quotidie magis in ærumnosum Principem creverat suæ gentis amor, constitutaque inter procerum omniumque Ordinum plurimos ad eum revocandum conjuratio. Ipse quoque in occasionem intentus clam in Angliam submiserat, qui animos promissis illicerent ac rem digererent. Convenerant autem ut dynastarum fidissimi per hyemem taciti clientelas describerent; se deinde quieti continerent, quoad Vilhelmus, in Hiberniam transmissio suarum legionum robore, ed trajecisset. Tum quantacumque possent vi, cierent ubique tumultus statimque ad australem præcipue plagam ac Tamesis ostium perrumperent. Gallicam bipartito classem distributam octo illic armatorum millia, armaque Torbai exposituram; totidem isthic ad amnis ripas. His freti,

ex

ex una parte opulentissimam illam regni oram ;  
ex altera Londinum regni caput , & si fortuna  
arrideret , Mariam ipsam Arausionensis con-  
jugem auctoresque seditionis improvisè oppres-  
sos interciperent . Interea Gallicas plures humi-  
liores naves ( Fregatas nuncupant ) Hibernicum  
mare Vilhelmo interclusuras , si ad compri-  
mendum Britannicum tumultum suas illuc  
remeare ex Hibernia copias vellet . In Scotia  
id unum conjuratis occulte indictum : dum for-  
ris arderet bellum , Edimburgum flammis in-  
voluerent , advocatisque incendio civibus ab alia-  
rum sensu rerum , arcem vi aut astu caperent ,  
redderentque lociis libertatem ; qui , non mul-  
tò ante comperti eadem agitalle consilia , in  
carcerem detrusi fuerant . Cetera palam age-  
bantur , non uno procerum concitante cives  
ad res novandas ; Montanisque alacriter ad dele-  
ctum se se exhibentibus . Quamquam plurium  
imperium sequuti , parum proficerent ad rei  
summam ; & populationibus averterent potius  
ab legitimo Rege provincialium animos . Sæ-  
pius inter factiones minuta prælia diverso even-  
tu per hyemem & primo Vere commissa sunt .  
Semel ferocius in Murraina provincia , ubi duo  
Jacobæorum millia cum pari Vilhelmitarum ,  
quos Thomas Levingtonus ductabat , collatis  
signis terga dedere , trecentis suorum necatis ,  
captis centum , parva hostium cæde . Hinc at-

*Et in Scotia ?*

*Ubi minuta,  
prælia interpar-  
tes fiunt, & quo  
eventu.*

1690.

*Gallorum auxi-  
lia in Hiber-  
niam traducta.*

*Marianne  
Neoburgensis  
Caroli Hispaniæ  
Regis sponsa ad  
eum ducitur.*

tritæ concussæque invicem vires ; sed quæ con-  
tra Jacobum Regem , publica auctoritate faci-  
lius reficiebantur . Interea mitescente anni tem-  
pore octingentos supra septem Gallorum millia  
Lauzuni Comite præfecto , & quidpiam milita-  
ris apparatus Amfrevillus proprætore quinque  
ac triginta bellicis navibus in Hiberniam fœde-  
rato Regi suppetias duxit , appulsus ad Corca-  
giæ portum ; unde quinque millia ejus gentis,  
mutuum auxilium , in Galliam reduxit ; Hi-  
bernis manu & animo validioribus , si solum  
mutent . Commodum accidit , ut cùm per hos  
iplos dies Batavorum classis Mariannem Neo-  
burgensem Regi conjugem in Hispaniam tra-  
duceret , se se invicem communi studio , ne ab  
re sua diverterent , declinarint . Fama Gallici  
militis in Hiberniam transmissi exacuit Angli-  
cani Concilii curas , haud ignari , nunquam  
sibi & Vilhelmo Regi , dum illic bellum ,  
otium fore . Censuit proinde cum ipso agen-  
dum ut eò trajiceret legionum robur , nec  
eas , nisi debellato , revocaret . Annuit rem il-  
le , quam jam in animo habebat : ignarus ,  
quantum in se domi ex adulta conjuratione  
impenderet periculi ; ratusque , in sua & Bata-  
vorum classe præsidii satis habiturum ab exter-  
nis hostibus . Spes quoque alliciebat , citò ab  
se negotium in Hibernia confectum iri , pro-  
spero ibi aliquo per eos dies armorum succes-  
su

su victoriam portendente . Nam & Carlinfordia munitum oppidum fame in ejus potestatem venerat , dimisso honestis conditionibus occingentorum præsidio ; ejusque exemplum sequutæ Dundalkum Ardrakumque immunitæ prope urbes , sed quæ maritimi non parum tractus , ex eaque parte ad regni principem urbem Dublinum iter intersæpiebant . Paulo ante Volselejus tribunus militum Beltoberte , ubi armorum præfecturam gerebat , cum tribus equitum septem peditum centuriis Covonium , unum reliquum in Ultonia provincia obnoxium Jacobo Regi oppidum profectus , illud obtinuerat , arcis quamquam oppugnatione abstinentum fuit . Ed contenderat , spe , illud facile subactum iri quippe tumultuario mille solum quingentum præsidio communitum . Verum patefacto ejus consilio , Barcovici Dux pari legionariorum numero illud auxerat . Acie ante urbem instructa pugnatum est . Sed præsidiarii ad primum telorum conjectum loco pulsi in arcem se retulerunt . Hostis urbanas ædes ingressus , in prædam se dissipavit . Quo animadverso , illi e portis iterum in incautos se se effuderunt non sine multa prædantium cæde ; & major accidisset , ni Volselejus bis centum & quinquaginta militum cohortem , quam in subsidiis extra mœnia ad subitos casus retinuerat , irrumpentibus opposuisset ; jussisque illico inflammari tectis , suos metu

1690:

*Aliquot prosperi in Hibernia eventus pro Atranstonensi.*

1690.

*Vilhelmus Rex  
in Hiberniam  
appellat.*

*Quo militum  
numero ejus e-  
xercitus, &  
ubi locatus.*

*Classis Gallica  
in Britanniam  
navigat.*

metu flammæ ad signa coegisset, hostem rur-  
lus intra munitiones; centum, qui nimis pro-  
currebant, in oppidanorum potestate relictis.  
Mors utrinque trecentos oppressit, levique vul-  
nere percussus Barcovici Dux. Hoc rerum sta-  
tu Vilhelmus Rex, præmissis in Hiberniam le-  
gionibus, sub ætatis initium illuc trajecturus,  
a Cestria conscendit. Tercio die Rupis Fergu-  
sii portum intravit sælici navigatione. Nec mo-  
ra ad exercitum pergit, qui castra prope Dun-  
dalkum metatus fuerat. Septem ac viginti erant  
peditum millia, equitum duodeviginti. Dro-  
ghedam inde progressus in Buvindæ amnis ri-  
pa signa statuit, quæ vadum tentare posset,  
speculaturus. Nam Rex Jacobus ulteriorem  
marginem prætexebat, ratus se posse hostem  
objecto flumine ab congregiando prohibere.  
Dum interim orituri in Anglia tumultus nova  
utrisque darent consilia ac rebus gerendis mo-  
derarentur. Et sane ubi auditum, Vilhelmum  
suarumque robur virium in Hiberniam trans-  
gressurum, turbari in Anglia res cæptæ, quam-  
quam non prius in apertum prodituræ, quam  
Gallica classis ferendis auxiliis altum teneret.  
Nec ipsa distulit, Brivate aliisque e portibus  
vela dare. Duæ atque octoginta erant bellicæ  
maiores naves, quas sex & viginti quinquere-  
mes ad breviora litorum, ubi exponendi essent  
milites, subeunda, ponè sequebantur. Simul al-  
tera

rera depressiorum navium classis Hibernicum interseptura fretum solverat. Facinus, quod hactenus silentio compressum fuerat, in vado videbatur; cum repente Ctovnius quidam majestatis reus, dictaque e vinculis causa capite damnatus, vitam pro mercede pactus, conjurationem, cujus erat particeps, Judici aperuit; hic statim Aulæ potentioribus. Senatus cum regia Vilhelmi Coniuge ad inopinatum discrimen exhorruit; non tamen ita, ut horror, quod in subitis evenire solet rebus, consilium tardaverit. Contestim intra Londinensem arcem aservari jussi Clarentiæ Comes & procerum aliquot, de novandis rebus delati aut suspecti. Provincialibus imperatum, ut armati globatimque divisi otio consulerent, litora ab externis hostibus, oppida ab domesticis tutarentur; arcium, & præcipue maritimarum, præfectis, ut ab insidiis caverent. At majus ad compescendas turbas præsidium ab classe petendum Senatus censuit; si tamen hostium naves non modò ab appulsu arceret (satis enim ad confirmandos conjuratorum animos fore, si ex alto spem facerent appellendi) sed vel suo damno contunderet; dummodo in communi strage viribus & illæ debilitatæ recederent. Itaque prætori Herberto Toringtoni Comiti mandatum ut non amplius, quo hactenus consilio usus fuerat, prælium fugeret, nec tergiver-

*Britannica conjuratio quomoda detecta.*

*Ac dissipata.*

*Classis Britannica adversus Gallicam emissitur.*

1690.

*Oritur pugna.**Describitur.*

versando satis haberet, hostem, ne descenderet, ab litore prohibere; rectà adiret, laceggeret, cum volente confliget, cedentem insequeretur. Dicto paruit, nec diu fuit, quin Britannico in mari, qua parte australe percutit Angliæ latus, Gallicas naves obvias habuerit. Eas numero prope aquabat, auctus tribus & viginti Batavis navibus Evertzeno duce. Utrunque illico in frontem instructæ. Batavæ dextrum cornu; Anglicæ, quæ rubrum vexillum sequebantur, mediam aciem; quæ ceruleum, sinistram tenuere cornu. Et Galli tripartitum agmen obijciunt. Quod castri Rainaldi Comes ductabat, in sinistro adversus Batavos; quod Æstræi Dux, in dextro locant. Anna Ilarion Constantinus Tourvilli Comes imperator medium habuit. Ventus Fœderatis favebat, ex iisque, cum parum Sol processisset, primi Batavi in hostes irrumpunt. Ibant utrique redibantque adversi, telis undique se concidentes. Quin, dum pugna iritatur, propius subeuntes, ictu certiori feriebant alueos; vela, armamenta, mortalium corpora lacerabant. At reliqua in acie mitius decertabatur. Quippe Anglicæ naves, ne secundo prorsus obsecundarent vento, qua possent arte, se sustinentes, longius & incerto vulnere micabant jaculis. Jam tres pugnaverant horas, cum ventus resedit, immobilesque steterunt. Non ita multò post eo rursus increbrescen-



sciente instauratur pugna. Quam cum nec modò cominus congressi exacerent Angli; Tourvillus, re animadversa, aliquot e medio agmine subductas naves circumire Batavorum cornu atque illud a tergo ferire iussit. Hi quamquam circumfusi telis diu atrocem procellam pertulere, rati socios (nam fumus conspectum ademerat) pari discrimine & commixtis navibus decertare. At cum se penitus jam vires deficerent laceris velis armamentisque, ne præda hostium manerent, sub vespèram fractas mutilatasque naves in proximum continentem, quò prius Angli se subtraxerant, retulere. Batavorum duæ bellicæ totidemque incendiariæ in eo prælio depressæ, una in hostium potestatem venit, altera igne consumpta; decem atrociter vulneratæ, malis antennisque magnam partem decussis; quarum postridie ab ipsis navitis, cum non satis cursum accelerarent, quatuor demersæ, tres incenso nitrato pulvere dissipatæ. Periere duo legati Bruchel & Gindychus, ingens gregariorum multitudo. Ex Anglicis duo penitus labefactatæ; reliquæ, ut & Gallorum classis, ærumna haud immunes, sed navigando adhuc pares. Tourvillus mare liberum nactus, propius legit Angliæ litus, ac quinqueremium ope facto circa Torbajum quingentorum militum descensu Tingmutum, unde trecenti præsidarii ad ejus adventum dilapsi

*Batavæ naves  
atrociter con-  
cussa recedunt.*

*Navalis Gal-  
lorum victoria.*

*Qui in An-  
gliam descendit  
sed inani succe-  
ssu.*

B b

fue-

1690.

*Idque omnibus  
inopinatum.*

*Quiescentibus  
Britannis Con-  
juratis.*

*Funestum in  
Hibernia Jaco-  
bo Regi pra-  
lium.*

fuerant, habuit diripuitque; simul in propin-  
qui ostio fluminis quatuor bellicas, octo onerarias incendit. Paucos deinde moratus dies, nec ultra progressus, receptis in classem militibus, redux Brivatis portum cepit. Id æque molestum ac præter spem accidit Ludovico Regi. Audito enim, victos profligatosque hostes navali prælio, non dubitaverat quin meditatum in Anglia facinus inchoatum foret atque omnia ibi Gallicis armis ac tumultu obstreperent; dolebatque modò, nullum exinde relatum victoriæ fructum; adhuc ignarus nihil Britannos movisse, quamquam plurimi ad cingendas fovendasque turbas se comparassent. Quin ed diligentius excitata ibi studia juventutis, ad arma Senatus edicto adversus externos coeuntis; quò protracta atque idcirco debilitata in dies rerum novandum spe augebat solertiam timor, ne in quò minor visa, illum argueret sublestæ fidei. Quamobrem Tourvillus discesserat, veritus inutilem infestamque trahere illic moram, & Conjuratos e diversa, quàm speraverant, Hiberniæ fortuna animum contraxisse, ne se in apertum discrimen darent. Nam Wilhelmus quàm citissime per omnem dissipari Angliam curaverat, uno prælio, quod postridie navalis pugna commissum fuit, Hibernicum bellum se debellasse. Exercitum, ut præfatum sumus, admovebat ad Buvindæ ripam, cujus ad-

adversam oram Jacobus Rex bellatorum quaderagenis prope millibus intersepiebat. Ille ad speculandum progressus ubi vadum tentare posset, dum circumspectando cunctatur, leniter majoris machinæ telo ictus, vitæ periculum adiit. Quo tamen nihil deterritus, illac trajicere, strenuitatis argumento, meditabatur. At ubi paulum desedit repente surgens ardor animi, secum & cum iis, qui circum se aderant, breviter colloquutus, incertæ nimis esse plenum alæ, in hostium conspectu superare ampem, non mediocri & pectore tenus fluentem aqua, mutato consilio Comitum Medardum Scombergium cum dextra equitum ala, quibus sinistra sagittariorum legionibus, unaque peditum, & quinque tormentis curulibus adverso flumine tria passuum millia per noctis silentium ire jubet: ubi latior alueus humilioresque ripæ longe faciliorem transitum aperiebant. Jacobæi quatuor equitum legionibus suspectum locum insederant, quæ tamen, parva transgredientibus injecta mora, longe impares numero se retulere. Medardus suas copias in ripa continuit acie instructa, suspicatus, hostem novis e propinquo auctum militibus, ad pugnam rediturum. Simul, quod sibi instaret periculum, Vilhelmo, ut quidpiam opis submitteret, renuntiavit. Nec vana erat suspicio. Jacobus enim, re comperta illuc validum suorum globum pro-

*Et quo confertum ordine narratur.*

1690.

perare iusserat, in spem ingressus, traductum agmen, priusquam accresceret, deleri potse. At ubi vidit, hostilem exercitum (quod eludendo ejusmodi consilio Vilhelmus apud se jam antea constituerat) in amnem irruere transmittentis in speciem, e re non duxit extenuare illic vires. Sententiam deinde mutasse doluit, cum isthæc, aut non alia sibi foret vincendi ratio. Interea Medardus, ut pro responso acceperat, movit agmen hostemque a latere adortus est. Nec Vilhelmus, postquam clamore nuntio initum ab eo prælium comperit, destitit a fronte urgere. Læva equitum ala, cujus iniperium Georgius Daniæ Regis frater gerebat, flumen ingressa, Jacobæos equites sagittarios, Berovico præfecto, in ipsa ripa obviam habuit. Media pedestris acies, Scombergium legatum sequuta, in aquam pectore tenus surgentem se immisit. Ad hanc repellendam processerant Jacobæorum duo millia & quingenti pedites cum prætorum equitum legione. Verum cum ex adversa ripa micarent majores machinæ, e medio flumine pyroscorpiones; & qui traducebantur, accelerarent, cessere illi; his utrobique datur in marginem evadendi locus. Quamquam triceni minorum militiæ ducum, qui propius dimicaturi ad aquam descenderant, facerent suis, ripa hostem prohibentibus, animos. Se tamen retulere ad primos conatus parva utrinque nece.

ce. Præfectorum, qui præcefferant, quinque ac viginti gradu stantes honesta morte occubuerunt. Peditatum e vado egressum Vilhelmus trifariam dividit. Octo millia quingentos ad sinistram equitum alam, quæ vehementer impellebatur, accedere eique robur ac firmitatem addere, sex millia cum ala dextera conjungi jubet. Ipse cum reliquis in mediam irrumpit hostium aciem. Hanc Lauzuni Comes dirigebat instruxeratque circa vicum, qui amnem ferre contingebat. Erant secum Gallica auxilia, & quicquid in Hibernis copiis veteranorum. Anceps proinde illic prælium diuque paribus pugnatum viribus ac virtute. Quam ut in suis exaceret Scombergius legatus, octogenario major ante signa progressus, pugnans cecidit. Primum ab utroque cornu inclinavit ad Vilhelmum victoria, superatis Hibernis Anglorum numero ac strenuitate; dein penitus in ejus partes concessit. Nam Lauzunus ubi se utrinque nudatum novit equestri robore & ab hostili equitatu instare certam perniciem, monuit Jacobum Regem ut ex acie discedens consuleret vitæ ac dignitati; eas pluris esse, quam quæ ullo pretio in apertum discrimen committendæ forent; & sapius ingenti sollicitudine, quæ tunc de ipsius incolumitate omnes incesferat, debilitari militum animos, non augeri. Eo jam rem devenisse ut abjecta victoriæ spe,

*Victoria ad  
Arausionensem  
verit.*

1690.

*Jacobus Rex  
ab exercitu re-  
cedens in Gal-  
liam redit.*

*Jacobai ordine  
pedem referunt.*

*Ubi, auxli nu-  
mero, se locant.*

spe, de reducendo incolumi exercitu cogitan-  
dum esset; idque sibi uni explicandum petere;  
& ne abnueret, obtestari. Ille dictum non as-  
pernatus, Dublinum se proripuit, Civitatis prin-  
cipes paucis adhortatus, ut non ex præsentī  
fortuna, quam facili mutari posset, sed ex adhuc  
invieta in suum Regem fide consilium cape-  
rent, statim illinc Vaterfordum processit. Con-  
scensa Gallica nave, quam si occasio ita fer-  
ret, in eo portu ad navigandum instructam  
stare in anchoris jusserat, mare ingreditur,  
Galliam repetiturus. In altum proVectum casu  
excepit Gallica itidem humiliorum bellicarum  
navium classis, munitoque itinere in Nor-  
mannorum exposuit litus. Interea Lauzunus &  
Tyrconellus, signo receptui dato, pugnam di-  
remerant. Recessit agmen instructis ordinibus,  
quamquam tormentis laceratum & undique cir-  
cumfusum. Parum illud hostis est insequutus;  
& qui ex utroque fugerant cornu, per nota  
paludum sylvarumque itinera facili victori se  
subduxerunt, vix mille quingentis in eo præ-  
lio interemptis & pari prope ex adverso cæde.  
Circa Atlonam & Limesicum munitas urbes,  
quibus versam ad occasum insulæ partem in  
potestate officioque retinerent, castra metati sunt.  
Eò deinde non pauci Hibernorum hæc illac per-  
vagati se collegere. Drogheda validum oppi-  
dum, præsidio & com meatibus in longam ob-  
sidio-

1690.

*Plura oppida,  
victorie fructus  
in Vilhelmi po-  
testatem veniūt*

fidionem refertum, Vilhelmo statim in dedi-  
tionem venit. Nec Dublino, ubi ejus gentis  
Concilium aderat, ullā fuit mora quin, vix-  
dum Jacobo illinc digresso, in æmuli Regis  
partes concēderet. Is, cum una equitum al-  
tera peditum legione præmissis Ormondi Duce  
& Overcherchi Comite, qui adversæ factioni  
metum ingererent, triduo post in urbem se con-  
tulit ibiquē aliquot transegit dies, incertus quid  
ageret. Fuerunt; qui e re illic gesta Jacobum  
timiditatis, Vilhelmum segnitæ redarguerent.  
Nam & illum nimis propere Hiberniam dese-  
ruisse, cum debuisset, recuperato exercitū, ca-  
stris alicubi se continere, ostentatæque fiducia  
cohibere plurimarum urbium defectionem, quas  
non fides mutata, sed ejus falso credita, ve-  
rū perspecta penē oculis, desperatio ad Vi-  
lhelmum adduxit. Et hunc debellare potuisse,  
si hostem pavore aut armis percussum vestigiis  
persequutus nulloque dato ad respirandum spa-  
tio urgere illico non destitisset. At non ea-  
dem rerum petitis sententia fuit, apud quos  
opinio increbruit; Jacobum in Galliam redi-  
tum accelerasse, nonnihil ex eo prælio de Hi-  
bernorum erga se animo suspicatum; cum præ-  
sertim raro maneat adversus miseros fides. Vil-  
helmum verò initio sibi proposuisse, confestim  
cum exercitus parte in Angliam remigrare,  
inquietos molientesque illic cives, unde majores  
pe-

*Varia de hoc  
prælio & Jaco-  
bi reditu homi-  
num opinio.*

*Captumque a  
Vilhelmo consi-  
lium a pluribus  
improbatur.*

*Quæ fuerit pru-  
dentiorum sen-  
tentia.*

1690.

*Vaterfordum in  
Arausionensis  
potestatem ve-  
nit.*

*Attona non  
cedit.*

*Limericum fru-  
stra oppugna-  
tur.*

*Oppugnatio-  
nis series.*

periculum erat, priusquam moverent, compres-  
surum. Quamobrem Cestriam prætorias Bata-  
vorum cohortes statim a pugna traduci iusserat.  
Certiozem deinde redditum, ad Britannicam  
reficiendam conjurationem satis in Maria con-  
juge & in Senatu consilii, in morigeris sibi po-  
pulis præsidii esse, propositum mutasse: spe  
simul, brevi quicquid in Hibernia reliquum  
erat urbium, se præsentem redigi in potestatem  
posse. Re deliberata, legiones primum Vater-  
fordo admovit. Præerat oppido cum mille sex-  
centis armatis Henizius tribunus militum, qui  
non æque validus animo, vixdum aperto vallo  
& nondum expeditis bombardis deditioem fe-  
cit. Inde Attonam Duglatium prolegato cum  
decem peditum, quatuor equitum, duabus sa-  
gittariorum legionibus tentatum misit, an me-  
tu victa Vaterfordi exemplum sequi vellet. Ve-  
rùm invicta adversus minas blanditiæque te-  
nebatur Gallorum Hibernorumque præsidio,  
quod spem elusit. Ipse cum reliquis copiis Li-  
mericum pergit. Explicato circa urbem exerci-  
tu nec circumvallato, triduo ad primas muni-  
tiones agger adducitur, mox triplex occupa-  
tur castellum, & geminæ decutiuntur altiores  
turres, unde plurima in apertum hostem jacu-  
lis cædes. Deinde tricenis arietibus concussa  
mœnia viam in urbem aperuerunt. Præsidarii  
mixto illic Gallico Hibernoque nomine, quam-  
quam



quam ingenti forent numero, hæcenus intra claustra se continuerant, aliqua solum telis, quæ perpetuò micabant, injecta operibus mora. Hinc hosti additus animus, ut vel quod nondum tempestivum erat, auderet. Pugnam ad viæ rectæ marginem conferit; qua victor in fossam descendit enititurque, præcipiti licet clivo, in mœnium ruinas, immemor procellæ, quæ ab integris adhuc propugnaculis impendebat. Et ea quidem tonantibus undique muralibus tormentis irrupit adeo, ut suæ illi audaciæ pœniteret. Dum verò discerpitur, oppidani e portis, atque ex apertis ariete muris erumpentes, stragem cumulant, pulsum fugatumque extra munitiones propellunt consperso cadaveribus solo, dissipatisque vineis, & quicquid operum molitus fuerat. Vilhelmus pensatis hoc facinore præsidii viribus ac strenuitate, ne illic infestam inutilemque interponeret diutius moram, colligi vasa jussit. Dein munitis milite ac re frumentaria circum oppidis, in eunte autumnò cum aliquot legionibus in Britanniam transmisit. Post discessum Gallicæ classis variatamque Hiberniæ fortunam cuncta isthic quieta sedataque videbantur, otii studium iis maxime simulantibus, quibus ejus turbandi animus fuerat. Quocirca tubitariis militibus jam tum ad signa vocatis, cum Galli descensuri videbantur, com meatum dederant, habitò solum octo millium delectu, quibus Joar-

*Infelix exitus.*

*Vilhelmus in  
Britanniam re-  
dit.*

1690.

*Leniter de con-  
juratone in-  
quirit.*

*Toringtonus  
classis prefec-  
tus de infantia  
pugna causam  
dicit.*

*Sententia Judi-  
cum absolutus.*

*Placandis Ba-  
tavis exaui-  
batur.*

nes Marleborugi Comes in Hiberniam deductis, omnem illam australem oram, Corcagio, ut contigit, domito, penitus explicaret. Et Vilhelmus, ut in affectu corpore, ulcus hoc tempore non modò non tractandum, verum etiam ut altius consopiret animos, leniendum censuit, in libertatem idcirco restitutis, qui rerum novandarum in suspicionem venerant; nec de re amplius, veluti falsò credita, inquiri voluit, gnarus: turbulenta consilia si non pateant, faciliè ex ipsa rei difficultate corruiere; prodita, ne pœnas luant, accelerari. Nec minor ei cura sarcindæ classis. Batavi, exulcerati Toringtoni Comititis dolo an locordia, placandi erant. Hic proinde jussus e vinculis causam dicere: quòd pugnasset adverso Marte, suas obtendit numero & viribus impares hostium navibus. At cum de Sociis, aperto in discrimine ope sua destitutis, adversa præcipue fama conflictatus, non ita faciliè se purgaret, primum ampliatus est. Deinde ubi deserbuit simul cum damni & periculi memoria, ardor animorum, defederatque non parum dolor & ira, Judices illum suffragiis omnibus culpa exolverunt. Rex tamen paullo post, ut communi opinioni, qua reus traducebatur, satisfaceret, exauthoravit. Id Batavis ad acceptæ cladis lenimentum revocandumquè instaurandæ classis studium satis fuit; præsertim cum reputarent, mari sibi, si rem

rem nauticam negligenter, intercluso, unde suæ robur reipublicæ, hanc magnum discrimen adituram. Itaque ante septembris exitum classem duodetriginta bellicarum navium, celerissimo quidem opere vel ad ostendendum quid in hujusmodi re possent, ornarunt. Et Angli refecto armamentorum damno duas tricenafque instruxerant ad navigandum. Stetere in anchoris ad Angliæ litus; quoad comperto, Gallicam classem dato navalibus sociis commeatu Brivate hybernare, suos & ipsæ in portus se divisere. Nam post acceptam a Jacobo Rege in Hibernia cladem, ejusque pavore compressos in Scotia atque Anglia conjuratorum animos, Ludovicus Rex emittenda iterum classe nullum se operæ pretium facturum existimaverat, dubiis illic rebus consilio primum & armis, deinde Vilhelmi etiam præsentia confirmatis; in Hibernia, ut ut ceteris desperatis, Atlona & Lymmerico in Jacobi ditione ac potestate manentibus, quæ validissimo infessæ præsidio commode per hyemem se se ac fidem suam tueri possent; quæque dum Ver incæpisset, aditam in reliquam provinciam daturæ forent; sin minus, tantum Vilhelmo negotium exhibituræ, ut illic transportare exercitum sociis auxiliaturo non liceret. Quod sibi, cum illa major fessisset spes, non parum levaminis dare poterat. Interea subducto e navibus classario milite co-

1690:

*Res in Belgio  
gestæ narrantur.*

que in Belgium traducto, exercitum illic auxerat; ubi, cum ad se inclinasset, armorum fortuna, huic obsequi &, quo maximo liceret impetu, impellere perculsum hostem, e re nimium ducebat esse. Supremum illic militare imperium Luxemburgio legato mandaverat; jussissetque divisis copiis regionem longius, ne hosti alimenta suppeteret, depopulari ac plura eodem tempore tentare loca, dum tamen, si ad se illum venientem conspiceret, brevi posset dispersas colligere, totisque viribus in aciem prodire. Hoc proposito Luxemburgius quinque & viginti hominum millibus secum adductis, superato Scaldi amne, Deinsam venit. In animo erat, Gandavum, non multo præ urbis magnitudine detentum præsidio, repente invadere, & si res non succederet, traducto Lissa fluvio, Flandriam provinciam ingredi, ut præsentì pecunia, aut promisso datis obsidibus tributo, a ferro ac flamma se redimeret. Dum interim Humieresus legatus, qui cum militum globo jam antea prope Scaldim stativa locaverat in occasionem intentus, circumpositam Alosto regionem populabundus diriperet. Quod ubi Gallorum consilium compertit Castanagæ Marchio, Belgii Hispaniensis prætor, confestim cum omni exercitu, qui Regi suo merebat, illuc movit ea celeritate ut hostem præverterit, Firmatis frequentiore milite

Gan-

Gandavo Brugisque, prope fossam, utrique interiorcentem oppido ad navigandi usum, castra posuit. Aliò deinde avertendis hostibus, Principem Carolum Valdemontium cum bis mille quadringentis peditibus, sexcentum equitum ala, quibus quidpiam supplementi datura erant Ostendæ, Novique portus præsidia, vallum aggredi jubet, ab Gallis adversus Fœderatorum excursiones Ipris Dunquerquam perductum. Valdemontius gnaviter rem exequutus, ingentes manubias e Casteti Poperingæque præfecturis retulit; & longius se se intulisset, ni Luxemburgius valida submissa suorum manu ei periculum objecisset, ne, nisi statim ultra vallum redacta præda, reditu intercluderetur. Parem non diu post Humieresus Hispano Belgio circa Alostum cladem intulit; inde tamen celeriter cis Scaldim ad eam tutandam oram revocatus. Interea Luxemburgius Deinsa, ubi inutili mora diversabatur, Condæum discessit. Paucos isthic moratus dies, lato gyro fallendis hostibus; quasi ubi se offerret alimenti copia, pabulaturus; Scaldim transgreditur, atque amnem relegens Vallocuriam processit, in ulteriorem iterum ripam, quod hostis non faciliè suspicaretur, inter Namurcum & Carolegium inimicas arces traducturus exercitum, felicissimamque illam Brabantiz provinciz oram intactam adhuc derepente depopulaturus. Re per exploratores comperta, Hispaniensis prætor an-

1690.

anxius animo, ne direpta vastataque ea regione, quam hibernis destinaverat, suos alimenta deficerent, accederetque ignominie damnum inextinguibile, quantum suorum militum ab se licuit dimittere, extemplo Valdechie Principi, Batavi exercitus Imperatori, submitit, orans obtestansque ut hostibus intercluso Sabiamne, tantam removeret ærumnæ labem. Valdechius copias prope Tilemontium contraxerat, conflatoque quadraginta amplius millium agmine quàm celerrime adversus Gallos castra movit; Berli Comite, an ii hæcenus Sabim superassent, speculatum præmissis cum quingentis equitibus, quos brevi intervallo quinque equestres legiones præfecto Flodorpi Comite subsequi, & his alteram validiorem equitum alam subsidiariam Vebbeno prolegato duce, si fortè congregiendum foret, ire imperat. Luxemburgius, ne temere expeditionem propinquam hosti mediamque inter ejus arces susciperet, copias & ipse auxerat ad quadraginta armatorum millia, accersitis legionibus, quas Gernæi Comes non longe detinebat, acceptisque quinque peditum, septem equitum millibus e Beufers agmine ad Mosam excubante. Cum his legionibus ad Sabim progressus duo castella, tumultuario tenuique opere constructa in opposita ripa, transire vetabant amnem. Ad ea occupanda expediendumque aditum Pomponæ dynasta, non pro-

procul inde traductis bis centum sagittariis, alterum extemplo, alterum tolerata unius diei oppugnatione cœpit; non enim plus centum utrobique inerant milites. Nec mora ad prævertendum hostem equites, altius ex aqua extantibus equis, illac traducti. Pedes cymbis lentius trajicebatur. Interea Cenomanorum Dux octo equestribus legionibus secum adductis viam præceperat, quidpiam de hostibus exploraturus. Ad Fleurusii vicum Berli Comiti occurrit; qui cognito, apertum jam Gallis amnem, nec paucos transmisisse, suum quingentum globum illic sistit, misso ad Valdechium, qui renuntiaret, quid actum foret; & quid sibi gerendum esset, sciscitaretur. Jussu redire circumvenere Galli pugnantemque obtruncarunt cum magna suorum parte. Parum progressi, in Florodori agmen incidentes iniere pugnam, quam Fœderati vixdum initam deferuere ad proximas Vebbeni copias relato celeriter pede. Is audito certantium strepitu, & male fociis ominatus, pone virgultorum sepem, quam casu occurrentem pro vallo habuit, aciem instruxerat ad eos excipiendos, si adversam fortunam subiissent; hostibus obviam ire nequaquam ausus, ignarus quo forent numero. Par consilium hos tenuit, ne signa inferrent. Pauci, quos ultra sepem inconsulto præliandi libido rapuit, audaciæ pœnas morte luerunt. Mox utrinque ad suos

*Pugna ad Fleurusium describitur.*

suos discessum. Apparebat enim in tantâ vicinitate decernendum acie fore. Quamobrem Valdechius exercitum e castris educitum ad pugnam jam digesserat in duo divisum agmina, unum alteri subsidiarium. Utrumque pedites in medio continebat, equites latera protegebant. His duo Nassaviæ Principes, alter equestris ordinis prolegato ab dextera, alter Frisiæ præfectus ab læva moderabantur. Acies inæquali solo & nonnumquam hyemalibus pluviis altius depresso discindebatur. Sed loci rependebat incommodum lenis tumulus, qui prope surgens octo & quadraginta campestris machinas hostibus, si se inferrent, minaciter objiciebat. Luxemburgio non amplius consilii sed necessitatis res erat, arma periclitari, cum a tergo haberet munita Hispanorum oppida, a fronte hostiles copias; quocirca non facilis eò reditio, ubi tantò posset consistere; & gravis annona, si diu illic tempus tereret, timebatur. Igitur, hostem priusquam se vallo concluderet, aggredi statuit. Duplex & ipse direxit agmen, pedum latera equestri robore communivit; cujus quod in dextera locatum fuerat, Choeceuli Ducis; quod in sinistra, Gournæi Comiti imperium dedit. Dum iret, e dextro cornu clam turmæ aliquot subductæ, quæ per Sabis ripam progressæ, Fœderatos, dum incalesceret pugna, ab tergo invaderent; & fortè ibi quoque tenui col-



collis eminens vertice occultabat iter. Valde-  
chius ubi vidit Gallos instructis ordinibus ad  
se venire, tumultum adhuc vacuum, qui sibi  
haud longe ab dextra paullum se se erigebat, va-  
lido confestim Hispanorum præsidio præoccupar-  
i jubet. Ab læva, quæ impetum daturus erat  
circumvectus ille hostium globus, minus cavit.  
Sol ad meridiem pervenerat, cum Gournæus  
Choefæliusque accepto signo equites in prælium  
ducunt. Ad irruentium impressionem vix non  
illico prima in acie Fœderatorum turmæ con-  
fusus ordinibus se consternarunt; nec ita multo  
post aliæ per apertos campos dissipatæ, pars ma-  
jor ad subsidiarium agmen recedens, nudarunt  
peditatus latera. Eos celeriter insequuti Galli  
in aciem rursus instructam equos pari permit-  
tunt impetu. Utrobique prælium instauratur,  
at dispari eventu. Lævum Fœderatorum cornu  
simul ac circumacta illa Gallorum manus ab  
tergo jaculari cœpit duplicabatque stragem, se  
in pedes conjecit. Dextrum vicissim Gallos in  
fugam impulit duplici & ipsos cæde contusos,  
quam geminabat Hispaniensium agmen in  
propinquum, ut diximus, collem adductum,  
unde incalescente pugna transversos hostes inva-  
serat. Fugientibus occurrit valida suorum equi-  
tum ala, quæ lævo in cornu victrix, pullos-  
que Fœderatorum equites, quoad satis fuerat,  
persequuta, ad pugnam redibat; reddiditque

D d

iis

1690.

iis animos ac secum ad pugnam restituit. Tunc enimvero equestris prælii fortuna non amplius in ambiguo mansit, transgressa penitus in Gallorum partes. Interim peditatus ad manus venerat, & mors ubique atrociter grassabatur. Sed erat, pari quamvis animo ac viribus, dispar decertantium conditio. Galli unum in agmen coaluerant, circumfusque degravabant primam hostilem aciem ab subsidiaria divulsam, quacum, interiecto Gallico equitatu, se conjungere haudquaquam poterat. Itaque pulsa propellentium frequentiori numero, ac fœde concissa, in proximos vicos catervatim fugiens, & ingenti clade debilitata, se subripuit. Quæ dum illic geruntur, Valdechius, bis millibus suorum equitum palantium collectis, lævum subsidiarii agminis latus, dextrum Flodorpium denis eorundem centuriis protexerant, spe rati, se se cum recedere instructis ordinibus anniterentur, satis ab hostili equitatu munitum iter habituros. Verùm vixdum ille impetum fecit, circumflexis equis terga dederunt. Nihilo secius peditum acies, cum se quadrasset, strenue viam prosequabatur, equestrem procellam repellens adeo geminatis jaculis, ut Galli magna cæde multati inhiberent frænos negarentque rursus irruere. Quod ubi magistro equitum Ludovico Augusto Cenomanorum Duci compertum fuit, convolans ante signa,

signa, cedentes restitantesve prælio restituit, hortatus: subderent calcaria, protererent concitatis equis hærentes adhuc vestigiis pedites, nec vellent segnitie corrumpere oblatam perfectæ victoriæ spem. Illi Ducis voce atque exemplo incitati, sublato clamore se se iterum iterumque intulere. Pari tamen ferocia frequentissimisque telis excepti, rursus continuere gressum, multa tum quoque contusi clade. Enituit ibi Cenomanensium Dux imperterriti animi gloria, nihil ad transossum, quem insidebat, equum duumque sibi latus tegentium necem mutato vultu. Interea Gallorum peditatus accelerato gradu se admoverat collatoque pede Fœderatos urgebat, nec stare loco patiebatur. Hi proinde fessi exhaustique laboribus, cum haud amplius obniti irruentibus hinc equitum, illinc peditum legionibus possent, turbavere primum ordines, mox globatim in apertam fugam se conjecerunt. Fœderatis hoc prælium constitit sex millium nece, faucibus pluribus, captis in acie tribus millibus. Postridie ad quatuor insuper millia per vicos dispersa, cum Gallorum equitatu ab suis intercluderentur, in ipsorum potestate se dediderunt, in his nonnaginti minores duces. Auxit Fœderatis luctum mors Principum Nassovii præfecti fabrum, & Mersoburgi; Comitum Berli & Styrum, aliorumque illustri sanguine. Venere in Gallorum

*Pugna exitus.*

*Quantæ Fœderatorum cades.*

*Gallorum victoria.*

1690.

*Quo pretio cō-  
parata .*

*Fœderati infla-  
murant exerci-  
tium .*

ditionem tormenta omnia bellica , centum mi-  
litaria signa , com meatuum ingens copia : Nec  
incruenta victoria fuit . Desiderata ab Gallis  
gregariorum amplius duo millia , trecenti mi-  
nores militiæ præfecti ; majores duo , Gournæus,  
Metensisque , ambo prolegati . Atrox prælium  
Fleurusium ignobile oppidum & Kalendas quin-  
tiles nobilitavit . Luxemburgius non aliud egre-  
gii facinoris præmium retulit , quàm amplum  
exactum tributum ex hostium regione . Nam  
licet anni tempus quidpiam agendum suaderet,  
e re sua non esse duxit , in incertam cujus-  
piam invadendæ munitæ urbis aleam se dare .  
Siquidem Valdechius collectis e fuga maximis  
equitum , non paucis peditum reliquiis , immi-  
nutoque interiorum arcium præsidio copias ad  
justi exercitus speciem prope Hallam contraxe-  
rat ; hosti , si quidpiam auderet , periculum  
objecturus ; & sibi , opportuno loco metatus ca-  
stra , nihil timebat . Quin contra , cùm non ita  
multo post ad eum venisset Brandeburgensis  
Octovir cum iis legionibus , quas adhuc otio-  
sas detinuerat circa Mosellam amnem , vetitus  
in Gallos , pari militum numero per id loco-  
rum excubantes Beuflersio duce , quidquam mo-  
liri ; utrique animum induxerant , consociatis  
viribus & superante multitudine , hostes intra  
ipsorum fines protrudere , ne diutius depasce-  
rent Belgarum fortunas easque ad belli subfi-  
dium

dium enervarent . At spes evanuit . Siquidem Luxemburgius facili conjectura , quò tenderet Brandenburgensis, assequutus, discrimen effugit , ad se propere accersitis reliquis Beuversii copiis earumque parte , quas ad Scaldim Humieresus continebat . Ita æquatis viribus nihil gestum ; Fœderatis novam periclitari pugnam haudquam ausis , qua si victi , Belgio sibi concedendum foret ; si victores , tantummodo longius hostem removissent , impari ancipitis fortunæ pretio ; & Luxemburgio satis sibi esse rato manubiis ærarium , hostili penu exercitum alere . At Humieresus arrepta occasione infrequentioris Fœderatorum per ea loca militis , in spem elatus populandæ trans Brugensem fossam , quod ante frustra tentaverat , Flandriæ provinciæ adhuc a militari procella intactæ , ineunte autumno validam suorum manum eò transmisit . Verùm educæ , quantum licuit , e vicinis oppidis Hispanorum cohortes . auctæque subitario popularium delectu palatos Gallos in fugam averterunt , facta septingentorum strage captivæque vehiculis . ad agendam prædam adductis . Mox utrinque in hiberna discessum . Dum ita in Belgio res geritur , magni circa Rhenum bellici apparatus crebrique legionum discursus diu suspensos animos tenuere , quò tandem ea tanta rerum moles evasura foret . Germani , sicuti principio superioris anni , copias in tres par-

*Gallorum Flandriam depopulantiū cædes .*

*Qui quantūque ad Rhenum exercitus .*

ditare militem præda ; pro certo haberet mortiferam confiato in se fœderi plagam illaturum. Dum enim unus aut alter Fœderatorum ærumna afficitur intactis reliquis , ira invidiaque irritante , plerumque inter ipsos querelarum exurgit seges , quibus animi abalienantur ; & rara , dispari damno aut præmio , Sociorum concordia . His Delphinus eruditus monitis , validiora ad regni fines oppida communivit frequentiori milite , qui hostes simul ab oppugnando deterreret. vetaretque illos magnum in corpus coalescere ; injecto metu , ne unde abijissent , eò statim vastitas consequeretur . Deincum quadragenis armatorum millibus Landavia progressus , ad arcemque Ludovicam traducto Rheno castra in hostico posuit prope Stollhoffam . Animus erat , absumptis ibi frugibus vexataque regione , copias transmittere in Wirtembergensem tractum adhuc integrum destinatumque proximis Fœderatorum hibernis ; unde illos atroci damno , se militemque divite auget præda . Rei admonitus Bojoarius , cui ea quoque pars tuenda data erat , ex adversum Philippoburgo , ubi suos continebat , citatis itineribus illuc extemplo signa duxit . Verum impar haudquaquam ausus congregi , nullam Gallis injectit moram quin cuncta circum diriperent vastarentque ; nec absistere , priusquam Misnienis frequentibus nuntiis sollicitatus certior-

*Ingentes eorum depulationes.*

1690.

*Tandem repres-*  
*se.*

tiorque redditus ; quanta sociorum , hoste il-  
linc propulso , res ageretur , eò profectus castra  
conjunxit . Quod vixdum Delphino cognitum ,  
adversum relegens Rhenum in Ortnaviam pro-  
vinciam pedem retulit , castra metatus prope  
Schuternum tuto loco ad alendumque mili-  
tem opportuno . Fœderati pressis vestigiis inse-  
quuti , Offemburgi se tenuere , opinati aliquam  
se illaturos hosti cladem , ubi mox , quod cer-  
tò futurum arbitrabantur , pabuli inopia in ul-  
teriore ripam traducendus esset . Sed ille sen-  
sim populabundus recedens , signa inter Fribur-  
gum Brisacumque , suas arces , constituit ; un-  
de tutum sibi hæc altera muniebat , quando-  
cumque vellet , trans amnem reditum . Delphi-  
nus paucos ibi moratus dies , traditisque Lor-  
gesio legionibus quas propediem in hiberna  
dimitteret , medio autumnò Versalias rediit ,  
summa Patris omniumque gratulatione excep-  
tus , eaque vix non æquatus triumphanti lau-  
de , quòd hostes majoribus instructos copiis  
non modò repulisset a Galliæ finibus , sed Rhe-  
num transgressus cumulasset ingenti damno ;  
militem præda , ærarium imposito per circum-  
jacentem oram tributo sublevasset . Non ita  
multò post Lorgesus superato flumine , inter-  
dictisque Fœderatis eo trajectu , transrhenanas  
Germaniæ provincias usque ad Mosellam am-  
nem ipse quoque imperata pecunia exhaustit .

Utri-

Utrique demum sæviente jam hyeme in proxima deducti oppida, inquietum traduxere hibernorum tempus frequentibus invicem expeditionibus, adducti spe, alicubi negligentius remotas arces custodiri; quamquam excubante ubique suspicione, qua nullum diligentius præsidium, spes ad irritum cecidit. Nihil Hispaniensi bello memorabile hoc anno gestum est. Noallius adulto Vere cum decem Gallorum millibus Cataloniam ingressus, Gerundam contenderat. Probe firmatam milite & commeatu invadere haudquaquam ausus, Vicum oppidum pergit. Agros & immunitas urbes, tentandis Civium animis an metu æumnæ se dederent, prædari adortus, nuncium accepit, haud procul abesse duodecim Hispanorum millia, Villæ sælicis Ducem sequuta, atque ad se iter accelerare. Mandaverat ei quoque Ludovicus Rex, anceps prælium incertaque Martis vitaret. Quamobrem signa, priusquam hostis accederet, ad Pyrenæorum radices, mox in Russinonensem provinciam retulit, otio reliquum æstatis traducturus, quippe militum numero longe impar, tribus præsertim per eos dies subductis legionibus, quibus augeri in Italia exercitum Rex imperaverat; in spem erectus, si paullum adniteretur, posse illic celeriter bellum opprimi; quod hoc tempore exortum & magnam scribendi

*Exercitus in  
Catalonia vin  
non otiosi,*



1690.

*Subalpini belli  
causæ, & origo.*

*Pinarolium pri-  
dem Gallis tra-  
ditum, & quo  
consilio.*

materiem exhibiturum, narrare aggredior, al-  
tius repetita ejus causa. Non enim maxima-  
rum rerum consilia repente emergunt, nec ple-  
rumque ea est ipsorum origo, quæ vulgò pa-  
tet. Gallia subalpina duos potentissimos Reges  
habet finitimos, unde Allobrogum Duci, qui  
ei dominatur, periculum ac sollicitudo. Cau-  
tum ipsi adhuc fuerat perpetua eorundem in-  
ter se Regum æmulatione, objectoque metu:  
sibi si alter inferret injuriam, cum altero ad  
eam repellendam se sociaturum, daturumque  
viam nec parum momenti ad rejiciendam in  
æmuli Imperium, quæ in se concitata fuisset,  
armorum procellam. Quin etiam, dum suo res  
Italicas arbitrato versarent Hispani, Gallis aperue-  
rat alpium claustra tradito Pinarolio, quâ promp-  
tam facilemque ab iis, si res ita postularet, habe-  
ret opem; improvidus consilii, accepto jugo prop-  
ter libertatem. Id primò non injucundum pericli-  
tanti aliorum immodicos, aliorum, ut in recen-  
ti beneficio, modestos animos. At ubi mox, va-  
riante vices fortuna, crevere potentia Galli, sen-  
sit illico: potentiores amicos officiis & utilitate,  
non obligata pignoribus fide, nè forte graves im-  
periososque experiri velis, parandos esse. Siqui-  
dem non semel suam vel invitum ad illorum  
voluntatem accomodare, necesse habuit. Eos  
tamen aliquandiu mansit rogandi Reguli, quæ  
cuperent, suadendique moderatio, dum is non-  
dum

dum impedito ad Hispanos aditu, si turbas & belli incommoda non formidaret, negare poterat quæ rogabatur; leniebatque exagitati animi dolorem spes: accepto vulnere, si altius ingeretur, eorundem Hispanorum ope se, magno licet discrimine, mederi posse. Verum hæc quoque spes superioribus annis propemodum interciderat, traducta in Gallorum potestatem Catalis arce, quæ non parum ad Hispanorum Mediolanensem provinciam obsidebat iter; Joanna-Victorii Amadei matre, quæ reipublicæ, filio impubere, moderabatur, obniti non ausa, aut Gallicæ suæ gentis gratiam aucupantē. Igitur ingenti spiritu & generosa indole Princeps, simul ac per ætatem administrandi imperii potens fuit, circumjectas sibi tendiculas suboscure querebatur; facto indicio, eas, ubi posset, dissipaturum. Quod cum ab iis, qui Principum studia curiosius investigant, Ludovico Regi delatum fuisset; increbruit rumor, inde animum applicuisse ad conciliandas Adolescenti nuptias cum unica eo tempore secundi Petri Lusitaniz Regis filia & regni hærede; quam Petro prima conjux Maria Elisabetha ex eadem Allobrogum principe Domo genuerat. Opinabatur enim, Adolescenti in hanc sententiam gravioresque curas intento reliqua neglectui fore. Et jam de nuptiis convenerat, duæque bellicæ Lusitanorum naves cum legato au-

E c 2

licif.

*Victorius Amadeus ea de re tacite secum dolet.*

*Ab rebus novandis frustra distrabi curatur, & quibus artibus.*

1690.

licisque Niczam appulerant, sponsum ad regiam puellam deducturæ. Sed is mutato proposito averfatusque ob incertam longinqui regni hæreditatem ab Italia vetustissimaque suæ gentis ditione distrahi; causatus autem affectam valetudinem, ejusque obtentu in Regia clausus ne Lusitanorum querelis se offerret, ipsa re negotium abruptit. Mox Ludovicum Regem ut fama pariter in vulgus edidit, eodem consilio Annam Mariam Aurelianensem ei nuptui collocasse ut nova illigatus necessitudine nihil ab ista alienum animo retineret. Non ideo tamen Victorius initam semel expediendi, quicquid arbitrio suo moram facere posset, sententiam mutaverat; Principibus immedicabili auctoritatis vulnere. Id non iis erat obscurum qui quatuor ante annos Augustæ Vindelicorum se fœdere conjunxerant. Quocirca, vixdum illud coaluerat, clanculum Cæsar, ipsorum præcipuus, ad eum miserat sciscitatum an socius tot reliquis adscribi vellet adversus Gallos. Non latuit Ludovicum Regem ea legatio, monuitque Victorium, sollicitari fidem suam ne pateretur. Ille, nuntio paucis dimisso, levare suspicionem haud abnuvit. Abeunti verò condixit brevi se Venetias iturum Baccanaliū specie, quod sciret iter indixisse Maximilianum Bojoariæ Ducem, cum eoque de re liberius colloquuturum. Ubi patuit, illuc in viam se daturu-

*Gallis in suspicionem venit.*

*Venetias petit.*

turum ; gravior cura Gallos incessit , veritos , non animi causa urbem petere , cujus Senatui nulla cum ipso & jamdiu cum ejus Majoribus ob Cyprii Regis ascitum nomen intercederet consuetudo . Proficiscentem Gallicus Orator ad obsidendas ejus aures & , si posset , animum , est prosequutus . Quamobrem huic fallendo Venetiis iidem Principes congressu penitus abstinuere , sparso rumore , honoris prærogativa unum alteri nolle cedere . Clam verò Bojoario ab Allobroge data fides , se libenter ad Augustanum fœdus accessurum , dummodo à Cæsare parem obtineret Regibus cultum , & mediocri , de qua paciscerentur , pecunia supremum in quatuor & viginti oppida imperium , quæ Germanico jure intra Galliam subalpinam fiduciaria nonnullorum procerum potestate detinebantur . Facile dein cetera e communi utilitate , ubi tempus armorum foret , transactum iri : Hæc internuntio Abbate Vincentio Grimano patritio Veneto inter eos digesta ; qui theatralibus scenæ ludis , quos celebrabat , in eorundem Principum familiaritatem se insinuaverat ; non suspecto proinde ejus colloquio , nec injecta solitudine , feria ibi ludicris immisceri . Quæ licet egregie tacita compressaque simulando , Regi tamen insedit opinio , quidpiam illic in se agitatum captaque turbandis rebus consilia . Nec destitit iis per-

*Ibi clanculum accedis ad fœdus jam antea inter Cæsarem aliosque initū , & quibus conditionibus .*

*Vincensio Grimano interprete .*

1690.

*Ludovico Regi,  
sagaciter id po-  
stulanti, tres  
submitit legio-  
nes.*

perscrutandis avertendisque arte uti. Ab Allobroge postulat, ut, cum undique in se concitari intelligeret dirissimam tempestatem, aliquid sibi commodaret militum, amicitiae pignus, reliquis indicium non alienae ab se voluntatis. Ita, si negaret, nudaturum, infenso illum animo esse; si concederet, vires ad nocendum paratas debilitaturum. Sensit Victorius consilii sagacitatem; tamen, cum tanti non esset eludendae, haecenus imparatus ab sociorum ope, tres illico legiones submitit, gnarus, utiliter mediocri damno tempus redimi, quo nullum instanti ærumnae praesentius remedium. Interea e Germania, Hispania, Belgio ad Galliae fines exarserat belli flamma. Et Allobrogem urgebat Caesar ut posita simulatione daret palam foederi nomen in communemque hostem invaderet. Conscriptus autem per eos dies diligenti delectu miles a Mediolanensis provinciae praetore Fuensalidae Comite ei, ut omnem abrumperet moram, faciebat animos; cunctaque ad rem gerendam matura videbantur. Itaque principio hujus anni Abbas Grimanus, cui deinde Caesar Romanam Purpuram exoravit, ad Augustana pro creando Romanorum Rege Comititia, veluti ad spectaculum, profectus, ab ipso Caesare Ducis Allobrogum nomine diploma acceperat, quo huic regio honores decernebat addicebatque centum viginti millibus aureis

*Palam denique  
cum Caesare,  
ejusque sociis  
conjungitur,  
pactus conditio-  
nes, quae descri-  
buntur.*

aureis nummis supremam in ea , quæ memoravimus , oppida potestatem . Statutæ ibi quoque fœderis conditiones . Præcipuæ fuerunt : Cæsar Sabaudæ sex armatorum millia ; duodecim Hispani auxilium mittat ; ei quoque tricena in mensem scutorum millia Hispani , totidem Britanni pendat ad belli usus . Captum Pinarolium Sabaudæ cedat , Casalæ Hispano , reliqua hi duo inter se dividant . Quibus ita compositis , Grimanus legatione a Cæsare accepta Augustam Taurinorum petit , ut in quas ille ipsius nomine conditiones cum Victorio Amadeo convenerat , solemnem formulam satisficeret ; in quas alieno , curaret singulorum stipulatione fidem exonerari suam . Data in id celeriter opera & raptim gestum , quicquid firmandæ rei opus erat . Extimulabat recentes socios atrox discrimen , quod Victorio impendebat & metus ne sibi , eo victus , consuleret ab initoque fœdere divelleretur . Veris initio duodeviginti Gallorum legiones Pinarolium advenerant Catinatio præfecto ; qui signis ibi iussis consistere , suscepto legati nomine in Taurinorum Aulam progressus , Principi denuntiaverat : nihil Ludovico Regi jucundius , quàm secum ut sanguine , sic & amicitia conjungi ; nihil acerbius , quàm hujus ab eo neglectæ violatæque in dubitationem adduci . Cujus nunc quoque argumentum , cepisse ex tanta erogata Cæsari

*Catinatus cum exercitu in Italiam descendit .*

*Legationem ad Victorium Amadeum suscipit .*

pe

1690.  
*Gallis suspectis.*

*Suspicionis a-  
movenda condi-  
tiones affert.*

*Atque acci-  
piendas horta-  
tur.*

*Quas, cum rei-  
cerentur, miti-  
gat.*

pecunia, qua bellum posset ad Rhenum ale-  
re. Quin, si famæ credendum foret, comper-  
tum videri, non dubios solum sed hostiles in-  
ferfosque adversus Galliam animos gerere. Cum  
simul hæc duo stare nequeant, sciscitatum mi-  
sisse: amici ne an inimici nomen hære ipse  
apud se malit. Si primum; daret obli-  
des Verucam Augustæque Taurinorum arcem, Galli-  
co muniendas præsidio, quousque, qui nunc  
discurrat ingenti strepitu, desedat armorum tur-  
bo. Si alterum; sciret, incertos amicos in ho-  
stium haberi numero, & satius existimari, cum iis  
configere aperto Marte quàm ambiguum servare  
pacem; quæ (dum pari apparatu cavendum est)  
cuncta belli ferat incommoda, non leniat ægritu-  
dinem vincendi spe. Si in consilium adhibeat pu-  
dorem, famam, cognitamque Regis erga se bene-  
volentiam, sedentem quoque in sinibus Imperii  
exercitum unde sibi non parum lucri aut dam-  
ni obvenire queat, haudquaquam vereri quin  
propitios quam iratos Gallos habere malit; cen-  
seatque, e re sua magis esse, obstrictam tot  
vinculis cum regia domo necessitudinem quàm  
nondum expertam aliorum fidem periclitari.  
Ad hæc Victorius, modò querens acerbissimas  
conditiones, modò intermiscens iram dolori,  
cum nihil certi responderet captaretque in spe-  
ciem tempus ad deliberandum, re vera ad con-  
trahenda lociorum auxilia; Catinatio visum  
est,

est, si remissius ageretur, ejus animum vinci posse: Igitur triginta illi dierum moram ad consultandum dedit, inductis tamen in finitimam Pinarolio provinciam legionibus, quæ militari disciplina & nulla popularium pernicie viverent. Dein sub induciarum exitum conditiones mollivit, proposuitque eas arces Pontifici maximo aut Venetæ Reipublicæ consignandas quoad bellum maneret, data ab iisdem fide, in Regis potestatem concessuras, si turbatum domi ab Duce foret. Quodd si vellet adversus Mediolanensem oram sua Gallicis arma jungere; sponsonem acciperet, non parum prædæ victæque regionis partem se relaturum. At Victorius imperato civium delectu acceleratisque sociis ad ferendam opem, ubi novit suos ad signa frequentes convenisse, & a Mediolani prætor quicquid militum bellicique apparatus pactum fuerat, adventare; denas etiam adesse Germanorum centurias, quinquagenas reliquas iter in Italiam arripuisse; Catinatio renuntiavit: discederet intra unum diem a Galliz subalpinæ finibus, vim experturus, si recusaret, eò vehementiorem, quod diu coercitam. Nam se in eorum partes transisse, qui non ignorarent: minitendo distrahi animos, non conciliari; & Principum amicitias blanditiis, non metu, conglutinandas esse. Ille pudore percitus, quodd vana illectus spe tempus imparato dedisset ad se comparandum, acrius & nulla mo-

*Dux omnes  
qualescunque  
repudiat.*

*Confirmatus  
Sociorum auxi-  
liis bellum Gal-  
lis denuntias.*



1690.

*Catinatus quod  
exercitum inducit.*

*Quo consilio :*

*Calviniani e  
Cottis vallibus  
quo numero Sa-  
baud & Copiis  
se jungunt.*

ra bellum aggreditur, traducto Padum exercitu prope Salutias. Regio erat in primis Italiæ fertilis ad alendos milites, imminensque ad Cottiarum alpium radices quatuor vallibus; unde immittendi in finitimum Delphinatum Calvinianorum procellam magnosque ibi ciedi tumultus Fœderatis injecta spes. Earumdem vallium Incolæ eam sectam, quam ad unum omnes sequebantur, ejurare superioribus annis aut mutare domicilii sedem coacti fuerant, ne Gallias, ab Ludovico Rege Catholicæ Religioni penitus restitutas, ea labe rursus inficerent sollicitarentque, quotquot ad veterem superstitionem dubios ancipitesque adhuc animos retinerent. Pars simulate vera dogmata professi, manserant; alii exulatum ierant; non pauci dictis ingenioque ferociore, ne patriæ pestem aliquam molirentur, in carcerem conditi. Nunc, si religioni ex arbitrio moderari suo permissum foret, operæ se pretium reddituros polliciti, data ea venia coierant armatorum ad tria millia duce Arnaldo quodam mystagogo, accreverantque valida fugitivorum e Gallis Calvinianorum manu, quos illuc ex Helvetiis ductaverat Lochesius Marchio, tribusque Subalpinorum militum millibus Parellæ Marchione duce. Sed hi statim ad Victoriæ exercitum, ubi majus instabat periculum, remeare iussi. Ceteri suas valles ingressi obviam habuere aliquot Gallorum cohort.

cohortes , quæ raptim in proximo Delphinatu conscriptæ citatis itineribus illuc descenderant. Bis terque velitari pugna & modica utrinque cæde congressis , nihil ad rei summam profectum est . Galli incensis vicis direptoque inopi ceteroquin solo , ne externis alendis auxiliis sufficeret , ad Catinatium se retulerunt . Calviniani transgredi alpes haudquaquam ausi , quietis illic Magistratuum solertia & Regis metu omnium animis , vix ulla memoratu digna re gesta , ludibrio habiti , ut fit , quia spe minores . Interea dynasta oppidi ad S. Ruthi fanum cum sex hominum millibus Sabaudiam intraverat , civibus , nisi arma ponerent , ferum flammamque minitatus . Eos Victorius pro aris ac focus suorumque salute jussit signa sequi , & plures se centuriaverant ; ii præsertim quorum , si abnuerent , culpa ex natalium splendore ut major ita conspectior . Aliquot etiam turmæ in hostium conspectum venerant . Illico tamen pulsæ fugatæque sibi atque otio , ut reliqui cives , consulere : frustra ab iis quæsitâ militari virtute , quorum ferox licet ingenium diuturna pax & rei familiaris studia emollierint . Ita Civaro , Senatus sedes , totaque provincia in Gallorum jus ditionemque concessit . Una se tenuit Montis Meliani arx prærupto sita jugo fretaque adventantis hyemis asperitate . Quamquam interclusa commeatibus faciebat

F f 2

spem,

*Sabaudiam,  
Galli invadunt,  
eaque potiuntur.*

1690.

*Catinatus Sa-  
lutias oppugnat.*

*Victorius con-  
tra Lovignitii  
consilium signa  
in Gallos mo-  
vet.*

ipem, citò subactum iri. Hoc inopinato re-  
rum successu haud parum decepta Fœderatorum  
opinio: plurimum ab ea parte Galliam exter-  
nis armis internisque seditionibus lacerari pos-  
se. Adhuc tamen, cùm belli moles circa Pa-  
dum consisteret, minus reliqua pensi erant,  
existimantibus: parta, ubi majus est armorum  
momentum, victoria, minores ærumnas parvi  
duci aut mutuo sarciri damno. Catinatus post-  
quam paucos populanda exhauriendaque tribu-  
tis regione transegisset dies, Salutias admoto  
exercitu oppugnare statuit. Id ubi Victorio,  
qui ægre ab irrumpendo in hostes, dam præ-  
das agerent, se sustinuerat, cognitum est; ira  
& pudore percitus, confestim a Cariniano, cir-  
ca quod oppidum legiones continebat, signa  
illuc vexillarios ferre jussit. Monebat Lovigni-  
tii Comes ductor copiarum, quæ a Mediola-  
ni prætore venerant: paulum cunctandum tem-  
perandumque animis, ne tyro veterano militi  
objiceretur priusquam reliquæ adessent, quæ fir-  
marent aciem, Germanorum cohortes. Gallos  
interim fuga & morbo sensim deficere nec le-  
vi negotio suppletum iri. Boni esse Imperato-  
ris, præcavere modico damno ingens discrimen;  
& libenter moderari unumquemlibet dolori suo,  
quem non ita multò post magno fœnore ulci-  
sci & consolari queat. Sed ille tacite irridens  
cauta in alieno periculo & salvis suis rebus affe-  
ren-

rentem consilia; fatus autem , plures vel hosti  
dudum conscriptos stipendia facere; nec feren-  
dum, quòd impunè provincialium alimenta for-  
tunasque absumeret; se tamen longe illum ante-  
cellere militum numero (quippe cui mererent ar-  
matorum tricena millia, Gallis duodevicena);  
rem quoque ed devenisse, ut impari licèt condi-  
tione certandum esset; non enim aliter, quàm  
audendo, præcipitanti a se fortunæ retinendæ  
affore spem; in sententia mansit. Trajecto Pa-  
do, Gallos acie instructa prope Staffardæ  
Templum stare vidit. Suos extemplo haud pro-  
cul ab iis, ubi locus admonebat, ad pugnam  
digessit. Non modico ibi tractu ab læva stagna-  
bant aquæ. Sylva dextrum tegebat, latus. Hic,  
utpote faciliiori aditu, robur exercitus, auxi-  
liares; illic novas suæ gentis legiones constituit,  
ratus paludem securitati ac munimento ipsis  
futuram. Hanc, prius exploratam, Catinatius  
noverat stabili & æquo solo præbere jumentis  
gressum, nec altis aquis confurgere; proinde  
in spem venerat, ea si hostis se communiret,  
incautum ibi, velut impenetrabili loco, mi-  
nusque validum repertum iri. Nec opinio eum  
fessellit. Dum à fronte frequentibus jaculis in-  
horrescit prælium, bellicosiores turmas, quas  
idcirco cum aliquot machinis in dextro cornu  
locaverat, vada ingredi transversamque subire  
imperat atque insultare hostium aciem. Latus  
illud

*Staffardæ locus;  
& initum ibi  
prælium descri-  
bitur.*

1690.

*Gallis victoria  
cessit.*

illud Italici nominis clauderant equites, qui pugnae insueti, cum nec fractis consternatos equos nec se disciplina regerent, vix primis telis emissis terga dederunt. Pulsos fugatosque Galli non ultra Padum insequuti, in tyronum legiones quibus, ut diximus, laevum constabat cornu, verterunt impetum. Nec istae diu fugam cohibuerunt, jam ante minutis tormentorum jaculis dilaceratae; multaque fugientes caedes est consequuta. At dextram cornu, in tres quamvis horas producta pugna, vestigiis haerebat, repellebatque hostem pari clade ferociaque. Discissum nihilo secius pluribus subeuntium cuneis obrutumque pyrobalarum machinarumque jaculis, pedibus tandem salutem quaerere opus habuit. Cecidere in eo praelio Foederatorum ad quatuor millia, octingenti capti; in his praeter octo & sexaginta minores duces, duodecim tribuni militum aut protribuno; bellica tormenta undecim. Quot Gallorum interempti fuerint, variavit rumor. Alii parem prope hostibus numerum tradidere; alii non amplius centum & quinquaginta. Ex pugnae conditione nec ipsi adeo cruentam fuisse victoriam nec adeo facilem, conijci potest. Praemium fuit Salutiae, Savilianum, Racconigium, aliaque minora oppida, quae statim portas aperuerunt. Victorius cum paucis turmis Carinianum se retulerat, edque e fuga, missis

*Aliquot oppida  
in ipsorum potestatem veniunt.*

*Federati ubi  
consistunt.*

missis qui palatos colligerent, reliquæ dissipati  
exercitus convenerant. Ad eas persequendas  
Catinatus illuc signa vertit. Quo ille comper-  
to, firmatis valido præsidio cis transque Pa-  
dum Cariniano Carmaniolaque munitis oppidis  
transmissoque amne, interius recessit ad Mon-  
tern Calerium. Invocata sociorum ope, in tem-  
pore quinque Germanorum millia, quæ in id  
ipsum maturaverant iter, & quatuor Italarum  
ab Euenfalidæ Comite supervenerunt. His un-  
dique contractis copiis ad vicena hominum  
millia in castris habuit, haud tamen ausus,  
ne pugnandi occasionem offerret, ad hostem  
ire. Nam & Catinatus, Sabaudia Gallis extra  
discrimen posita, tres per eos dies ab Ruthen-  
si dynasta legiones acceperat quibus auctum  
exercitum Segusium, unde munitur in Allo-  
broges & Delphinatum iter, per transpada-  
nam oram ducere instituit. Rem Victorius  
facili conjectura suspicatus, ad illam fre-  
quentiori præsidio firmandam (tunc enim non  
plus septingentis constabat) Lovignitium cum  
tribus peditum legionibus & ala equitum præ-  
ripere hosti viam jubet. Quod ubi Catinatus  
animadvertit, cum prægressum disturbare ag-  
men nequiret, astu retinuit. Simulato ad dex-  
tram itinere Federatos in metum adduxit, ne  
ad ipsos infesta duceret signa. Hi proinde sibi  
non parum veriti extenuato exercitu, milites  
Se-

1690.

*Segusium Galli  
oppugnant, at-  
que obtinent.*

*Utique in hi-  
berna discedit.*

*Vastalla &  
Brixellum mu-  
nitionibus de-  
nudantur.*

Segusianis opem laturos in castra protinus revo-  
carunt. Et Galli verſo iterum in lavam gradu  
Segusio mœnibus ſucceſſere. Vixdum tormenta  
expedierant cœperantque admoveſcere opera, Lan-  
dæ Comes, qui oppido præerat, deſperato au-  
xilio acceptoque ſibi & præſidiariis honeſto  
commeatu deditiorem fecit. Inde ſæviente jam  
hyeme in hiberna diſceſſum. Gallos excepit re-  
gio illic ab ſe deviſta; Fœderatos, præter ali-  
quot Germanorum cohortes in Montem Ferra-  
tum deductas, Gallia reliqua ſubalpina, ne  
pateret hoſtium excuſſionibus. Hibernorum in-  
commodum eò majori doloris ſenſu Viſtorium  
perculit, quò nihil minus a Gallis timuerat,  
& cum ſociis lege fœderis caverat, aliò abitu-  
ros. Civium miſertus, Ludovicum Regem ora-  
vit ut igne ac ruinis abſtinendum juberet,  
nec de tribus remittendis legionibus, quarum  
ei operam commodaverat, tacuit. Harum ma-  
joribus minoribusque præſectis facta, quò vel-  
lent, abeundi copia, gregarii ſeu illeſti ſeu  
admoniti Gallicæ militiæ nomen dederunt:  
De hibernis, ut non immitia forent, conceſ-  
ſum. In reliqua Italiæ parte nihil turbatum.  
Nam Caſalene Gallorum præſidium, ne popu-  
lando hoſtiliter diſcurreret, diſpoſitis circa ſta-  
tionibus coercitum; & Vaſtallæ munitiones,  
quæ Mantuæ Regulo Gallica pecunia, ut fama  
erat, veluti altera Mediolanenſi provinciæ com-  
pes,

pēs, excitabantur, minitantibus Hispanis, ab eo dejectæ. Expeditus quoque horum admonitu Padi cursus, nudata bellicis tormentis ad Brixellum ripa, ne navigantibus e Mutinæ Ducis arbitrio fieri posset mora. Hoc anno Mariannem mors abstulit Galliæ Delphinam, postquam egregia trium liberorum sobole auxisset regiam domum; Gregorium quoque Carrafam, magnum Hierosolymitanorum Equitum Magistrum, in cujus locum Vignancurtus Gallus successus est; & Philippum Vilhelmum Octovirum Palatinum, illustrem Octovirali dignitate cum nobili ad Rhenum Imperio in familiam induc-  
ta, totque splendidissimis nuptiis, quibus filias conjunxerat Leopoldo Cæsari, Carolo Hispaniarum, Petro Lusitanæ Regibus, Francisco Parmensium Duci, regioque Principi Jacobo Sobiesko; sed æque insignem calamitatibus, quæ mox illum, ut sunt rerum humanarum vicissitudines, quammaxime divexarunt; hostium vi direptis ejus oppidis, vastatis agris, decussis munitionibus, civibus expilatis. Adeo prosperitas, si extollat animos & pristinæ fortunæ oblivionem inducat, plerumque nocet.

*Marianne Delphina moritur.*

*Item Carrafas Magnus Hierosoli equitum Magister.*

*Et Philippus Octovir Palatinus.*

*Finis Libri Octavi.*





## Liber Nonus .

1690.

*Cæsar ad pacem cū Turcis renovandam inclinat, sed honestis conditionibus .*



*Ad quos descendere Turca legati sergiuerunt, & quā ob causam .*

**F**EDERATOS deceperat spes, non magnum nec diuturnum sibi cum Gallis, quos undique circumvenerant, negotium fore; suoque damno perceperant, se vix ad eos propulsandos, nedum conterendos, distracto alibi Cæsare, satis esse. Hunc itaque ad reconciliandam cum Turcis pacem vehementer impellere; & ipse, quam ejus proponendæ sollicitandæque rationem iniret, ne tenuioribus quàm antea conditionibus accipienda foret, sedulo deliberare. Nam Sulficarus & Maurocordatus Solymani Regis legati, qui adhuc inviti Comaræ honesta custodia detinebantur, miscendis astute querimoniis, quodd abire sibi non liceret, ea de re congregi recusabant; rati, suos post mutatam superiori anno belli fortunam iisdem, quibus paulo ante, legibus pacisci nolle. Denique e re  
præ-

præfenti nihil magis opportunum vifum eft, quàm Equiti Huffejo, Vilhelmi Regis legationem Byzantii obituro, negotium dare ut ejus nomine finiendi belli sermonem cum Vifirio inftitueret: functusque pacificatoris officio, diceret; fi utrinque armorum tæderet jam prope de conditionibus, quibus redintegrari amicitia poffet, conveniffe. Quippe recuperata a Turcis Alba græca, explicataque Servia & Sclavoniæ parte, utrumque Imperium iis modò contineri finibus, quos ipfi propofuiffent. De una folum ambigi Tranfylvania, utri veftigalis accedat. Nam Turcas firmum ratumque haberi diploma Tehelio datum, compertum erat, non pugnatu-  
 ros; idque ille cum non ignoraret, clam per amicos eam fibi a Cæfare fiduciariam conquifera-  
 rat, pollicitus, Hungaricos tumultus hoc pretio fe compreffurum. At prompte repulfa rejectaque non fine ftomacho temeritas poftulantis perfidiæ præmium. Re apud Cæfarem deliberata, Poloni Venetique traducendi in fententiam erant, & nullo negotio traducti funt; utrique jamdiu feffi bello, & fe lucrum ex hoftibus pace magis quàm armis facturos arbitrati. Id unum in sermonem venerat, quo pacto nomen ipfi legatumque Vilhelmi ad rem adhiberent, quem nondum Regem appellaffent & nulla ei fecum intercederet confuetudo. Placuit, ne hinc mora aut impedimentum fieret, Cæfarem, quas conditiones vellent,

1690.

*De ipfa Byzantii agenda mandatur Legato Britannico.*

*Tehelius clam Cæfarem roget de Tranfylvania fibi fiduciarie tradenda & repellitur.*

re, cēseri vellet. Subijcere autem se modò at-  
que Aulam molestis implicatos curis impediri,  
quominus de transigendo coirent convenirent-  
que. At ubi mox ad exercitum venerit, otio-  
se illic agitari negotium & , si hostes vacuum  
facilemque afferant animum, absolvi posse. Ita  
cunctando simulandoque arbitratus, bellici ap-  
paratus negligentiam in eos inducere, quem  
subdole omni conatu urgebat adornabatque.  
Nam bellum sibi penitus proposuerat, obtinue-  
ratque ejus odium Turcas admodum posuisse,  
facta e prospero dudum armorum successu spe,  
Othomanorum Imperium, si paullum ipsi du-  
rarent ad belli incommoda, citò in pristinum  
robur dignitatemque rediturum. Hunc ut iis  
animum confirmaret augeretque (levi siquidem  
momento vulgus impellitur) Solymanum ineun-  
te hyeme Byzantium duxerat triumphantis in  
mòrem, obtuleratque civibus veteris fortunæ spe-  
ciem ed jucundio rem, quò tot ærumnis obli-  
terata quotidie magis reviviscere videbatur. Nec  
opinio ab re distabat. Nam Germani per hye-  
mis tempus Possēga principe Slavoniæ urbe  
e cunctaque, præter pauca ad Dravum amnem  
munita oppida, provincia decesserant; & insu-  
la, quam exadversum Orsoviæ bipartito cursu  
Danubius facit, in Turcarum potestatem vene-  
rat. Illam pridem Germani castellis munierant  
imposuerantque machinas, flumen hostibus, ne  
rati.

169r.

*Quem libenter  
ille audire dis-  
simulat ac tem-  
pus, fallendo,  
dari sibi postu-  
lat.*

*Interea ad bel-  
lum se compa-  
rat.*

*Germani e Sla-  
vonia disce-  
dunt.*

*Orsoviæ insu-  
lam objectam  
amittunt.*

1691.

*Deditis Turcæ  
datâ fidem sal-  
lunt.*

*In Transylva-  
niam irrum-  
puit.*

ratibus interius penetrarent , interdicturi ; & quia illinc facilis exploratusque aditus in Transylvaniam Valachiamque . Quinque militum centuriis detinebatur Suchesæ legionis protribuno duce . Ante & post receptam a Turcis Albam græcam non semel armis tentata vim eluserat . Fame demum coactum præsidium deditionem fecerat , accepta fide , inviolatum in Transylvaniam deductum iri . Quamquam Barbari more suo fidem fefellerunt , causati nimis illud & desperata jamdiu ope se tenuisse . Protribunus capite plexus , milites servitute . Non ita multò post duplici iidem agmine Transylvaniam ingressi aliquam Germanis cladem intulerant . Vilsrius , priusquam ab exercitu discederet , ingentes copias Temesuarii , Varadini , Lippæ , Julæ in hostium finibus collocaverat , quæ per hyemem quidpiam , prout occasio & anni tempus ferret , auderent . Hæ primò Tybiscum transgressæ , proximam fluvio regionem stipendiariam sibi , ut ferro ac flamma abstinerent , fecerunt . Dein majus aliquid molituræ , frequenti globo in Transylvaniam irruperant ; dum simul compositò Tehelius e Valachia cum valida Scytharum & perduellium manu itemque Turcæ Claudiopolim profecti , Germanicum præsidium an excidii metu se dederet , pertentarunt . Cum nihil pacati accepissent nec animus aut vires ad oppugnationem suppeterent , suburbiis incen-

incensis vastatisque agris ad se remeabant, veriti agmen præda onustum legionibus obijcere, quas raptim ad septem hominum millia Badensis collegerat ex hibernis. Præmiserat autem cum Herbevillensis legionis protribuno levis armaturæ equitum turmam, quæ hostes carperet ac retardaret. Stetere isti obversa fronte collatisque signis partem irruentium trucidarunt, partem cœperunt cum ipso duce, reliquos in fugam impulerunt. Non ausi tamen Badensem expectare, qui non procul distabat. Quin ad properandum iter quidpiam gravioris prædæ & quinque campestres catapultæ a tergo in ejus potestatem relictæ. Interea Tehelius saltum intraverat, quâ in eam provinciam itur taciteque per anfractus montium in insidiis locaverat, quantum militum licuit; spe illuc, ut jam antea expertus fuerat, subituros Germanos ad obsepiendam in angustiis viam. Nec falsa fuit spes. Augustus e regnatrice Hannoveræ domo, instructor exercitus, cum mille & quinquaginta equitibus ad ipsam repellendum confestim moverat. Ubi ad montes Valachiam Transylvaniamque dividentes venit, lætus hostem illos non superasse (nemo siquidem comparebat) inexplorato agmen eò infert, loci opportunitate (nam in aperto suos milites longe hostium numero minores obijcere haudquaquam poterat) aditu prohibiturus. Cùm repentè circumfusus

*Receduntque  
& quare:*

*Germanorum  
legio incaute,  
progressa a Te-  
helio trucidatur.*

1691.

*Qui deinde e  
Transylvania  
recedit.*

*Conjuratur in  
Byzantii Regia.*

fusus telorum procella cecidit ipse, totaque penè legio deleta est; pauci fuga se subdixerunt. Tehe-  
lius paullum progressus castra posuit; priusquam  
ultra tenderet, exploraturus quid Turcæ ex oppo-  
sita parte gessissent. Missi, qui certi quidpiam affer-  
rent admonerentque suarum partium populares  
datæ fidei: se ad arma ubi Thracum signa in con-  
spectu haberent, ituros; citò renuntiarunt: Thra-  
ces discessisse, & excubantibus Germanis quie-  
ta omnia; nec esse quemquam adeo vigentem  
animo aut desperatione, ut incerto exitu se se  
in discrimen offerre vellet. Itaque remigrandi  
consilium cœpit, metu ne mox irruentibus  
Cæsarianis, sibi certum exitium subeundum foret.  
Hæc in vulgus dispersa, Visiriique arte  
commentis aucta, militem ac pecuniam com-  
pressis querelis in belli usus expresserant:  
ærumnarum tolerantissimo, si spes accedat, de-  
siderio pristinæ felicitatis. Apparato bello, gra-  
vis alia Visirium circumstabat cura. Solymanus  
aqua intercute laborabat; qui morbus, Regiæ  
secreto adhuc conclusus, in publicum prodie-  
rat dum ille aperta lectica Byzantium intra-  
verat. Properante ejus morte, Mehemetis exau-  
thorati Regis Uxorem, divitiarum consilii-  
que potentem sœminam (nam ne Conjugem propo-  
neret, plura impediebant) cupido incessit eve-  
hendi in paternum solium Mustaphi majoris fi-  
lii, quem flus ætatis (annum agebat quintum  
su-

supra vigesimum ) excelsaque indoles populo militiæque commendabant. In id veteres clientes, aulicorum etiam, prophanæque religionis antistitem quosdam sollicitaverat, manaveratque ad exercitum conjuratio; facillè repertis, qui compendiò & in re. plausibili ac populari potentiam atque opes ab novo Rege sibi conciliandas susciperent. Captum ab iis consilium, & quid huic explicando fieret, non diu latuit Chiuperlium. Nec mora, dissipandum aggreditur; haud inaniter arbitratus, a Principe, quem ipse regno non destinasset, se in ordinem coactum iri; tantæque sælicitatis auctoribus dari præcipuas imperii partes: nunquam neglecto hujusmodi beneficio, nisi exprobetur; aut qui dederint, ejus merito supremæ auctoritati imminere velint. Tacitus conjuratorum alios in exilium pellit, alios occulte necari jubet. Solymano, ut Byzantio discedat cum regia domo, suadet; turbulentis ingeniis vires atque audaciam addente ea populi multitudine, quæ semper rerum novandarum, quippe cui vires non desunt, suspecta est. Ita reliquorum, qui rem moliebantur, consilio debilitato, cum paulo post sub ætatis initium Solymanus morbo confectus Adrianopoli decessisset, Acmetem ejus fratrem, ut in animo habuerat, e liberali sed arctissima custodia eductum, nullo animorum motu ad imperium extulit. Compositis rebus,

*Sed frustra ;  
captum a Con-  
juratis. consi-  
lium dissipante  
Virsio.*

*Et quomodo.*

*Solymanus Rex  
moritur, cui  
frater Acmetes  
succedit.*

1691:

*Visirius in Hun-  
gariam ad bel-  
lum pergit.*

*Falso promit-  
tens de pace ibi  
se acturum.*

acceptaque ab regnandi inexperto, quæ vellet, agendi potestate, se totum convertit ad belli curas ed alacrius, quod Rex ferociam, quæ pro virtute Barbaris est, ostentabat, mandaveratque ad revocandam Othomanorum gloriam, quicquid superesset virium, intendi. Præmissis legionibus, quotquot undique severiori delectu collegerat, Visirius medio quintili Albam græcam pervenit, falsa imbutus opinione: Germanos, spe deceptos propinquæ pacis incuriose ad rem bellicam se comparasse. Illam Cæsar optabat quidem, sperabatque coalituram fretus maxime Hussæi Britannici legati literis, nimirum creduli subdolis Visirii verbis vel ex animi facilitate vel præoccupante eventum desiderio, quoddam ita sui Regis intererat. Ex iis quoque Sarmatiæ Regem Venetosque monuerat: legatos mitterent, qui cum Visirio de sedandis inimicitiis transigerent, ubi mox medio inter exercitus loco de hac ipsa re cum Badensi congressurus erat; in istamque sententiam Comitum Ferdinandum Marfilium citatis, ut venerat, equis referre Hussæjo responsum jusserat. Nunquam tamen augendi Hungarici exercitus remiserat studium, haud nescius ex armorum potentia statui pacis condiciones; & hosti imparato ad bellum aut nullam aut iniquam dari; hærebatque menti non tantum accepta dudum a Turcis clades obitumque discrimen, quam



quàm quod longe majus instabat , ni præcaveret . Etenim Badensis ineunte anno in Aulam regressus , palam renuntiaverat : nec Transylvaniam septem legionibus , quas Comiti Federico Veteranio instructori exercitus ad eam tutandam reliquisset ; nec Pannoniam . iis copiis , quibus ipse præfuerat superiori ætate , retineri posse . Id si parum Cæsari pensum esset , præberetque aures Gallicum urgendum bellum suadentibus , longe minori Hungarici sollicitudine , istud alteri gerendum daret ; se quidem non amplius commissurum , ut hostibus objectus impari exercitu , minus iterum famæ suæ consuluisse videretur . Hæc Cæsar secum animo volutans , cuncta , quæ ad Turcicum bellum strenue persequendum erant , providerat . Per hyemis tempus Curtzenum quemdam , ejus gentis & linguæ peritum , ad magnos Moscoviæ Duces oratum legaverat ut nihil ardoris , quo adversus communem hostem arma susceperant , restinctum vellent , curaveratque ab Joanne Rege , missis in id quoque legatis , sopitos illorum animos excitari . Quamquam hoc anno nihil profectum vigente ibi adhuc factionum lue , quæ vires ad externos usus , ut in affecto corpore , penitus concidebat . Et in Poloniam miserat Thuni Comitem , qui Regi e communi utilitate gerendi belli consilia subijceret . Nam hæcenus magnificis expeditionibus , nul-

1691.

*Cæsar nihil secius ad bellum se computat .*

*Legatum ad magnos Moscoviæ Duces mittit excitandos adversus Turcas .*

*Et in Sarmatiam cum mandatis .*

1691.

lo Fœderatorum proventu & sua semper frustratus spe damnum retulerat. Diceret autem in utriusque rem fore, si Moldaviam Valachiamque sibi subigendas proponeret, quæ in ejus ditionem redactæ firmatæque validis præsiidiis, Transylvaniæ Sarmatiæque munimento essent. In id Germanorum equitum duo millia, tria peditum, opem offerret, dum tamen postquam Ver iter aperiret, ala senum Polonorum millium acceptis com meatibus excubaret adversus Scytharum excursiones, quoad Rex per ætatem cum exercitu adveniret, ad Transylvaniæ fines. Et huic provinciæ non minus Cæsar ab internis seditionibus cavendum studuerat. Ausis præsiidiis, firmato popularium sibi fidissimis Abassii pueri Consilio, dataque fide: nunquam aliud, quàm quod antea Thracibus, quadragies millium Hungaricorum aureorum vestigal, præter militarem annonam sæviente per ea loca bello, imperandum fore. Quodque præ ceteris curandum fuerat, ad quadraginta Germanorum millia cum octo insuper Hungarorum, quinque Arauscorum legionibus suppleverat in Pannonia exercitum, re frumentaria omnique bellico instrumento instruxerat ornaveraturque. Quæ postquam comparata, Badensis, qui adhuc hæserat, bellum illic administrandum suscepit, spe quoque illectus, supremam vicariamque Cæsari armorum præfecturam, quam post Lotharin-

*Transylvanos quoque sibi conciliat equis conditionibus.*

*Exercitum augeat.*

ringii mortem cupide appetebat, sibi tandem, suo si res auspicio feliciter evenissent, mandatum iri. Viennam, unde ad Conjugem in Bojoemum diverterat, regressus perceptisque reconciliandæ cum Turcis amicitia, in quas convenire posset, legibus ad exercitum ætatis initio iter arripuit. Dravo amne ad Murfam ducto signa per Sclavoniam ducit, falsè ipse pariter opinatus, modicas esse Turcarum copias & nihil, quod otio restituendo moram faceret, aufuras. Animus erat, adductis in conspectum legionibus illos ad pacem largiori pretio redimendam adigere, conspiciatos durum sibi cum tanto exercitu fore bellum. Ubi Visirio comperit, ingressos deserta cultoribus loca, unde nihil ad victum suppeditari posset, Germanos ad se venire, oblatam eos perdendi occasionem fovere statuit. Trajecto Savo castra metatur, simulando metu, prope Semlinum tutissimo in loco ad confluentem. Frontem & laterum latus, quæ Danubio & Savo ipso non tegebantur, vallo fossaque & centum quinquaginta curulibus tormentis protegit. Simul, velut in pacem intentus officiis hostem lenire vellet, mittit, qui Badensi prosperum ejus adventum gratularetur renuntiaretque se omni ope ac benignitate accelerasse Marsilii reditum ad Hussesum. Tanto alacrius Germanis iter prosequutis non prius displicuit initum consilium, quam

*Badensis ejus  
imperium susci-  
pit.*

*Ducitque in  
Turcarum con-  
spectum ad pa-  
cem instauran-  
dam intentus.*

*Visirium tunc  
se continensem  
loco reperit.*

*Ab eo spe pacis  
illic detentus.*

1691.

*Qua callide illusus, & annona laborans viam redit.*

*Quam ei Visirius, per obliquum iter prægressus, obstruit.*

quàm peragrata regione ad hostes perventum est. Tunc enim & suum discrimen, & Visirium calliditate præstasse, palam fuit. Confecto vendendum erat, & lintribus per Danubium Salenkemenum usque, inde vehiculis ad exercitum commeatus afferebantur. Nam ulterius navigationem vetabat fluviatilis Turcica classis, quæ Germanicam cymbarum numero ac viribus superabat. Patebat autem, eam interius immissam, obseptoque penitus amne, ipsis alimenta non parum interdicturam. Jam biduum ad hostium castra commorati fuerant, & nullus ab iis aut pacis aut agendi conventus exhibebat sermo; nec spes erat, altis munitionibus conclusos, invitos elici ad pugnam posse. Itaque Badensis, dato vasa colligendi signo, viam exercitum, priusquam gravior annona fieret, regredi iussit. Id Visirio haud inopinatum; præceperatque animo quid, ne sibi hostis elaboreretur, gerendum foret. Extemplo immittit equitum alam, quæ abeuntibus a tergo insisteret carperetque agmen ac retardaret. Ea dictum ferociter exequabatur, nec refrenari poterat nisi obversa a Germanis fronte initaque pugna. Dum propterea tarde iter expediunt, Visirius per occultas valles & oppositum nemus ab lævo latere cum quinquagenis tantum levioribus machinis expeditum exercitum silentio circumducit celeri adeo gressu, ut præoccup-

cupato Germanis itinere sub noctem infederit editiora loca prope Salenkemenum, quâ iis si progredi vellent eundum erat. Bucoja ibi legio & aliquod Hoffschirchiz Caprarizque supplementum reperta, quæ ducenis quinquagenisque plaustris commeatu onustis viam non longe ab Danubii ripa, ne ab hostili classe diriperentur, munitura erant. Pars militum, dum obnituntur, cæsa; pars cum imbelli suorum turba, impedimentis & re cibaria, non exigua præda in hostium potestatem venit. Nox fessis labore viæ Turcis ad quietem data. Postridie iussi vallum erigere, frontem continuatis operibus per saltus ac tumulos muniunt; sinistrum latus Danubio admovent; dextrum carris inter se illigatis concludunt. Turcas iter præripuisse, nunciatum Germanis est a Bucojæ legionis protribuno, qui cum quatuor aliis, nando, neci aut servituti se subtraxerat. Missi, qui rem cominus explorarent, illic retulerunt, cuncta ex adversum oppleta hostili exercitu, atque aggerem duci. Perculit id omnium animos in variasque distraxit curas. Miles asperos clivos, jam sibi haud parum de via lasso difficiles; nunc præsidiis, operibus, catapultis impeditos, inexpugnabiles cogitare. Ducibus ante oculos obversari interclusos penitus commeatus, classe Turcica ad obsediendum amnem altius proventa. Badensis præter hæc pudore confici, quodd in-

*Improvise duas Germanorum legiones intercipit ac prope delet.*

*Vallum ubi, quo consilio erigit.*

*Ea de re Germani vehementer annui, & quare.*

1691:

*Badensis ad  
maiores duces  
concio.*

incautus in tantam ærumnam exercitum con-  
jecisset, seque Visirii arte illud conspicare-  
tur. Quæ dum e suo quisque ingenio taciti  
secum volutant, datur statuendi tabernacula  
castraque muniendi signum. Opportuni ade-  
rant colles & duo non amplius passuum mil-  
lia ab hoste distabant. Interea Badensis convo-  
cato militari Concilio: non ego vos, inquit,  
duces, ad consultandum accersivi, quo reme-  
dio præsens calamitas propelli debeat; unum  
siquidem, pugna. Non ad deliberandum, hæc  
ne confectum an aliquo facto legionibus ad  
respirandum spatio, ineunda sit. Quod enim  
plus temporis hosti datur ad se communien-  
dum, eò difficilius ad illam pertrahi ac vinci  
posset. Non denique ad acuendos vestros ani-  
mos, ut qua estis bellica strenuitate, ejus me-  
morabile exemplum in tanto discrimine exhi-  
beatis; nimis quippe id suadet discrimen-  
ipsum; omnium maximum, extimulante ube-  
riori gloria, forti viro, ut audeat, incitamen-  
tum. Militum causa coeundum fuit, quos jam  
territos periculi magnitudine, penitus, opinor,  
priusquam in aciem exirent, profligaret animo  
conceptus pavor, si ad illud explicandum nul-  
la a nobis quasi desperatis rebus agitari consi-  
lia cernerent. Nam vera & solida virtus, quæ  
difficultate grandescit, paucorum est. Dum ve-  
rò nos diu multumque sibi consulentes vident,  
& mox

& mox intelligent ( sic enim divulgare oportet ) re nostris expensa sermonibus , nullam sibi esse timendi causam , quin prælium certam victoriam , ingentes manubias paritutum sit ; quid non iis accelsurum fiduciæ putandum est ? Nostis castrensem consuetudinem . Si bona ducum suorum opinione milites imbuti sunt , dictis fidunt , & quicquid ex eorum sententia gerunt , bene ac feliciter se gesturos arbitrantur . Mente autem præoccupatam victoriam raro eventus non sequitur . Huc igitur contendite vestrum studium ; firmate legionum robur ingesta opinione : nihil e re magis accidere nobis potuisse , quàm ut hostes properato cursu itinere illic se collocaverint , unde ipsorum nemini vitam victoris gladio , impedimenta prædæ liceat subducere . Sit ista conventus nostri summa . Quicquid reliquum , quod ad nos pertinet , paucis expediam . Aciem pugnantique ordinem , nisi quis afferat meliora , sic arbitror instruenda . In duo exercitum partiar . Dextrum cornu habeat peditum maiorem partem ; quippe quod nequeat , alluente Danubio , circumveniri ; & isthac ad impellendam Turcarum frontem transiliendæ sint munitiones . In lævo equitatus pene omnis . Hunc enim circumducere in latus hostium ; transversumque agmen , vehiculorum ludibrio potius quàm lorica protectum , invadere in animo est . Nec

*Proponit pugnandi ordinem .*

*Tom. II.*

*Ii*

*vana*

vana spe ducor , hinc nobis initium vincendi fore . Ubique tamen victoriam , duces , in nostras partes allicite strenuitate vestra . Nam cur dissimulem , quod nimium fortasse ante vestros oculos obversatur ? Agitur hoc prælio non una armorum gloria , non Imperii dignitas , non splendor Germanici nominis , quæ si aliqua obscurarentur labe , detergi possent ; sed extrema florentissimi exercitus , Pannoniæque , ne dicam Austriæ , salus ; quam retinere nonnisi vincendo licet . In memoriam revocate , quanto nostrorum civium sanguine , quantis effusis opibus exantlatisque laboribus repressa adhuc fuerit immanissimi hostis audacia ; nec dubito quin omni conatu annisuri sitis ut ne rursus , nobis victis , ed ferocius irruat , quod ab irruendo adhuc cohibita . In mentem veniat , qui foret Cæsaris luctus , Patriæ gemitus , nostræ gentis discrimen , si nos Barbarus , non , inquam , ferro contunderet , quod nunquam potis fuerit , sed veluti claustris conclusos , fame necandos , veluti per jocum sibi assumeret ; & sedulam profectò dabit operam , ut eum calliditatis suæ , qua isthuc nos adduxit , pœniteat . Sibi modò Viscrius plaudit , elatusque animo recenset suorum clades , tamquam majus daturas triumpho decus , sibi que , quod tanti fuerit , ultoris nomen . Verum ignorat , generosa indole viros aliquando gloriæ saturitate nervos remitt-



mittere; objecto pudore, nunquam non vehementius intendere ac flectere in argumentum virtutis, quod erraverint. Dimisso concilio, magnos Præfæci privato sermone militibus addunt animos. Pugna in posterum indicitur. Prima luce movent signa. Ab dextera viginti peditum millia in duas acies divisa Ernestus Starembergius legatus, Souchesiusque prolegato in hostem ducunt. Equestres Neoburgica Holsatianaque legiones ad occupandum in via tumulum prope Danubium, quatuor aliæ ad firmandum agmen per ripam progrediuntur. Badensis in hac parte primam locavit operam. Reliquus equitatus & aliquot peditum cohortes ad lævam, quæ in planitiem descendunt colles, se circumfundunt. Visirii sub imperio erant quinque & viginti equitum prætorianorum millia, decem provincialium, Scytarum totidem, quindecim Janizarorum legiones. His adversus dexterum Germanorum cornu vallum prætexuit, & prope flumen validam statuit prætorianorum alam. Ipse equitatum lævo opposuit. Machinas in sublimiori colle quaquaversum minitantes locavit. Suarum usus prope inutilis Germanis fuit, difficili ductu seu per impeditas collium semitas, seu corrupta pluvialibus aquis via. Dexterum agmen breviori itinere primum concurret subiitque vallum, & in fossam ab aliquot pyrochitrophoris audacter descensum. Sed tanta e

1691.

*Pugna indicitur, & narratur.*

*Varii ejus eventus.*

1691.

catapultis pyrobalistisque repente emissâ telorum procella ut fœdissime antesignanos discerperit, reliquis metum ac moram fecerit. Quod ubi a Janizaris animadversum, strictis gladiis in apertum profiliunt conferuntque pugnam. Simul Danubiana illa Turcarum ala in oppositum equitatum irrumpens, duas legiones, quæ primæ processerant, circumvenit. Utrunque ibi erant veterani milites; atrox proinde cruentumque prælium. Non diu tamen Germani se tenere, eo equitum globo prope deleto, pediatu confusis ordinibus referente gradum & vix non in fugam consternato; cum secundam Badensis promovit aciem. Ad ejus impetum Barbari cohibuere gradum; pugna rursus æquatur, cadebantque invicem perculsi gladiis integri fere ordines. Fortè ibi superabant numero Thracii equites; & pars objectas, quas memoravimus, distinebat Cæsarianorum turmas; pars transversa in pedestrem eorundem aciem se se inferebat. Cui tamen non diu post seu vires seu animus defuit ad obnitendum; quin & contrerita duabus Capraria Scraviaque legionibus in ejus conspectu vix non propemodum occisione occisis, iterum dissolvebatur. Nihilo secius Ludovicus Badensium Princeps, cujus eo die memorabilis bellica virtus fuit, haudquam despondit animum. Turmas aliquot præsidio impedimentis relictas accersi atque illi-

*Summa Baden-  
sis laus.*

co

co in pugnam adversus barbaricum equitatum, lacerantem peditum latus, induci jubet. Protruso eorum ope equitum cuneo, respiravit acies, quam Badensis percurrens, elata voce milites hortabatur, ut harentes vestigio integrarent pugnam ac meminissent: non alia sibi hostium arma, non alia objici corpora, quam quæ sæpius vicissent; nec modò secus futurum, si perinde, ut iisdem viribus, polleant animo. Ab his dictis instaurant ordines, pedem & signa rursus conferunt; lentius autem, ut fit, cum non bene antea cœptis successit. Turcæ quoque, debilitata vincendi spe, pugnae ardorem remiserant minusque audebant, nec ibi prælium habiturum insignem exitum videbatur. Id enimvero præter cetera Badensem terruit, conscius, nihil suis inter victoriam extremamque calamitatem medium esse. Itaque secum adductis Dunevaldo, Styrum, Castellio, Hoffschirchio majoribus ducibus, sinistrum in cornu ad equites cursum contendit, illac hostem perfringere conaturus. Jam & inibi directa in hunc modum acie certamen incœperat desæviebatque. Quinque præierant Hungarorum Arauiscorumque millia, qui dolabris discinderent connexa vehicula viamque subeuntibus aperirent. Ala simul Germanorum equitum, ut hostibus vel a tergo insisteret; se dilataverat, æquantibus tamen ex adverso Turcis frontem, ne circum-

1691.

cumfundi possent. Hinc plurium turmarum concursu major strages, & varia cedentium alicubi, alicubi protrudentium, utriusque partis fortuna. Præcipuum momentum circa Visirium erat ductantem ferocissimos prætorianorum, quibus equestri suorum robore Germani pariter obnitebantur; quamquam ægre illorum ferociam repellere nec jam stare compositis ordinibus potis essent, inclinaretque ad Turcas victoria. Dum se ita res habet, illuc Badensis advenit, perrumpensque suorum agmen: una equites, clamabat, in vobis posita vincendi tuendæque salutis fiducia; quam nisi impleatis hoste cæso profligatoque, moriendum aut serviendum est. Id animo, me pugnantem oculis proponite. Reliqua vobis subjiciet: fatalis necessitas & virtus vestra. Plura loqui tempus non patiebatur. Ducibus, qui secum venerant, comitatus primisque immixtus ordinibus se strenue pro communi salute in discrimen obtulit. Ejus exemplo dedere impressionem Germani adeo ferociter ut interrupta primum, mox discissa vulneribus & multa clade hostium acie, victoriam ad se denique revocaverint. Quod ubi vidit Chiuperlius; qui adhuc imperio, consilio, manu, clarissimi imperatoris partes expleverat; ultima tandem ut conaretur, factò prætorianorum validissimo cuneo in adversum agmen concitatos equos permittere secum jubet. Ibi ut

patre

*Unde primum,  
& quomodo  
Germanis vic-  
toria incipit.*

*Visirius pu-  
gnans moritur.*

patre Mehemete , Acmete fratre dignum erat , ferocissime pugnans , extremum gloriosa morte confecit diem . Visirio mortuo, victoria ubique ad Germanos inclinavit , sed ita ut ardorem Turcæ non imminuerint . Militum , quos ipse in pugnam adduxerat , globus obiectum perrumpens agmen , in apertum evasit abstulitque secum Chiuperlii corpus , quod equo insidens proximi equitum sustentabant, amoris in illum & bellicæ virtutis documentum. Equitum Turcarum alii pari strenuitate , alii fuga se turmatim subduxere . Janizari desperatis rebus ( ira & pudore , quod fortuna belli variasset, efferante animos) in hostem præcipientes irruerunt dubio Marte , quoad præfectum suum incredibili præliantem audacia sequuti sunt. Eo telis confosso , pauci catervatim sibi aditum per infensas legiones aperuerunt . Plures ad lævam declinantes cymbis excepti . Aliis per Danubii ripam quæsitæ salus , classe machinarum icibus muniente viam . Nox & lassitudo citò insectandi victos Germanis finem fecit , siquidem inclinato ad vespertinam die pugnari cœptum , ac tres amplius horas pugnatum . Ad quindécim Barbarorum millia , plerumque pedites prælium absumpsit , plures vulneribus affecit . Auxit damnum nobiliorum ducum cædes , in iis supremi Janizarorum præfecti . Sed præ ceteris cumulavit Chiuperlii mors ; quo uno , belli & pacis artium expertissimo , e vivis erepto plus ca-

*Ejus corpus  
Turcarum glo-  
bus secum fert .*

*Quot ipsorum  
interempti , &  
qua relata præ-  
da .*

1691.

*Quot Germano-  
rum.*

*Inter quos plu-  
res illustri san-  
guine aut mili-  
tari præfatu-  
ra.*

calamitatis Othomanicum Imperium , quàm profligato exercitu accepisse certum fuit . Ipso enim vix ad clavum adhibito , illud non modò caput extulerat , sed & pristinas recreaturum vires haudquaquam inter suos ambigebatur . Captum consulare caudarum equinarum signum , aliaque plura , quinquagenæ majores machinæ , inopi reliqua , ut in subitario legionum discessu , præda . Cæsarianorum cæsa fuisse ad quatuor millia , & paullo plus vulneribus debilitata , vulgò proditum . Verùm cum nulla prope cohors ac turma se prælio non immiscuerit , & cum e tanto exercitu decem non amplius Germani nominis millia præter Hungaros Araviscosque Crojæ Duci ad Murfæ & Dravi tutelam , recuperandamque Sclavoniam data , tredecim a Badensi in superiorem Pannoniam ducta , & modicum præsidium Petri Varadini , instauratis ibi parumper munitionibus , relictum fuerit ; victoriam largiori coemptam fuisse pretio , æqui rerum æstimatores non dubitarunt . Certe quidem plurimo stetit illustri sanguine , fato functis in acie aut mox vulneribus Suchesio præfecto Fabrum , Christiano e principe Holfatiana familia instructore exercitus ; tribunis militum Kaunitio , Buchhoj , Bilavio ; protribunis Comitæ Sdrino , postremo inclytæ familiæ surculo , Pettingio , Richardo Starembegio , Mulionio , Verolio , Kalstenio , in-

Instructoribus legionum ; centurionibus ; aliisque minoribus militiæ præfectis novem & sexaginta. Latissimus tamen partæ victoriæ nuntius Cæsari & Aulæ contigit ; grato atque jucundo , si salutem attulerit , vel ipso mali dolore . Utque sæpius eventuum quàm consiliorum fœlicitate metimur rerum gestarum decus ac meritum , extemplo diploma supremæ ubique Cæsarianorum armorum præfecturæ , amplissimum præmium , Badensi datum . Is ad Petri Varadinum statim a pugna exercitum promoverat ; ne aeris gravitate ob insepulta cadavera tentaretur militum valetudo . Ibi recensitis copiis , exploratisque viribus , tanti eas non esse conspicatus ut Albam græcam victoriæ præmium sibi proponeret , ab ipsa abstinuit ; cum præsertim ad triginta Turcarum millia illic ex fuga se collegissent , Cæloque prætori delata militaribus suffragiis imperii summa , ostentarent feroces animos , Scythis haud semel prope sub Germanorum vallum immissis prædæ causa ; non irrita audacia , quamquam punita . Satiùs visum , divisis copiis Crojæ Ducem Bosniæ prætori obijcere , quem , cùm ad signa vocasset provincialium quotquot prope vigeabant militari ætate , Mursam petiturum timebant ; se Varadinum ad Transylvaniæ fines oppugnatum ire . Ille cum memorata militum manu ad Savum profectus , ubi comperit , prætorem audita suorum clade

Tom. II. K k trans

*Badensis a Cæsare supr mus ubique exercitus suorum ducis declaratur.*

*Croya ducem ad recuperandam Sclavoniam mittit.*

1691.

*Felici eventu.**Badensis Varadinum oppugnat.**Oppidū & oppugnatione deserviunt.*

trans amnem se tenuisse, mille solum equitibus secum ductis & aliquot peditum cohortibus, reliquis Mursam pergere cum tormentorum apparatu iussis, citiorem Savi ripam a paucorum Turcarum prædiis expedire statuit. Sub ejus adventum traducto illi fluvio se retulerant. Itaque Broda Gradiscaque firmatis aliquot Araviscorum cohortibus, Possëgam provinciæ caput progressus, desertam reperit, quamquam paullo ante Salenkemenle prælium frustra illam Germanorum globus Kaunitio tribuno duce non sine suorum cæde oppugnasset. Tota proinde Sclavonia in Cæsaris iterum potestate redacta, Mursam & ipse petiit acceleravitque fessis legionibus, quo se reficerent, hyemandi tempus. Interea Badensis longo ærumosoque itinere (Autumnus medio octobri jam præcipitabat) Varadino secum adductas copias adinoverat, auctas ad duodeviginti hominum millia, quinque, dum iret, a Veteranio acceptis; qui comperta Turcarum strage cum Transylvaniæ haud amplius timendum cernebat, Lippam dudum oppugnatum venerat, triduoque tormentis concussam voluntaria deditione in jus potestatemque receperat. Jacet Varadinum ad Chrysiæ amnis ripam plano loco; sed rupes, quæ arce occupatur, in medio ahsurgit. Quinque oppidum cingunt rostrata propugnacula, totidem arcem; vallum suburbiis, quæ



quæ late patent, munimentum est. Magni momenti locus, quippe illinc facilis in Transylvaniam aditus; hinc ab ea parte in Hungariam clauditur. Ante annos duos ac triginta, dum adhuc manerent induciæ, vi Cæsari a Turcis ereptum, nunc repetere Badensi, e re nimium visum est; quieturis nunquam Hungaris perduellibus & labili semper Transylvanorum fide, nisi hoc sublato ad rebellandum mutandæve mentem incitamento. Spes quoque illexerat, præsidium, suorum territum calamitate, deditionem facturum, metu prius quàm hoste victum. Traiecto Chryso, aggerem ducunt machinasque expediunt. Suburbiorum vallum brevi discussum viam aggredientibus dedit. Sed impetum Barbari non expectarunt, cedentesque cum omni bellico apparatu collectoque ibi penu intra oppidi mœnia, duram hostibus moram interponebant, eos rati vel ipsa anni tempestate consumptum iri. Quinque intus erant armatorum millia, & quid animorum gererent, satis ostenderant repudiata magnifice ferociterque literæ, quibus, antequam vallum induceret, illos Badensis ad urbem tradendam sollicitaverat. Nihilo secius festinabat opus, ac vicenis binis concussus machinis lato spatio corruerat murus, patebatque aditus subituris. Et illinc prædarii, veluti congregi refugientes, se retulere. At ubi per in-

1691.

*Oppugnatio in  
obsidionem ver-  
situr.*

*Turca astu pa-  
cem cupere si-  
mulavrant.*

centas dirutasque ollis incendiariis domos ad interiora propugnacula accedere hostem vident, bis terque erumpentes, illum haud levi multatum cæde longius protrudunt. nec sinunt certam figere ibi sedem. Ad hæc accedebant pluvix ceteraque hyemis jam adventantis incommoda. Quocirca Badensis vi nunc abstinendum, vetitumque com meatibus oppidum fame subigendum statuit. Dispositis circum stationibus firmatisque valida munitione sub Arupeni Principis imperio; simul per propinqua loca distributis in hiberna legionibus, ipse Viennam pergere haud ultra moratus est; comperto, factam spem Turcas iterum sefellisse reconciliandæ pacis, cujus causa ad Imperii fines conventus indictus fuerat. Nam Rex Achmetes audita suorum clade, Purpuratis in consilium vocatis, ex ipsorum sententia constituerat simulandum, veluti necessitate expressum, otii desiderium, quo deceptos Germanos ne pro præsentī fortuna urgerent arma, in negligentiam induceret. Itaque faciles Hulsejo Britannico legato pacificatori præbere aures; eique renuntianti, quæ sibi de legatorum congressu decernendo Marsilius retulerat, non modò assentiri, sed instare ut hunc extemplo comitatum regio internuntiō citatis equis remitteret, Badensi dicturum, in viam se daret. Visirium enim non diu fore quin se ad colloquium sistat. Badensis tamen seu

seu dictis parum fidens seu quoddam ita e Cæsaris majestate esse crederet, Varadino haud quam discesserat. Miserat autem in Germaniam Sarmatiamque nuntiatum, ut Fœderatorum legati accelerarent. Affuit illico ab Joanne Rege Siradiæ præfectus. Venerius, qui e Viennensi legatione pro Veneta Republica transmissurus ed erat, serò movit & lento gradu, Turcarum fallaciam ex ipsa agendi ratione sagaciter expiscatus. Nec animus eum decepit. Parum processerat, cum Viennam redeuntem Badensem reperit, frustratum colloquii spe certioreque redditum Visirii neſcentis in Aula moram, nec inde pedem. Halius hic erat, e Byzantii præfectura ad supremum Magistratum in Chiuperlii locum electus exacta quamvis ætate, probabili tamen, ut in subita occasione & a novo principe, judicio; quippe gradatim & longo expertus rerum usu. Non illi erat ignotum, Gallico bello distrahi vehementer Cæsarem, & Salenkemensem victoriam Pannonici exercitus vires summo opere debilitasse. Chiuperlii proinde mentem sequutus, armis sarcienda vulnera Reipublicæ, nec quiescendum, nisi Imperii gloria penitus restituta, suadebat ed forsitan audacius, quod ne senio fractus videretur. Et Achmetes animi ferocia deterrebat mitiora consilia, memor pristinæ, quam puer viderat, Majorum suorum fortunæ; prope ignarus adversæ, cujus, diligenti

*Nunc sefellisse  
decegnuntur.*

*Quo id consilio  
fecerint.*

culto-

1691.

*Ab Sarmatis  
nihil gestum.*

*Missa tantum  
ad excitandos  
Moschos lega-  
tio.*

custodia per vitæ reliquum domi conclusus, vix conscius fuerat. Una igitur apparandi belli erat cura eaque solertissima nec inanis; tantæ molis Imperio, ubi quis norit excutere, nunquam non suffecturo militem ac pecuniam. Id Cæsari eò gravius accidit, quod cæperat sacri belli socios armorum tædium, sibi que jam prope sustinendus penitus erat hostium impetus. Nam Sarmatæ hoc quoque anno factam sui spem deluserant, nuptiis licet regii Principis, Thuni legatione, magnisque promissis excitatam. Rex Concilium gentis, quamquam ab hoc plura in rem militarem petenda forent, non advocarat; haud ignarus: ingentes ibi turbas concitum iri, ulterioribus provinciis pacem, qua sibi ærumnarum finis adesset, effugitantibus; reliquis bellum exhorrescentibus, unde civium aliis ingens calamitas, cunctis dedecus. Sæpius Senatum consuluerat: quo pacto depressa obscuro armorum successu Sarmaticæ strenuitatis fama erigi atque extolli posset. Illic decreta fuerat ad Moschos legatio, quæ consopitos eorum animos ad arma incenderet, tæderisque admoneret & Kioviæ Smolenskique; quas urbes ipsis dimiserant ut inita secum societate Turcicum simul urgerent bellum, & hoc solum nomine divulserant ab Sarmatici Imperis corpore. At nihil inde utilitatis obvenerat, Aula intestinis adhuc suspicionibus ab exter-  
nis

nis curis distracta ; & quia mutua querelarum de violatis fœderis legibus acerbitate certatum est ; qua quid ineptius ad flectendos conciliandasque hominum mentes ? Reliqua belli ab Senatu in Regem rejecta . Occultis tantum sermonibus indicatum , non esse e Republica , præmissa equitum ala , quam Cæsar postulaverat , munire Transylvaniæ fines : nunquam non suspecto odio loque Polonis Germanorum in eam provinciam dominatu . Hæc rei militaris negligentia perculit Regem , gloriæ avidum , fœderis memorem ; non tamen absteruit , quin illam pecunia & Marte suo , ut ut licuit , excuteret . In eo siquidem semper incorrupta manserunt obstricta Fœderatis fides , perpetuum in Turcas odium . Desuere illi solum ad rerum prosperitatem civium concordia accommodatioraque rebus consilia . Nunc quoque ejus animum vehementius extimulabant sequestres Jacobi filii nuptiæ & dudum publice privatimque accepta clades Scytharum incurfu , qui primo Vere in penitiores regni provincias penetraverant , ferro atque igne vicos agrosque , in his Regis prædia , depopulati , abacta præda & magna captivorum multitudine ab intimo Sylvarum recessu , quò aufugerant . Ergo coactis medio sexтили equitum viginti millibus , Naparim ponte , Poratam nando transgressus , continuatoque in Mol-

1691.

*Qua nihil proficit , & quare .*

*Non sine Regis dolore .*

*Scytharum depopulationes ,*

1691. *90. Rex in  
Moldaviam  
ducis exercitū.*

*Nulla proven-  
tu.*

*Nec sine aliquo  
suorum discrimi-  
ne.*

daviam itinere Jassium regionis caput advenit. Illinc Regulus nobilioresque cives cum omni, quæ allicere ad prædam posset, re domestica in abditos montes se subduxerant. Oppidum paruit. Sed quia immunitum & duriori nunc oppressum annona, late circum populato agro, retineri non poterat, tandiu ibi solum facta mora, quoad tentata Reguli fide an Turcarum partes desereret, acceptum est, id in ejus non esse potestate, obside Byzantii filio; & si posset: ea ferocitate, qua Sarmatæ secum agerent, amicitias, dicere, & fœdera non conciliari. Rex quid sibi gerendum esset æstuabat, non belli, quæ nulla erat, sollicitudine, sed pudore inutilis ignobilisque laboris & metu famæ. Vacuæ provinciæ ab legionario Thracum milite auxilio venerant Scytharum ad quindecim millia, qui numero ac viribus impares cum hostibus acie congregi non audebant; furtivis tantum incursionibus carpebant agmen nec raro commeatus interceptabant. Eos equorum pernecitate & locorum notitia prope inexuperabiles profligare Sarmatæ haud potis erant, quin ab iis nonnunquam in discrimen adducti. Rex ad muniendam rei frumentariæ viam mille quingentorum alam Principe Lubomirschio duce præire jusserat. Paullum progressis circumfunditur longe major Scytharum globus. Nox circumventis salutis fuit; qua  
unus

unus & alter per hostium stationes elapsus, Regem suorum periculi admonuit. Nec mora cum omni levi armatura illuc properat. Ad ejus adventum Scythæ se dissiparunt; sed ita ut per agros torridis herbis igne consumptis plus hosti molestiarum attulerint, quàm si viribus ad anceps prælium valuissent. Id Regi èd gravius accidit, quòd nec insuetum nec inopinatum; & præcognitæ calamitates, ni caveantur, damno dedecus addunt. Optimum, ut in ea rerum difficultate, consilium cœpit propius Transylvaniam exercitum admovendi ne durioribus in dies incommodis consistèretur. Oram illam ob Cæsarianorum propinquitatem leviori negotio retineri, nullo propemodum in potestatem redigi posse, jam superiori anno, superatis ibi firmatissimæ præsidio præcipuis oppidis Socidava ac Niecmeze, veluti compedibus illigatam. Inde verò in reliquam provinciam faciliiori gressu victoriam peragraturam. Dum èd signa ducit, Chelmæ præfectus, ut conditum fuerat, conscriptis aliquot Cosaccorum legionibus, qui libenter ad ejus imperium conveniebant, Soracam ad Naparim oppugnatum petit; spe, illuc Scythas ab carpendo Regis agmine abstractum iri, oppidum tutaturos, quàm iis in Bessarabiam iter ad suos lares. Quatuor haud amplius millia èd adducta non longe a mœnibus consistere; initaque ibi cum sex, quot erant, hostium

*Quo eos feliciter expedit.*

*Soraca Sarmatis deditur.*

1691.

*Postmodum in  
hiberna dimis-  
sit.*

*Mutue inter  
ipsos & Germa-  
nos querels.*

millibus pugna, velutum in morem biduo pug-  
nata. Noctu dein Scythis clam digressis, ci-  
ves nihil morati se dediderunt. Interea Rex  
aliquot parvi momenti ad Transylvaniæ fines  
oppida, nusquam eductis armis, in potestate  
habuit. Unum Nimichum, inessum popula-  
rium præsidio, nonnisi post tridui verberationem  
in victoris ditionem concessit. Ad illud retinen-  
dum quadringenti Sarmatæ cum sex muralibus  
machinis & comæatu impositi. Magna jam  
tandem per id locorum incommoda exercitum  
afflictabant, præsertim pabulandi inopia, qua  
equi cum vectarii tum bellatores ingenti nume-  
ro periere. Scythæ quoque, addita Reguli iussu  
incolorum manu, quaquaversum discurrentes,  
duriores hostibus annonam faciebant non sine  
aliqua ab signis discedentium cæde; & hyems  
urgebat. Itaque remensa via in hiberna Sar-  
matarum exercitus reductus est; impari labo-  
riosa ærumnosæque expeditionis relato præmio.  
Id Regem præteritæ gloriæ memorem, præsentis  
anxium, vehementer angebat, sedandæque, ut  
sibi quisque blanditur, ægritudini coniciebat in  
Germanos improperi successus culpam, quinque  
millium pollicitos opem inani eventu. Contra  
Cæsar obijciebat negatum ad Transylvaniæ fi-  
nes vel per exiguum tempus equestre Polono-  
rum præsidium; & in vacua a Turcis provin-  
cia nihil per reliquum anni ab ipsis gestum,  
quo



quo liberarent facti dudum quoque promissi fidem. Hinc rursus invicem exulcerati; & inutile, disjunctis animis, armorum fœdus. Querimoniz ex eo pariter ultro citroque jactabantur; ab Thuni Comite Cæsaris legato, quodd Bethuniæ Marchioni, quem Sarmaticæ socordiz auctorem putabat, commeatus ab Aula non daretur; ab Rege, quodd ita sibi Gallorum inimicitiz quærentur. Cetera mansere suspicionum dissidiique semina. Bethunius ab Ludovico Rege in Sveciam legatus, de se litem diremit ostenditque, Sarmatas jamdiu sua sponte inglorii calamitosique belli pertæsos, ad illud incuriose persequendum non se indignisse hortatore, cum eadem manserit negligentia. Longe quoque minori strepitu hoc anno a Venetis concrepuere arma, residuesque elanguisse, in magnum fœderis detrimendum vertit. Non una fuit cessandi causa. Mortuo sub anni exordium octavo Alexandro P. M. ejus ope, quam validissimam speraverant, orbatis non parum considerant ærarii militumque vires. Maris præfectum in Cornelii locum successerant Dominicum Mocenigum, lenituri potius invidiam adhibitz nimiz severitatis, qua illum Dalmatiz prætura se abdicare præmature jusserant; quam rati, æquaturum consilio & belli scientia maximam dignitatem. Dærat quoque supremus copiarum ductor. Nam Galianus Guadagnii Dux, eo mû-

*A Venetis bellum languet, & quare.*

1691:

nere adhuc functus, honestam missionem lubens acceperat; vir militaris ingenii blandiendique inexperti; quo nunquam ab iis initur gratia, qui in libera civitate rerum potiti omnia infra se volunt. Quare simul cum prosperi successus spe studium, ut sit, deferbuerat ornandæ rei militaris, cautaque audacioribus consiliis successerant, quibus Respublicæ, ni certò eventura sint, rarè gaudent. Discedenti Mocenigo Senatus mandaverat, ut quid majores duces de Aulone Caninaque sentirent ad se referret; quod eas fatum maneret, judicaturum. Sententiis enim variabant Patres: muniendæ retinendæne forent; veriti alii ejus tuendæ, quippe intra feros populos, difficultatem; alii Cornellii de transferendo in Epirum bello propositum averfati metu, ne Reipublicæ male ita consultum foret; an invidia, quòd ei melius ille Dalmaticis expeditionibus consuluisse videri posset. Verùm vixdum Corcyram pervenerat, certior factus, Barbaros summa hyeme conscriptam subitario delectu militum manum eò ducere; Caninamque, nondum instauratis inœnibus & ob annonæ caritatem infrequenti præsidio, nullam repellendi hostes spem facere; non expectato Senatus responso, illam nudari munitionibus vacuumque deferi jussit. Nec ita multò post cum Turcæ auctis copiis Aulonem peterent; hanc quoque, priusquam id sibi Senatusconsul-

*Mocenigus  
Caninam munitionibus nudatam  
deserit.*

to

to permissum sciret, educto præsidio omnique bellico apparatu, statuit subruendam. Rem difficilem, cum in propinquo esset hostis, ordine gesturum illuc miserat cum aliquot cohortibus actuariisque Carolum Sparum instructorem exercitus; qui ubi vidit jam circumseptum oppidum leviori negotio defendi quam exhauriri in oppugnantium conspectu, nec facile deleri aut lacerari posse, propugnandum constituit, ratus illud validis conclusum muris & aliqua extrinsecus subitaria munitione stare adversus primos impetus posse, nec Turcas multum, cum hyems instaret, sub dio duraturos; mitesciente deinde anni tempore in Hungariam properaturos. Itaque cum iis copiis, quas secum adduxerat, mœnia ingressus, Mocenigum de re admonuit, isque celeriter eò progressus cum classe longarum navium præsidium ad bis mille armatorum auxit. Nihilo secius Aliles Turcici ductor agminis oppugnationem urgere non desistit, spe cum ipse longe hostem præstaret numero (decem sub signis habebat peditum, quatuor equitum millia, collectitiam turbam) celeriter oppidum corona cinctum in potestatem reductum iri. Paucis diebus incomposito aggere successit ad fossæ labrum septemque statuit curulia tormenta, quibus muri, quamquam imperite, quatiebantur. Inter hæc Veneti eruptione facta quidpiam valli & aliquot hostium straverant.

*Sparus Antonem propugnat.*

*et Turcis oppugnatam.*

*Occiditur.*

Mox

. 1691.

*Mox oppidum  
a Venetis va-  
cuum deseritur.*

*Qua de re Mo-  
cenigus male  
audivit.*

Mox iterum egressi, citò gradum intrà munitiones referre, insurgentibus ferocius Barbaris, coacti sunt, paucorum affecti cæde. In eo tumultu Sparus cecidit, majoris quod sui laxaverant tormenti telo, casu an dolo, dum mœnia circumiret, interemptus; idque prædialiis magnæ instar cladis fuit. Quamquam lente oppugnatio procederet, Turcæ urgere facinus obstinabant; idque Mocenigo pristinum deserendi oppidi propositum in mentem revocavit. Brevi suspensa caveis mœnia, egestum quicquid ad manus erat; deductumque ad naves præsidium catapultæque omnes, quatuor tantum in hostium conspectu relictis ne, si dimotæ, quid ageretur, argumentum darent. Non tamen id eos latuit; quamquam non satis expedito, ut in re subita, consilio, vel ignavia quieverint dederintque nitrato pulveri spatium diruendi muros corrumpendique igne ac ruinis ædes. Mocenigus male ut de re inconsultò gesta, præoccupatoque Senatus judicio, Venetiis audivit, missitante plebe: commode nunc Aulonem defendi potuisse, intactis adhuc munitionibus; vix paucorum nece debilitato præsidio; explicata ad litus, unde supplementum acciperet, via; hoste imperito & mox in Hungariam discessuro; deinde validioribus adversus ferociore impetus circumsepiendum operibus; nec melius usquam pecuniæ militiæque robur impenden-

dendum quàm in eo retinendo terrestris maritimæque opportunitatis ad proferendos Imperii fines propugnaculo; & Patribus, ut cum sollicitudo aut æmulatio non amplius obscurat ingenium, in id jam prope consentientibus. Non ultra privatas querelas res abiit, nec Senatui e re publica visum, in id inquirere, quod infectum fieri non posset; damnatum aut improbatum, imperitos civibus sermones; moderantibus rempublicam improvidi consilii probrum daturum foret. Mocenigus felici navigatione ad Peloponnesum appulsus, nullam hoc anno rei strenue gerendæ materiam habuit, Turcis ad isthmum accedere & quidpiam tentare nequaquam ausis. Classis quoque bellicarum navium ad exigendum a Græcis tributum Ægæum circumvagata, & paucos dies ante Abidi fretum ad potentiz ostentationem morata, dum Turcica staret interius in anchoris, Naupliam rediit. Non ita sane bellum, quod inter Christianos Principes gerebatur, elanguit. Ad illud ampliori militum delectu Fœderati ac Rex Ludovicus se comparaverant. Armorum exitus ex Angliæ fortuna pendere videbatur. Vilhelmo enim si domesticis discordiis atque Hibernico tumultu occuparetur ideoque signa ferre extra Regni fines non licuisset, compertum erat, reliquos cum eo conjuratos adversus Gallos, his coercendis, non parum alibi dissentio Cæsare, haud  
fatis

1691.

*In Peloponneso, & pelago nihil gestum.*

*Quid hoc anno a Christianis Principibus bello gestum, & quo ejus gerendi consilio.*

1691.

*Regressum in  
Galliam Jaco-  
bum regem Rex  
Ludovicus me-  
lioris fortune  
spe fovet.*

*Itemque Tyr-  
conellus.*

fatis fore . Post suos prælio victos , in Galliam superiori ætate , ut dictum est , regressus Jacobus Rex descenderat in Normanniæ litus . A Bullionii Duce regio apparatu deductum ad S. Germani Fanum , postridie ejus adventus , convenerat salutandi causa Ludovicus Rex , ipsique deploranti ob impares vires acceptam cladem restituerat animos , fatus : prudentis esse , fortunæ varietatem ad consilium flectere ; fortis , quò plus illa impellat , eò audacius obniti . Vires in Hibernia faciliè instaurari posse ; in Anglia Scotiaque turbas iterum concitari . Non enim isthic quievisse cives voluntate , sed fallente occasione ; illic manere fidißimos populares , ad retinendamque ipsorum fidem validiora oppida , portus ad illiciendam auxilii spe . Id paullo post enucleatius ostenderat Talbotus Tyrconelli Dux , Hiberniæ prætor , qui , hoste repulso a Limmerici mœnibus , renuntiatum advenérat , quò loco res forent quidque iis erigendis pro sua fide gerendum censeret . Occidentalem oram trans Sinajum amnem , ubi munitiores arces , portuosum litus , egregia populorum voluntas , totum esse in Jacobi Regis potestate ; Insulam personare vocibus averfantium illegitima imperia ; non deesse delectui militem , sed militi arma bellicumque apparatus , quodque præ ceteris providendum esset , militaris artis peritos duces , qui corporum ro-  
bo-

bora disciplina exacuant, imperio moderentur. Hæc si suppetant, bellicosam gentem sibi ad rem strenue gerendam sufficere, ac malle suis quàm alienis viribus bellum opprimere. Itum in hanc sententiam, ex eaque Jacobus clientelas amicorumque fidissimos ubique suarum gentium per hyemem ad tumultuandum instigare; Ludovicus novo ornando bellico apparatu, qui Vere primo traduceretur, jubere sedulo dari operam. Et sane ubique per Hiberniam adversus Villhelmi partes conjuratum est, sed aut inani conatu aut irrito eventu. Initio anni provincialium plures furtim, consciis tantum civium paucis, Dublinum intraverant, ignem, quot plurimis possent, Ædibus illaturi; quo præsentis periculo distraherent a publicis curis omnium animos, dum interim octo Jacobæorum legiones, quæ jam Sinejum pervenerant Sarsfieldi tribuni militum ductu, intra mœnia receptæ, præsidium adversæque factionis principes edita strage dissiparent. Interceptis literis proditum consilium evanuit; &, cum illæ tacerent conjuratorum nomina, probabili suspicione in advenas exilio & carcere, in Catholicæ Religionis alumnos severis legibus animadversum est. Per diversa deinde loca, priusquam Ver inciperet, Jacobæi divexarunt plura ignobiliora oppida, obtenta in legitimum Regem fide, verius prædæ cupiditate. Catervatim

*Jacobæorum  
in Hibernia  
motus.*

Tom. II.

M m

di-

1691.

*Et in Scotia.**Utrobique per-  
peram directi,  
ac proinde fa-  
cile dissipati.*

discurrentes, non semel cum Vilhelmitis mu-  
tua cæde levioribus præliis congressi sunt; pulsi  
tandem Killoco, Fullimora, Raghmo castel-  
lis, in avios saltus primum dispersi sese abdidere;  
mox in apertam militiam descripti, suæ partis  
copias auxerunt. Nec montani, fidissima Jaco-  
bo gens, in Scotia quievit. Verum cum im-  
petu magis quàm consilio nec sub unius im-  
perio signa per globos sequerentur, nihil ad  
rei summam, parum ad injiciendum sui me-  
tum, quo in se quidpiam hostium averterent,  
profectum est. Moniti: in diversa distractos æque  
ab amicis inimicisque parvi pendi; & in civili  
tumultu, si ad manus ventum sit, nullum ser-  
vatæ fidei, ejus ni constet fructus, dari præmi-  
um: de uno eligendo imperatore, cujus auspi-  
ciis arma tractarent, deliberaverant. Dum in-  
ter se non conveniunt, Jacobumque Regem,  
ut cum externis auxiliis illuc transmitteret, ob-  
testantur, suboluit Vilhelmitis conjuratio, de-  
testaque, ut sit, sua sponte cecidit. Eam plu-  
res, præcipuæque nobilitatis viros, auctores ha-  
buisse, fama vulgavit. Paucis nec magni no-  
minis injecta vincula; reliqui veluti ignoti, for-  
tè ne ipsorum discrimine procella recrudescer-  
et, non conquisti. In montanos nec legiona-  
rius miles nec quæstio adhibita. Hos tamen  
quandoque saltibus egressos, ut vastandis agris  
ad ineundum secum fœdus campestria cogerent  
op-



oppida, populares ipsi levi utrinque cæde in  
tuta receptui loca detruserunt; odio ac dolore  
actæ prædæ, quin armorum societatem suade-  
rent, vehementius animos alienantibus. In An-  
glia veteris conjurationis manebant semina, ed  
frugem feracius editura quod intimis defossa  
mentibus delituerant; nisi consilium, ut sæ-  
pius antea, casus corrumpisset. Vilhelmus Rex,  
parti jam sibi a civibus otii deceptus specie,  
in Hollandiam ineunte anno navigaverat, de  
re navali Belgicoque bello, quod ipse admini-  
strandum venerat, cum fœderatis Ordinibus de-  
liberaturus. Ejus discessum, qui conjuraverant,  
suam rati occasionem esse, communicatis inter  
se consiliis, Prestonum dynastam & Ashto-  
num quemdam in Galliam renuntiatum mit-  
tunt Jacobo Regi, quid sibi esset virium &  
quæ molirentur. Externis auxiliis ad hominum  
viginti millia, equitum præcipue, quibus in-  
structos equos daturi forent, opus esse. Si &  
ipse transmitteret, magnum rei gerendæ pon-  
dus additurum. Nam fides, animus, virtus  
præsentia Principis excitari; & plura pudore  
fieri, quæ, si non conspecta, negligerentur. *Quo consilio.*  
Commentario consignaverant, quod navibus li-  
tus petendum foret; quæ ibi arces præsidio in-  
frequentes facilesque superatu; quid ubique spe-  
randum a potentibus, a plebe, a magistratibus.  
Quantum Vilhelmo in Anglia constaret mili-  
tum;

*In Anglia ad-  
versus Vilhel-  
mum Regem  
instaurata con-  
juratio.*

1691.

*Quo casu pate-  
facta.*

*Pancorum ne-  
ce opprimitur.*

*Vilhelmus in  
Angliam redit.*

*Facile placatur  
& quare.*

tum; quo statu classis & quando solutura vi-  
deretur. Maturaret, priusquam illa, in altum  
educta, litus prohiberet; & ipse reputaret se iis  
fidere tutò posse, quorum voluntatem insauti  
successus non mutassent; & qui, nisi explora-  
ta spe, in apertum discrimen iterum non se  
commisuri essent. Dum nuntii conducto in  
Galliam navigio ventum expectant, guberna-  
tor ex ipsorum solitudine quidpiam suspica-  
tus & sibi timens, rem magistratui deferret; a  
quo iussus, quandocumque anchoras moliturus  
esset, dare signum, eos prodidit. Immissis ap-  
paritoribus, capti damnatique. Ashtonius la-  
queo suspensus. Prestonius post longas amba-  
ges prolatis conjuratorum pluribus vitam re-  
demit. Aliqui statim ex ejus dicto (nam literæ  
tacebant nomina) in custodiam traditi, quos  
inter Clarentiæ Comes, Jacobi levir, nuper e  
Londinensi arce in libertatem restitutus. In alios  
occulte aut palam, prout res ferebat, inquisi-  
tum. Major tamen res visa, quàm quæ præ-  
sente Vilhelmo non indigeret. Assuit illico,  
ægre licèt a Belgio atque ab exercitu divulsus.  
Taçto ulcere, illud novit, si ferro & igne  
tentaretur, exasperatum iri. Recenti domi-  
nato blandiendum civibus esse, nec severio-  
ribus exemplis excitandum ancipiti adhuc  
multitudini abiudicati Principis desiderium.  
Clementiæ fama confirmari amicorum ani-  
mos,

mos, dubios trahi, averlos deliniri; simulque satius esse, numero ac viribus potentes reos non accusari, quàm, quod plerumque in tanta rerum perturbatione vitari nequit, absolvi. Itaque diremptis quæstionibus nihil sævitum. Suppleta solum alicubi præsidia; quique sui suspicionem moverant, militiæ præfecturis ac magistratibus abire iussi. Cantuariæ, Gloverniæ, Norwici, Batoniæ, Eliæ, Cicestriæ, Petropolis sacrorum præsides exauthorati, quod obstinarent se haudquaquam sacramento obstringere novo Regi, quamquam vel præcipua ipsorum opera in Britanniam adducto. Quod pariter argumento fuit: civili tumultu non sibi eam gentem proposuisse, deturbare avito solio Jacobum Regem, sed ejus potentiam intra certos fines cohibere. Verum initia conjurationum regi possunt; si se corroboraverint, frænum ut reliqua horribiliora non audiunt. Vilhelmus pari prudentia ac felicitate dissipato conjurationis turbine in Belgium extemplo ad exercitum rediit, anxius ne, nutante illic sociorum fortuna, concideret fœdus aut vacillaret. Hibernicum bellum Ghincleo prolegato gerendum dedit, instruxitque veterano milite, quo saltem, si debellare non posset, urgeret hostem. Quamquam eadem, quæ in Britannia, prosperitas ibi quoque præter opinionem ei penitus obsequuta est. Prolusum primò aliquot per hyemem levioribus præliis, quibus

*In Belgium regreditur.*

*Hibernicum bellum Ghincleo gerendum tribuit.*

1691.

*Aliquot oppi-  
da ei cedunt.*

bus Jacobæi, ne pacatis dubiisque ceterioribus provinciis imminerent, ultra Sinejum amnem repulsi sunt. Lansburgum oppidum trium millium præsidio tenebatur. Eo Brouverus tribunus militum coacto e proximis hibernis agmine duxit infensa signa. Advenienti obviam præsidarii se se effudere ad angusta loca. Cæptum ibi prælium pugnatumque ferociter trecentum utrinque strage. Cessit denique oppidanorum acies majori Vilhelmitarum numero, non virtuti, intraque mœnia se recepit; nec ita multo post amnem transgressa, vacuum reliquit oppidum, sæde prius nitrati vi pulveris dilaceratum. Et ab Atona duum millium trecentorum manus longius processerat occupaveratque circumjacentia non multi momenti oppida. Hinc Vilhelmitis metus ne sollicitatis clientelis malum serperet, penetransque intra viscera ulcus dilataret. Quare priusquam nascentis hostium prosperitatis fama latius pervaderet suaderetque populos ad defectionem, quæ difficilior, ubi in apertum prodiit, extinguitur, Ghincleus raptim circumpositis præidiis ad se vocatis ad hostem pergit. Is pariter in unum collectis copiis arduo se loco circumvallaverat postquam novit infesto se peti agmine. Certatum ibi aliquandiu est, sed cum jam vallum non refrenaret transcendentium impetum, Jacobæi fuga in proximam sylvam paludesque, un-

unde noctu Atlonam, paucis desideratis se subripuerunt. Hyemalium expeditionum eventus portendit belli exitum per æstatem gerendi, quod primò cruentum & anceps, Vilhelmo denique victoriam peperit. Ad illud utraque factio diligenti studio se comparaverat. Tyrconellus prætor initio anni e Gallia redux pecuniam, arma, bellicumque apparatus ad suos attulerat. Ineunte Vere Nesmondi toparca duodecim bellicis navibus, quadraginta actuariis Lymmerici portum tenuit. Ex ea classe in litus expositi centum viginti Gallici nominis armorum præfecti, in hisque oppidi ad S. Ruthi Fanum dynasta, cui summo cum imperio jus in milites mandatum fuerat. Præterea centum quinquaginta e Gallica nobilitate adolescentes, trecenti vicenique patritio pariter sanguine Scoti ac Britanni, qui gregariorum fidem strenuitatemque suo firmarent exemplo & virtute; aliqui etiam tormentorum libratores, duo militares architecti, mille calorum lixarumque, qui manus, si foret usus, conferrent; armorum ac vestium quantum ad orbanda hominum sexdecim millia satis esset; undeviginti murales machinæ; plumbi, nitrati pulveris, telorum plurimum. An se iterum, illuc regressus, in bellum aleam committeret Jacobus Rex, vix consultatio fuit. Patebat enim plus formidinis periculo suo quam præsentia militibus animum inje-

*Tyrconellus in Hiberniam regressus magnam ducit, atque accipit Gallorum auxilia.*

*Quæ fuerint, describuntur.*

1691.

*Ruthius Gal-  
tus supremus ibi  
armorum præ-  
fectus.*

*Gincleus Atlo-  
nam oppugnat,  
superatque.*

*Oppugnatio  
narratur.*

injectionum. Hac ope Hiberni admodum recrea-  
ti ad signa frequentissimi convenere, centuria-  
tisque quoad arma suppeditarunt. Suppleto exer-  
citu Ruthius admovit castra propius Sinejum  
amnem, ripam, quâ se verteret hostis, muni-  
turus. Magna quoque Atlonæ Lymmericoque  
præsidia imposuit, si alterutrum ille sibi prius  
deligeret ad oppugnandum. Nec falsus fuit.  
Gincleus vixdum ex hibernis adulto Vere co-  
pias eduxit, Atlonam pergit. Ballymora palu-  
stri sita loco iter intercipiebat. Renuenti in po-  
testatem nisi honestis conditionibus se tradere,  
incussus aries dirutaque parvi momenti mœnia.  
Cum omnia ad irruendum parata forent, præ-  
sidiarii ( octingenti erant ) se dedidere. Inde  
Atlonam legiones ductæ. Hanc eo ipso divi-  
sam flumine pons conjungit. Muri per gyrum  
nudi ab interno aggere, parvis extrinsecus pro-  
teguntur. Arx prisca sed validioris operis in ul-  
teriori sedet ripa. Prius cis amnem oppugnari  
cœpta novemque muralibus machinis lunatæ lo-  
rica munitionis prope Dublinensem portam de-  
jecta. Mox tricenis aliis trifariam dispositis,  
oppidum ab ea parte discissum latam aggressu-  
ris aperuit viam. Iussi proinde quingenti pyro-  
chitrophori, quos decem sagittariorum centu-  
riæ sequebantur, conscensis ruinis impetum da-  
re. Plures dum irent hostium telis absumpti,  
alii vulneribus debilitati. Nihilo tandem secius  
con-

congressi, vibrantesque ea copia manuales igni-  
feras ollas ut nemo exadversum consistere loco  
posset, moverunt objectam aciem in fugamque  
averterunt, quadringentis occisis; suorum non  
paucis hostili pariter ferro detruncatis. Quic-  
quid ibi reliquum præsidii erat, per pontem &  
nota vada cis amnem se recepit. Illi extemplo  
adductis ad pontis aditum prætentamque ripam  
tormentis, arcem objectaque urbis mœnia in-  
genti successu lacerant. Non tamen ad ea su-  
beundi suppetebat animus, ignoto adhuc fluvio  
& ponte a præsidariis interciso. Frustra bis il-  
lum asseribus, ut daret viam, continuare aggres-  
si, fæde jaculis disiecti prostratoque, vixdum  
consterni cœpisset, tabulato re abistere coacti  
sunt. At æque moram perosi, cùm hostis ad  
ferendam opem acceleraret, statuunt fluvio se  
committere, quem non ultro trajicientium pe-  
ctus compererant sese extollere. Quingentis nunc  
quoque pyrochitrophoris prima constabat acies,  
tribus legionibus subsidaria. Rei moderandæ  
impositi Darmstadii & Wirtembergæ Principes  
majoresque militiæ duces Tettaus, Melonerius,  
Machajus. Aquam ingressis expediebant iter mu-  
rales machinæ, telorum grandine submoventes  
hostem a propugnaculis. Verùm & iste pari fe-  
rocia jaculabatur implebatque cadaveribus am-  
nem, aerem boatu & morientium gemitu.  
Illi tamen impavidi, in adversam ripam pro-

*Tom. II.*

N n

rum.

1691.

rumpentès per tela stragemque murorum, ad-  
 dente periculo audaciam, hastatos, qui aditum  
 prohibebant, impellere adnituntur. Pugnatum  
 ibi ferociter & æquis viribus; nec perfringi ha-  
 starum sepes ab oppugnatoribus potuisset, si pa-  
 ribus quoque armis certatum foret. Verùm ge-  
 minata pyrochitrophori flammiferarum ollarum  
 procella, quo telo carebant oppidani, turba-  
 runt adeo, dum quisque ictum cavendo sibi  
 consulit, istorum ordines ut non amplius ur-  
 gentium impetum sustinere potis fuerint. Pulsi  
 ponè arcem se colligunt atque inde per aver-  
 sam portam victoris iræ certoque discrimini se  
 subducunt. Mille in fuga aut prælio cecidere;  
 trecenti capti, in his instructor exercitus Ma-  
 xuelus. Mors parem prope ademit hostibus nu-  
 merum. Atlona capta ac direpta, Ghincleus  
 traductis Sinejum copiis, prosequitur fugien-  
 tium vestigia, qui ad suorum exercitum, non  
 procul distantem, pedem retulerant docuerant-  
 que Ruthium imperatorem quid gestum foret.  
 Is non temere ex ipsa re conjectatus citò af-  
 futurum hostem, tutum stativis aptumque mu-  
 niendæ retro regioni locum capit. In fronte  
 palustre solum, depressis tamen ut per æstatem  
 aquis, stabili & æquò fundo. Media tantum e-  
 vadis latà surgebat via. Castrum in colle di-  
 rutum & aliquot inessum cohortibus levum  
 muniabat latus. Dextrum in molles tumulos  
 pro-

*Ruthius adpu-  
 gnantem se compa-  
 rat.*



protendebatur, ubi quidpiam valli excitatum, locatumque magna ex parte, quippe illinc præsentius periculum, equestre robur. Ed nulla mora se hostis contulit, prælio decreturus. Quod postquam Ruthio exploratum fuit; pridie quam acies concurrerent, majoribus ducibus tribunisque militum ad se vocatis: manus, inquit, provocantibus hostibus nec nobis invitis, conferendæ sunt, commilitones. Si quo res nostræ versentur loco; si quamobrem arua geramus, & prælium committi debeat, nobiscum animo cogitemus; non dubito quin vel extremo conatu victoriam consequi annisuri simus. In eam fortunam devenimus ut jam, qua consistamus, terra deficiat. Militiæ labores suscepimus pro vera Majorum nostrorum religione, pro legitimo tuendo imperio, pro aris ac focis. Pugna capefenda est pro vita, decore, ac libertate. Non enim hostis immanissimus Hibernos victos tantum habere studet, verum servos abiectosque, ut in ipsos more suo duris conditionibus sævire possit. Adest proinde nobis quicquid invictos mortalium animos, atque inexuperabiles vix non reddit præstantium vires, honestissima causa, extremum discrimen, fatalis necessitas. Hæc si ante mentis oculos obversentur, qui fieri profecto queat, ut quisque, dum acie concursum fuerit, tanta nobis pericula obijcentem parantemque calamitates, insana prope

*Ejus Concia.*

dicam ferocia non petat, protrudat, laniet, discerpat? Bruta animantia in salutis dubitationem adducta atque in arctum compulsa, duplicant adeo vires tantæque rabie efferuntur, ut plerumque periculum in aggredientem verant. Et quod belluis natura indit; nos natura, virtuti & consilio conjuncta, non doceat? Nullum sane telum desperatione vehementius; cujus ne aciem retundam, jussi ego dissolui pontes qui nostrum ad penitiores urbes iter continuant. Id militibus, ubi de vobis audient, puto suasurum: nunquam pedibus in fugam effusis, armata solum igne ferroque dextra bene sibi consultum fore. Quamquam quid ego hac tristi horridaque oratione utor? Ad certam victoriam satis est, ut nihil militi, nihil vobis consuetæ virtutis decedat. Nam bellico apparatu æquamus hostem, numero facile superamus; quo utroque ille nobis, cum superiori anno vicit, præstabat. Curate igitur in crastinam pugnam corpora; lætitia quadam mentis animos augete; pugnate demum optimi Regis, patriæ, Religionis memores. Portendo equidem, spem, quæ in robore & fide vestra collocata ab ipsis non immerito est, haud quaquam deceptum iri. His vocibus instincti, parem in legiones inducunt ardorem pugnæ. Postridie velut ex composito utrinque in aciem educuntur. Ghincleus, jussu equitatu intrare stagnantes aquas, viam,

viam, iis interiacentem, peditatui munivit. Dein, machinis expedito ex objectis stationibus spatio ad frontem agminis dilatandam, signa intulit. Prælium ubique initum & insigni per-  
petratum ferocia, neutro inclinante victoria, diu mansit. Denique Vilhelmitarum peditatus, incredibili hostium impetu telorumque obrutus tempestate, vestigio divulsus, cedere ac nutare cœpit. Dum inductis subsidiis frustra redintegratur, & ex adverso auctis, ut sit, vincendi lætitia viribus, prope in fugam impellitur, casus Jacobæis victoriam abstulit. Suis Ruthius legionibus obequitabat, inclamitans, ne quidpiam remitterent; quin contra, quod paulum restabat ad profligandos hostes, conniterentur; in idque e re nata digerebat consilia; cum ei fortuitum e curuli tormento telum caput decussit. Rumor extincti imperatoris per aciem dispersus repente vices mutavit. Jacobæi sua fracti calamitate, veluti præcis nervis continuere impetum. Hostes ad eorundem segnitiam instauratis animis & aliquot novis inductis cohortibus tantam dedere impressionem ut adversos perruperint ordines, affectosque vulneribus & multa cæde coegerint pedibus se committere. Equestris pugna non adeo exarsit. In dextro Jacobæorum cornu conferta, ubi equitum robur locatum fuerat, non ultra velitarem morem processerat, quoad pedites incerto mar-

te

1691.

*Qui penitus hostem fugant.**Quanta utrinque cade.**Ghinclens victorem exercitum ad invadendam Gallivam ducit.**Eiusque potestas.*

te collidebantur . Horum deinde fortunam sequuta est . Fugientium vestigiis adhæresere tandiu Vilhelmitæ , quousque nox itinera occuluit . Eorum pars major taciti rediere ad suos lares ; pars Lymmericum profecti . Cæsi in prælio aut in fuga traduntur ad quatuor millia ; quæ tamen ærumna luctuosior extitit imperatoris mors , pluriumque præfectorum ; quorum centum pariter & quinquaginta capti præter gregariorum quadringentos . Machinæ , impedimenta , omnisque bellicus apparatus in victoris potestatem concessit . Huic autem non sine ingenti pretio comparata victoria est . Mille perierunt , in his majorum minorumque ducum plures . Par quoque fauciorum conditio ac numerus . Eo prælio penitus contusæ Jacobæorum vires , non clade , quæ poterat facile reparari , sed popularium voluntate , jam demum , quod ferret belli fortuna , se se inclinante . Ghinclens paucos in castris hostium moratus dies reficiendis præda otioque militibus , copias Gallivam duxit , nobile munimentis oppidum ad Ausobæ fluminis æstuarium , Hiberniamque tuto portu aperiens navibus ad occidentem . Frequens ibi erat præsidium Duffono præfecto , qui ad deditionem sollicitatus ferociter primum respondit . Postquam verò superasse hostes amnem vidit , & se ope , quæ frustra tentata fuerat , prohiberi , accepta Lymmericum abeundi cum præsidiariis veniam il-

1691.

illinc discessit. Mox aliqua per id locorum oppida positis armis nullam victori fecere moram. Slegum se tenuit, quoad immisso militum globo vulnerari machinis coëptum. Reliquum erat Lymmericum, arx totius insulæ munitissima, quo hospite Cannacia provincia oraque illa ad occasum vergens, Jacobæis adhuc obtemperabat. Itaque Ghincleus, non ad pauca minoris momenti oppida, quæ nondum ad se defecerant, circumducendum exercitum arbitratus, sed, ubi penitus profligari posset, urgendum bellum, eo statim signa vertit, illæ quoque Tyrconelli prætoris morte, quem per hos ipsos dies, animi ex afflictis rebus ægitudine urente vitale robur, morbus absumpserat, dum Jacobo Regi fidiſſimus consilio atque auctoritate cives ærumnarum pertæſos a mutanda fide removeret. Situm est Lymmericum prope ostium Sineii fluminis, cujus dividitur profundo & lato alveo, patiente adhuc navium. Mœnia interſciſſa rostratis propugnaculis interior fulcit agger, exterior circumit fossa, cujus marginem læpiunt triquetrae munitiones. Oppido Ulfonus Gallus moderabatur, sed & supremi aderant magistratus & quicquid reliquum majorum ducum; eoque ex fuga contraxerant armatorum ad quindecim millia; qui tamen plurimi, equitatus præsertim suburbana in planitie, qua occidentem respicit, non longe a mœnibus,

*Mox Slegum.*

*Tyrconellus moritur.*

*Lymmericum describitur.*

*Quæ Jacobæorum reliqua se receperant.*

1691.

*Illud Ghincleus  
oppugnandum  
aggreditur.*

*Difficili & len-  
to processu.*

nibus, ne intus multitudine sese impedirent, castra posuerant. Quippe in alteram partem, recipiendis com meatibus expeditiorem, hostis transmissio amne commigraverat, illinc urbem, cum utrinque non posset, oppugnaturus. Ingentem secum adduxerat machinarum apparatus, quæ trifariam dispositæ, ollis incendiariis tectæ, muros icu frequenti diverberabant. Simul aggreditur duplici loco vineas agere; quas tamen jaculis perpetuò, aliquando oppidanorum eruptionibus retardatas, lente promovebat; nunquam ad exteriora munimenta, licet ariete percussa ruinam fecissent, subire ausus. Illi enim, intermedio constructo inter se atque hostes vallo, viam interseperant suisque nimium fidebant viribus, quæ recentibus subsidiis, ubicumque vellet, renovatæ, haud facile defecturæ videbantur. Quod ubi Ghincleo animadversum est, novitque durum sibi facinus proposuisse nec superabile nisi excluso mœnibus hostium agmine, quod trans amnem diversabatur, vel intra muros concluso ut annona citius ingravelceret, molestiusque obsidio civibus incommodaret; statuit illuc exercitum traducere, pugna alterutrum consequuturus. Itaque ad tormentorum vinearumque custodiam relictis quot satis forent militibus, quicquid reliquum legionum habuit, frustra prohibentibus equitibus sagittariis, qui propere ad ripam se obiecerant, injecto

Ad ponte flumen trajecit. Ibi levibus nonnunquam præliis, quæ parum ad rei summam, certatum est; jamque oppugnatio ad quintum & vigesimum diem pervenerat. Ambo sibi timebant appetente hyemē; Vilhelmitæ, ne retento ab hostibus Lymmerico Vere primo bellum crudesceret; Jacobæi, ne mari nunc anni tempestate, postmodum adversa classe impedito, nulla sibi foret salutis via. Ex hac opinione (quod utrisque commodum erat) de paciscendi conditionibus agitari cœptum; æque tandem in hujusmodi sententiam conscriptæ sunt, ut invicem graves alter alteri fuisse reputaverit. Conventionem, ut Lymmerico ceterisque oppidis, quæ adhuc in ipsorum fide manebant, totaque insula decederent militari honore quotquot Jacobi Regis auspicia sequuti, ab iis distrahi nollent. Abeuntibus naves & cœmmeatus in Galliam aut quod vellent, nullo accepto navulo, darentur. Abeundi facultas non minus foret Gallis quàm Scotis Britannisque, gregariis quàm ducibus, indigenis quàm advenis, dum tamen intra certum tempus in id sua ederent nomina. Arma, equos, argentum, gazam, conjuges, liberos secum eveherent. Manentibus frui liceret otio ac patrimonio, nec fraudi foret, Jacobo meruisse vel ejus partes tutatos. Ob æs alienum aut crimen retineri nemo posset. Quicquid Hibernici nominis bello captum, in li-

*Sermo de oppido tradendo injectus.*

*Concluditur memorabili conditione, quæ describitur.*

1691:

*Hinc penitus  
Vilhelmo Regi  
Hibernia acce-  
dit.*

*Qui mitius a-  
gendo populo-  
rum animos si-  
bi conciliat.*

*Non eadem ipsi  
in Belgio pro-  
speritas.*

bertatem restituerent. Ita in Hibernia res com-  
positæ variante, ut plerumque ex præoccupata  
opinionē, vulgi iudicio; consentibus aliis in-  
commodum fuisse Vilhelmo Regi, tot inde co-  
piis emissis hostium suppleri exercitum; aliis  
male sibi Gallos consuluisse, universa in fines  
Imperii sui averſa belli furentis ira. Verum &  
illis non tanti erat, ibi aliquid præcipitanti ni-  
mium fortunæ afferre moræ, ut maximas in id  
impenderent vires, longe utilius alibi valituras.  
Et plurimum Vilhelmi intererat, qualicumque  
remedio ulcus sistere, quod exemplo & mutui  
auxilii spe in Scotiam Britanniamque nondum  
penitus confirmatas serpere minitabatur. Pate-  
bat simul, eum Hiberniæ cura solutum ac li-  
berum posse Fæderatos præſenti ope armorum-  
que majori strepitu ad alacrius audendum ex-  
citare. Quocirca eidem ulceri altius cicatricem  
obduſurus, auctor ille etiam Anglicano Con-  
cilio fuit, ut cùm catholica adhuc religio in  
Hibernia floreret, nemo ibi magistratum adeptus  
ad ejus detestanda ulla dogmata, dum ſi-  
dem pro bene gerenda republica obligaret suam,  
adigeretur. Qua lenitate non parum ab ea gen-  
te mœroris absterſit indiditque conciliandæ be-  
nevolentiæ semina. Adeo ad flectendos animos  
nihil æquis moderatisque legibus potentius est.  
Non eadem Vilhelmum prosperitas in Belgium  
est proſequuta. Media hyeme peticulosaque na-  
viga-



vigatione in Bataviam tranſveſtus, Hagam ex-  
templo ſe contulerat, exceptus triumphali pom-  
pa plauſuque. Senatum ingreſſus, plura dixerat  
de conſecta celeriter fœliciterque Fœderatorum  
præcipue Ordinum auxiliis Britannica expedi-  
tione; de ſe pauca, ſed plena in eos amoris  
& grati animi. Hortatus deinde ut quantis  
valerent viribus commotam in Gallos tempeſta-  
tem impellerent, addiderat: ſe regno, quam-  
quam prorsus turbulentis ingeniis nondum va-  
euo, diſceſſiſſe ratum nuſquam melius operam  
ſuam pro communi ſalute locatum iri quàm  
obeunda ſuprema armorum præfectura, ſibi a  
Republica vixdum ex ephebis egreſſo olim cre-  
dita. Hac igitur ſe deſunctorum, edque liben-  
tius quiddam ita novo argumento compertum reddi-  
turus eſſet, non ſe illam ambitione aut dominan-  
di libidine (quippe qui utramque regia dignitate  
expleſſet) adhuc geſſiſſe; ſed ut Majorum exem-  
plo patriæ tueretur commoda ac libertatem. Quod  
quidem a Senatu auditum lato annuenteque in  
ſpeciem vultu, tacite verò mœſtis animis, verito  
ne nimis ex ejus arbitrio pendendum ſibi foret; iis  
rarè morigeris qui, ſi nolint imperata facere,  
cogi nequeunt. Dein quidpiam a Rege datum  
temporis excipiendis Principum Procerumque  
ſalutationibus, qui frequentes ad ipſum officiũ  
aut demerendæ beneficentiæ gratia conven-  
rant. Enituere inter primos Octoviri Brande-

*Batavorum Se-  
natum alloqui-  
tur.*

1691.

*Plures Principes majoresque militum praefecti ad eum conveniunt.*

*Quibuscum de belligerendi ratione agit.*

*Montes Henovia oppidum Galli invadunt*

burgensis & Bojoarius, inter alteros Hispanien-  
sis Belgii prætor Castanagæ Marchio. Cunctis  
ille veterem consuetudinem comitate; magni-  
ficentia & agendi majestate recentem fortunam  
exhibuit; quæ omni officiorum genere obse-  
quiiisque celebrata, nunc etiam documento  
fuit: unam spectare homines eventuum sælici-  
tatem, ad eamque nullo boni malive discrimi-  
nine se circumflectere. Stabile & incorrup-  
tum nonnisi a posteris, quippe quod sine me-  
tu aut spe, rerum judicium esse. Inter hæc de  
reprimenda Gallorum ferocia, qui per eos dies  
populationibus corralisque trecentis scutatorum  
millibus Hispaniense Belgium sæde vexaverant,  
de omnique gerendi belli ratione frequenter  
consultum; cum denique dimisso conventu &  
Vilhelmo animi & venationis causa Loum di-  
gresso, nuntius affertur: Montes Henoviæ pro-  
vinciæ caput cinctum Gallicis armis atrociter  
oppugnari. Pudor atque admiratio Regem in-  
cessit, se vicinaque saltem arcium præsidia  
tantam rei molem, non uno die non levi stre-  
pitu comparandam, latuisse. Ne id Galli (quod  
ad famam negligentia oblitterandam reliquum  
erat) inultum ferrent, remenso itinere conse-  
stim jussit legiones Hallam ex hibernis dedu-  
ci, properare viam, rem nulla mora bellicam  
expediri; utque præsens imperata urgeret, ed-  
pergit. Ad prima Veris signa Gallis iter Mon-

tes

tes indictum. Prægressus Beuflerſi Marchio cum aliquot legionibus itinera ad oppidum intercluſit. Mox reliquus ſuperuenit exercitus ad ſexaginta hominum millia cum quatuor legatis Humiereſo, Luxemburgio, Duratio, Fevilla-da, & magna illuſtriorum militiæ ducum frequentia. Statim deinde cum Delphino, Duce Aurelianenſi fratre, & hujus filio Carnotenſi Duce Rex Ludovicus affuit, rei gerendæ imperio auſpicioque ſuo præſuturus. Urbs eminet alluiturque paluſtribus aquis, circa late ſtagnante, qui per eam paludem progreditur, Trovilla fluuio. Ab ea parte, qua meridiem ſpectat, pedibus aditur ac ſe patefacit. Ubi ſtagnum munimento eſt, validis tantum muris concluditur, interjectis identidem rotundis turribus & raro, quodocunque longo intervallo ſe inſectunt, roſtratis propugnaculis. Ultra ſoſſam viamque teſtam, quicquid e paludibus emergit, variis caſtellis occupatur. At ad meridiem ſurgunt potentiores latioresque munitiones; præcipueque impoſitum ſemilunari cornutum opus aditum ad portam prohibet. Præerat oppido Bergæ Princeps cum ſeptem veteranorum millium præſidio, congeſtaque erat rei militaris, quanta ſufficeret validiſſimæ propugnationi tuendoque maximi momenti loco, quo Henovia provincia nobiliſſimæque Urbes, Bruxellæ in primis, protegebantur. Ei primum Gal-

*Præſente Ludovico Rege.*

*Oppidi munitiones deſcribuntur.*

*Oppugnatione narratur.*

1691.

Galli frequentibus stationibus per arva circumfunduntur; jussusque Humieresus longius ducto septem millium agmine adversus hostem, si vagaretur, quidpiam moliri aut excubare. Rex obequitando speculatus mœnia situmque urbis, primò explorandum censuit an diductis aquisliceret aliqua ex parte vada nudare. Quod cum longum dubiumque fore intellexit; ne procrastinando in discrimen rei eventum magis adduceret, vineas, quæ stabile surgebat solum, quamquam validioribus interseptum operibus, agi, e militari arte ac re præsentī magis duxit. Et illæ quidem ad utrumque operis cornuti propugnaculum incredibili celeritate ductæ, quamquam oppidani nocte dieque majoribus minoribusque tormentis omne missilium genus effunderent. Verum tanta erat ducibus militibusque properandi alacritas, addente animos Rege (qui nonnunquam vel interiora hostium telis opera ipsumque aggerem perlustrans, testis alienæ virtutis adesse voluit) ut nihil præ successus gloria prius haberent. Vineis ad fossæ labrum adductis, hæc ad sinistrum ejusdem munitionis cornu æquari cœpta. Mox in illam audacter Galli se inmittere. Sed cum nimium paterent vel minutis e muro desuper frequentissime contortis jaculis, & plurimi discerperentur, incæpto abstinere. Per noctis tenebras iteratum facinus, prospero successu (nam cæco ictu pauci  
pro

prosternebantur ) finem habuit , fixusque ibi  
firma statione gradus . Interea quinque ac tri-  
centæ majores machinæ a fronte a latere adver-  
sæ munitionis decusserant mœnia . Aperto adi-  
tu lenitoque ruinarum clivo prætoriani pyro-  
chitrophori , quos una sui nominis legio sub-  
sequebatur , dedere inpetum . Bis repulsi , in-  
staurata pugna conatu non destitere , nisi me-  
diâ in areâ hoste propulso ; qui tamen re-  
centi milite recreatus , non ita multo post se  
iterum intulit adeo ferociter ut non modò ag-  
gerem ad propugnaculi fauces jam prope ab  
Gallis excitatum deturbaverint , sed obstinato  
prælio & mutua ingenti cæde illos vicissim  
vel ultra fossam detruserint , frustra primipilis  
ceterisque ordinum ductoribus , intento in fu-  
gientes mucrone ut saltem ancipiti metu gra-  
dum sisterent , connitentibus . Ubi intra vallum  
ad se rediere , pudor infausi eventus excussit  
metum ; avideque postulantibus novam pugnam ,  
in posterum diem , priusquam ardor animi con-  
sedisset , indicitur . Suppleti autique septem aliis  
pyrochitrophorum cohortibus ; subsidiaria e præ-  
torianis Helvetiis acies constituta . In prima  
fronte , qui pridie cesserant , locati , labem il-  
lam egregiis factis aut decora morte deleturi .  
Agmen in clivum erigentibus obviam ad super-  
cilium fuere quadringenti armati sarissis , fal-  
cibus , igniferisque manualibus ollis , quot in-  
stru-

1691.

structos excipere valuerunt strage murorum patientes fauces . Multa utrinque corporum laceratione tres amplius horas , neutro inclinante victoria , pugnatum erat , cum Gallis ab dextero extremo latere per ipsa cespitibus compacta mœnia in munimentum evadentibus distrahentibusque ad novum terrorem propugnatorum partem , ii utrobique ad resistendum impares occidione propemodum occisi sunt . Vacuam illi subire aream nimis infestam immisis ex oppidi superjacente lorica jaculis , non tamen ausi . Terram præ se molientes , vallum caute in dexteram promovebant . Quamquam non diu fuit , cum pertæsi lenti operis , aperto corpore nec sine plurimo suorum sanguine in subiectum triquetrae munitionis spatium exilientes , aggere se abdiderunt . Successu læti ad eventum properant . Sex inde machinis , tricenis e fossæ margine , oppositam parvam ac semilunare ad lævam opus nulla requie atrociter feriunt . Interèa e captæ munitionis extremo latere se se inferentes , ab interiacente via tecta oppidanos propellunt ingenti mutua cæde , materia identidem ante se aggesta ut , quod sensim processerant , stabili consisterent gradu ac pedem figerent . Tertio die ultra rostrum se circumduxerant ; jamque arietes tantum decusserant mœnium , tantumque fossæ compleverant rudera injectique fasces ut quinquagenum in fronte agmi-

agromini darent viam . Id enimvero civibus in-  
jecit metum ne parmæ jam tandem supera-  
tu facilis hostes potiti , illinc breve conatu  
suffoderent diruerentque oppidi muros , nec  
amplius honestis conditionibus & salvis rebus  
urbem accipere in deditionem vellent . Accede-  
bat non sine omnium lacrymis in dies ædium  
ruina , quas viginti quinque pyrolmi , vixdum  
oppugnatio incæperat , assidue verberabant .  
Nunc totidem ex area cornuti operis jaculan-  
tes cumulabant stragem ; nec illata illinc flam-  
ma , quin se dilataret , comprimi ubique pote-  
rat . Cives tantam rerum suarum labem tacito  
primum dolore pertulerant ; dein vulnerati ani-  
mi indicia , gemitus interruptæque voces con-  
sequutæ . Vicit denique tentatam diu patien-  
tiam casus quidam , quo & præsidium vacilla-  
re visum . Olla incendiaria in magnum sul-  
phurati pulveris acervum arce conclusum in-  
ciderat : isque concepto igne ferociter baccatus  
ipsius arcis , parvi ceteroquin momenti , muros  
& circumjectas late domos abstulerat , quod-  
que ad terrorem plus valuit , quingentos pube-  
res . Dum obito periculo fremit civitas , præ-  
torem adeunt magistratus : commemorant , quan-  
ti ad eum diem steterit civibus fides in Hi-  
spanos sua : nec ullis , addunt , unquam ærum-  
nis , hæ si hostium vim refrenare possent , con-  
vulsam iri . At quandoquidem , quæ adhuc su-

1691.

*Cujus eventus  
Gallis salix,  
urbe in potesta-  
tem accepta.*

*Qua utrinque  
cede.*

persint seu murorum lorica seu militum numerus seu bellicus apparatus ad illam paucos dies cohibendam vixdum sufficiant, nec in tempore a sociis affuturum auxilium, spes affulgeat; non esse cur longius innocui populares inutilis constantiæ productæque deditionis pœnas luant: ac sibi, sin minus velit ipse, consulere prohibeantur. Prætor gnarus verâ esse, quæ dicebantur, eosque utpote armis instructis ac longe militum numerum superantes, id extorquere posse, quod modeste postularent: paulum simulando tergiversatus ne libenter eorundem voluntati celsisse videretur, annuit denique in hostium potestatem urbem tradere. Proposito deditionis signo, facîle de conditionibus conventum est. Quindecim non amplius dies munitissimi oppidi oppugnatio tenuit. Abiere cum omni militari honore, sex machinis, & re domestica præfidiariorum quatuor millia quingenti. Reliquos ferrum deleverat. Gallorum haud minus quatuor millibus desideratum: non grande pretium, si rei momentum expendatur; minimum, si gloria facinoris &, quæ in bello valet plurimum, inclinata inde hostium fama. Rex imposito illic perditum decem, equitum quatuor millium præsidio, iisque præfecto Vertillaci dynasta instructore exercitus, septimo ac vigesimo postquam discesserat die victor Versalias rediit. Militi-



litibus datum ut se reficerent quidpiam otii. 1691.  
 Nam & hostes hyematum copias remiserant; *Ludovicus Rex*  
 quæ quamquam ingenti studio Hallam propere- *Versalias redit.*  
 rare iussæ, non eo convenerant numero ut satis ad opem obsessis ferendam aut aliquid in Gallos audendum Vilhelmus, qui aderat, fore putaverit. Is inde in Britanniam, ut dictum est, celeri cursu iter arripuit; reversusque unum & vigesimum post diem, ornandæ accelerandæque rei militari ed impensius contulit operam, quod magis extimulabat saucium animum hostium prosperitas atque intolerabile generoso Principi famæ periculum. Adulto Vere ad arma discursum,eductaque rursus ex hibernis signa. Gallis præerat, ut superiori anno, summo cum imperio Luxemburgi Dux legatus, ducebatque septem vicenaque millia peditum, *Quæ utrinque*  
 tricena equitum. Nec procul inter Mosam Mo- *vires.*  
 sellamque flumina cum novem equitum, decem peditum millibus diversabatur Beussers Marchio prolegato. Fœderatis imperitabat Vilhelmus Rex pari exercitu, sed ita ut Gallorum equites æquaret peditibus, ac vicissim illorum peditatum equitum suorum numero. Clivensem Juliacensemque oras & Mosæ propinquam ripam Flemingo duce Brandeburgenses Hassianique, qui aucti paullo post Leodienstem globo quatuordecim constabant millibus, adversus Beussers legiones tutabantur. Et Castanagæ

1691.

*Leodium ver-  
beratum a Gal-  
lis.*

*Nihil inde ter-  
ritis oppidanis.*

Marchio septem millia suo Regi merentia se-  
cum adduxerat, regionem trans Scaldim am-  
nem populationibus prohibiturus. Tantum in-  
vicem instructum robur magnam sui expecta-  
tionem commoverat, quæ tamen vulgi infatia-  
bilem rerum novarum cupiditatem fefellit.  
Primæ Beuflerfi copię Leodio admoveere signa.  
Consilium erat, Episcopum, qui ei dominatur,  
popularesque, ut in Gallorum partes concede-  
rent, sollicitare ruinarum, incendii, tumultus  
metu. Plures enim Cardinalis Furstembergii  
clientes inerant, quos de cienda seditione fi-  
dem obligasse suam (& fortè obligaverant) su-  
spicio manebat; cui tamen tempestive præcau-  
tum exarmata plebe. Galli ab ipso adventu in  
Carthusiæ collem urbi imminentem direxere ag-  
men. Locus oppidanorum præsidio tenebatur,  
qui tamen vixdum muri parte recessum clau-  
dentis dejecta, cum frustra obnixuri essent, ad  
suos intra mœnia se retulere. Quatuor ibi lo-  
cata majora tormenta, quæ ignitis globis; duo-  
decim pyrolmi, qui ollis incendiariis in testâ,  
in cives flammam stragemque inferrent. Hos  
primum raris ictibus missoque internuntio, quan-  
ta impenderet sibi clades, frustra admonitos (si-  
quidem faciebat animos repulsus haud semel  
hostis a portis suburbiisque), atrox demum igni-  
ferorum missilium tempestas perculit. Inde ta-  
men mutata ruinis oppidi facies, non civium  
fides

fides. Quam Beuſſerſius ab omni parte inuiſtam  
conſpicatus ; compertoque , ad opem afflictae  
quaſſataeque urbi ferendam appropere hinc va-  
lidam Batavorum Tillio praefecto , illinc Lippae  
Comite Brandeburgienſium manum , militibus col-  
ligere vaſa juffis , prope Bullonum ſe recepit ;  
nec ita multo poſt , paucis ibi ad ſubitos caſus  
relictis legionibus , iter cum reliquis ad con-  
ſularem Luxemburgi exercitum continuavit .  
Tota ſiquidem in eam partem verterat belli mo-  
les . Ille dudum Hallam proceſſerat , oppidum  
frequenti praefidio ſed ſubitariis tantum operi-  
bus circummunitum intercepturus . Non prius  
properantem ſilenti agmine ſenſere oppidani ,  
quam prope moenia ſtatuentem ſigna conſpexe-  
runt . Dum jaculis militem , in foſſae margine  
incredibili audacia erigentem vallum , submo-  
vere ſtudent ; ſex repente murales machinae qua-  
tuorque pyrolmi in colle , cui ſubest oppidum ,  
aedium & corporum ſtragem minitantes appa-  
ruere . Id ubi vidit Thiani Comes , qui rei mi-  
litari moderabatur , veritus ne citò redactò in  
angultias oppido , nulla dedituris foret libere  
abeundi venia , clam ex averſa porta educiſ  
concupia nocte militibus relictaeque impedi-  
mentorum parte , ne tardarent agmen , ſe ſubri-  
puit . Galli urbem ingreſſi deſectisque muni-  
tionibus , quae ſi quando res ita ferret , viam  
Bruxellas impedire potuiſſent , caſtra ad En-  
ghie-

1691.

*Gallis de muni-  
diſcedentibus ,*

*Luxemburgienſis  
Hallam occupat ,*

1691.

*Vilhelmus Rex  
castra propius  
hylem locat.*

*Longius dein-  
de, ac se invicem  
eludunt.*

*Castra castris  
collata, nullo  
tamen praelio.*

ghienum, opportunum pabulationi locum non  
procul statuunt. Vilhelmus contracto denique  
exercitu eò contendit posuitque modico ab iis  
intervallo exadversum castra, auctus & ipse Fle-  
mingi copiis. Paucos post dies primi Galli  
Brainum Comitem oppidum traduxere signa.  
Rex Lovanio timens, Dighemum venit. Nec  
diu fuit cum Soegnem illi circumflexo itine-  
re & mox Malbodium supra Sabim amnem;  
Vilhelmus Gemblursum, longe diversus, quò  
utrumque vocabat pabuli copia, digressi ali-  
quot otio traduxere dies. Inde Fœderati celeri  
cursu digressi prope Carolomontium Sabim tra-  
jecerunt intuleruntque Luxemburgio metum  
ne oppugnaturi Dinantium, ad Mosam amnem  
munitum oppidum, iter præciperent. Nulla  
proinde mora & magnis itineribus Sabim &  
ipse transgressus, antevertit; Valcuriæ, quæ  
viam intersepiebat præsidio imposito. Re co-  
gnita, Rex ad lævam divertens, Bellomontium  
pergit, unde vicissim Gallis Malbodium inter-  
clusurus erat. Huic timens, quod impedita  
ope discrimen adiisset, Luxemburgius exem-  
plo hostem insequutus, in ejus conspectu signa  
locavit. Stetere acies rivo interposito intru-  
ctis ordinibus & modico disiectæ spatio, pro-  
lusæque tormentorum boatu pugna tamen ab-  
stinuere; quod utrique imperatori jam antea  
propositum fuisse creditum est, averlatis incer-

tæ

tae fortunæ, nisi quantum casus aut inexpectabilis necessitas cogeret, se committere. Inter hæc aliquot Gallorum cohortes Cliviæ Juliæque regionem populatæ, duodetriginta deusserant viros, atrociora minitæ, ni grandi pecunia se circum populares redemissent. Id Brandeburgensibus in causa fuit ut confestim eò redirent ad sua tuenda. Imminuto exercitu, Wilhelmus iterum transmissio Sabi (& jam æstas abierat) in Brabantiam se recepit prope Athum; jussuque Valdechiæ Principe, maturius copias tot itineribus fatigatas in hiberna dividere, inde animi & venationis gratia Loum discessit. Luxemburgius hostem vestigiis prosequutus prope Tornacum pervenerat. Ibi certior factus, illum postridie Leusa castra moturum, postremum carpere agmen constituit. Cum selecta equitum trium millium quingentum ala iter ingressio nuntiatur a præmissis speculatoribus, magnam hostilis exercitus partem trajecisse propinquum Catoisæ rivum; septem solum equestres legiones nondum traductas. Eò repente citatis equis urget agmen. Et jam prope aderat, cum repente pari ferocia excipitur. Pugna fuit, ut inter certandi avidos ac diu delusos, atrox atque obfirmata. Quoad Galli facto cuneo perrupere primum adversos ordines, mox in fugam consternarunt. Ad prælii strepitum Fœderatorum equitatus pari numero con-

*Quocirca Wilhelmus recedit.*

*Nec ita multo post Fœderatum exercitus.*

*Quem abentrem Galli aggrediuntur.*

1691.

## 304 HISTORIARUM

confestim régressus in oppositam ripam, subsidiariam direxerat aciem; quam illi non minus post acre prælium turbarunt impuleruntque. Pulsos citato cursu infectantibus Luxemburgius cani receptui iussit, veritus ne cum propinquo hostium exercitu certa pernicië se se implicarent. Cecidere eo certamine Fœderatorum ad mille quingentos, trecenti capti; Gallorum quadringentos mors abstulit. Utrique postmodum hyematum ducti. Illi in proxima Hispanienſis ditionis oppida, quibus, si fortè hostis ingrueret, præsidio essent. Hi per Gallicum Belgium dispersi, e vicinia, ubi se daret occasio, populaturi. Quæ dum illic geruntur, non minus atrociter ex opposita Galliæ parte in subalpinam Italiam Mars desæviit. Hyemem quam maxime infectam Galli per ea loca reddiderant non frequentibus tantum e Casale Pinarolioque excursionibus, quibus vel e circumjacente Augustæ Taurinorum agro manubias retulerant; verum e triplici valle ad Cottias alpès (una solum reliqua nondum domita Lucernensì) dejectis Calvinianis incolis; in ditionem quoque redactis Renazo ignobili arce, Savilianoque, situ & frequentia civium non parvi momenti oppido. Ad utrumque Feuquieresi Marchio, cui Pinarolium provincia erat, gnarus levia inibi & incuriosa præsidia esse, silentio noctis septingentos equites, inter quos bis cen-

*Nullò insigni  
successu.*

*Subalpinum  
bellum exponi-  
unt.*

centum Sagittarios, duxit. Una Renazum oppidum tenebat cohors, quæ hostem ( nam excubiæ, quamquam oborta nondum luce, mœnia subeuntem viderant ) repulsura, stationibus dispositis ad arma concurrerat. At ubi sensit pylocлаstrum portæ appositum, nihil morata deditioem fecit. Savilianum, quò deinde Feuquieres sex peditum totidem equitum centurias adduxerat, scalis admotis oppressum est, captique centum prætoriani equites, qui præsidii atque hiemandi causa illic erant. Non eadem prosperitas Avelanæ paullo post invadenti obvenit. Frequentiori milite, quippe quæ ab obtinentibus Segusium Gallis Taurinensem oram contegeret, detinebatur. Validiori proinde agmine rem gesturus, partem Segusiani militis ad se vocavit. Dum subit expeditque arietes, tanta ferocia e muris atque erumpente præsidio repulsus est ut centum desideratis ac bellici apparatus parte, ipse quoque leviter iñtus, viam redire, optimum consilium esse duxerit. Tentatum quoque summa hyeme ab Gallis Momilianum est, eò per nives ac gelu immisissis legionibus, quæ in Sabaudia hibernabant. Verùm cum nulla foret spes voluntariæ deditiois aut vi superandæ arcis, præsidio, natura loci, atque operibus munitissimæ; res eò tantum cecidit, ut nonnihil verberatis mœnibus illataque igneis ollis in cellas penarias & domos flamma, oppugnatio in

*Plura ibi oppida Gallis obtinent.*

*Ab Avelana propelluntur.*

*Momilianum frustra tentatè obsident.*

1691.

*Villafranca  
potiuntur.*

*Et Montalba-  
no.*

*Nicæam per-  
gunt, quæ de-  
scribitur.*

obsidionem verterit. Dein mitesciente jam anni tempore Catinatius collecta ex hibernis copiarum parte ante Villamfrancam oppidum infesta constituit signa; nec mora oppidani ad primum tormentorum ictum se dedidere. Arcem alto impositam saxo sed levi cinctam munitione mille armati, plerique in experta provincialium turba, propugnabant. Negantibus, nisi vi adactos, se discessuros, vineæ ad propugnaculum, quod mare spectat, admoventi cœptæ. At concitata illinc tormentis pytolmisque atrox procella mutavit, uno interposito tantum die, præfidiariis mentem; territis etiam præfecti morte, quem jaculum e pyrobalista immisum casu mactaverat. Itaque pacti honestum, ab initum, portas aperuerunt. Postridie castellum in portus ostio, prorsus indefensum, victori cecidit. Inde Montalbanum prope Nicæam, sublimi insidens colle, ducta signa. Et illud vix primis semel tormentorum jaculis concussum in hostium potestatem venit. Præsidia cum omni militari decore permissa Finalium ire. Nicæa per id locorum supererat cognominis regionis caput, in qua susceptæ expeditionis summa versabatur. Duo passuum millia ob ostio Vari fluminis in ipso litore assurgit rupes undique abrupta, nisi qua parte in subjectam planitiem descendit. Ad ejus radices Nicæa sedet. Arx per gyrum ductis mœnibus rupem

oc-



occupat ; tuta , ubi est inexuperabile saxum ,  
 loci potius munitione quàm angustis , quæ ha-  
 bet rotunda aut angulari forma , propugnacu-  
 lis . Qua parte ad urbem deprimitur terreno  
 clivo , lorica protenditur validissimis rostratis  
 interjecta , cui fossa viaque tecta circumfundit-  
 tur ac præclaro munimento ipsum protegit  
 arcis corpus . Vixdum exercitus in conspectu  
 fuit , Nicæenses urbem tenui muro conclu-  
 sam Catinatio in deditionem celeriter obtule-  
 runt , sua dummodo starent jura , nec ipsi quid-  
 quam hostile paterentur . Accepta in id fide ,  
 dum paulum de re sine tumultu gerenda con-  
 silia digerunt , Frosaschi Comes arcis præfe-  
 ctus , cognito , quid se inconsulto cives tran-  
 segissent , misit illico ad obsepienda , ne dif-  
 fringerentur ; portarum claustra , cohortes ali-  
 quot , quæ tamen ab oppidanis vi propulsatæ  
 confestim in arcem rediere . Hanc deinde Gal-  
 li , oppidum ingressi , trifariam eductis vineis  
 ad promuralem lorica , tanto impetu atque  
 alacritate adoriuntur ut quarto die , repugnan-  
 te licet soli malignitate , in fossæ labro signa  
 statuerint . Interim ariete , sed levi ruina , mœ-  
 nia discutiebantur . Plus ollis incendiariis pro-  
 fectum , quarum una , in caveam peruadens  
 nitrati pulueris , ingentem hominum loricaeque  
 in supercilio rupis cladem edidit ; altera im-  
 mixta pyrochitrorum acervo metum magis quàm

*Urbis illico in-  
 vito Praefecto .*

*Arx resistit .*

1691.

*Tandem Gal-  
lis cedit.*

*Hinc Viti.  
Amadeus Dux  
periturbatur.  
Clamque ad  
Gallos illicitur.*

*Sed inaniter.*

stragem cumulavit. Non diu post præfidiariis non sine atroci prælio tectum iter eripitur, atque in fossam descenditur; unde cuniculus evertendis bellico pulvere mœnibus immittebatur. Tot undique circumfusus periculis, octavo, postquam oppugnatio cœperat, die præfectus non amplius, quin hosti cederet, cunctandum censuit; pactusque militare abeuntibus decus, præsidium (mille ducenti supererant, ad sexcentos ferrum aut flamma necaverat) Oneliam deduxit. Id enimvero, cum inopinatum accidisset augeretque præteritas calamitates, ultra modum perculit Victorii Amadei animum; & nisi tumida, qua illum ut minorem prope contempserant (insanabilis inclyto Viro dolor) Gallorum asperitas inexpressibile reddidisset ejus in ipsos odium, timendum Fœderatis erat ne demum tot permotus ærumnis fluctuaret; cum præsertim ab focero Aurelianiensium Duce clam fuisset per eos dies monitus rogatusque, ne vanis eorundem illectus promissis sua penitus in discrimen daret, utque exorabili Auunculi benevolentiz, quam fallacibus exterorum blanditiis se potius crederet. Restiterat autem, iracunde fatus: se frustra sollicitari nec unquam a sociorum fortuna divulsam iri; vel si gregarius Cæsaris miles agendus sibi esset. Adeo una solum comitate magnanimi flectuntur animi; verborum ac

rerum acerbitate semel exasperati, raro mutant. Verum cum Principe Eugenio vehementer questus, quod calamitatis e florentissima specie Imperium suum recidisset, & quantus impenderet metus ne illo penitus dispoliaretur; quo tamen metu fidem suam nequaquam labefactari cerneret; ipsum impulit ut citatis itineribus Viennam iret, parem afflictis restituendis rebus opem exoraturus. Non enim, aiebat, si hostis longe ferociori, quam Fœderati existimarint, Italiam urgeret impetu, cui repellendo non satis sint promissæ militum legiones; pactum auxilium non initis conditionibus sed necessitate, quæ una prudentibus agendi norma proponitur, metiendum esse. Eugenius publicam non minus quam cognati Principis causam amplexus, viæ confestim se commisit. In Aulam profectus, quæ belli ac rerum conditio Fœderatos in Italia maneret, his prope verbis exposuit. Utinam, Cæsar, quæ renuntianda mihi sunt, sine ullo communis salutis discrimine liceret silentio prætermittere; minus animo æstuarem, quo pacto illa pro sui gravitate consequi penitus dicendo possim. Quamquam ut ut ad singula enucleatius explicanda dolore impediatur, summam referre satis erit. Clade per Italiam maxima concussi sumus. Sabandia præter Momilianum, obsidione tamen vix non absumptum, in hostium potestatem venit. Regio subalpina ab

*Principem Eugenio ad Cæsarem opem oratum mittit.*

*Hujus ad Leopoldum sermo.*

1691.

ab iisdem aut subacta aut sæde populationibus divexata . Modò Nicænsis Comitatus cum arce munitissima non parva ipsorum Imperio & nostris ærumnis accessio fuit . Victricia , quò lubet , arma circumferunt ; nec dubito quia , quæ adhuc se tenuerunt , oppida brevè ceterorum fortunam sequi necesse habeant . Ipsi Augustæ Taurinorum , primariæ illic validissimæque urbi , minitari audent , ne quid illustri Principi , ubi in suo vestigium faciat , reliquum sit . Neque verò hæc tanta rerum vicissitudo ejus incuria segnitieque accidit . Quis enim illo audacior in obeundis periculis , fortior in sustinendis propulsandisque ? Quis diligentior in comparando bellico apparatu , selectu militum habendo , muniendis oppidis ? Præoccupavit hostium consilia , cavet insidias , vim fregit , intulit ; ubique præsens vel animo vel imperio vel re gerenda ; pro suaque tuenda fide non parcens pecuniæ , non labori , non valetudini . Quodd si nostræ per Galliam subalpinam res jacent ; aliqua saltem foret spes , Italicorum Principum benevolentia sublevatum iri . Verum , ne quid taceam nostrorum vulnerum , tantum abest ut nos labantes retinere illi velint , quin , si ferat occasio , impulsuri videantur . Capta in Monteferrato provincia a Germanis , in Mantuana ditione ab Hispanis hiberna , mirum est , quantum Reguli ejusque gentis animos exaspera-

peraverint. Sæpius armis coercenda fuit popularium, in nostros milites furtim grassantium, immanitas. Repertus est, qui ab ipso Duce ad Gallicanum Casalensis arcis præfectum afferret literas, ut nobis hyemem quammaxime infestam redderet; dum interim ille. conscriptis Ludovici Regis pecunia quatuor legionarium centuriatisque sex provincialium millibus, otium per idem anni tempus hyemantibus illic Hispanis exagitavit. Quid quodd ubi comperit ab Opitio Marchione, tua ad Italiz Principes legatione functo, commeatum collectis militibus atque Oratori Gallico dandum sibi esse in tuasque partes concedendum; statim Venetias adiit; Senatum in suarum querelarum societatem adducturus? Frustra quidem; sed hoc tempori, non quodd Senatus ab re abhorreret, negatum. Quid quodd occultas subiecit faces; admonuitque Italorum potentiores, ut communi consilio luctuosam perniciem sibi primum illatam, cunctis propositam, averterent declinarentque? Hi autem quid? tacent. Verum sollicitis curis eos mordet indicta ab eodem legato aliis pecunia, aliis hibernorum incommoda; & ni caveamus, timendum est ne, qui non obscuris indiciis jam prope se produnt, maxime tandem tumultus excitent. Versat enim concitatque vehementissime mortalium animos imminens malum. Ubi ad-

adest ; dolore fracti aut majora veriti , in uno ejus propulsandi studio se obfirmant . Hac modò illic rerum conditione sumus ; quæ quamquam depressæ inclinatæque , nullo tamen erigi pacto ac sustentari nequeunt . Quin ad nostram opinor utilitatem interfuit , in hujusmodi angustias incidisse . Nam dubiæ negligerentur . Nunc in discrimen adductæ faciliè ad se tuam ac Fœderatorum opem sollicitudinemque revocabunt . Nisi fortè , quò magnam suarum virium partem hostis intendit , vos ibi pares obijciendas non reputabitis ; cum præsentim nusquam utilius impensum iri , tantum ut ad rem animus adijciatur , palam & apertum sit . Cur enim Allobrogum Ducem singulari studio in vestram societatem traduxistis , nisi ut illè quà pervia maxime Gallia est , vobis viam panderet ? quà plurimum domesticis turbis implicari potest , immisso per alpes exercitu involveret ? Ubi Gallis plusquam alibi incommodum ac sumptuosissimum est , illic bellum aleret incenderetque ? Quammaxime quoque pensandum est , qui foret hominum sermo , quod vestri nominis detrimentum , nisi vel extremo conatu fœderatus Princeps , qui se ac florentissimum Imperium rejectis Gallorum amplissimis conditionibus pro salute commodisque vestris devovit , in pristinum splendorem . felicitatemque restitueretur . Denique id Cæsar multum

tum animo volutandum . Cuncta Italia hæret  
anceps utrius auspicia sequatur Ludovici Regis  
an tua . Judicium ex una belli, quod geritur,  
fortuna pendet . In quam partem inclinabit,  
huic & ipsa suis viribus momentum addet, ut  
uno vestrum depulso, minus ab altero damni  
capiat . An non igitur e tua re potius fuerit,  
auctis copiis ita illic arma tractare ut supera-  
tis hostibus tantam provinciam obnoxiam ha-  
beas ? Tum prisca ac prope oblitterati veterum  
diplomatum tituli ad exprimendam pecuniam,  
ad belli commoda valebunt . Inermes nunquam  
non odio ac ludibrio erunt . Nuda siquidem ju-  
ra, ubi arma concrepuere, tacent; satisque ha-  
bent, ni penitus concidant atque obsolescant .  
Cæsar fatus: nihil non eorum, quæ modò sibi  
renuntiarentur, verum esse: respondit Eugenio,  
curæ italicam rem sibi fore . Illuc quamprimum  
posset rediret, ne præter cetera incommoda,  
qui summo cum imperio Germanicis copiis  
moderaretur, deesset . Eas autem inclyto so-  
cioque Principi referret, citò magnis incremen-  
tis auctum iri . Diu deinde fluctuatus, quo pacto  
promissum faceret ( nam Germania Pannoniaque  
primæ in oculis erant nec impunè debilitari  
viribus poterant ) statuit quidpiam Rhe-  
no detrahere ; ubi finitimorum Principum in-  
teresset, suo supplere milite quicquid abduce-  
retur, ni ab hoste ferocissimo negligentia præ-

*Cæsar auxilium  
promittit .*

*Vnde ei sub-  
mittat, ambi-  
git .*

*Ab Rheno ali-*

1691.

*quot suas legio-  
nes idcirco sub-  
ducis.*

*Bojoarium ut  
suas & ipse in  
Italiam addu-  
cat hortatur, &  
quo consilio.*

*Qui aeger an-  
nuis, & quare.*

nas luere vellent. Itaque jussit, novem illinc pe-  
ditum equitumque legiones iter in Italiam sus-  
cipere. Ad rem quoque maxime salutarem,  
quæ feliciter evenit, appulit animum. Rhenani  
exercitus imperium Octaviri petebant Misnien-  
sis & Bojoarius. Unum eligere supremum du-  
cem jam constituerat, qui conjunctum Ger-  
manicum robur (nam in plures distractum glo-  
bos parum valuisse patebat) hosti opponeret.  
Uterque tantum munus mandari sibi apud Cæ-  
sarem contendebat, ferebatque palam, si peti-  
tione excidisset, nihil ab se fore militum (&  
erant inde majores nervi) atque hostis imme-  
morem otiatorum. Dum de re componenda  
solicito studio habentur consilia, optimum Cæ-  
sari visum est, cum Bojoario sermonem institui  
an vellet suarum legionum partem consobrino  
suo Allobrogum Duci auxiliatum ducere. Co-  
gitaret, quàm sibi splendidum futurum esset,  
postquam tanta militaris virtutis luce Hunga-  
riam Germaniamque perfudisset, Italiam quo-  
que perfundere, beneficiique laude partem jam  
sibi gloriam cumulare. Sensit ille honoris spe-  
cie sibi secundas dari partes atque æmulo post-  
haberi. Non tamen abnuis probabilem deserenda  
petitionis, qua facilè victus fuisset, adeptus  
causam; & ne socero displiceret, curanti per  
eos dies apud Carolum Hispaniæ Regem ut  
ipsi Belgii prætura stabili imperio demandare-  
tur.



tur. Quamquam quod invitus promisit, non-  
nisi cunctanter absolvit, æstate solum jam adul-  
ta in Galliam subalpinam octo armatorum mil-  
libus adductis; nec multo ante Cæsariani ad-  
venerant. Interea Catinatius exercitu cinxerat  
Avellanam. Præfectus ad deditionem sollicita-  
tus portas clauserat; sed postquam biduo dissi-  
patam vallorum septem & sterni vidit mœnia,  
in hostium potestatem cum quadringentis præ-  
sidiariis concedere opus habuit. Inde Galli Car-  
maniolam validum operibus & duum millium  
præsidio oppidum adorti, illudque triplici mili-  
tari aggere subeuntes, tertio die in viz testæ  
crepidine posuere signa. Qua tanta audacia con-  
territi præsidiarii, non ultra morati, ne ultima  
experirentur, facta deditione cum armis legio-  
narius miles; inermes, qui subituario delectu  
provinciales conscripti fuerant, Augustam Tau-  
rinorum abire permissi sunt. Hanc quoque ut  
in proximo aggressuros hostes Victorius timuit.  
Quamobrem Coniuge ac Matre cum illustrio-  
ribus sæminis Vercellas dimissis suisque in  
unum coactis copiis edito in colle ad montem  
Calerium oppidum, quæ illuc iter, castra posuit  
misitque ad Didacum Guzmanum Melgari Co-  
mitem provinciæ Mediolanensis prætorem opem  
oratum non sine questu: fœderatum Principem  
eò pro sociorum utilitate redactum ut de urbe  
Imperii sede contenderet, neglectui haberi. Il-

1691.

*Serò cum ali-  
quot suis legio-  
nibus in Italiam  
pergit.*

*Avellana Galli  
potiuntur.*

*Et Carmanio-  
la.*

*Sabaudie Dux  
Augusta Tau-  
rinorum timens  
inde Matrem  
& Conjugem  
Vercellas mit-  
tit.*

1691.

*Mediolani Praetor cum Mantua Duce controversas componit, & quibus conditionibus.*

*Galli Cuneum invadunt.*

*Oppidifitus, munitionesque.*

le pudore percitus, sex armatorum millia; qui adhuc in Mantuano commorabantur, metu molestiisque ab Carolo Duce, quicquid Optius proposuerat, expressuri; statuit ad ipsum ducere. Quod ut cum dignitate sibi liberum foret, mitioribus conditionibus quam quas antea severe ab ipso postulaverat, transigere induxit animum, pactus Gazola dejectis munitionibus, e ceteraque regione Hispaniensem militem discessurum; dum tamen Dux neminem sub signis, praeter praesidia, retineret sponderetque suam neutri partium fidem in posterum, ut praeseferebat, obligaturum. Catinatus nunquam Foederatos in praelium exituros, nec nisi ingenti discrimine eorum castra tentare se posse ratus; gnarus quoque properare Germanorum Hispanorumque auxilia: stativis circa Carmaniolam positis, Bulondium prolegato cum exercitus parte (fuere hominum decem millia) ad oppugnandum Cuneum ire iussit. Tumulus ad confluentes Gessam Sturamque in cuneum, unde oppido nomen, desinit. Istud ultima in crepidine situm est. Tenui circumvallatur munitione, qua parte ad meridiem Gessa alluitur, abscissa ibi impositum rupe ac loci natura satis munitum. Rostratis alibi validisque propugnaculis fossa tectaque protectis via, difficilem oppugnatoribus facit aditum. Praerat illi Julianopolis Marchio. Calviniani subalpini ad septingentos, quin-

quingenti provinciales totidemque legionarii præsidio erant. Admodum sua Galli interesse arbitrabantur, opportunum adeo oppidum in potestatem redigere, nec minus Allobroges, retinere; quippe quâ commodius ad Nicæensem Comitatum-iter, & unde patenti ad Montem usque Vicum regioni plurimum imperatur. Quamobrem statim ab re comperta Victorius tria hominum millia præsidium suppletura eò ire magnis itineribus atque antevertere hostem jussit. Casu his Feuquieresi Marchio, dum Gallorum cohortes aliquot Casalem duceret, obviam fit. Commissa pugna diu sævit promiscua cæde; sed longè plures Fœderatorum cecidere. Horum pars, nocte prælium dirimente, iter progressa, priusquam hostili sepiretur exercitu, Cuneum pervenit. Bullondius mœnibus, quâ se oppugnatoribus aperiebant, vineas confestim admoveere instituit. Operi frequentissima obstitabant contorta interdiu noctuque a præsidiariis tela; nec parum, ut ad fossam promoveretur, laborandum fuit. Eò ubi ventum, quatuordecim in margine dispositæ majores machinæ muros dissolvebant. In viam quoque tectam post atrocissimum certamen, plurimorum utrinque cæde funestum, Galli descendunt; cum repente Bullondius ita præcipitanter convasari jussit ut majorum catapulcarum unam, tres pyrolmos, quidpiam bellici apparatus,

*Ac momentum ad eam regionem obtinendam.*

*Auxilium a Sabando ei submissum partim interceptitur, & quo casu.*

*Galli præcipitanter ab eo recedunt, & qua de causa.*

tus, trecentos sexagenosque milites vulneribus aut morbo affectos secum adducere haud potis fuerint. Nuntium a Catinatio acceperat, ex hostium castris viam illuc arripuisse cum quatuor equitum millibus Principem Eugenium, qui dudum Vienna redierat, iisque in itinere peditum sex millia e Montevicensi tractu ad-junctum iri; simul ne vallo exiret, imperatum. Sylvestropolis dynastam actutum cum bis mille quingentis equitibus, se mox cum reliquo exercitu vel ad instaurandam oppugnationem, vel ad muniendam ipsi viam in tempore affuturum. Ille tamen nulla mora obsidionem soluit, causatus, non sibi defuturum certum discrimen, si medius inter adventantes hostium copias frequentissimumque præsidium se tenuisset. Gratum id præter modum fuit Allobrogum Duci, ac respirare visus; non secus ac Romani post Cannensem cladem pulso ab Nolæ mœnibus Annibale, Marcello duce. Extulere deinde ejus animos adducta non ita multo post ab Hispanis Germanisque, quæ destinata diximus, auxilia, ipsiusque Bojoarii adventus Augustam Taurinorum, magna honoris significatione celebratus. Dux quoque Medardus Scornbergius ab Rege Vilhelmo missus, Britannica pecunia e subalpinis Calvinianis quatuor legiones conscripserat; accreveratque exercitus ad quadragena hominum millia, jamque  
nu-

*Sabaudi exercitus pluribus auxiliis supplementur, & Bojoarii cum suis copiis adven-*

numero longe superabat Catinatii copias, quamquam & huic septem novas legiones supplemento advenissent. Itaque ne invitus impari virium robore ad pugnam eliceretur, Carmaniola valido præsidio ac bellico apparatu permunita, prope Salutias gradum recepit. Fœderatos occupavit primum distulitque ne in rem militarem statim incumberent, disceptatio honoris, in secunda locari acie renuentibus Germanis Hispanisque. Conventum, ut cujus præcederet peditum agmen, alterius equitatus alis contereretur. Dein plurimum deliberatum de re gerenda, divisus, ut armorum imperio, ita & sententiis. Nam Allobrox, Bojoarius, Leganeus, suo quisque militi, moderabatur. In disquisitionem venit, si quisque auspiciis diversa gereret. At visum, nihil hosti acciderè jucundius posse, conjunctis illorum copiis longe minori, divisas facile superaturo. Pudor alios ad Momilianum obsidione liberandum vocabat. Verùm obstabant mox descensuræ cœlo nives angustique saltus, quâ miles transmittendus erat; idque dudum compertum, cum quatuor peditum, tria equitum millia frustra tentato per Augustæ prætoris vallem alpium transitu, juga insidentibus Gallis, signa retulissent. Vicit autem ea sententia, quæ hostem ex intimis subalpini Imperii visceribus detrudendum suadebat. Carmaniolam, novem haud am-

*Quocirca Galli  
Salutias pedem  
referunt.*

*Fœderati de re  
gerenda delibe-  
rant,*

1691.

*Carmeniola  
recipitur.*

*Præsidio non  
servata promif-  
si fides, & qua-  
re.*

*A Segusio pro-  
hibetur.*

amplius passum millibus Augusta Taurinorum distantem, oppugnatum pergunt. Triplici agere, diviso in id trifariam exercitu, ne cui alienis auspiciis agenda res esset, mœnia subeunt. Ea verò sex ac viginti machinis, octo pyrolmis testâ incensa ac lacerata ruinam edebant. Quinto die promotis ad fossam vineis captoque ab Hispanis uno externorum operum, Plessii Marchio, qui summo illic cum imperio erat, dedendi oppidi signum proposuit. Conventum, ut sibi ac prædiariis abeuntibus fierent militares honores ac tria secum adducerent tormenta bellica. Militibus haudquaquam servata promissi fides, adeptis, dum irent, armis ac re domestica. Obtentui fuit hæc ipsa illata injuria subalpinis Calvinianis, qui eidem oppido, cum in Gallorum ditionem concessit, præsidio fuerant. Munitiones non ita multo post Victorio jubente, utpote parvo emolumento multaue pecunia ac milite retinendæ, solo æquatæ. Illinc Fœderatis ad invadendum Segusium trajecto Pado properantibus, prægressus Catinatus interruptit iter, positis castris inter Avellanam Rivolumque. Dum remeant, Germanorum globus insidias ingressus, quas pridem Galli in saku locaverant, quingentis desideratis non sine strenuitatis laude in apertum evasit. October in exitu erat, cum de maturandis hibernis cogitatum, fessis auxiliariis, & quin-

& quinque Bojoariorum legionibus indicto in Hispaniense Belgium itinere ; cujus Octovir jam antea designatus, nunc tandem prætor renuntiatus fuerat, arcano, ut fama fuit, Cæsaris consilio ; quoddam ita illum ab Rhenanæ armorum præfecturæ ambitu, quam ab aliis libentius gestam vellet, arceret. Quamquam & pridem discessum meditabatur, ludicri pertæsus in Cæsarianos, qui in Italia merebant, imperii, quod clam Carrasæ datum ab eoque re vera gestum senserat. Venetias primum digressus ibique aliquot animi causa commoratus dies, Viennam deinde ad Cæsarem, illinc Monachium ad suos, Vere tandem ineunte Bruxellas petiit. Dum illic hyemem Fœderati otio traducunt, non eadem Gallis a militari labore concessa quies. Huguettus Sabaudia prætor Momilianum per ætatem oppugnare aggressus, oppidum priscae solum artis protectum mœnibus in deditionem acceperat. Summa tamen rei, eaque non suarum tunc virium, in arce domanda versabatur ; quæ undique abscisso insidens argillolo tophaceoque tumulo, ab oppido solum & angusto tramite adiri potest. Fastigium non æqua patet superficie ; in medio eminet occupaturque murali per gyrum lorica, rostratis propugnaculis intersecta. Inferiorem aream ovata prope forma circumdat murus valida substructione, quatuor itidem propugnacu-

1691.

*Boioarius cum suis legionibus in Germaniam veniat.*

*Belgii Prætor renuntiatus.*

*Momiliani arx describitur.*

1691.

lis munitus, rostratis duobus ad ampliora latera; ubi se coarctat, bifurcis. Antemuralis parma iter ad portam impedit. Diuturna obsidione speraverant Galli consumptis alimentis, fame ad deditiōem cogere. Sed spem eluserat Bagnaschi Marchio, qui summum illic imperium gerebat, data jampridem opera ut non com-  
 meatus quadringentis, quot inerant, præsidia-  
 riis, non bellicus apparatus in longum tempus  
 deesset. Quocirca sub hyemis initium Ludovi-  
 cus Rex Catinatio mandaverat: militum pa-  
 tientia vinceret cœli per ea maxime loca in-  
 clementiam; vi, obfirmatos præsidiū animos,  
 asperrimæ nimium fidentes rupis munimento.  
 Ille secum adducta exercitus parte, confestim  
 ad utramque tumuli breviorē frontem milita-  
 ri succedere aggere adortus est. Plurimo san-  
 guine stetit opus, quoad vibratis ex alto fre-  
 quentissimis jaculis patuere molientium corpora.  
 Quietē deinde ad radices perductum, postquam  
 ipsa rupes interius progressis tutum reddebat lo-  
 cum. Interea quadragenæ majores catapultæ,  
 Civarone adductæ, arcem undique verberabant  
 prope inani successu, quippe quæ non ex æquo  
 jacularentur. Major e quinis vicenis pyrolomis  
 injectus præsidiariis motus objectumque pericu-  
 lum. Nihilo secius non aliter quàm subversis  
 cuniculorum ope mœnibus aperta que rupe fa-  
 cinus ad exitum perducī posse, Catinatio vi-  
 sum

*A Gallis oppu-  
 gnatur.*

*Vario rerum  
 eventus.*



sum est. Propugnaculum ad dextram oppidi, ubi tumulus haud penitus abruptus quidpiam inclinatur, suffodi cœptum nullo ab hostibus impedimento, quorum telis locus se se occultabat. Sed quammaxime obstabat natura soli ferro ob interpositas rupes non ubique penetrabilis. Ingenti denique labore industriaque, cum operæ nunquam remitterent, non multos intra dies cavata cella, tanto continendo sulphurato pulveri idonea ut incensus immanem, quæ superstabat, molem abrepturus æstimaretur. Præfectus certissimo avertendo malo remedium nullum suppetere conspicatus, quod proximum erat, ad vicem hosti reddendam applicuit animum. Jubet alteram propugnaculi partem, quod Gallorum cuniculus non pervadebat, cavea suspendi opplerique nitrato pulvere, ut, cum hostis per decussa mœnia in arcem transiliret, eo incenso discerperetur. Fortè ad ipsius caveæ ostium olla incendiaria ex alto præceps ruit diffractaque accendit sulphureum tramitem, quæ ignis ad pulveris acervum penetravit. Hic furens horribili fragore imposita mœnia lacera- vit adeo ut latam patefecerit viam dederitque aditum aggressuris. Catinatus rem casu oblatam ad consilium flexit; sexcentos agrestes magna mercede, ut clivum mollirent, induxit; nec mora, totidem pyrochitrophoros illuc immisit. Cupeuni celeri progredientem cursu

1691.

*Deditur.**Venditionis con-  
ditiones.**Casalis urbs ab  
Gallis in pote-  
statem redacta  
astuto consilio.**Misnienfis Oc-  
tovir Rhenani  
exercitus du-  
ctor parum ar-  
mis proficit.*

præfidiarii non expectarunt, ac semel e pyrobali-  
stis emissio telo in interiorem concessere arcem.  
Huic subruendæ subjecta rupes ingenti conatu  
perforabatur, cum Bagnascus finem strenuæ pro-  
pugnationi facere statuit. Datæ ipsi ac trecen-  
tis, quot supererant, præfidiariis honorificentis-  
simæ abeundi conditiones; in his, ut ænea  
tria tormenta, quæ illinc deducere anni tem-  
pus vetabat, e Pinarolio peterent. Per eos pro-  
pe dies, quibus Momilianum armis, Casalem  
urbem calliditate Galli in potestate habuerunt.  
Arx jamdiu ipsorum præsidio tenebatur, eique  
præerat Crenantii Marchio. Is verè an falsò  
(nam utraque invaluit fama) causatus, Fossati  
Marchionem Montisferrati prætorem cum Ger-  
manis de tradenda iis urbe convenisse, illum  
in arcem vocatum convivioque exceptum de-  
stinuit, urbemque, dimissa legione quæ Man-  
tuz Duci merebat, Gallico præsidio, intacto  
civili jure, communivit. Hic rerum Italiæ sta-  
tus. In Germania minori strepitu ad Rhenum  
hoc anno arma intonuerunt; nec Misnienfis Octo-  
vir, cui ea provincia maximopere cupienti man-  
data fuerat, expectationem, quam de se com-  
morat, implevit, elusus Gallorum arte, quam-  
quam eos militum numero superaret; quippe  
cujus auspicia sequerentur millia hominum  
quinque & triginta; illi decem millibus mino-  
res essent. Cum his copiis Lorgeus legatus

ca-

*Galli Moguntie insidiantur.*

*Quo casu deteguntur insidia,*

castra haud procul Moguntia locaverat, specie retinendi regionem non prædæ inopem, herbarumque teracem alendis equis; re vera huic imminens urbi, cui Consbrugus quidam, militaris annonæ subpræfectus, & aliquot Gallica pecunia illecti insidiabantur; facta spe, si flammiferis ollis percutere ac labefactare testa incæpissent, se se incendia clanculum excitaturos; quibus extinguendis dum undique cives præliarii que discurrunt, effracta in eo tumultu alicubi porta reclusuros aditum signa intra muros tacite nulla que mora illaturis. Thungen prolegato armorum præses ex ipsa Gallorum vicinitate, & quodd sciret maximum verberandis oppidis apparatus secum asferre, urbi veritus, stationes circum locaverat omniaque clauserat ad hostem itinera. Quare Lorgeusius, an adhuc maturum foret, ignarus, tibicinem specie commutandi bello captos ire ad Thungenem iussit, de re interim sua quidpiam a conjuratis sciscitaturus. Cum & ille regredi cunctaretur, moræ impatientes Villarerus tribunus militum, Bovilierus instructor legionis, centurioque Pelisæus, dum de tibicine propinquam stationem percunctaturi ad munitiones incaute succedunt, circumventi in oppidum pertrahuntur. Illic furtim & obscuris verbis Consbrugum, qui ad eos cum aliis officii causa venerat, alloquuti suspicionem moverunt; qua

1691.

qua is ad quæstionem abreptus crimenque falsus, perfidiæ pœnas capite luit. Ceteri conjuratorum fuga in tempore se subdixerunt. Lorgesius ubi proditum consilium comperit, vi capto Algefeimo, quod magnam Germani advexerant commeatuum copiam, Rheni relegit ripam, e propinquo in hostem intentus, ejusque obsessurus tempora atque occasiones. Misnienſis Oſſovir circa Manhemium conſtato e ſuis copiis Cæſarianiſque & Bojoariis aliis-que auxiliis exercitu, trajecto-que Nicro amne, mox paullo inferius celeriter adeo Rhenum tranſmiſit ut prius pedem ſtatuerit in adverſa ripa quàm id hoſtibus compertum fuerit. Ibi ad quamcumque belli fortunam, in quam poſſet incidere, Franchendaliæ munitiones inſtaurare tumultuariis operibus aggreſſus, ferrum deinde flammamque in eorundem fines iniicere conſtituerat. Galli, ſi fortè a Germanis laceſſerentur, pugnam averſati prope Landaviam ſe retulerant, unde ſibi non amplius liberum patebat iter ad contegenda ulteriora loca, ne populationibus divexarentur. Igitur, quod unum ſupererat, tranſacto per Philippoburgi pontem Rheno aut illuc hoſtem, ne prædaretur, revocare; aut agenda viciffim præda reddere damni vicem, conſilium capiunt. Fluvium tranſgreſſi, in Virtembergentem oram hætenus in- tactam properabant; cum Oſſovir rei admonitus,

*Galli Rhenum  
trajecimus Ger-  
maniam popu-  
laturi.*

tus Capraram Schoeningumque legatos, illum Cæsarianis, hunc Misnienſibus præfectum, quid e re foret, conſuluit. Schoeningo ſententia erat, intrandum illico hoſtium fines ibique omnia tumultu, rapinis, igne, luſtuque implenda. Futurum proſecto ut audita ſuorum calamitate, huic prohibendæ, viam celerius repetant quàm ſint aggreſſi. Natura quippe inditum eſſe, prius amoliri ab ſe moleſtiam quàm aliis inurere; & facile quiſque, ſi vehemens urgeat dolor, ferociam exuit. Secus Capræ videbatur. Non enim, aſebat, æquari dâmnium, nobis intra Gallicæ ditionis fines deſcendentibus; illis ſclicitem, quò tendunt, Germaniæ partem depopulantibus. Nam plura Gallis ad hyemandum ſuppetunt loca; nobis, ubi commodè fiat, non alius ſuperest. Quid quodd iisdem per tot arcès, quibus ripam prætexunt, liber ac tutus intra ſuos fines receptus eſt; nobis facile reditus impediri poteſt; hic autem, ubi ponamus pedem, nullum validum munitumque patet oppidum. Verius Octoviro Capræ dictum viſum eſt. Quocirca injecto ad Manheimum navali ponte, illac exercitum in oppoſitam ripam redire juſſit. Jam hoſtis Portzeimùm, quâ in Wirtembergensem regionem aditus aperitur, uno die oppugnatum in poteſtatem cum quingentis præſidiariis redegerat, inſeſtoque progreſſus agmine populares ad vi-

*Quo pacto ſe illis obijciant, Germani variis ſententiis diſputant.*

*Vicit Capræ ſententia, qua exercitus tranſgreſſus Rhenum Gallos cobibet.*

cos

1691.

*Hispaniensis O-  
ctovir morbo  
absuritur.*

*Uterque exer-  
citus in hiber-  
na discedit.*

*Quid hoc anno  
in Hispania ge-  
stum.*

*Galli Urgelam  
oppugnant.*

cos agrosque, ne hostilia paterentur, ingenti pecunia vindicandos adegerat. Statim verò ut exploratum habuit ad se Germanos accelerare, inflexo ad dextram itinere haud procul Ludovica arce stativa posuit; nec longo ab iis intervallo sua illi pariter statuere signa. Quievire tamen, cum utrinque plurimi languerent morbo. Quo nec immunes Caprara Ezelingam, Octovir Tubingam discesserant, ubi mortem hic paucos post dies oppetiit. Schoeningius exercitum exacta nondum ætate, valetudinis causa, in proxima primum divisit oppida; mox dato auxiliariis commeatu suas Cæsarianasque legiones in hiberna dimisit. Nec diu fuit, cum Lorgessio idem consilium, par siquidem instabat causa, trajecto Rheno subire opus fuerit. Reliqua erat Hispania, ubi ad Galliæ fines bellum ardebat depalcebatque popularium agros. Adulto Vere Noallius in Cerretaniam, ut superioribus annis, processerat cum agmine peditum septem millium, bis mille quadringentis equitibus. Urgelam ad Pyreneorum radices, aggrediendam delegit. Præsidio illic erant nongenti legionarii ac sex provincialium centuriæ, præses Iosephus Aguillus. Ad ejus oppugnationis famam Medinæ Sidoniæ Dux cum duodecim armatorum millibus Vico, quod eos convenire jusserat, extemplo movit. Asperi Cerretaniam ab Catalonia reliqua dividunt montes, qui non

fa.

facile, nisi ubi Belverum oppidum, peragrari cum impedimentis possunt. Saltum præoccupaturus, iter celeriter conficiebat. Noallius præverterat; munitoque loco, ita se comparaverat ut ille vim abstinuerit ac retro signa Ripollum duxerit. Et Galli properatis vineis, octavo die Urgelam ad deditionem perpulerunt, captivis cum præfecto retentis legionariis, domum comiter dimisso provincialium agmine. Rati deinde, nunquam tutò Cerretaniam se se habituros, neque illinc expeditum in Ruscinonensem provinciam, unde bellicus apparatus annonaque plurimum petenda erant, nisi Belvero in suam ditionem redacto, oppidum subitariis operibus circumsepunt. Sensit Hispanus hostium consilium; idque ut everteret; excitulatus quoque frequenti populatione, qua ex iis locis impunè Aragoniam divexabant; ad hostes iterum cum omni exercitu subire statuit: spe illos, si pugnam detrectarent, abituros; si congredi vellent, tantò Hispanicis copiis minores devictum iri. Verùm ubi propius successit, speculatusque vallum, quod aggressuris obiecerant, prope inexuperabile, legiones circumducere incæpit, an fortè alibi juga se se aperirent. Deinde opinatus: etsi viæ difficultatem virtute militum vinceret, nimis tamen periculi plenum fore, in confragrosa præruptaque loca exercitum inducere, unde facile comitatibus

neque obri-  
nent.

Belverum ag-  
grediuntur.

1691.

*Hispani vicif-  
sim Portum  
Molum.*

*Belverum Gal-  
lis cedit.*

*Hispani a Porto  
Melo recedunt.*

*Gallorum clas-  
sis Barcinonem  
ollis incendia-  
riis plurimo af-  
fuit damno.*

*Itemque Ali-  
cantem.*

& reditu prohiberi posset, in rem magis duxit, agmen ad Ruscinonenſis ditionis fines inſectore, oppugnandoque ibi oppidorum aliquo Noallium ab reliquis curis iſthuc avertere. Ita- que expedito curſu eò proſectus, Pratum Mo- lum machinis lacerare aggreditur. Sed ille fre- tus munitionum prædiiique robore, quod op- pido inerat, cum aut vano ſucceſſu tentatum iri aut tandiu manſurum cerneret, ut celeri ope non indigeret; non modò circa Belverum ſe continuit, quoad iſtud in poteſtate habuit, ſed capto deinde Valentia caſtro, cui mœnia decuſſit, aliisque paucis caſtellis univerſam Cer- retaniam in Gallicum juſ redexit; nullo ab Hiſpanis impedimento. Quin interim prætor durio- rem, quàm putaverat, expertus Prati Mo- li expugnationem nec multum per aliquot dies in id proſeciſſe, prope Ripollum, ubi prius in ſtativis fuerat, exercitum retulit; mox apper- tente hyeme, in hiberna diſtribuit. Per id tem- pus duas ejuſdem oræ maritimas urbes ſædò Galli dilacerarunt. Eſtræi Cômès cum duode- cim bellicis navibus, quatuor & viginti quin- queremibus, pyrolmophoris tribus ante Barci- nonis portum anchoras jecit, biduoque ollis incendiariis percuffam, in cenſo Navali dirutiſ- que, quotquot intra ejus teli conjeſtum ſur- gebant, ædibus, diſſiſſima clade affecit. Dein continuato itinere Alonem, quem nunc Ali- can-



cantem dicunt, admota classe, illum pari procella majorique domorum strage, quippe quæ litori circumfunduntur, vehementer contudit. Ceteras quoque adjacentes urbes eadem ruina involuere in animo habuerat. Verum comperito, Aquilaris Comitem Hispanienſis Claffis præfectum ſexdecim bellicas naves & aliquot quinquereſ pelago demum commiſſiſſe, acie congreſſurum, proras in Galliam vertit; vetitus ab Ludovico Rege aleam ſubire navalis pugnæ. Illata innocuis urbibus acerba, nulloque proventu, calamitas non militaris virtutis, crudelis potius odii viſa eſt; atque adeo Carolum Regem Hiſpanoſque in iram accendit ut, quos eo terrore ad pacem petendam cogi poſſe Galli ſperaverant, ad bellum ferocius diligentiusque gerendum confirmaverint. Magna proinde ejus gentis in rem bellicam ſtudia, nec unquam ad imperata facienda promptior alacritas. Et Carolus Lubkovitii Comiti Cæſaris legato præbere aures, jamdiu admonenti: potentiſſimum regnum non pecuniæ, non militum, non virium inopia, ſed incuria ſegnitiæque deſetiſci. Itaque ſe tandem reſpexit, exauthoratoque Oropeſæ Comite, qui ad clavum ſedebat, peritiores ſælicioresque alios adhibuit; ærarium incredibili beneficiariorum aulicorumque turba vehementer exhaustum in belli uſus reſtituit; non modico in præſens eventu, vix non

*In Galliam diſcedit advenſante Hiſpanorum Claffe.*

*Qui ea clade irritati diligentius ad bellum ſe comparant.*

*Ab Cæſaris Legato vehementer incenſi.*

1691.

*Gallica, &  
Fœderatorum,  
ingentes classes  
per Aquitani-  
cum Britanni-  
cumque Ocea-  
num discurrunt*

*Nulloque edito  
facinore in por-  
tum se reci-  
piunt.*

*Alexand. VIII.  
P. M. moritur.*

*Innoc. XII. in  
ejus locum sus-  
ficitur.*

irrito in posterum ; cùm subitarii non sit op-  
ris , sed eximie diuturnæque artis , inveterata  
stirpitis excindere mala , ne rursus invalescant.  
Eadem ætate duæ validissimæ classes , altera  
ab Ludovico Rege octo supra septuaginta bel-  
licarum navium , igniferarum trium ac vigin-  
ti ; altera pari numero a Britannis Batavisque  
ornatæ comparatæque , Aquitanicum Britanni-  
cumque oceanum navigarunt . Diu pervagatæ  
( cùm neutri prælium anceps , unde non æqua  
lance libratum damnum utilitasque , arrideret )  
nunquam invicem in conspectum se se obtule-  
re . Gallica deinde , postquam ventus jampridem  
in id laborantem fefellit , ne ditissimas  
Batavorum onerarias naves Smirnis redeunt  
interciperet , prima in Brivatis Macloviique por-  
tus se recepit . Nec ita multo post sua & hostes li-  
tora tenuerunt . Mortuus hoc anno Kal. Febr.  
octavus Alexander Pontifex maximus ; Princeps  
ingenio , legum peritia , & longo rerum usu  
aptus Imperio , nisi effæta jam ætas non pa-  
rum ejus in rempublicam studium retardasset .  
In ejus locum post fere quinquemestria comi-  
tia pridie Idus quintiles Cardinalis Antonius  
Pignatellus Neapolitanus susceptus est ; purpu-  
ratis Patribus , postquam tamdiu de quo eli-  
gendo non convenissent , extrema tum præci-  
pue ætate ( sextum ac septuagesimum agebat  
annum ) commendatus ; deinde clarus egregiis  
opti-

optimoque Principi consentaneis virtutibus, quæ nondum materiam nactæ, haud parum in obscuro manserant: Fato quoque cessit Hermannus e principe Badensium domo, cui ad posterorum notitiam non parum valuit exercita vel publico damno adversus Lotharingium æmulationio. Italia in metu fuit, grassante per Apuliam Peucetiam atroci lue; quæ tamen diligenti magistratuum studio intra breve, quod repente occupaverat, spatium coercita, leviori edita strage se ipsa tandem confecit. Sed aliis longe majoribus curis ærumnisque jactata conflictabatur. Cæsar exercitu tot ibi legionibus aucto, ut memoravimus, Comiti Antonio Carasæ legato non modò ejus imperium sed negotium atque auctoritatem dederat, ut curandæ in stipendium pecuniæ hibernorumque commodis ed impensius excitaret Germanici Imperii jura, quò illa tutari armis posset. Is suo ne magis ingenio, an rerum necessitati obsequutus, in id severè adeo incubuit ut & popularium fortunas & Principum animos ingenti severitate exagitaverit. Primum cum equestri legione Mediolanum ingressus nudo & stricto ense, speciem dominantis exhibere visus est, tacentibus Hispanis; ut qui aliena indigent ope, ea ne desit, cuncta vorare necesse habent. Dein cum Sabaudix Duce haudquaquam de honoris & officii genere convenit, quo excipi

*Hermannus Badensis moritur.*

*Apulia pestilentia laborat, sed citò extincta.*

*Antonius Carasæ ad Italicum exercitum missus pluram movet injuncta.*

*Gravis Sabaudia Duci.*

& agi

1691.

*Principum quoque  
relis immotus  
hiberne distri-  
buit.*

& agi secum in communi congressu vellet ; frustra Sabauda quiritante : satis pro sociorum causa detractum sibi provinciarum esse, nisi & de majestate detraheretur. Ubi verò hiemandi tempus advenit, distributis legionibus imperataque pecunia, querelarum undique irruentium strepitum eo quidem animo Carrasa sustinuit, ut nullo inflecti argumento ac de pristina sententia dimoveri se permiserit. Armatorum ad septem millia Mantuanæ regioni Montique Ferrato alenda tribuit; quatuor equestres legiones Parmensi Duci; tres Mutinensi ac peditum alteram. Parmensem agrum Romanæ Ecclesiæ fiduciarium ne molestissimis hibernis opprimeret, rogatus a Cardinali Vicecomite Mediolani Archiepiscopo Innocentii nomine, haudquam inflexus est, deditque ludicrum responsum: duo Cæsarem in Parmensi ditione habere Germanici Imperii vestigia oppida, Bardum Campianumque, eaque se militibus ad hibernandum tradidisse; quos regulus in reliquam regionem si dilataffet in hunc Pontifex Maximus actæ illic a Germanis hyemis culpam transferret. Ita graviore vulnere ludibrium damno additum. Mutinensis, qui, ne tantus equorum numerus per suæ ditionis oram stabularetur, fœni pabulique inopiam obtendebat, non prius auditus quàm equi fame deficerent. Magno Ætruriæ Duci per legatum exposulanti, durius

ritus secum agi, nihil de imposita pecunia remissum. Lucensium Respublica, ne inutili tergiversatione doni gratiam corrumpere, facilis dicto paruit. Genuensium post longas ambages quinquagenis scutatorum millibus otium redemit. Ad rei novitatem, ira dolore mista exagitante animos, Italia ingemuit; assuetaque veteres titulos uno tantum obsequio & grata beneficii memoria prosequi, ancipiti curarum æstu conflictabatur. Nec destitit Ludovicus Rex impellere motos fluctus, misso confestim Francisco Fochierese Rebenachi Comite, qui Principum alios ad iniustas ulciscendas injurias, alios ad prohibendas incenderet. Is, peragrata provincia, eos, qui dolebant recenti vulnere, admonuit: altius deinceps, ni sibi consulant, inflictum iri. Date fratres, ajebat, impotenti cupiditati; & sperabitis, ubi libitum fuerit inhibere? Assuescant Germani copiosis hibernis corrogandæque pecuniæ; & reputabitis, ex hac rerum affluentia, quando vos ærumnarum satietas cœperit, repelli posse? Jure & more vetusto, quæ vobis adversus insatiabilem rapacitatem præsidio esse arbitramini, semel violatis, nihil infirmius. Perit enim, maximum eorundem tutamentum, honestatis & non recedendi a Majorum institutis pudor. Venetos in suspicionem adducere conatus est: hanc tantam majorum luem, ubi ceteros absumpserit, ad se per-

*Rex Ludovicus  
Rebenachi Comitem ad excitandos Italia  
Principes Legatum mittit.*

*In id quæ adhibet argumenta.*

perventuram . Pertinere quoque ad Reipublicæ gloriam dignitatemque dixit, Italiam, in qua ipsi eminent, pro virili parte vacuum periculo metuque servitutis reddere . Hæc eadem Pontifici maximo commemoravit, adjecitque : inundari subalpinam Galliam adventitio finitimoque hæretico milite . Quantum hinc rebus in ea sacris injuriam, quantum Catholicæ Religioni discrimen impendere, quantum ex ipsa impietate miseris civibus ærumnarum additamentum . Hæc autem, prosequēbatur, ut difficillima ad tolerandum, ita facilis quidem negotii esse ad avertendum; tantum ut isto communiter fœdere unusquisque pro viribus arma capiat ostendatque alieni ærarii depeculatoribus: vim, si denuo intendatur, conjunctis armis propulsum iri . Quid verò, ne in hanc sententiam conspiretis, deesse unquam vobis? Pecuniam? quæ nunc largior tributis exhauritur . Armatos? in tanta sobole juventutis . Cohibeat ne vos timor incerti eventus? Primum ipsum fœderis nomen Germanos deterrebit . Dein Ludovicum Regem dare fidem, præstò vobis futurum non alio præmio, quam ut pulsis hostibus & suo statim exercitu decedente, Italia quiescat, pristinaque libertati restituta vindicis nomen ac beneficium sempiterna memoria tueatur . Hæc dum remotis arbitris afferebantur, plausu audita, commendataque edim-

*Nullo eventu,  
& quare.*

impensius Regis voluntas, quod illam nemo sequi, otii cupidus, inducebat animum. Idque deinde ab omnibus, cum legatus urgeret, palam prolatum est, aliis alia causantibus: Venetis Turcicum bellum, cui vix sufficerent, cuique sibi e sententia gerendo finiendoque Cæsarem non irritare opus foret; Pontifice maximo, graviorum curarum obtentu exactam atatem, cujus non esset, magnæ molis negotia tantamque rem aggredi; ceteris, morbo ipso periculosius remedium, re vera armorum desuetudinem disunctosque controversiis aut æmulatione animos, ut inter finitimos. Literis tantum officiisque a Pontifice maximo ac Veneratorum Senatu apud Cæsarem & Galliæ Hispaniæque Reges quæsitæ Europæ, in primis Italiæ pax; non alio eventu quàm qui ab iratis & nondum bello fessis expectari poterat; querelarum scilicet, vix non in convitium abeuntium, quibus alter in alterum contulit armorum culpam negavitque se illa positurum nisi acceptis conditionibus, quæ stabile e sua cuique sententia, vel potius utilitate, sponderet otium. Galliam infestis copiis undique laceffitam Italicum præter cetera bellum degravabat, alpium superandarum difficultate non minus fatigante milites quàm ærarium; & nusquam, si utrisque parceret imminuendo ibi exercitu, ad hostiles incursus apertam magis immunitamque. Quocir-

1692.

*Ludovicus Rex  
clam Allobro-  
gem de reconci-  
lianda secum  
amicitia tentat.*

*Conditiones of-  
fert.*

ca Rex ut illud extingueret, cum nihil Rebenachi Comes in id proficeret, aliud se vertere atque ipsum ad integrandam secum amicitiam tentare Allobrogum Ducem ab sua maiestate, utpote victor, alienum esse non reputavit. Chaulzi dynastiam, quo multum ad res arcanas utebatur, clam pergere ad illum iussit ac renuntiare: propositum sibi esse, Momiliani Nicæque munitiones penitus æquare solo, nisi ipse damnum præveniat Italiæ pace restituenda finiendoque illic bello, quod vix non extrema rerum suarum pernicie propero nimis consilio inflammasset. Tales autem offerre conditiones reconciliandæ invicem gratiæ, quales si respuat, palam facturum sit, in armorum discrimen non sedato animo sed præoccupatæ mentis impetu se se obtulisse. Omnia scilicet recepturum, quæ adhuc jure belli in Gallorum venerant potestatem constituiebantque majorem Imperii sui partem; non prius tamen Momiliani, Segusii, Nicæ, Villæque Francæ compotem fore quàm ubique penitus quieverit armorum turbo. Aut si malis: Momilianum, Segusiumque Pontifici maximo ac Veneis; duo reliqua Helvetiis ære Gallico tuenda Regem traditurum, quoad restituendi tempus adveniat. Ut verò nihil ipsi ab obtinentibus Casalem urbem arcemque timendum sit, utramque Pontifici maximo ac Venetis in tutelam committi haud abnuere.

Quin



Quin etiam, ne pudore se impediri dicat quominus delecto fœdere quidpiam detrimenti sociis afferat ; accipiat ab Rege fidem , prorsus ab hostili incurſu Mediolanenſem provinciam immunem fore . Quæ ſi pacato animo expendat , nonniſi grata accidere poſſe reputanti exantlatas imminentesque ſibi calamitates , & quid iis amoliendis adhuc potuerint Britannica pecunia , Fœderatorum vires , fœx illa e Cottiis valibus Calvinianorum . Hæc ſimul exaratis propria manu ad illum literis confirmavit , ratus ea benignitate ſe leniturum ejus animum , jamdiu elatis minacibusque Franciſci Michaelis Tellerii Lovoſi Marchionis dictis vehementer exacerbatum , qui Regi ab politicis negotiis ſuperiori anno deceſſerat conſueveratque e blandientis fortunæ proſperitate minores Principes , dum ſæpius cum ipſorum legatis ageret , flocci pendere ; oblitus , nihil iniquiore animo ferre illuſtri ſanguine viros , ac deſpicatui haberi , ab iis præſertim , quos dudum infra ſe viderint , & caſus extulit . Victorius comperto Chaulæi Pinarolium adventu & quid afferret , illum Aula interdixit ; Regis epistolam non ſignatam remiſit , ne Fœderatis mutata fidei ſuſpicionem injiceret ; ac legato per Marchionem oppidi ad D. Thomæ Fanum reſponderi voluit : non eſſe cur , quorum amicitiam ingenti adhuc ſuo damno coluiſſet , nunc in melioris fortunæ

*Sabandæ Dux  
Chaulæum non  
recipit .*

*Omneque re-  
ſpuit reintegrâ-*

1692.

*de pacis condi-  
tionem seorsum  
a Fœderatis.*

*Carrasam sibi  
molestum revoca-  
ri, a Cæsare  
obtinet.*

*Ac se Germanis  
auxiliis præfici.*

*Et bellum intra  
Galliam tradu-  
ci.*

spe, quæ affulgere videretur, desereretur. Sibi, ut salutis ac dignitati caveret, fœdus illud percutiendum fuisse; modò, postquam cautum fuerit, sedulò curandum esse ut ne acceptæ opis memoriam abjecisse videatur. Hæc magno sane usui Victorio Amadeo fuerunt, aucto apud socios, postquam tanti ab hostibus fieri visus est, sui pretio. Quamobrem postulanti, ab Italicarum rerum procuratore dimoveri Comitem Carrasam, gravem infestumque sibi auctoritatis officiorumque contentione, & animi imperiique nimium, se quoque præfici Germanis auxiliariis; Cæsar annuit Carrasæ, simulata occasione, in Aulam revocato. Consanguinei causam oravit Eugenius Princeps, in id summa hyeme Viennam regressus; dixit autem injucundam & vix non inutilem censeret opem, qua quis uti ex aliena voluntate sententiaque debeat; rei autem bellicæ moderandæ Victorium non imparrem videri posse, qui tot strenuitatis documenta dedisset; nec immeritum, cujus in summo rerum suarum discrimine & adversus hostium blanditias staret invicta fides atque amicitia. Egit deinde ut, quod initio destinaverant, jam tandem Fœderati per immunitos alpium saltus hostem impellerent; qua parte sibi maxime timendum esse, illecto ad reconciliandam secum gratiam Allobrogum Duce, patefecisset. Vigere Galliam, inquit, quoddam nullo adhuc interio-

ri conscissa sit vulnere . At si senserit ferrum intra viscera , protinus animo ac viribus defecturam . Verum cum alibi tot validissimis conclusa oppidis non facile ad ictus pateat , ex Italia conscindendam esse , cui seu alpium fiducia seu finitimorum contemptu unum obijciat Pinarolium , quod expugnare magni quidem negotii foret . Sed alpes ut commercio ita & bello non ex hoc uno loco se se aperire . Et armatis commodiorem illinc daturas aditum , unde hostis ( utpote inusitato legionibus itinere ) eos non reputet irrupturos . Vera Cæsari visa quæ in hanc sententiam afferebantur . Itaque ad supplendum in Italia exercitum quatuor millium per Tiroleam provinciam delectum haberi , Æneamque Caprarum legatum subductam ab Rheno manum alteram vixdum mitesciente hyeme ducere illuc iussit . Suas quoque ibi copias , Cæsare adhortante , Hispanus ; Vilhelmus Rex pactam Allobrogi pecuniam auxit . Ei siquidem haud minor quaquaversum concutiendæ Galiliæ , ut staret ipsè , inerat cura . Ab exercitu discedens paucos dies Loi se abdiderat , animi & vultus adversus tacitas vulgi querelas firmandi causa . Inde Hagam profectus aditoque supremo Fœderatarum Provinciarum magistratu , verecunde excusaverat improsp̄eros in Belgio armorum successus , & quodd factæ spei non respondissent ; addideratque : id tamen in hostium

*Caprara cum recentibus ab Cæsare auxiliis in Italiam venit.*

*Vilhelmus, Rex Batavorum Senatū ad augendos exerci-*

1692.  
*tum & classem  
 hortatur.*

*Senatus annuit  
 Regis dicto.*

*Itemque Britan-  
 nicum Conciliū.*

stium perniciem conversum iri . Quippe nimia contentione , quam adhibuissent , frangi vires ; & ingentes conatus , non diuturnos . Contra sibi , perpetrato Hibernico bello , quantum roboris ; sociis e tanta Ludovici Regis prosperitate quantum solitudinis accessisse ? Quare sibi major facultas , voluntas aliis supplendi exercitus ulciscendique recentia vulnera , vetera obliterandi . Huc igitur & ipsi intenderent studium , amplificato terra marique bellico apparatu ; ac reputarent : nihil incommodum & laboriosum , ubi reipublicæ salus agitur . Regis dicto Batavi assensu sunt ; nec dissentire liberum erat , ejus & Gallorum potentiam nimium veritis . Conscripti proinde novi milites , Centesima quater hoc anno civibus imperata , quidpiam navium ad classem additum . Quæ ubi decreta , Vilhelmus iter in Britanniam continuavit coactoque procerum legatorumque Concilio eadem disseruit , orsus ab domitis Hibernis & pace per Britannicum Imperium ubique parta . Dein prosequutus : huic nulla requie insidiari Gallos , nec unquam , nisi penitus fractos , ab hujusmodi insensâ mente recessuros . Quocirca deliberratum apud se habere , perduellionis domitorem exercitum in Belgium traducere ac dare cum Fœderatis operam , ut alienæ reipublicæ perturbatoribus ab sua periculum dimovere , non parum sit . Verum in hujusmodi expedi-

ditionem ararium non sufficere . Illud igitur  
 supplerent temporariis tributis nec sinerent,  
 saluberrimum consilium , rei nummarie , qua  
 cives affluant , difficultate ad irritum cadere .  
 Nihil negatum , quod in rem foret ; amplis-  
 simaque pecunia decreta est . Non minus enim,  
 quam Vilhelmus , legatorum Conventus time-  
 bat : vixdum facta popularibus adesset spes re-  
 stituendi Jacobi Regis , orituras ubique turbas  
 & se in ordinem coactum iri ; odiofo , ut ple-  
 rumque fit , presenti dominatu ; irritatisque  
 animis , qudd viderent eò denique tantum  
 recidisse rerum omnium perturbationem ut  
 paucis potentiam pareret . Haud ignotum Lu-  
 dovico Regi , quid hostes machinarentur , id-  
 que stimulos addebat jam antea properanti  
 ipsorum consilium pari consilio prævertere . Sta-  
 tuerat autem præcipuam belli sedem in Belgio  
 constituere atque isthic ductu auspicioque suo  
 quidpiam coram æmulo Rege memorandum  
 gerere quo illius fama concideret , inijceret-  
 que opinionem : Gallicas præliando accrescere  
 vires & hostium damno protrahi ac duci bel-  
 lum . Simul commovere iterum studuit Angli-  
 canos fluctus , datis Jacobo Regi maximis au-  
 xiliis ; gnarus eam gentem filere metu , non  
 voluntate . Hibernorum ad quindecim millia ,  
 qui stipendia legitimo Regi facere se se obse-  
 maverant , pactis induciis in Galliam transmise-  
 rant ,

*Lodovicus Rex  
 suas quoque au-  
 get terra mari-  
 que vires .*

1692.

rant, appulsi ad Normanniæ litus. Sarsfieldus aliique legati eos duxerant, reliquias Hibernici exercitus, quibus, prout e re sua duceret, Jacobus uteretur. Duo in illa in Italiam, quatuor in Hispaniam missa. Reliquos totidem adjunctis Gallis circa maritimam oram versari placuit, inde cum ipso Rege in Angliam trajecturos. Interea quæ ad rem sæliciter exequendam opus erant, sedulo parabantur. Jacobus ad clientes dynastarumque potentiores dedit literas, quibus admonuit se mox affuturum iis valentem viribus, quæ illicerent extraque discrimen ponerent ipsorum fidem. Viderent proinde, ut quam Regi suo, quam oppressæ reipublicæ deberent operam, secum navarent, memores: negatam præstitamve in tali fortuna geminare crimen aut meritum. Dispergi simul per cives per fora curavit diploma typis exceptum, quo regium interponebat nomen, se omnem præteritorum memoriam oblivione sempiterna deleturum; cunctis præter tricenos, quos nuncupabat, fatalis hujusce discordiæ daturum veniam, dum tamen ad præteritam noxam nihil hostile modò adderent, ab suoque exercitu vim dolum insidias abstinere; fore cuique liberum, qua velit religione sacra facere; eam verò, quæ Anglicano ritu coleretur, sancitaque ad ejus tutelam publica auctoritate leges & Majorum instituta diligenter

*Jacobus Rex cum maximis Gallorum auxiliis ad trajiciendum in Angliam se parat.*

*Omnibus præter triginta spondet præteritorum veniam.*

*Religionum libertatem, ac legum tutelam.*

ter se tutaturum ; annisurum omni studio ut  
sedatis animorum dissidiis pristina Regno redeat  
ferenitas, otium, pax, & alumna pacis felicità  
tas ; spondere tandem, quicquid externorum  
militum secum adduceret, vix ipse civium  
fidem expertus fuerit, abiturum. Jussu pariter  
Ludovici Regis contractæ ad ea litora ingenti  
numero ad traducendos milites actuariæ naves,  
iisque imposita ad popularium delectum, quo  
exercitus augetur, arma omnis generis, &  
quicquid fert usus ornandi belli. Summa ne-  
gotii erat expedire fretum ac tutò appellere.  
In id nonaginta bellicis majoribus navibus im-  
peratum ut mature, unde hyemabant, Briva-  
tem convenirent, ac transmittentibus onerariis  
liberum præberent iter. Rex ipse Tourvillo ma-  
ris præfecto ad se vocato severe indixit: ad-  
versam classem vel summo periculo, si Angli-  
cum obsepiret litus, aggrederetur & nihil in-  
tentatum relinqueret, quin dissiparet. Cauta,  
insit, consilia servandis rebus, non recuperan-  
dis idonea esse; nec ab laude abhorretere teme-  
ritatem, qua solum ingens facinus patrari queat.  
Sensit ille, quò tenderent Regis dicta; doluit  
cunctator existimari, habitus superiori ætate  
nimium cautus; hæsitque animo data segnitæ  
socordięque suspicio, magnanimis viris intole-  
rabilis ac plerumque noxia Reipublicæ, dum  
illam vel temerariis incæptis abolere connitun-

*Magnum a  
Ludovico Rege  
navale robur,  
ac militares ap-  
paratus ad Bri-  
tannicam expe-  
ditionem com-  
parantur.*

*Tourvillo im-  
perat, ut omni-  
no cum adversa  
classe pugnet.*

1692.

tur. Tanti maritimi apparatus fama extemplo in Angliam pervasit nec, quamobrem fieret, ab Gallis occultabatur; idque eo consilio ut si disperso rumori Vilhelmus crederet, siteret in Anglia suas copias minueretque imminentes Galliarum Fœderatorum vires. Si fidem ei negaret; traductis in Belgium legionibus, molliret Jacobo viam recuperandi Imperii, unde Ludovico gloriæ decus; certior, pacata Britannia, vincendi spes. Vilhelmus re secum & cum interioribus amicis diu multumque perpensa, in eam sententiam descendit quæ post domitos ubique dissidentes turbulentosque cives nihil ab domestico tumultu; & quietis popularibus; nihil ab externis hostibus timendum arbitrabatur. Itaque præmissis per hyemem quinque & viginti armatorum millibus, Vere ineunte conscendens in Hollandiam venit. Vix eo digresso turbarum per Britanniam indicia patuerunt. Quin & ubi compertum fuit, Jacobum Regem mox soluturum in opposito continetis litore diversari, non obscuris alicubi sermonibus agitari cœptæ. Gravis inde Senatuum regiamque Conjugem incessit metus, procellam haud longe abesse; qui timor tamen, ut solet, ne ad repellendam incumberent, haudquaquam ipsorum contraxit animos. Primum conquirendis custodiendisque, quorum fidem suspectam haberent, impensum studium. Pro-

ce-

*Vilhelmus Rex  
nihil secius in  
Hollandiam  
transgreditur.*

*Quid ad reprimendos tumultus, ac se tuendos in Angliam geritum.*



cerum plures, in his Cunctationis, quem nunc Marleborugum dicunt, Comes, Ducis deinde ausus titulo & bello clarus, Londinensi arce conclusi aut pignoribus obligati. Complures cuiuscunque ordinis in carcerem coniecti. Quotquot regia in urbe Catholici nominis, ultra decimum lapidem abire iussi; ubique armis equisque adeptis, abstinere munitis locis atque inter se congressu. Ceteris mandatum, ut ab litore in mediterranea abducerent quicquid usui appellentibus hostibus esse posset. Altera augendi exercitus cura fuit. Tres equitum sagittariorum legiones; decem peditum ad regni tutelam manserant. Harum pars prope Londinum locata, pars maritimarum urbium praesidiis addita. Sex, quae ad trajiciendum navigia ac ventum expectabant, ad Portum magnum retentae; quod non ita multo post e Scotia tres, totidem a Belgio, quinque ex Hibernia traductae aliquam exercitus speciem exhibuerunt. Lageniae Comiti ipsarum imperium datum cum mandatis: legionarios suppleret provinciali milite quem per eos dies ad signa vocaverat, eoque circumduceret; quod adversae naves proras obversurae viderentur. Data instruendae celeriter classi opera, ut propere ornata coalesceret, cum Batavisque conjuncta teneret mare atque hostem arceret. Summa in hoc rei versari videbatur, ac fere unica retinen-

dæ salutis spes. Nam Vilhelmo fidiſſimus cenſebatur Ruſſelus, ejus præfectus, & navarchi datis dudum ad Reginam, communi conſenſu literis fidem obligaverant, ſe hoſtium navibus, ſi minus e portu egredi, ſaltem Angliæ litus interdikturos. Contra: per provincias ingentes ciebantur motus, & reperta alicubi arma, equi, ſulphurati pulveris copia, quibus inſtructa ſeditio aliis animos, aliis metum iniiceret, uti lenique adventanti Jacobo Regi ſe offerret. Dum, quod res inclinatura foret, ambigitur; caſus, ut non raro, conſilium evertit nutantemque fortunam Vilhelmo retinuit. Maturaverant Galli navalem apparatus, ut priuſquam hoſtiſ integra navigaret claſſe, tutò in adverſam oram belli instrumenta ac milites exponerent. Apetente Vere Æſtræi Comes cum duodeviginti bellicis navibus e Telonis portu Brivatem proſecturus, quod reliquis conveniendum erat, ſolvit. Diu reſſante jactatus vento, deinde atroci ad fretum Gaditanum procella, qua duæ naves fractæ hauſtæque fluctibus, vix incunte junio eò perveniſ. Damnum rependerat duodecim incenſis Britannicis onerariis bijnſque bellicis, illas præſidii cauſa comitantibus, vi tormentorum demerſis, quæ ipſi fortè occurrerant tranſgredienti fretum. Sed pluris fuerat moræ detrimentum. Dum enim verberando tempus terit, & procelloſum mare tardat iter, ſpatium hoſtes

*Clasſis Gallica  
vario caſu co-  
leſcere nequit.*

ac-

ac-

ac-

*Tourville mandatum, ut quas secum haberet, naves, e portu ducat.*

acceperant colligendæ classis obsepiendique, ne transmissuris pateret, litoris. Quod ubi cognitum Ludovico Regi, casum in consilium vertens Tourvillo mandavit: cum iis, quas secum haberet, navibus inimicas (nam ne has quidem penitus coaluisse perceperat) invaderet occuparetque pugnando, ne discrimen trajicientibus onerariis possent obijcere. Ille cum septem ac triginta bellicis, septem incendiariis Britate discessit, haud dubius, brevi sibi affuturas, quas Æstræus ducebat, quasque tricenarum in Armorica ad S. Maclovium Rupemque fortem ventus detinebat. Harum septem quatuorque incendiariis paucos post dies auctus australem Angliæ legebat oram adversus Plimutum, cum IV. Kal. Jun. sub auroram datur a speculatore signum vela conspici; sed nondum aperto die, & quatuor amplius passuum millium intervallo, quota forent, recenseri nequaquam posse. Classis erat Fœderatorum ad Vectim insulam collecta sex ac viginti Batavarum navium, quibus Alemondus præerat; octo supra quinquagenas Britannicarum Russello prætorum duce. Ventus Gallos ad eas ferebat, quem sequi, licet incerto, quo hostiles essent numero, Tourvillo placuit; rato nondum omnino explicari potuisse atque in unum coire utriusque gentis maritimas vires; seu potius verito cunctatoris nomen, cujus oborta in Rege suspi.

*Occurrit Fœderatorum classis.*

1692.

*Licet impar pug-  
nandum sta-  
tuit.*

*Pugnæ ordo,  
fortuna, even-  
tus describun-  
tur.*

picione faucium gerebat animum. Nusquam enim obviam habuerat unam aliquam celocium decem, quæ, vixdum illoc pervenerat certus nuntius: Fœderatorum navale robur prorsus expeditum vela in altum fecisse: ex Armoricæ Normanniæque litore dimissæ ad renuntiandum erant, ut relegendo itinere repetendisque Galliæ portibus impar adeo numero sibi caveret. Quare interior periculo factus, quod incaute lubierat, alacriter adeundum censuit; averfatus fuga, quam tutò capeßere potuisset, se subducere; memor famæ & Gallicæ, se duce, navalis gloriæ. Ubi in conspectu fuerunt classes, utrinque obverso latere in longum direxere aciem triplici distinctam agmine. Primum Fœderatorum tenebant sex ac triginta Batavæ naves Alemondo præfecto; medium sex ac triginta Britannicæ, quæ rubrum vexillum Russelo supremo duce sequebantur; postremum ejusdem gentis quinæ vicinæ, quæis ceruleum propositum pro signo, & Eques Ashbyus imperitabat. Galli quadraginta navibus, dimidia fere parte minores erant. Igitur ad hostium æquandam aciem, ne circumveniri possent, suas inter se nimium distrahere, opus fuit. Quatuordecim in fronte positæ, totidem a tergo. Illis Amfrevil. læ Marchio, his Gabaretus, lenis denisque Tourvillus moderabatur. Dum ita se comparant, pugna incœpit qua nulla unquam navalis atrocior.

cior. Nam Fœderati quinis amplius millibus majoribus tormentis, Galli tribus fere millibus celerrime jaculabantur. Vulnerari proinde passim alvei, dissipari armamenta, discerpi vela, dejici mali, hominum corpora fœdissime dilacerari. Sed nusquam ferocius defœviit, quàm acie in media, ubi ambæ Prætoriz inter se concurrerant, ac præter ceteras impetu vehementiori se concerpebant. Eò proinde præcipua utriusque partis verterat cura; Fœderatorum, ut illic urgerent pugnam novis navibus inductis; Gallorum, ut ab se tantum discrimen amolirentur. Ergo quot Batavæ otiosæ manebant superante numero, velis enitebantur ut primam supergressæ hostium aciem, ac deinde proras circumflectentes, medium illud Gallorum agmen ex opposito latere divexarent. Quod ubi Amfrevillus compertum habuit, elusit ferale consilium, jussu Nesmondo prolegato sex, quæ in fronte sub ipsius tutela erant, naves opponere circumvagantibus Batavis iisque, ut ut posset, obstruere viam. Ipse octo reliquas, penitus dissoluto primo agmine, ita molitus est ut earundem modò unam, modò aliam adortus, ostentatoque ubique prælio, cunctas ab destinato cursu retinuerit. Dum hæc in fronte geruntur, non minus ab tergo periculum Gallis oblatum est. Paneterius Gallus prolegato, cui postremus ordo claudendus erat, quatuor, quas du-

ductabat, naves nondum ad reliquas in pugnae usum admoverat. Tenuit occasionem Eques Ashbyus Britannus, subductasque e praelio suarum quatuor ac decem, quae a tergo erant, in eas movit praedae certus. Quod ubi Panetorius vidit, & se, nisi arte caveret, in plagas induci, simulata fuga velis adeo connisus est ut sumpto spatio, atque hoste tardius, ut conglobatim navigaret, insequente, illum deluserit, foeliciter sub vesperam inflexo cursu ad suos redux. Ashbii discessu Galli minus tormentis diverberati nonnihil respiraverant. At illo dum sol occideret ad pugnam regresso, obruti rursus immensa telorum vi parum ab extremo periculo abfuerunt. Saluti fuit densissima e pelago surgens nebula noctis adventu; qua penitus conspectum adimente, machinarum conticuit strepitus ne in incertum jacularentur. Verum non ita multo post luna, quae fortè pernox erat, dissipante caliginem, recondit praelium, crevitque Gallis atrox discrimen. Horum praesertim praetoriam navem conscissam undique ac verberatam jam prope vires defecerant, ad eamque servandam Gabaretus aliique majores duces quidpiam validarum adhuc navium adduxerant. Ceteras navarchorum arbitrio reliquerant; & suam unusquisque, ut ut infensus posset, privato consilio adversus occurrentem hostem moliebatur. In eo tumultu Britanni aestu fe-

ferente, octo incendiarias in medium inimicum agmen immittunt, quæ tamen Gallicis lembis audacter diductæ, aut data via, nullo successu ignem occultamque pellem vomere. Lentior deinde ad secundam usque noctis horam processit pugna, cum fractæ utrinque debilitatæque naves non ferocem adeo jaculandi vim retinerent. Nec ita multo post, obruente iterum mare nebula & conspectum adimente, prorsus quievit. Dum ita otiantur, Britannicarum globus in adversam hostium partem paullo ante, ut diximus, circumvectus, pristinum in locum (qua causa ignotum) se retulit, fœdissime, dum prætervehitur inimicam aciem, telis contusus. Ejus discessu liberum fuit Gallis petere Normanniæ litus, cum præsertim æstus obsecundaret ac ventus mutato cursu eò ferret. Itaque Tourvillus bombardæ boatu suis, quod vellent, abeundi signum dedit. Novem naves tenere Brivatis portum. Reliquæ noctu vagatæ, ubi dies illuxit, circa prætoriam se colligentes, Macloviopolim navigabant. Viam accelerantibus (hostis enim vestigiis prosequabatur) iniiciebant moram tredecim claudæ mutilæque, in his prætoria misere concussa ac prope hausta fluctibus. Hæ proinde, ne ceteris discrimen facerent, circa Haguæ promontorium impactæ in proximum litus; spe, Britannos breviam, quæ illic surgebant, declinatueros. At celeriter

*Federati victores Gallicam classem fugientem insequuntur.*

*Quanta utrinque clades.*

1692.

ter affuere cymbis exutasque jam antea nautis armamentisque, quin & aliquot onerarias, quæ fortè ibi in anchoris stabant, incenderunt. Reliquas Macloviopolis portum ingressas tentare haudquaquam ausi; in Angliam, suas instauraturi, se receperunt. Stetit ea pugna Gallis mille quadringentum nece, paullo plus trecentis vulneratis, inter utrosque nemine majorum ducum, minorum ad octoginta. Quæ clades, si de uno maris imperio actum foret, non multum iis offecisset. Nam citò suppleta classis Æltri navibus aliisque nondum portu digressis. Verùm elapsa e manibus rei bene in Britannia gerendæ occasio nullo pretio æstimari poterat. Parta enim Fœderatis victoria, licèt ingenti suarum navium laceratione, duabus demersis, cæsis hominum ad duo millia, in his Carterio prætore, sauciis mille quingentis, comprefert ibi rerum novarum cupidos atque otium adduxerat; moderata consilia suadente conjuratis adversa capto ab se consilio fortuna quæ, nisi desperatis rebus, demittit animos. Itaque Reginæ ac Senatus edicto domum populares, qui ad signa convenerant, dimissi;educti e custodia procerum plures, quorum fides suspecta fuerat; nec ultra inquisitum, ne tractando, vulnus recrudesceret. Frustrata in Angliam traijciendi spe, ad S. Germani Fanum Jacobus Rex e Normannia rediit. Milites, qui diu

*Hinc Britannica  
conjuratio eva-  
nit.*

*Jacobus Rex  
ad S. Germani  
Fanum re-  
dit.*



diu isthic transmissioni apertum mare præstolati fuerant: ad alios augendos exercitus in diversa distracti. Litus cum provincialium agmine, si descensum tentaret hostis, Bellefontæo legato tutandum committitur; & alicubi erectæ munitiones præsidiumque impositum. Verum Fœderati, excitata prius ingenti maritimæ expeditionis suæ fama, ut ad oceanum extenuatis alibi copiis Gallos averterent, nihil moverunt, suspensi expectatione Belgici belli ex ejusque fortuna consilium moderaturi; quam non diu post Gallis faventem in suas partes allicere, classiario milite in id Ostendam traducto, curandum fuit. Rex Ludovicus centum quinquaginta armatorum millibus Montes Henoviæ caput, quod convenirent, indixerat eoque adulto Vere cum Regia Domo majorumque ducum ingenti numero se contulerat, Namurcum oppugnaturus. Rem Fœderati facili conjectura assequuti fuerant, conscii per hyemem congestisse Gallos in proximas arces ingentem machinarum & bellici instrumenti copiam. Itaque & ipsi omni studio ad urbem tanti momenti validissime propugnandam se comparaverant, haud ignari: ejus potitum hostem non modò cognominem provinciam in potestate habiturum, sed impunè Bruxellas usque vagari posse. Præsidium auxerant ad militum decem millia, quibus præerat Barbansonius Princeps. Centum

*Rex Ludovicus in Belgium ad exercitum pergit.*

*Namurcum invadit.*

1692.

*Oppidi munitiones & apparatus describuntur.*

tum quinquaginta murales machinæ mœnia tuebantur. In longam oppugnationem cominitibus & iis, quæ ad belli sunt usum, consultum fuerat. Sed præter cetera loci natura multiplicelque munitiones irritæ oppugnationis spem faciebant. Jacet oppidum ad lævas Mosæ Sabisque confluentium ripas, ubi externus angulus Boream respicit. Qua parte alluitur, tenui lorica turribus intersecta cingitur. Oppositum latus, utrique succedens flumini, leniter incurvum inflectitur. Rostrata ibi maxima propugnacula, intus lato aggere, foris fossa viaque promurali, & prope Mosam interiacentibus parvis protecta. Ex interiori acutoque amnium angulo biceps assurgit tumulus. Dextro insidet insigne cornutum opus, quod a Vilhelmo Arausionensi, Britannicæ deinde Rege, ejus auctore nomen habet. Illinc modico intervallo, ubi collis confragrosus descendit, tria castella ad impediendum iter frontem occupant. Sinistram tumuli partem triplex, unum alteri superimpositum, discriminat cornutum opus, quod latera distincta propugnaculis ad utrumque fluvium protendit. Paullo ultra verticem prope crepidinem, unde se collis inclinat asperiori dorso, cespite compactus agger eductus fuerat. Ex hac munitione Mosæ ponte conjungitur; cujus aditum quadrata prohibet arx in adversa ripa. Illinc planities panditur. Ceterum ubi-

ubique per gyrum difficiles eminent montes interiectis vallibus ac saltuosi . Ludovicus præmisso Condzi Principe cum aliquot legionibus ad intercludenda externis auxiliis itinera , iustoque Beufferli Marchione cum globo altero dextram obsidere amnium ripam ; datis quoque octogies millibus Luxemburgio legato , quos Fæderatis ad solvendam obsidionem properaturis opposeret ; reliquas copias Namurcum ducit . Speculatus , obequitando , circumpositam oram atque e proximo edito colle , qua parte promptius mœnia superari possent ; statuit patentia tantum itinera munitionibus occludere ; satis alibi obsepientibus aditum diruptis jugis ; militari vero aggere extrema utrinque proximaque fluviis propugnacula , quodque mediam intersecabat loricam , subire . Sed illud peti maxime , quod Mosam ingreditur . Ad hujus viam tectam quatrIduo perventum est ; nec multo hæc sanguine in potestatem redacta , postridie aditum dedit ad promuralem parmam unde præsidarii se proripuerant , rati ab se melius illam , ariete non parum decussam , vibratis ex oppidi muro jaculis & non aperto corpore defensum iri . Et magna quidem ingredientibus Gallis illata illinc cædes ac vulnera ; non tamen , quin pedem figerent stationemque firmarent , prohibiti . Inde statim adversi propugnaculi ferire latus intermediamque fossam com-

*Celeberrima  
oppugnatio,  
memorabilesq;  
in ea casus &  
facinora enar-  
rantur.*

complere adorti, dum simul vehementius ignivomis ollis, quarum una pari civium metu ac damno bis mille pyrochitris cavea conclusis flammam intulit, urbem affligunt; hanc citius, quam speraverant, in deditionem perpulerunt. Pacto convenit, ut sua populares inanerent iura; miles in arces recederet; has inter atque oppidum induciæ forent. Ad arces igitur ex altera parte oppugnandas traductus, Sabini exercitus. Arduum erat per abruptum dorsum in altum evadere; idque prius ad eam partem, quæ Mosa alluitur, tentari placuit. Tredecim pyrochitrophorum centuriæ, quas quingenti pyrobalistis armati subsequebantur, non alia primum quam itineris difficultate morante gressum, alacriter se se erigebant, occulto inter anfractus hoste & raris infrequentibusque stationibus in summo clivo. Parum ab eo distabant, cum ille in apertum profiliens tantam effudit jaculorum procellam ut progredientium turbaverit ordines; nec in vestigio stetissent, ni clamor a tergo auditus suorum, celeri ad opem ferendam procedentium cursu, ipsis robur atque animos restituisset. Sex erant veteranorum legiones, quæ præpilatis scorpionibus ea ferocia dedere impetum ut objectum agmen obstinata propulsum pugna, cedere coactum fuerit mutua bis centum clade. Magna ibi virtus enituit Subisæ Principis, qui earum ductor legionum non

non prius imperio, manu, consilio quievit, quam captum in superiori planitie locum agere circummunierit adeo ut postmodum erumpentes oppidanos facile ab se depulerint. Valido ibi surgens obsepiebat ad arcem iter. Valido erat castello interfectum infessumque ingenti praesidio. Non tamen irruentium ferociam, quamquam strenue propugnatum, sustinere diu potuit. Dum irruunt Galli, aderat in propinquo Rex, oculis quid quisque suorum ageret percepturus; quo summo opere exacuitur virtus, facta inde spes: illam conspectam in pretio fore ac tandem, ut saepius accidit, initae minoribus titulis apud Principem gratiae non concessuram. Itaque strictis gladiis atque extrema conati, aggerem supergressi pepulere sub ipsa moenia hostium agmen. Facinus utrinque hausit plurimos. Nec Rex periculo caruit, icto pyrroscorpionis vi, dum ei latus contingeret, Tolosae Comite. Non prius tamen se retulit quam penitus retinendae munitioni prospectum foret. Nulla deinde fuit mora quin ad utramque simul arcem vineae promoverentur, improbo sane labore ob pluvium diu caelum & ruentia perpetuo e muris machinarum fulmina; semel quoque septingenti ex utraque arce sub signis egressi primas Gallorum itationes conficere jaculis & quidpiam valli dissiparunt. Nihil tamen tanti erat, quod non vinceret patientia

1692.

tia militum insitaeque ei genti Majorum exemplis institutisque opinio : bene pro sui Regis gloria ac felicitate , quicquid sibi est , devoveri . Ludovicus etiam rem strenue gerentibus addebat animos , ea ætate ( quantum & quinquagesimum agebat annum ) quaquaversum discurrens , objectus periculo , dum sapius ad vallum procederet ; militi non laudum non præmii parcus . Citius ad imminentem Sabi munitionem deductus agger hærebat viæ testæ , cum in illam quatuordecim pyrochitrophorum cohortes nullo undique micantium telorum metu ferociter irruunt . Stabat ex adverso major præsidii pars cum ipso munimenti architecto ac præside Coehorno tribuno , qui velut ad extremum discrimen , eò cum validiori militum robore se contulerat . Irrumpentibus Gallis præsidarii resistere primum incredibili audacia ; illos deinde præcipiti progressos impetu in mediam viæ testæ arcam detrusere nitrati vi pulveris , quo subtus incenso terra movit projecitque longius sæde lacerata superstantium corpora . Verum ipsa , ut fit , difficultate irritati Galli , & Regis memores , dedere iterum cæco adeo furore impressionem ut saucio Coehorno tribuno pluribusque militum contrucidatis reliqui per stragem murorum intra munitionem se abdiderint effusa fuga . Nec mora proposito deditionis signo Gandavum omni militari honore sed longio-

giore itinere , ne ad suorum exercitum diverterent , dimissi sunt . Mille nongenti fuere , in his Coehornus aliique octoginta minores duces . Totus deinde in veterem arcem versus impetus , quò tridui opera vallum productum . Duæ illam tegebant promurales fossæ . Ad exterioris marginem oppidani frequentes conveniant ; nec oppugnatoribus parum laboris fuit , ipsos protrudere . Protrusi tamen post sævam pugnam ad interiorē se corpiunt , ubi postriedie non minori ferocitate confertum prælium . Mille ac trecenti Gallorum pyrochitrophori , duabus peditum legionibus agmen claudentibus , obliinate adeo ( Rex enim spectator aderat ) sese immittunt ut quamquam strenue obssisteret ex ipso loco præsidii pars , alii e superiori arcis lorica tela ingererent , bis quoque nitrati vi pulveris terra sub hostium pedibus discississet ; nihilo secius prope confictu abrepti in ipsam arcem detrusi sunt . Jam mœnia tormentis lacera dabant aditum , isque vixdum æquata fossa tentari cœptus . Præmissa e pyrolmis bombardisque ingens telorum ollarumque vis præsidarios illico non parum dissipavit . Mox per stratum ruinis clivum tres pyrochitrophorum cohortes silentio progressæ , hæc illac disperfos & vix semel jaculatos in fugam consternarunt , signaque brevi negotio in media statuerunt area . Duo reliqua manebant opera

Tom. II.

Z z

sed

1692.

*Oppidum &  
arces Gallis de-  
duntur.*

*Quæ in oppu-  
gnatione uirri-  
que cædes.*

*Rex Ludovicus  
Versalias rediit.*

*Federati suas  
Copias colligunt  
ad ferendam  
Namurco opem.*

sed infesta spiculis, quæ tormentis intorquæri in ea poterant e superiori loco. Aliquam proinde facere isthic moram plurimo præsertim sanguine desperataque ope, Barbanconi Princeps præfectus supervacaneum duxit. Quocirca discedendi consilium cæpit, pactus sibi prædialiisque militares honores, ac præter cetera, ut sex majores catapultas binosque pyrolos secum adduceret. Lovanium abire permissi sunt. Fuere duo millia quingenti; reliquos morbo aut ferro mors deleverat. Gallorum ad tria millia periere & nemo illustri sanguine aut præfectura; longe plures vulneribus concisi. Rex intra duos ac viginti dies expugnatis arcibus suas copias divisit. Parte Luxemburgiit auxit exercitum; partem in Italiam Germaniamque dimisit; alias Beussersio dedit, quas vel Brandeburgensibus circa Mosam excubantibus objiceret vel cum Luxemburgio, si occasio ita ferret, conjungeret. Oppidum validissimo præsidio Guiscardi Comiti custodiendum reliquit. Dein plurima erga benemeritos duces usus liberalitate eaque in primis conspicua, quadragenis scutatorum millibus datis Vaubano instructori exercitus; cujus in bellica architectura primas gerentis partes vallum arte processerat sciteque oppido vis illata; tam insigni latu-  
facinore Versalias se restituit. Dum Namurcum oppugnabatur, Vilhelmus Rex Bojoariusque pro-



propere ex hibernis milites circa Lovanium convenire jusserant. Extemplo affuere peditum septuagies mille, tricies equitum. Consilio habito, nemo, quin statim suppetias eundum periclitandæque forent vires, dissensit. Cunctos extimulabat pudor: ita Fæderatos hostibus contemptui esse ut in ipsorum conspectu urbem tanti momenti munitissimamque oppugnandam suscepissent. Temeritatem, rei si bene succedat, in immensum evadere, atque impunitam difficilior frangi aut retineri. Itaque magnis animis signa movent. Mediam ductabat aciem Vilhelmus Rex, Bojoarius dextrum cornu, sinistrum Valdechi Princeps. Exercitum, dum pergerent, Luxemburgius a Gemblaco, ubi diu in stativis fuerat, ponè Mehaignam rivum retulerat, quo veluti fossa uteretur, fortè illinc objecto Namurcum adeuntibus. Fæderati in opposita ripa sustinere gradum, pluvialibus per eos dies aquis tumido nimis alueo. Cunctanti præbere vadum pontones iniiciunt, quos primum a Gallis dissectos tandem firmarunt; sed traicere in hostium conspectu haudquaquam ausi. Igitur adverso amne relegere viam, sibi si fortè, alicubi fallentibus hostem, illud nudaretur. Verùm & istam delusit spem Luxemburgius, e regione vestigiis hærens castraque ubique tuto metatus loco. Una Fæderatos manebat reliqua, si Sabi prope Caroloregium raptim traducto, val-

*Moventque  
adversus oppu-  
gnatores.*

*Iis exercitum  
suum Luxem-  
burgius opponit*

*Fæderati plura  
tentant, ut op-  
pido auxiliemur,  
sed frustra.*

lum vinéalque priusquam Luxemburgius in eam partem copias traduceret, invaderent perrumpere-  
rentque. In id consilia atque iter dirigentibus Beufferius cum suo militum globo, a Luxemburgio monitus, apparuit in adversa ripa; & is a latere instabat ne illi agmen dividere trai-  
ciendo auderent. Inter hæc Namurcum dedi-  
tionem fecerat; quo comperto Fæderati, da-  
to Brandeburgensibus Leodienſibusque commea-  
tu ut ad Mosam redirent, ipsi aucti Hanno-  
verianis aliisque copiis, Nivigellam se retule-  
re. Et Luxemburgius ab læva prosequutus  
circa Soegniacum castra posuit eo consilio  
ut ex alieno exercitum aleret, in pugnae dis-  
crimen non committeret. Contra Fæderatis in  
animo erat, quidpiam in hostem audere, non  
minus reipublicæ quàm suæ famæ ac decori,  
quæ non parum inclinasse verebantur, consultu-  
ris. At quum equitatu minus possent, ceterum  
præstarent peditum numero, taciti expectabant  
an ille unquam equestri pugnae incommodum  
insideret locum. Nec diu absuit occasio. En-  
ghienum processerant Galli pabuli copia ille-  
cti, locaverantque legiones inter ipsum oppi-  
dum ac Stenocherschum vicum. Colles ibi sunt  
nemorosi aut vepribus consiti, ad quorum ra-  
dices Stenocherchus præterfluit rivus, angustif-  
que vallibus interſcinduntur. Nihil moratus,  
eò Rex Vilhelmus exercitum ducit acie decre-  
tu.

turus. Quod ubi Luxemburgio nunciatum est,  
 vix credere, illuc per impeditiſſima loca ſubi-  
 re hoſtem velle. Verum oculis comperta re,  
 ſtatim Beuſſerſio, quem non procul ſtare juſſe-  
 rat, mandavit ut raptim cum ſua militum  
 manu ad ſe veniret; ſimul exercitum quaqu-  
 verſum diſperſum, ut quæque prima ſe offer-  
 ret legio, ad pugnam inſtruit; ex loci natu-  
 ra, quæ apertam continuatamque in aciem di-  
 ſtendi vetabat, diſiſo agmine. Duplici tumu-  
 lo ſuccedebat nemus, quod intrare Fœderatos  
 viderat. Eos proinde colles armatis occupat;  
 dextrum in primis; quæ maxime, quia rivus ab  
 equitum incurſu lævum ipsis tegebat latus, per-  
 rupturos arbitrabatur. Nec falſus fuit. In eo  
 erraſſe dicunt, quod militum parte in nemus  
 non penetraverit; ad ejus tantum oram acie lo-  
 cata. Sed celeri nimium gradu præcepta hoſtes  
 via, ſaluberrimum conſilium, ſi fortè captum  
 foret, everterant. Nam illico primum agmen,  
 cui præerat Virtembergæ Dux, in apertum eru-  
 pit. Britannicæ legiones erant, veteranus mi-  
 les, ſui Regis gloria maxime incenſus, eaque  
 celeritate e pyroſcorpionibus jaculabatur ut  
 cum lentius Galli ſua tela mitterent, adver-  
 ſam tempeſtatem ferre haud potis fuerint; tan-  
 tumque ceſſere loco ut ſex campeſtres ma-  
 chinæ in ingruentium poteſtatem venerint. Mo-  
 ta frons ab ſagittariis equitibus pedeſtri pu-  
 gna

gna dimicantibus, qui præliando factam strenuitatis de se spem haudquaquam fefellerant; subsidiarium peditum globum prope in fugam secum trahebat, & res ab extremo discrimine propius aberat; cum Luxemburgius ad illustres regio sanguine Principes aliosque majores militiæ duces, qui secum aderant, versus; non hic, ait; belli arte utendum est. Eo certatur pugnae genere ut hæc non equitum robore, quo plurimum valemus, non explicato, non suppleto agmine restitui possit. Tenemur angusto impeditoque loco; quem si obtineat hostis, feret, quod volet; impetum nec facile refringetur, cum saltibus dissecto exercitu validum corpus obijci impellentibus nequeat. Itaque priusquam successu alacer nimis audeat, cohibendus; in idque extrema excedenda vis & quicquid; quibus maxime fidimus, militum. Prætorianorum Gallici Helvetiique nominis legiones gloriosum id subeant munus; utque militiæ decore, ita & virtutis excellere, palam faciant. Hac alacres laude vultuque præcipientes victoriam signa movent, dextra gladiis tantum armata. Sua sponte ferocientibus addebant animos Carnutum, Borbonii, Vindocini Duces, Contiacique Princeps e regia stirpe, qui, cum tanti momenti res ageretur, in prælium duxere ordines. Collatis signis stetit primum veluti objecto aggere hostium acies. Mox eorum plu-

pluribus hausto jugulo, fluctuans ad oram syl-  
væ retulit pedem; remisso Gallis priori spatio,  
machinisque dudum ereptis in ipsorum pote-  
statem invicem desertis. Illic histricæ ante se  
armato integrat pugnam; quæ primum corni-  
nus gladiis, mox eminus quoque ab aliis le-  
gionibus in frontem adductis, tres horas pu-  
gnata est ferociter adeo ut vita utrinque plu-  
rimi, gradu nemo usquam discesserit. Majo-  
res duces prælio immixti firmabant militi ani-  
mos; & Luxemburgius haud semel novas ipse  
legiones in aciem duxit; itidemque Vilhelmus  
Rex, qui sui fere oblitus, incredibili audacia  
quaquaversum discurrens ac telis objectus ubi  
vehementius ardebat pugna, voce consertaque  
etiam manu suis audaciam ac vires exacuit.  
Æque verò in tanto rerum discrimine utrius-  
que imperatoris bellica virtus patuit. Non uno  
enim loco imperio & mente prælium regere ac  
moderari necesse fuit. Sed cum alicubi collis  
nulla interseptus arbore Gallorum aciem jacu-  
lis aperiret nudaretque ipsorum latus, ad illum  
occupandum ambo enixi, retinere aut supe-  
rare ingenti vi conabantur; alternavitque ibi  
sepius belli fortuna. Interea dextrum Fœdera-  
torum cornu e nemore se se explicaverat &  
cum hoste congressum inierat prælium. Locus  
ibi vepribus interiectus alterum adhibere suasit  
pugnæ genus. Stabant ex adverso intra septa ve-  
luti

1692.

luti vallo tecti certeque iclu tela ingerebant; & cum illic quoque Fœderati frequentius jacularentur, primò Galli moti sunt cedebantque spatio & vix a fugâ se cohibebant; cum ad eos retinendos sagittarii Beuflersii equites in tempore advenerunt. Extemplo ex equis desiliantes in frontem convolant laxatisque pyroscorpionibus parem hosti procellam ingerunt; qua ille contritus pedem retinuit, nec ita multò post a latere circumventus, & a fronte urgentibus sagittariis, ad sylvam recessit, telis invicem laceffens ac laceffitus. Jam Galli promoto, quò fuerat opus, agmine infesta Fœderatis obtinebant loca, & dies ad vespèram declinabat. Quocirca Rex canere receptui jussit. Instructi eandem, qua venerant, viam rediere, nullo dum irent damno, parum hoste insequuto ob itineris difficultatem, & quia faciliè repelli poterat. Decem tamen ejus curules machinæ, quæ longam progredientibus faciebant moram, in Gallorùm potestatem venire. Nunquam sane majoribus odiis, quamquam non maxima strage, pugnatum est. Tempus atque atrocius baccandi opportunitas Libithinæ defuit. Ceterùm nemo prope fuit majorum minorumque ducum, qui fortiter dimicando se se in discrimen non dederit. Periere Gallorum duomillia quadringenti quinquaginta septem, quos inter secundi ordinis præfecti duodecim supra cen-

*Qui pugna atrocissima even-  
tus.*

*Quanta & quorum e majoribus duobus duobus est strages.*

centum. Cumularunt ærumnam Turris Alverniæ Principis immatura mors, fatoque fundi Blainvillæ Bellique Fontis Marchiones, mox quoque ex acceptis in prælio vulneribus Murfeus, Estrades, Fimarcon tribuni militum; ac Tiladeti Marchio prolegato. Saucii ad tria millia octingentos, quorum quingenti septem minores ducebant ordines. Fœderatorum cæsi ad tria millia quingentos, in his centum sexaginta duo minores præfecti; sed longe magis doluere morte Makaii Lanierique prolegatis ac tribunorum militum Roberti, Douglassi, Hodgessi, Angusti, Andreæ, Meori, Georfi. Prope ad tria millia vulneratos numerarunt, ex iisque fuere trecenti fere ductores ordinum præcipuaque nuncupatione recensendi Tettaus Scaakusque prolegatis, Chiliarchi decem; capti militum mille trecenti. Re incommode gesta nequaquam demisere animos, aliud in hostium perniciem facinus meditati. Signa in Flandriam provinciam vertunt, quod jussu Vilhelmi Regis classis pervenerat exposueratque ad Ostendam sub Lageriæ Comitis imperio quindecim classiariorum militum millia cum ingenti bellico apparatu. Clam apud se proposuerant, Dunquerque terra marique oppugnare; quam ceterasque illic arces non parum ad augendum Luxemburgii exercitum præsidii debilitatas compererant; statuerantque, accepto nuper ab Gallis exemplo.

*Fœderati exercitum in Flandriam circumflectunt.*

*Dunquerque oppugnanda consilio.*

Tom. II.

A a a

stati-

*Militum par-  
tem Namurco  
admovendam  
statuunt*

*Utriusque ur-  
bis periculo Gal-  
licaveant.*

stativa ante obsidionale vallum ponere, supple-  
tias prohibitori. Quamquam spes erat, hostes  
ad eas ferendas haud tanti fore, præsertim cum  
dubitari non posset quin militum quidpiam  
Namurco admoturi essent, postquam huic ti-  
mere incæpissent. Vilhelmus enim statim ab eo  
capto Lovanii congressus cum Octoviro Bran-  
deburgensi convenerat. ut illuc suas & Leo-  
dientium copias ad Mosam regressas adduceret,  
dum ipse Dunquerquam peteret. Nec spes eum  
fefellit. Vix quippe Luxemburgius novit, eas  
legiones adversum amnem relegere, Huicque pro-  
pinquo in oppido murales machinas expediri,  
cum sex equitum millibus Beufferum dimisit,  
qui accepto e proximis prædiis supplemento,  
constataque non levi manu, Namurcum non-  
dum penitus instauratum extra discrimen pone-  
ret. Simul Fæderatos Schaldim transgressos  
castraque prope Deinsam ad Legiam fluvium  
metatos a latere prosequutus, Corteriacum ven-  
nit. Inde priusquam iter obsideretur, auctis in-  
genti militum numero Dunquerquæ, Vinox-  
bergæ, Iprarumque prædiis; vallum quoque in-  
ter eas urbes Meninam usque productum ali-  
quot legionibus armari iussit. Reliquum exer-  
citus, eo militum globo, qui Galliæ Belgi-  
cæ Normanniæque litora prætexebat, suppletum  
in stativis ad Corteriacum habuit, e re nata,  
quò ferret occasio, ducturus. Nihil autem a

Fæ.



Fœderatis, postquam sua præoccupata everla-  
que consilia hostium celeritate conspexere, ten-  
tatum est. Nam & Vilhelmus circa Deinsam  
continuit exercitum; & Brandeburgenses oppo-  
sito sibi tuto loco Beuflerli exercitu, cum se  
in incertam aleam committere nollent, quie-  
vere. Itaque reliquum æstatis otio traductum,  
& vixdum autumnus adoleverat, utrinque in  
hiberna discessum, quæ quàmproxime fines  
capta, ne quid hostis per hyemem audere pos-  
set. Britannorum tamen pars major facili tra-  
jectu in Angliam iterum remeavit. Et illuc Vi-  
lhelmus Rex transmissurus in viam se dederat,  
cum repente Bojoarii literis revocatus Bruxel-  
las ad eum pergit. Ibi audito, Caroloregium  
a Gallis circumfederi, classicum extemplo colli-  
gendis legionibus cæni iussit. Ed Beuflerius,  
veluti hyematum iret, illico signa inflexerat  
adducto secum ingenti machinarum pyrolmo-  
rumque apparatu, quibus expeditis arcem va-  
lidissimam verberabat. Ast ubi certior factus,  
Vilhelmum iusto conflato exercitu mox affutu-  
rum ad opem ferendam, biduum sædissime la-  
ceratis mœnibus ædibusque pedem retulit. In-  
certum, id ne unum facinus patraturus advene-  
rit, an, cum oppidum oppugnare vellet, e re  
nata consilium mutaverit. Vilhelmus plenus ira-  
rum, quippe cui famæ detrimento nulla foret  
ab ærumnis quies, Hagam, mox Londinum se

*Utrique in hi-  
berna discessum*

*Caroloregium  
ab Gallis oppu-  
gnatur.*

*Adventantibus  
Fœderatis, de-  
serunt.*

1692.

contulit, ubique sollicitatis ad vindictam animis, obtenta superbia hostis jam tandem intolerabili, quam tamen in ejus perniciem redituram diceret, consumptis agendo nimium viribus nec diu suffecturis. Simul apud se lætus quodd, irritato bello, Britannos Fœderatosque sibi obnoxios magis habiturus esset. Quæ dum in ea parte geruntur, ab alterâ Gallos non eadem fortuna sequutura videbatur. Militum ad quina quadragenaque millia in Taurinis Fœderati contraxerant, quorum tredecim Italici nominis Allobrogum Dux, duodecim Hispanici Italique Leganesii Comes, quatuor subalpinorum Calvinianorum Britannica pecunia auspiciisque Medardus Schombergii Dux; ac sexdecim Germanorum aderant millia, quorum imperium honoris causa Allobrogi datum, revera Comes Æneas Caprara legatus moderabatur. Jam antea in Galliam penetrare delibatum fuerat, & modò novos addebat stimulos invidia Gallicæ in Belgio sælicitatis infictumque nuper Oneliæ damnum, quam admotis quinque ac triginta quinquereimibus desertam a civibus dilaceraverant incenderantque; magis autem, quodd exploratum haberent Catinatio quatuordecim non amplius millibus armatorum esse; ac sibi vires, hosti terrorem crederent auctum iri Hispaniensi classe, quam duodeviginti quinquereimibus, sexdecim bellicis navibus,

*Quo numero in Italia Fœderatorum exercitus, & unde conflatus.*

*Longe minores Galli.*

bus, tribus incendiariis validam, ad Provinciæ litus appulsuram condixerant. Itaque ergo militum quinisdenis millibus Comiti Palsio ad coercenda Pinarolii & Casalis præsidia, Segusioque insidiandum relictis, diversi (nam facile aditum unum hostis obsidere potuisset) maritimas alpes, qui Victorium Amedeum sequebantur per Barcinonensem agrum; Cottias per D. Martini, qui Leganesium; quique Scombergium, per Lucernæ valles transcendunt, data tessera, quo loco ad Druentiam amnem unum in corpus iterum coalescerent. Prima Sabauda Guillestra occurrit oppidum, quatuor inleßum provinciarum centuriis, quæ facta illico deditione, quamquam pactæ liberum comitatum, Augustam Taurinorum deductæ sunt. Illic e superiori loco Mystagogæ Calvinianorum ciere popularium tumultus, magnisque clamoribus suadere ut ejurata imperio nimium Regis fide Catholicaque superstitione, cui dudum se addixisse simulaverant, se se in libertatem assererent; factaque manu darent liberatoribus suis documentum: nihil jucundius mortalium generi, quam nullo impedimento per quamcunque velit factorum opinionem vagari atque ex ingenio vivere. Nemo tamen turbulentis concionibus animos, pauci aures dederunt, eventus metu cautique ad consilium, quod ejus auctoribus, si male cederet, non æque ac sibi funestum futu-

1692.

*Federati ab Italia in Galliam procedunt, & quibus itineribus.*

*Guillestra positum.*

*Illic Calviniani populum ad rebelliam dudum suam sectam, & ad tumultus revocant.*

*Nemo eis adhaerere, metu detentus.*

1692.

*Ebredunum Fœderati vallo cingunt.*

*In deditionem accipiunt.*

*Fœderatorum supremi duces inter se sententiis discrepant.*

futurum foret. Decepta seditionum spe, quid armis possent, experiri aggrediuntur. Hispanorum adventu amnem traducunt. Ebredunum invadunt, nullis propugnaculis unaque mœnium lorica cinctam urbem. Pridie illuc adduxerat militum ad tria millia Larræi Marchio; qui ad deditionem invitatus ferociter abnuit, factaque verbis æquavit. Nam duplici ad muros aggere succedentes hostes octo, quot habebat, bellicis tormentis & quinquies ingenti agmine erumpens afflixit adeo dissipavitque aggestæ humi partem ut mille quingentis eorum modica suorum cæde necatis oppugnationem ad decimum diem protraxerit; tunc enim, apertis jam ariete mœnibus, præsidio Gratianopolim honestis conditionibus discedere permissum est, vetito tamen per reliquam ætatem arma ferre; hac lege soluto solum honoris causa Larræo præfecto. Magna ibi frumenti vis, quæ Pinarolium deportanda erat, inventa. Capto Ebreduno variatum sententiis est, qua parte Fœderati bellum urgerent. Allobrogum Duci præ ceteris Brigantium nobile emporium & Querafum (quam arcem Scombergius, quippe qui machinis imparatus, frustra in itinere cum suo Calvinianorum globo pertentaverat) in ditionem redigenda videbantur. Primum illud, aiebat, bellicæ artis esse iis, qui imperium in hostile solum propagare velint, tuto aliquo in loco statuere,

re, ubi sit in adverſa fortuna a tergo receptus, & per hyemem ſecuritas ad reſpirandum expectandumque idoneum renovando bello anni tempus. Qua diſciplina, ſi unquam aliàs, modò iſtis utendum, exiſtimare, quibus mox aſperriſſimum Cælum, & impeditum ſaltibus iter, nivibus alpes, intercluſuræ ſint; & ſi viam in Italiam repetant, deſperandum in Galliam prope reditum; hoſtibus obito periculo admonitis, ubi & quo pacto levi negotio cavere debeant. Quòd ſi uſpiciam in Gallia ſedes locanda ſit, quid Brigantio Quæiraſque opportunius? munitis ad clauſtra montium oppidis, eoque jacentibus agro, unde miles ali queat. Iis autem in poteſtatem ſubactis, fore ut ſpes excitandæ ſeditionis revireſcat; ad quam non vanis Myſtagogorum clamoribus ſed aliquo facinore, quo dubii illiciantur animi, ſternendum iter. Hæc eadem Schombergio ſententia erat. Verùm Leganeſio & Capraræ aliter viſum. Non enim, dicere, agitari modò conſiliis, quid ex arte militari ſit, ſed quid occaſio ferat ac geri liceat. Æſtatem in exitu eſſe, cui per id locorum ſævam hyemem, non autumnum ſuccedere. Adhuc idcirco ſub dio partim exercitum durare poſſe; nec parvi eſſe temporis, duo illa expugnare præſidia, dudum egregie ſuppleta, ſitu inſuper ac munitionibus proteſta; quibus præſertim faciant ad obſtutendum animos

*Allobrox Brigantium, Quæiraſque tenendum ſuadet, ſed fruſtra.*

*Quæ Leganeſio & Capraræ ſententia fuerit.*

in-

inviſtam certiffimamque brevi allatura opem  
 aeris intemperies atque intolerandus oppugna-  
 toribus cœli rigor . Quæ quamvis magnanimo  
 contemptu nihil pendenda forent, quis illud  
 non ducat plurimi : ſubitario milite ac pro-  
 perantibus undique legionibus augeri quotidie  
 Catinatii exercitum ; & qui hætenus exigua  
 manu circumcuſando per juga montium non  
 uno incommodo nos affecit, mox pari & for-  
 ſitan majori numero pugnam provocaturum ;  
 ſeu, quod magis timendum, nullo ſuo diſcri-  
 mine & noſtrum maximo infidentem angu-  
 ſtos ſaltus nos veluti clauſtris concluſos in po-  
 teſtate habiturum ? Spe civilis tumultus, ac fre-  
 ti Hiſpanienſi claſſe viam in Galliam ſuſcepi-  
 mus . Advenientibus nemo popularium acceſſit ;  
 nihil turbarum auditum, dum minori pericu-  
 lo moveri poterant . An putamus, ubi ſit cer-  
 ta eas cientibus pernicies, commotum iri ?  
 Claſſem verb ad navigandum paratam nondum  
 eſſe . Quid ni ergo mutatis rebus non mutan-  
 dum conſilium ſit ? edque vertendum, ut illa-  
 ta quâ latius poſſit vaſſitate ancipitem hanc  
 gentem doceamus ærumna ſua, cùm id nolue-  
 rit beneficio : quid in adductis copiis momen-  
 ti fuerit . Rem ita gerendam Victorius Ama-  
 deus haud quaquam aſſentiebatur pudore, quòd  
 tanto apparatu nil aliud conſequuti fuiſſent  
 quàm prædonum more tantisper diſcurriſſe ho-  
 ſtile

stile solum; nec tacebat, omnem ita turbandarum in Gallia rerum abijci spem; quieturis in posterum provincialium animis, sin minus Regis metu, odio Fœderatorum. At nihil evicit, perhibente Caprara, se jussu a Cæsare, obsecundare ac favere Gallicæ expeditioni, sed ita ut suas legiones haud temere in discrimen daret. Sensit Princeps, imperium in potentiores ludicrum esse, ac suam ad alienam voluntatem inflexit. Quare munito Druentiz transitu atque impeditioribus a tergo saltubus præsidio inessis, Vapinum, quod in proximo erat, exercitum ducit. Cives discesserant, & flamma tectis inijcitur. Inde signa Segusteronem promovebantur; sed cursum interceptit undique personans armorum strepitus, ac Principis valetudo, quæ vehementer variolis tentari cœpit. Ebredunum regressus non sine ingenti periculo cum morbo confictatus est. Quiete remediisque ac sollicita regiæ uxoris cura, quæ statim ad morbi nuncium ex Aula eò raptim accurrerat, recreatus, tandem convaluit. Mox ubi pati viam potuit, superatis alpihus Cuneum nec ita multò post Augustam Taurinorum suos ad penates rediit. Exercitus circumpositam Delphinatus regionem ferro atque igne sævisime depopulatus, immemor tributi, quo provinciales ab ea calamitate se redemerant; laceratis quoque nitrati vi pulveris Ebreduni mœnibus,

1692.

*Caprara licet  
dissentiente  
Sabaudie Du-  
ce, vincit,*

*Vastitas propin-  
quis oppidis il-  
lata.*

*Vitt. Amadeus  
Dux Ebreduni  
agrotat.*

*Morbo recrea-  
tus Augustam  
Taurinorum  
redit.*

*Et Fœderato-  
rum exercitus  
in Italiam nullo  
ab Gallis dam-  
no, quamquam  
multo milite  
suppletis.*

Tom. II.

B b b

inde-

1692.

indeque asportatis æneis octo machinis, in Italiam remigravit adeo sagaciter ut nullum acceperit a Catinatio damnum. Is principio Genèbra in monte cum magna militum parte se continuerat, unde expeditior quaquaversum discursus ad ferendam opem. Illinc Segusium duabus immissis legionibus, ab eo tentando Palsium dimoverat, munieratque præfidiis, quæ magis hosti patebant, nobiliora oppida. Dein factò peditum quatuor millium globo, quæ per arduos saltus, quæ per insidiosa loca imminens Fœderatorum copiis, minores intra fines eorum licentiam cohibere studuit. Demum supervenientibus in dies novis legionibus, iusto exercitu jam validus in æquum descenderat, quidpiam ausurus. At illi celerius movere signa aggressi, discrimen anteverterant. Utrinque fatigatus tot itineribus miles, maturius quàm ferret anni tempus, hiberna cœpit. Fœderatorum, qui Allobrogum Duci atque Hispano prætori merebant, suas in urbes regionesque; Germani acerbissima complurium provinciæ Principum querela aliò aliò traducti; quatuor fere millia in Parmensem tractum, totidem in Mutinensem; Duce tantum onus, quod suam gentem perditurum diceret, obfirmate adeo recusante ut nonnisi adventantibus decem legionibus, quæ atrociora minitabantur, illud subjerit. A Magno Hetruriæ Duce & a Lucensium

*Utrique hyematum pergunt, & quò.*

Re.



Republica non modicum expreſſum argentum .  
 A Genuenſium Senatu , quantum ſibi indiſtum  
 fuerat ingenti ſumma , non prius numeratum  
 quàm privata ſuorum civium pecunia ex Hiſ-  
 panis Italiae veſtigalibus retenta pignore . Du-  
 ritus actum cum Mantuæ Regulo , duodecim  
 haud minus armatorum millibus in Mantuano  
 & in Monte Ferrato provinciis hyemare juſſis .  
 Additum atrocius vulnus , traduſto in Vincen-  
 tii Gonzagæ poteſtatem Vaſtallenſi ora , quam  
 prius Cæſar Mantuæ Duci , ejus uxoris nomi-  
 ne , adjudicaverat . Sub autumnum claſſis Hiſ-  
 pana , ſerum auxilium , in Italiam ſoluit . Sex-  
 decim collegerant bellicas naves treſque incen-  
 diarias , quinquereſ duodeviginti . Harum im-  
 perium Bertrandus Guevara , illarum Petrus Cor-  
 betta gerebat , Papachino ſupremo duce . Tri-  
 bus hominum millibus in Finalium expoſitis ,  
 Genuam progreſſæ portum præter incendiarias  
 intrarunt , inſcio Senatu . Mox cùm ex ejus  
 querelis ſuſpectam ibi moram traherent , Nea-  
 polim navigarunt . Eas Gallicum navium ag-  
 men , quod idcirco ab oceano illuc adduxerat  
 Eſtræi Comes , ſubſequutum eſt . Caſu an con-  
 ſilio neutra claſſis alteri occurrit , nec diu fuit  
 quin oſtentatis tantùm viribus ad ſua unaquæli-  
 bet litora appetente jam hyeme remearit . Ar-  
 ma hoc anno per Hiſpaniam prope ſilure ,  
 ſemel auſa Hiſpanienſium manu ad Porteli col-

*Vaſtalla Man-  
 tuæ Duci eri-  
 pitur , ac Vin-  
 centio Gonza-  
 gæ traditur .*

*Clasſis Hispana  
 in Italiam na-  
 vigat nullo ſuc-  
 ceſſu .*

*Nilil hoc anno  
 in Hiſpania  
 armis geſtum .*

1692.

*Parum quoque  
ad Rhenum.*

*Et quomobrem.*

lem tentare irritò eventu hostium præsidium ; & his longè numero imparibus ( Hispanus exercitus undecim peditum , tribus constabat equitum millibus ) nunquam extra munitiones per id ætatis in aciem egressis . Reliqua pars belli erat ad Rhenum , ubi plus discordibus hostium sententiis ac sua Galli sagacitate quàm armis valuerunt . Prima inter Principes , qui milites ad constandum illic exercitum Germanica lege dabant , de supremo creando armorum præfecto contentio fuerat , tacite abnuente Cæsare Misnienti Octoviro continuare imperium ; suspecta , ut mox narrabitur , Comitæ Scoenigii fide , qui primas rei bellicæ apud eum gerebat . Cum de uno aliquo eligendo non convenissent , in eam itum sententiam est ut sociorum quilibet cum suis copiis , bipartito exercitu , ad Hassiæ Cassellensis Lantgravium Marchionemque Baraiti e suprema Brandenburgensi familia convenirent . Hi deinde divisi aut conjuncti , prout res postulare & communi ducum suffragiis decerneretur , signa in hostem inferrent . Milites ad sex ac triginta millia ; pars major e sociali Germanico fœdere , cis transque Nicrum amnem prope Heidelbergam convenerant . Tribus millibus unumquodlibet Suevorum , Misnensium , Bojoariorum constabat agmen . Mille & quingentos miserat Luneburgensium Dux . Decem millia Lantgravius

1692.

vius adduxerat, quatuor Virtembergensis; duodecim Suevia Franconiaque provinciae collegerant. Sex alia Misnienſium millia iter ad exercitum arripuerant, cum repente non has tantum legiones, sed quot jam dederat suae gentis, Octovir jussit domum redire, Caesari praeter modum iratus, quod Comitem Scoeningium, dum ad Bojoemas Dublitii thermas valetudinis causa diversabatur, tribus armatorum centuriis circumventa domo effractisque foribus abstractum, Spielbergæ in Silesiae arce concludi jusserat, negabatque libertati restituere perniciosum infestumque Germaniae virum, qui Gallica emptus pecunia ab communi causa Octovirum abalienasset atque atrociora meditari suspicio foret, haud inaniter, ut fama tulit, commota. Nibilo secius Octovir exulcerato animo injuriam condidit; milites autem lege debitos, mutata sententia, persistere ad exercitum jussit. Hæc inter dissidia sero auxiliares, & postquam ætas incœpisset, ad signa venerant. Habito de re gerenda consilio, cum non minus animis quam sententiis dissiderent, statuunt Lantgravium legionum partem Rhenum traducere, quicquid e re sibi videretur, gesturum. Cum reliquis Baraiti Margravium ceteriori provinciae, si forte hostis irrumperet, praesidio esse. Ille superato amne circa Moguntiam, flexit Vormaciam signa. Tres eam urbem

*Federatorum  
illic exercitus  
unde collectus.*

*Octovir Mis-  
nienſis Caesari  
iratus.*

*Ob Scoeningiū  
in hujus pote-  
statem abstra-  
ctum.*

*Federati Rhe-  
num traiciunt.*

*Vormacium  
capiunt.*

1692.

*Galli eos infe-  
quuntur.*

berm infederant Gallorum cohortes Pecossio pro-  
tribuno duce, quæ ratæ non omnem adesse ho-  
stium exercitum, sed aliquot solum præmissas  
sagittariorum equitum legiones, portas extem-  
plo claufere. Corona cincti impressionem pri-  
mo retulerunt, mox deditione sibi consulere  
coacti sunt. Interea Lorgesius Gallici ductor  
exercitus, statim ut comperit Germanos Rhe-  
num transgressos, confestim signa a Crautzena-  
co, ubi stativa habuerat, in eos movit. Iter  
& ipsi cum reliquis copiis Vormaciam prose-  
quebantur, cum transmittentes proximum Fe-  
dersheino rivum Gallus assequitur atque e re-  
nata postremum agmen, priusquam traiceret,  
carpere instituit. Tria erant equitum millia,  
in quos cum equestribus quinque legionibus  
Villarsi Marchio impetum dedit. Dum se in  
frontem circumagunt, atque ad eos expedien-  
dos Lippæ Comes, cujus in extrema exercitus  
parte imperium erat, turmas aliquot eò redu-  
cere aggreditur, centum capti, plures cæsi,  
quos inter Distorsus Volsfrandorsusque tribuni  
militum, & legionis instructor Scopingus. Re-  
liqui in ulteriorem propulsi ripam, ad suos re-  
tentis ordinibus se retulerunt. Acies interfluen-  
te rivo utrinque instruitur. Neutra tamen il-  
lum transmittere pugnamque inire ausa. Inde  
Heppenheim Lorgesius, Vormaciam Land-  
gravius retrocessit. Et is certior redditus, ho-  
stem

stem magnis e Belgio post Namurcum expugnatum supplementis ad tricena millia exercitum auxisse Moguntiaque minitari; huic metuens, traducto Rheno, eò celeri gradu per ulteriorem ripam appositumque ibi pontem se contulit. Galli sua spe frustrati, seu quoddam in animo habuerant, Vormaciam profecti flumen illic tranare meditabantur, Heidelbergam surrepturi; aut si res falleret, ex ea regione solvendis tributis obsoles manubiasque. Fœderatos quid illi mente agerent, hâudquaquam latuit. Confestim Baraditi Marchio, qui ad Visselocum oppidum in stativis erat, Heidelbergæ legionum robur admovit; & Landgravius trajecto Mæno amne, ut aditum infestum redderet, Rheni ripam ab ea parte infedit. Dum plures ibi nulla re memorabili gesta traducunt dies, Lorgeſu vires debilitantur, misso in Delphinatum ad supplendum Catinatii exercitum ingenti globo & alio rursus in circumjacentem Mosellæ oram, ubi a Brandenburgensibus metus erat. Tanto proinde magis pudere Germanos otii sui ac liliis versare sermonibus: supremorum ducum ambitiosis, ne unus alteri cederet, an discordibus animis prodi communem causam, quæ conjunctis copiis, cum adeo numero excelleret, aliquo facinore sublevâri posset; cur autem sibi, veluti imparibus, interposito Rheno cavere ab hoste; cui si congredierentur, extremam perniciem illaturi

*Germani cis  
Rhenum recedunt.*

*Regionem mun-  
tunt.*

*Gallorum pars  
illinc in Delphi-  
natum, & ad  
Mosellam per-  
git.*

1692.

*Germani rursus  
Rhenum trans-  
eunt.*

*Aliquot Gallo-  
rum cohortes  
Spiram se conclu-  
dunt.*

*In quas Germa-  
ni irrumpunt.*

ri forent? His incensis vocibus lociorum præfetti Styrum Comes atque Alexander, qui Wirtembergense Imperium, cum nondum fratris filio per ætatem liceret, administrabat, Landgravium Margraviumque vehementer dictis aggressi, tandem expugnant ut faciles ad aliorum sententiam accommodent iudicium suum. Re conventa injectoque ad Manheimum pontem, Rhenum transiunt, dissipata Gallorum cohorte captaque tumultuaria munitione cum quatuor campestribus machinis, unde ripam transcendere vetabantur. Ab læva Spiram progressis, quam ruinis invalidam sed aperientem ad hostes iter firmarent præsidio, sit obviam in ipsa strage murorum Feuquieresi Marchio, vix in tempore cum bis mille septingentis peditibus urbem ingressus. Pugna illic exoritur, sed longe dispari conditione, Germanis aperto corpore se se inferentibus, dum Galli ponè dirutos muros jacularentur. Verum adeo Germani percurrere conabantur ut Lorgésius majoresque duces facta militum manu, ne sui remitterent animos, eò statim ad illos reprimendos perrexerint. Interea Villarsius ab læva oppidi magna peditum parte obseperat ripam præterfluentis amnis, illuc si fortè verterent hostes impetum. Quamquam commissi hæcenus prælii satis habuerunt; experti quingentum suorum cæde, cum ex adverso non plus quinquaginta cecidissent,

sent, Gallos tuto nimirum loco se conclusisse. Rursus igitur dividere copias, e re magis visum est: Pars Landgravium sequuta Eberemburgum petit, eo capto expeditura sibi prope Mossellam opportunum ad hiberna locum. Pars cum Margravio ad pontem recessit, quo Rhenum transmiserant, suum ex hostium consilio moderatura. Nam illinc ad Sueviæ tutelam promptus aditus, in eam si Galli flumen transgressi arma ferrent; & si Eberemburgo auxiliatum irent, breve sibi ad Landgravium iter. Pari Lorgesius arte vestigiis prosequitur Margravii exercitum, ratus, ab oppugnando Eberemburgo Landgravium ita distractum iri, ne solus alter periculosam pugnae aleam subiret. Et ille quidem sæpius a Margravio oratus sustinuit gradum. Mox cum videret Gallos non ultra progredi & aliud, quam morari hostem, non sibi in animo proposuisse, pergit copias Eberemburgum ducere. Nec mora, hunc iterum ad Germaniæ discrimen revocaturus, Lorgesius Philippoburgum, unde Rhenum traduceret, inflectit signa. Landgravius, turpe ducens hac illic ex hostium arbitrio e via deduci, iter, quod tendebat, prosequitur; spe, aut illos amnem non transgressuros, aut, si transgredi vellent, a collega repulsum iri. Is enimvero postquam novit Gallos in ulteriorem ripam trajecisse, Virtembergensium Ducem cum ala quatuor equi-

*Uterque exer-  
citus alterum  
morari atque  
eludere studet.*

1692.

tum millium, qui superato ad Manhemium Rheno suæ ditionis oram tueretur, præmisit; ipse deinde reliquas traduxit copias, data telæ ad Epingum iterum conventuros. Eò Virtembergensis pervenerat, cum nuntius affertur, Gallos Brettenum, ubi centum quinquagenum cohors præsidio erat, in deditionem accepisse indeque libere populari. Extemplo se propius admovit, Haidelsheimum profectus, ut eos tamdiu refrænaret quoad Margravius cum exercitu advenisset. Ibi negligenter solutaque militari disciplina (quippe renuntiatum fuerat, hostes prædabundos Phortzeimum versus descendisse) somno & comessationibus indulgentes diversabantur. Rem per exploratores compertam Lorgeus haud contemnendam arbitratus, perditatu circa Phortzeimum, quod illico deditionem fecerat, relicto, equitatum omnem silentio ad eos adduxit. Nebula ad multum diei lucem atra caligine premens conspectum longius adimebat; qua latebra tecti ad Germanorum stationem, segniter agentium vigilias, inopinati succedunt & vix non occulti. Illi, ut in subita re, timide se se expedire, non imperio præbere aures; unum metum, qui cuncta confunderet, audire. Pars equos infrænat, pars in aciem se dirigit, complures apparant fugam. Interea Galli conferunt pugnam, obnitentes obtruncant, nondum instructis se circum-

*Virtembergensis clam subrepticius Gallis captivos Parisios ducitur.*



cumfundunt, brevi momento agmen dissipant. Plus mille neci dati, quingenti capti, reliqui effuso cursu periculo se subripiunt. Cumulus victoriæ additus, in potestatem redactis Soyeri Comite aliisque minoribus præfectis, maxime verò Wirtembergensium Duce, qui Versalias traductus, a magnanimo Rege Ludovico non ut captivus sed ut hospes habitus. Audita suorum clade Margravius trans Nicrum pedem referre exercitum jubet; firmatisque valido præsidio Heidelbergæ Hailbrunæque, eidem adhærentibus fluviis, ipse, qua parte ad orientem humiliori fluit alveo, ulteriorem insedit ripam, intactam illam Germaniæ oram a præda, quoad liceret, prohibiturus. Non enim repellendo penitus hosti, eò si verteret signa, tanti erat, extenuato exercitu non clade solum & fuga militum, sed intempestive per eos dies a Suevis auxiliariis capto comiteatu; cum se Landgraviæ ambitione, qui seorsum agere cum copiarum parte obstinatè voluerat, deterioris famæ discrimini ex infelici rerum eventu objectum videret; non obscure, ni statim ille suppetias mitteret, imperium se abdicaturum minitabatur. Aderat ibi Gustavus Hohenloë Comes, quem sibi ad Rhenanum exercitum legaverat Cæsar, suspicatus discordes dissimilesque animis supremos duces, nisi officiis ac dexteritate colligarentur, magna rei publicæ vulnera imposituros. Is ad Landgra-

*Ab Ludovico  
Rege ut hospes  
habitus.*

*Margravius,  
& Landgravius  
inter se copias  
partiuntur.*

*Insancto consilio,  
quod Cæsaris  
Legatus emendare  
annititur.*

1692.

*Germani Eberemburgum oppugnant lento progressu.*

*Frustraque tentamina deseruat.*

*Utrinq; in hiberna procedunt.*

vium profectus valuit adeo ut quatuor peditum & pari numero equitum legiones Collegæ mittendas obtinuerit, quamquam ille, ita debilitatis viribus, Eberemburgum oppugnantem sibi male cautum videret. Nec falsa erat opinio. Oppidum quadringentis armatis tuebatur Boissius tribunus militum, qui ad deditionem vocatus, ferox responsum dederat, dictaque factis æquabat, dilacerato quotidie hoste atque obsidionali vallo eminus capultis, cominus conferta manu. Itaque præter spem decem præteriere dies priusquam vineæ ad fossæ labrum admotæ forent; nec satis adhuc ariete, quæ daretur aggredientibus iter, decussa mœnia. Inter hæc Lorgefius depopulatus cis Nicrum Wirtembergensem regionem, relataque a civibus, ne atrocius sæviret, ingenti pecunia, rursus Rhenum traduxit, oppido, cum inopinato se tenuisset, opem laturus. Quod ubi Landgravio alius super alium attulit nuntius, celeriter vasa colligi ac solvi obsidionem iussit, manualibus majoribusque flammiferis ollis igne, quo discerperentur, injecto ne transvectionis difficultate moram facerent; transmisitque Rhenum prope Moguntiam, nullo accepto ab Gallis de via fessis impedimento. Inde in hiberna discessum, quæ ab utrisque, interjacente flumine, in proximo capta; veritis invicem, si quidpiam remitteret cœli intemperies, non otio hyemem transactum iri.

*Finis Libri Noni.*

Li-



## Liber Decimus.



UM ita inter Christianos Principes bellum geritur, Turcicum, minori licet hoc anno patratum strepitu, non reledit. Cæsar postquam cognovit, Achinetem Regem Purpuratosque injecta pacis mentione tempus trahere, non rem serib gerendam suscepisse, fœderis feriendi sermonem non interruptit; omni autem studio ad militares curas intendit animum; Polonos Venetosque obtestatus, ut extremo conatu secum urgerent communem hostem, nunquam ab armis discessurum quousque illum quidpiam maneret virium; & si se confirmaret, defœviturum eò vehementius, quò præ ceteris calamitas irritat fœlicitatem expertos; iisque acceptæ odium injuriæ, doloris pudorisque monitu, nunquam deletur. Hungaricum exercitum collecto undique officiis aut pecu-

*Cæsar ad urgendum Turcicum bellum Fœderatos hortatur.*

1692.

*Varadinum vi  
domari iubet.*

*Ei adducto val-  
lo vis inferunt.*

*Turcæ obsessis  
auxilium pa-  
rant.*

cunia sociali milite supplere aggreditur. Sed cum auxiliares longius educi ex adulta solum æstate convenire possent, interim Varadinum ad motis operibus (nam ex hyemali perituum obsidione spes decedebat) sollicitandum ad ditionem statuit. Magni quidem intererat, arcem munitissimam, seditionis incitamentum per duellibus Hungaris dubiisque Transylvanis, e medio tollere. Heuslerius prolegato, quem Te helii captivum, reddita huic tandem Aurora conjugæ, dudum Cæsar in libertatem vindicaverat, aliquot legionibus aucto eo militum globo, qui per hyemem illinc commeatus excluderat, oppidum ineunte maio urgere cœpit. Duplex ad duo propugnacula ducebatur agger opere non incruento nec facili; oppidanorum incursum, qui vix non quotidie frequentes erumpebant, sæpius oblitus molientium sanguine nec parum dilaceratus. Productus denique ad fossæ marginem; inductæque machinæ opposita quassabant mœnia, pyrolmi interiorē edebant stragem, nullo tamen civium tumultu, quos tacitos continebant prætoris ac præfecti Janizarorum ferocia, factaque adventantis auxilii spes. Hæc nequiquam falsa erat. Nam Turcæ, cum imparati adhuc prælio congregi nequirent, Jeni propinquo in oppido quinque contraxerant armatorum millia, qui noctu per intervalla munitionum (non enim continuo val.

vallo copulabantur ) se se immitterent in ob-  
fessam urbem . Rem per antecursores comper-  
tam Heusslerius cavit , eò celeriter tradu-  
ctis aliquot legionibus , quæ hostem conser-  
ta pugna retunderent dissiparentque . Is ubi suum  
nudatum consilium novit , se retulit priusquam  
adventanti occurreret . Inter hæc Germani , qui  
frustra fascibus fossam complere conati fuerant  
( flamma ex alto immissa torridam vorante  
identidem materiam , quæ summo studio con-  
gerebatur ) everso nitrati vi pulveris objecto pro-  
pe muros aggere , viam sibi ad oppositi propu-  
gnaculi frontem æquaverant , jamque decussis  
mœnibus ad transiliendas ruinas audacter vade-  
bant ; cum prætor proposito deditiois signo  
posuit denique feroces animos . Facile in eas  
conditiones conventum est , ut oppidum cum  
tribus circumpositis castellis , quæ adhuc Tur-  
carum præsidio detinebantur , in Cæsaris pote-  
statem traderet . Sibi militibusque ( fuere ad  
duo millia ) & quibus id voluntatis esset , Ju-  
liam abeundi convectorum secum , quanta liceret  
humeris , re familiari facultas esset . In oppi-  
do repertæ septem ac septuaginta majores ma-  
chinæ , bellici apparatus , ac præter opinionem ,  
frumenti ad longam quoque obsidionem satis .  
Deditis parum servata fides . Fœminæ puerique  
dimissi , reliquis indicta servitus ni vicissim Ty-  
bis & Pescabara præsidia in libertatem resti-  
tue-

*Infestare :*

*Oppidum dedi-  
tur Germanis ,  
& quibus con-  
ditionibus.*

*Parum Turcis  
promissorum fi-  
des servatur, &  
quare.*

1692.

*Pescabazæ rupes & antrum describitur.*

*Quanti momenti foret.*

tuerentur; quorum alteri superiore anno, alteri per hos ipsos dies in deditionem acceptis, Turcæ violata promissi lege vincula iniecisse redarguebantur. Pescabazæ inditum rupi nomen est, quæ Danubium duodecim, priusquam subeat Orsovam, passuum millibus inter angustias cohibet ripas rapidissimoque cogit ire amne. Immanis ibi spelunca est, ore in fluvium converso, ac tuta insidiantibus latebra. Hanc Antonius quidam protribuno Araviscorum, qui ea incolunt loca, ductor Veteranio post amissam Orsovæ appositam insulam indicaverat, impediendæ navigationi quammaxime idoneam; & ille subitariis operibus, trecentis armatis, curulibusque tribus tormentis munierat locum infestum jam inde Turcarum ratibus, quibus com meatus & rem militarem Albam græcam transvehere interdictum erat; &, si quæ per hyemem transgredi ausæ fuerant, haudquaquam impune tulerant, catapultarum ictu depressæ lacerataque. Thraces incommodo admoniti, levibus non semel præliis illinc pellerè Germanos tentaverant inani eventu; & Veteranius, quanti locus momenti esset, expertus, præsidium ad septingentos auxerat. Eò sub Veris initium pervenerat Halius prætor; qui factò promovendarum navium periculo, cum se celeri cursu tormentorum jaculis, rapiente in adversum aquarum vi, subripere non potuisset, inhibere

at-

atque Orlovam regredi coactus fuerat. Obitum  
discrimen ac sapius deinceps obeundum (nam  
Hungarico bello explicatus cymbis Danubius  
Turcis opus erat) secum cogitantem subiit pro-  
positum illuc vertendi classicas vires ac paul-  
lum in deiiciendis ex infensa adeo statione Ger-  
manis immorandi. Non enim eo praesidio ru-  
pes iisque munitionibus firma erat, ut diu ob-  
sistere oppugnatoribus posse videretur. Duobus  
armatorum millibus, aliquo etiam tormento-  
rum apparatu in terram expositis illuc pergit.  
Et primò diruere obiectum vallum; antro dein-  
de, ne quā pateret exitus, militem circumfun-  
dere; hostem denique intra illud propellere.  
His peragendis quidpiam absumptum virium  
nec parum temporis. Nam praesidarii haud fa-  
ciles nec inulti cedebant, operiebantque ca-  
daveribus solum, quā danda via perumpenti-  
bus erat, non sine tamen suorum clade. Ubi  
se tandem cavea conclusos vident, opem ora-  
tum mittunt ad Veteranium; qua ferenda, cu-  
pido licet, abstinendum ei fuit. Quippe si levis;  
non suffecisset; & si plurima, Transylvaniæ pe-  
riculum, cuius prope fines aliquot Turcarum  
legiones perduelliumque diversabantur, in aper-  
to erat. Quamobrem illi, cum ceterum dura-  
re diu multumque nequirent, auxilii spe desti-  
tuti hosti renuntiant, nulla si liceat injuria, se  
discessuros. Abditum intrare locum metuenti ac

*Turca illam  
superare aggre-  
diuntur.*

*Obtinentque,  
fractis deinde  
deditionis con-  
ditionibus.*

Tom. II.

D d d

mo-

1692.

moræ pertæso placuit dictum ; quod etiam pacto firmatum non tamen tenuit. Abeuntibus illata vincula, nec prius soluta quàm pari Varadinensibus reddita vice ; atque ita jus, ut non raro, quia mutuo violari poterat, valuit. Rebus sic expeditis ad belli summam, quid admoto invicem exercitu gesturi forent, magna erat hominum expectatio. Quamquam jam ætas processerat ; plurimumque adhuc inter se distabant, colligendis copiis occupati, Thracæ ad Albam græcam, Germani ad Mursam. Etenim Cæsari longius accersenda fuerant auxilia, nec priusquam appeteret autumnus, Dravum amnem ad conveniendum trajecerant sex Brunsvicensium millia, quatuor Monasteriensium, duo Danorum, & pari numero missi ab Ottoviro Bojoario, totidemque Hibernorum a Vilhelmo Rege, quos dedititios utiliore procul a patria navaturos operam reputaverat : firmiore, ubi nulla mutandæ occasio, ipsorum fide. Turcis alia steterat cunctandi causa. Hælius Visirius ad moderandum imperium senectæ invalidus, sed cupidus retinendi, cum illud bonis artibus non posset, submotis quotquot tantæ molis capaces consilio ac strenuitate præcellerent, sibi tuendum assumpserat. Quocirca intra paucos initi magistratus menses, varia causatus, neci dederat prope quingentos civili aut militari præfectura illustres. Nemo non ode-

*Sed utriusque partis exercitus ex hibernis discedunt, & quam ob causam.*

*Hælius Visirii dolosa crudelitas.*



rat abutentem ad privatum scelus publica auctoritate , dolebatque unius furiali ambitione rempublicam pessum ire . Non tamen audebat ulcus Regi detegere , clauso omnium consiliis , ex illaque feritate facilè Visirii erga se fidem , quasi noxia decuteret capita , reputanti . Verùm augescēte in dies fremitu lamentantium ereptos sibi conjuges , parentes , fratres , mox in tumultum evasuro , plures Aulicorum , quibus diuturnius silentium crimini verti poterat , Regi tandem , quid impenderet mali & unde originem duceret , aperuere . Achmetes jam antea expertus , multitudinem vehementius furere , nisi cedendo ejus leniter excipias impetum , Halium abdicare se magistratu ac Rhodum ire in exilium jussit . In ejus locum suffectus Halius alter Mesopotamiæ prætor , quem pariter per eos dies mactandum mandaverat exauthoratus Visirius , novam suspitioni suæ vicissimam . Sed antevertit citatissimis equis ferales literas nuntius delatæ ipsi a Régē dignitatis . Lætus ille mutata sorte confestim in Aulam processit , non prius autem quadraginta dierum emensus iter quàm Vere adulto . Primum ad interiores curas appulit animum , æmulo interempto pulsisque Sacrorum prætorianæque militiæ præfectis Muphtio ac Janizarcho , quos ei noverat familiarissimos , aliisque cooptatis qui , quæ ipse , sentirent suarumque penitus

*Regi tandem detecta .*

*Punitur .*

*Turca propendit ad bellum producendum .*

1692.

*Instigantibus  
Sulficaro, &  
Maurocordato  
legatione apud  
Cæsarem functis*

*Decernuntque,  
simulato pacis  
desiderio ad con-  
sopios hostes.*

tus essent partium. Deinde ad rempublicam se convertit. Utile ei quoque, bellum producere, videbatur. Non enim Germanos, Gallorum incursum debilitatos, diu ad utrumque bellum duraturos. In eandem sententiam libere ac palam loquebantur Sulficarus & Maurocordatus legatione functi apud Cæsarem, quibus enixe abeundi veniam postulantis, postquam plures menses negata, data denique fuerat, medioque Vere Albam græcam pervenerant. Non tamen de tanti momenti negotio Visirius absque Purpuratorum consilio (ut sunt cauta, quia etiam timida magistratuum initia) se uno auctore decidi, sibi tutum existimavit. Ii sententiam rogati leniter discreparunt, Visirii dictum tacitamque voluntatem sequuti; moderante plerumque ceterorum consilia potentioris desiderio, quod quisque venari annititur. Itaque Halius arma diutius periclitanda pronuntiavit; simulandum simul statuit pacis studium, ad consopios hostes, ne aliquid audendo turbaret ejusdem quæsitæ spem; cum præsertim sibi hoc anno ad prodeundum in aciem vires non suppetere, ac satis foret, si tyronem militem assuesceret hosti melioremque usu redderet. Rebus hoc pacto compositis deliberatisque, senescente jam æstate Albam græcam præmissa exercitu venit. Ad sexaginta hominum milia, in his sexdecim prætorianorum collegerat;

1692.

rat; Scytharum præterea quidpiam Tehelio attribuit, quibus aucto suorum agmine Transylvaniæ immineret, eoque averteret Veteranii copias distraheretque hostium partem. Germani ad quadraginta millia præter aliquot Hungaricas cohortes serò Muræ convenerant; quò pariter Ludovicus Badensium Princeps vix sub æstatis exitum iter suscepserat. Discedenti Cæsar, remotis arbitris, sedulo mandaverat ne milites in incertæ pugnæ discrimen daret. Meminisset, se gloriosam superiori anno victoriam de Barbaris reportasse, verum adeo funestam ob legiones maxima eade misere labefactatas, ut ejus prope pœnitendum esset. Nunc servandis viribus melius publicæ saluti consultum iri. Nam audaciora consilia extremæ in utramque partem fortunæ consentanea esse; mediocri, nonnisi cauta. His coercitus monitis, Muram profectus signa movit, aditoque Petri Varadini, castra ibi metatus est; nec ultra progressus fallensque expectati alicujus facinoris famam, vallo se communivit, Turcarum vim, si fortè iruerent, elusus. At hi pariter circa Albam græcam per reliquum autumnæ tempus otiosi abeterant, victu reficiendis intenti, quæ adhuc pauca supererant, superioris Hungariæ oppidis; dum interim Badensis Petri Varadini arcem veteribus instauratis novisque excitatis operibus complecteretur, nullo utrinque ad ea, quæ sibi pro-

*Badensi Cæsar  
servandum mi-  
litem mandat.*

*Quocirca otio  
estas tradidit.*

1692.

*Pacis reconcilianda rumor incessit.*

*Quam Caesar proponendam annuerat, sed honestis conditionibus.*

proposuerant, impedimento. Nec fluviales classes, magno conatu pecuniaque invicem comparatae, licet e stationibus nonnunquam progressae, in aciem prodire. Quiescentibus armis, vulgo increbrescebat rumor, pacem brevi compositum iri; quem per suam vagari gentem Virgilius laetabatur, ita lenientem belli ægritudines, ejusque ferentem incommoda æquiore animo, ut citò desitura. Et Cæsar eò lubentius audiebat, hanc apud Turcas foveri opinionem, quod rei componendae sermonem superbe contemnere visum fuerant jam antea a Vilhelmo Rege institutum. At plura casu evenerant, quæ Thracibus pristinam arrogantiam reddiderant ac feroces animos. Principio haud invitus Cæsar annuebat, mortuo Hulsejo, Britannico apud Achmetem legato, Vilhelinum Herbertum successorem colloquium urgere, quod ille inciperat de finiendi bello, Regemque suum constituendae pacis sequestrem iterum exhibere. Verum & ipso Herberto, vixdum Albæ græcæ cum Virgilio congressus fuerat, e vivis erepto, reputaverat fore apud Turcas (nec vana erat opinio) timidæ argumentum sollicitudinis datum illico Hemkerkio Viennæ Batavorum legato negotium, ut nulla mora ad Virgilium pergeret, intermissa pacis colloquia instauraturus; præsertim cum paucos post dies Vilhelmum Pagetum, ut in id vehementius incumberet, Vilhelmus Rex eò pariter

riter maximis itineribus ire voluisset. Utrique Cæsar suo & Fœderatorum nomine, quæ se se ad extremum sententia maneret, & quas primò proponi cuperent, quas postremò, si non aliter posset, accepturi forent pacis condiciones, ægro quidem, nam intempestivum rei gerendæ tempus arbitrabatur; sed prompto ac facili animo credidit; veritus ne si, cunctando, Vilhelmi Regis propositum retardaret, ejus ab se voluntatem abalienaret, quam nosset Gallici belli moderatricem, & unde sociorum fortuna pendere plurimum videretur. Visirium Hemskerkius Albæ græcæ convenit candidaque simplicitate, quas faciliores ferret redintegrandæ amicitiae condiciones non gradatim discussa re, statim aperuit. Ille nactus hominem per commodum consilio, quod jamdiu animo volutabat, sibi ut Adrianopoli apud Regem præsid esset, admonuit. Quod ubi Pageto cognitum, metu ne tantum opus se absente conficeretur, confectique gloria in alterum prorsus verteret, accelerata quammaxime potuit via illuc sub idem prope, quo Hemskerkius, tempus advenit; eam celeritatem, aliorumque super alios oratorum discursum irradientibus Barbaris taciteque jactantibus fractam denique hostium ferociam expressumque necessitate renovandi fœderis desiderium. Confestim a Visirio in Purpuratorum senatum vocati, quæ vel-

lent,

1692.

*Quid earum  
unusquisque Fœderatorum vel-  
let.*

*Bataavorum  
Legatus rei ge-  
rendæ parum  
expertus a Tur-  
cis deluditur.*

*Itemq. Britan-  
nicus Orator.*

1692

*Ipsorum ad Tur-  
cicum senatum  
verba.*

*Visirii Legatis  
a Turcum respon-  
sum.*

*Ejus ad irritan-  
dos ad bellum  
animos in Se-  
natu concio.*

lent, exponere jussi sunt. Vilhelmum Regem, dixere, diuturni misertum belli, quo cives Othomanici Imperii, plurimum sibi suisque Britannis commercii utilitate commendati, confidarentur, pacis conciliatorem ultro se offerre. Nec dubitare quin id gratum habituri sint, reputantes, nihil in rebus humanis inesse boni, si desit quies. Inimicitias mortales esse, dummodo ad eas dirimendas faciles afferantur animi, ac mens in futurum potius quam in præteritum versa. Hanc mentem Germanis, Polonis, Venetis Vilhelmum indidisse; nunc sciscitatum misisse an eadem Turcas maneat. Visirius, parem in Achmete non desideraturos præfatus, legatos impulit ut dicendis conditionibus, quibus otium haberi posset, compendium facerent. Dictæ primum, quæ graviores erant (hæ superius memoratæ sunt), cum Halii astu se docilem ad paciscendum simularet, atque inde Pagetus arbitraretur (fortasse ignarus, quas Hemskerkius ingenii simplicitate protulisset), ubi ad æquiores descensum foret, illum prius duriorum metu consternatum facile æquioribus captum iri. At secus accidit. Legatis e curia digressis, Halii in iram acerrime effusus conquestus est: ed tandem Othomanorum potentiam ludibundis hostibus adductam videri, ut cujus antea, ab atavis usque, terrore percellerentur, nunc adeo contemptui ha-

haberent, ut non pauca solum, quæ in potestatem redeissent, oppida sed Albam grægam, dudum ex ipsorum unguibus evulsam, integraeque provincias, quas adhuc ne tentare quidem ausi fuerint, Turcico Imperio Majorum virtute conquestas, repetant. An tantam audaciam ferendam esse? Et non cuncta potius in discrimen adducenda, quam fæda ignominia, hisce si vellent annuere, invictæ olim Turcarum genti partæque tot nobilissimis triumphis gloriæ inuratur? in discrimen verò? Excidit casu formidolosum verbum, cujus nulla se offert dicendi ratio. Quid enim? Quidpiam ne nobis ex immenso Asiæ Africæque tractu decessit? Quid nobis in Europa per decem annos, quibus hoc bellum viget, e pristinis regionibus decerptum est? Servia, Dacia, Bulgaria, Bosnia, Thracia nostræ sunt. Serviunt Achmeti Macedonia, Græcia, Illyrium, Epirus. Ejus auspicia sequuntur Ægæi atque Jonii Pamphilique maris insulæ. Pulsi nec penitus quidem Hungaria sumus, Peloponneso dejecti. Quota ista amplissimi Imperiî pars? Quid isthinc militum delectui, quid vestigalibus atque ærario damni? Contra verò quanta Cæsari Gallici belli moles, quantum detractum virium? Id utique in aperto dudum fuit, ejus exercitu frustra, ut in aciem prodiret, lacescitur; qui paullo ante, quid sibi superandum

Tom. II.

E e e

pro-

1692.

proponeret; non quid sibi proposuisset, superaturus ne foret, ambigebat. Cur igitur absurdis petitionibus ingravescunt, nosque idoneos reputant in quos illudant? nisi freti civium nostrorum locordia ne an torpore, quo vulgò pacem velle perhibentur. Producto bello, si me audiat Achmetes, quàm vana illi ducantur opinione, admonendi sunt; & cum se falsos fuisse compererint, cadent animis; nullusque dubito, satis superque habituros, si res in pristinum locum restitutas integrandi fœderis pretium statuunt. At plebs fraudato suo pacis desiderio tumultuabitur? Primum: ego ne unquam Regi auctor sim, ut e vulgi levitate moderandæ reipublicæ consilium capiat? Fremit ille, sed pavet; æstuat, at servit. Facile deinde variat, si probe, quid sit in rem suam, instruatur. Procul enim cum non intendat ingenii aciem, præsentī capitur rerum specie; quæ inde sint emerfura, haud assequitur. Intelligat modò, quas ferat hostis implacabilis dirissimas pacis conditiones; & pacem, ni diuturnus me fallit rerum usus, pari, quo nunc in eam ducitur, studio averfabitur. Diligenter edoceatur, non eo tantum vulnere, licet atrocissimo, quod præsentēs conditiones inijcerent, Othomanicum Imperium dilacerandum esse; sed longe in posterum atrociori. Agi enim ut in hostium potestatem dimissis alibi validissimis oppidis, ali-

bi



bi nobilissimis provinciis, aditus ad immunitas interiores partes aperiatur, ut ubi modò tutissimo perfruiamus otio, & nullo percelluntur servitutis aut ignominie timore Threicie natus liberique; tunc periculum adeant, ipsaque morte asperiores, pavidam perpetuam vitam vivant. Et sane haudquaquam gravabitur, tantam perniciem luctuosamque malorum colluviem aliquo diuturniore militie ac tributorum incommodo ab se propellere. His omnium assensu ac plausu decretis, Visirius Regi sua sponte in bellum propenso Senatusconsultum detulit; iussusque ex ipso rem gerere, confestim in concionem vocat, quotquot in Aula præfecti militares aderant civilesque magistratus ac simul popularium cujuscumque ordinis primates; aperit, quas hostes proponerent fœderis feriendi leges; indicatque, Achmetem suam e suæ gentis consilio statuere sententiam velle. Bellum incredibili strepitu conclamatum est; vocesque mixtæ horrore atque indignatione eò magis invaluere, quò Visirius promulgatas condiciones maligna interpretatione duriores reddere conabatur. At bellum, inquit, pecunia ac milite opus habet; quæ contribuere si acerbum videatur, satius est se illud vel ingenti damno, ut ut queat, componi, quàm neglectum asperiores ærumnas parere. Horum nihil defuturum vociferati, dom-

*Eiusdem ad populum.*

*Bellum ab omnibus conclamatur.*

1692.

modo vitam, libertatem, perpetuam Majorum gloriam tueantur; Halium id cupidissime appetentem ad arma incendunt. Dein legati diligentius custoditi, ne cum aliis colloquia ferrent prioraque dicta interpretando aut mitiora proponendo frangerent tumultuantium insanum impetum; mutandæque sententiæ, ut faciliè vulgus impellitur, imperitiæ multitudini argumentum darent. Non tamen dimissi, quamquam per plures menses, quibus discedere prohibiti sunt, sæpius discedendi veniam quaesierint seu exosi inutilem moram seu Barbarorum animos, tentando, penitus scrutaturi. Quid ipsi attulissent, quodque Adrianopoli conditionum, quas daturi essent, factum judicium fuisset, celeriter per provincias dispersum pares ubique turbas concivit mutavitque mentes, haud ægre civibus ad militiam tributaque se se offerentibus; quorum neutrum in amplissimo Imperio, ni desit animus, unquam deficiet. Ita Visirii sagacitate eadem ars, qua Legati coalituram speraverant, pacem diremit. Adeo in omni re pertractanda illud primum: nosse hominum ingenia, & quid iis expugnandis e temporum varietate magis congruat. Hæc partim in proximum annum cecidere. Magnas Cæsari auxit curas infecta pax; experto in se unum jam prope intentam barbarici belli tempestatem. Parum enim vel hoc anno Sarmatis

cis

*et de cernitur.*

5 2 2 1

cis armis profectum est. Rex insito, quod verè nunquam posuit, in Turcas odio, ac vehementer, ut diximus, a Cæsare oratus aliquod in ipsos edere, suppleto exercitu, illustre facinus cogitaverat. Id in animo sibi esse, renuntiandum Fœderatis miserat initio Veris Carolum Mauritium Vottam e Soc. Jesu, eique mandaverat ut de re gerenda cum Cæsare conveniret, ab eoque idcirco peditum quidpiam, a Pontifice maximo pecuniæ quæreret. Carolus ubique libenter auditus, actæque Regi gratiæ. Nullam tamen ab Leopoldo retulit opem, causato vix sibi satis legionum esse ad sua tuenda; re vera suspicato, inutilem fore; tarde Polonis, ut hætenus, in expeditionem profecturis. Ad reliqua responsum datum: suis quisque viribus suoque arbitrato hostem urgeret. Sic enim, si fœderis constet fides, citò melius debellari posse. Manebant veteris diffidentiae semina; elusæque non semel promissa nunc quoque parum in pretio habita. Ab Innocentio quinadena haud amplius expressa scutatorum millia, obtentis ararii angustiis ac palam, ut aperto erat ingenuoque animo, exprobrante tantam hætenus nullo proventu immissam pecuniam. Mussitabatque, male quemquam illici ad ferendum auxilium illata injuria. Sacerdotium indicabat, per id fere temporis adversus Pontificiam auctoritatem ab Rege assignatum, ejusque

*Polonia Rex de belli gerendi ratione cum Fœderatis agit.*

*Parum auditis.*

1692.

*Poloni Scytharum  
legato priva-  
tam cum ipsis  
Turcarum pa-  
ciem spondenti  
aures præbent.*

*Sed ab Rege  
dissuadentur.*

*Kamæneco ad-  
moverent copias.*

que patrimonium inessum militibus; ut qui eo Romæ donatus foret, adeundo intercluderetur. Hinc remissior ad belli curas Joannis animus, auditusque Deurifus, qui ab Sasa Gergeio Scytharum Regulo dudum advenerat non magis officii causa, quàm quodd novus Princeps popularibus diffidens, quibus invitis in exauthorati Selimi locum ab Achmete Rege suffectus fuerat, ostentare cuperet cum Sarmatis amicitiam, qua tutior inter cives esset; ejus autem se daturum, si vellent, documentum diceret, reconciliando ipsis non sine Reipublicæ utilitate Turcarum fœdere. Et in id quidem, belli tædio, Senatus inclinabat. Tenuit tamen Regis sententia, ne quid præcipiti consilio decerneretur; valuitque ad retinendos animos, quodd Scythæ interiores regni provincias, ubi nondum grassati fuerant, ferocissime per hos ipsos dies popularentur; videreturque, affectata interrim amicitia, damno ludibrium additum. Itaque ad arma sed lentius & minori apparatu discursum est. Cùm jam prope adesset autumnus, collectum exercitum supremi duces (nam Rex abstinuit ob adversam valetudinem vel potius eventus metu) Kamæneco admoverunt; incerti oppugnarent verberarent ne, illic ex occasione rem decreturi. Pluvium quammaxime cælum erat, patebatque, mollito solo nec vineas duci, nisi extremo ac fortè inutili conatu

tu, nec milites sub dio durare posse. Visum proinde, obsessis itineribus arcere oppidum commeatibus, & longo sed tolerabili obsidentium incommodo ad inedium redigere. In id Sniatinum Coccinumque ad Naparim, unde via illuc aperiabatur, præsidiiis firmant, erectumque inter duos illac in proximo defluentes rivos castellum, cui ab sanctissima Trinitate nomen inditum, tricenis machinis & quatuor millibus armatorum muniunt. Quæ dum illic geruntur, Soraca ad ipsum Naparim sita & superiori anno ab Sarmatis capta cinctaque novis operibus oppugnatur. Mustaphus prætor sex illuc Turcarum millia, duo Valachorum Cantamirenus eorundem Regulus, tria Scytharum Noradinus adduxerat cum duobus vicensisque tormentis & multo belli apparatu. Oppidum, quod proprio aliquo damno eorum singulis incommodabat, diviso ad æmulationem labore trifariam subibant. Intus sexcentum præsidio Rappa tribunus imperitabat; qui ubi vidit hostes contempta muralium jaculorum procella, quamquam pluribus funesta, audacter promovere aggerem, bis cum valido erumpens globo, ejus quidpiam delevit inflicta excubitoribus ingenti cæde. Barbari tamen insisterant operi eoque celerius terram moliebantur, quod cunctatio periculi plena erat; jamque suspenderant cuniculis mœnia, & ad

1692.  
*Aliquot circa illud muniunt oppida in obsidionem intenti.*

*Soraca a Turcis oppugnatur.*

1692.

*A Polonis defenditur.*

fossam prope successerant; cum intempesta nocte prædarios omnes tribunus educit, iussos usque adeo pugnam urgere, dum hostis obsidionem solvat ac pedem referat. Longe illum antecellere armatorum numero; sed inconditam collectitiamque turbam, repentino præsertim pavore fractam, nullius pretii militari viro ducendam esse; cui simul addat vires infixæ penitus menti opinio: vincendo retineri facile vitam posse; nec aliter posse, desperata prope modum auxilii spe. Hæc ubi dixit, triplici agmine in hostem irruit. Primos vix non incautos opprimit; reliquos morientium gemitu consternatos colligere non finit animum nec stare loco; pullos e vineis ad vallum usque prosequitur inflicta ingenti clade stratoque cadaveribus solo. Tantus hinc timor incessit Barbaros ut ipsa nocte extinctis luminibus taciti convasaverint, relicta machinarum bellicique instrumenti parte ne iter, corrupta sædis imbribus via, retardarent. Ipsorum duo millia, centum quinquaginta prædiorum oppugnatio, quæ novem non amplius tenuit dies, absumpsit. Quæta deinde processit hyems. Veneti, quamquam diligentibus se ad bellum instruxissent, deteriori tamen quàm Sarmatæ, fortuna usi sunt. Vix annus incæperat, cum Carabulæ paucorum fraude ad Turcas defecere. Decem ab occidentali Cretæ insulæ angulo passum

*A Turcis deseritur.*

*Carabulæ a Venetis ad Turcas defecit.*

suum millia adversus Cadiscum promontorium  
e pelago surgit scopulus, qui cornua utrinque  
protendens fidam navibus stationem præbet. In  
vertice ad portus tutelam sedet arx loci natu-  
ra & munitionibus valida, quam Veneti, ut  
prius armis ita & Cretensi pace cum Suda  
(Amphimalim præci vocaverant) Spinaque lon-  
ga, omni reliquo cedere coacti regno, reti-  
nuerant. Satis ibi in una militum cohorte præ-  
sidii erat, cui fortè centurio datus Lucas Roc-  
ca Neapolitanus, perditus & audax indole,  
longe verò deterior opinione acceptæ inultæque  
injuriz, quòd infami conjugio maculosus in  
ordinem redactus fuerat, nec unquam vulneri,  
licet iterum primipili honore donatus, cica-  
tricem obduxerat. Is oblatam vindictæ occa-  
sionem avide arripuit. In suam facilè senten-  
tiam conciliatis signifero Francisco Peronio po-  
pulari suo aliisque militum, quos ex morum  
similitudine ad scelus fore dociles ominatus  
fuerat; de arce prodenda transegit cum Cydo-  
niæ præside, pactus proditoris auctoribus so-  
ciisque prædam ac libertatem. Accepta data-  
que fide, nactus diem, qua Græcorum plures  
ad sua negotia, prætor Franciscus Donatus in-  
ermis ad portum diverterat, repente milites ad  
arma vocat, inclamans adesse Turcas. Facto  
agmine in fronte proditores locat, intentisque  
pyroscorpionibus prætorem tumultuantium ani-

*Quo pacto præ-  
sidium eluditur.*

*Veneri pecunia  
Pratorem redi-  
munt.*

mos inodò terrere modò lenire frustra obni-  
tentem , dein quotquot ab re alienos putabat ,  
ipsa sceleris novitate fractos opprimit , Turcis-  
que in arcem prius expilatam receptis victos  
tradit , infandi criminis auctarium . Eos Res-  
publica scutatorum non ita multo post quin-  
millibus in libertatem asseruit , ulta memora-  
bili pietate proditoris perfidiam . Et reliquæ duæ  
Suda Spinaque longa iisdem artibus in discrimen  
venerunt , conductis mercede insidiatoribus , qui  
eas Thracibus desponderant . Valuit Sudæ , ut  
in recenti fraude , suspecta omnium fides ad  
præcavendum ; factum Spinæ conjurationis in-  
dicium illam extinxit auctorum sanguine . Hæc  
irrito conatu clam gesta . Verùm & pari suc-  
cessu urbes hoc anno invicem per ea loca ar-  
mis tentatæ hostibus restiterunt . Mocenigus  
imperator , vixdum per anni tempus aperto ad  
navigandum pelago , de re gerenda militare Con-  
siliium habuit ostenditque placere Senatui otio  
ætatem haudquaquam traduci , sed jam prope  
senescentem armorum gloriam aliquo illustri fa-  
cto revirescere . Sub signis recenseri peditum  
undecim amplius millia . Adesse , qui eos im-  
perio regat , Comitem Sigismundum Trautmo-  
storffum in demortui Deghenfelti locum succe-  
ssum . Romanam Melitensemque classem cum  
validis auxiliis advenisse ; & bellici apparatus  
assatim suppeditare ; satis proinde comparatum



roboris ad splendidum quidpiam audendum.  
Ex hac rerum notitia promere, quid e repu-  
blica ducerent, invitati, sensere alii Mityle-  
nem aut Coum invadendas, expugnatu faciles,  
quodd incuriose habitæ ut extra metum; situ  
ac feracitate opportunas, retentu non difficiles  
maris classiumque potentioribus. At visum, in-  
tra Othomanici Imperii viscera non penetran-  
dum ne nimio dolore Turcæ socordiam excu-  
terent, qua modò plurimum debilitarentur.  
Chalcis aliis, frustra licet non semel proposita,  
in sermonem rediit. Sed rejecta, præoccupatis  
infausto dudum eventu animis, & quia præ-  
sidio valida, major credita oppugnantium vi-  
ribus. Plausu excepta Mocenigi sententia Cy-  
doniam indicantis, quam sciret, sui fiducia  
incaute nulloque legionario milite custodiri;  
vix autem ostingentos continere cives ad ar-  
ma ferenda idoneos. Ea subacta, haud inanem  
prodituram spem restituendi Reipublicæ Creten-  
sis regni, non capto inde solum faustæ expedi-  
tionis omine, unde ante annos duos & qua-  
draginta, cum illa in Turcarum ditionem con-  
cessit, perituri emerferat; sed ex popularium  
voluntate, qui barbaricæ feritati nondum lon-  
go usu occalluerant; se seque proinde, ubi se  
daret occasio, in libertatem communi consen-  
su vindicatueros, opinio erat. Nec timendum,  
ajebat, quin distracto alibi exercitu, aliquod

1692.

*Militare Con-  
siliū quid a-  
gendū sit de-  
liberat.*

*Variant sen-  
tentia.*

*Mocenigus  
Cydoniam in-  
vadere statuit,  
qua ratione  
commotus.*

1692.

*Illic navigat  
cum exercitu.*

interea Peloponnesus discrimen obeat. Non enim plus abesse a Creta millibus septuaginta; promptus idcirco expeditusque eò reditus. Vix autem credi posse, exiguas Barbarorum copias, quæ nunc in Bæotia versantur, isthmum ingenti præsidio infessum transgressuras; aut certe, si audeant, sine piaculo redituras. Cydonia decreta, exercitus cum omni machinarum genere parum progressa æstate in naves impositus. Fuere peditum duodecim millia cum auxiliaribus, equites octingenti. Mille præterea pedites, quadringenti equites, & aliquot provincialium cohortes Marino Michaelio prætori ad isthmi tutelam dati; iussusque si periculum ingravesceret, eò cum excubantibus ad Ionicas insulas quinquere milibus accurrere Vincentius Vendraminus. Rebus ita in Peloponneso dispositis, classis in Cretam navigavit, brevique trajectu tenuit Cydoniæ litus. Descendentibus nulla hostili incurfu facta mora. Progradientibus ad oppidi mœnia obviam fuere Turcæ, qui tamen ad primum telorum coniectum celeri cursu pedem retulerunt. Quietè deinde Veneti, sed non improvisò, ut rebantur, adventu nec imparatis oppidanis, ad rem bellicam se accingunt. Hos enim biduo ante Gallica oneraria navis, quæ Nauplia suas illuc merces advexerat, hostem mox affuturum, commonuerat. Quocirca Turcæ suburbia, ne quid

quid sibi negotiū facerent, igne deleverant; armaverant muros machinis, & oblatum discrimen Cretæ prætori, ut opem submitteret, nuntiātum miserant. Quā parte illic ad boream vergit litus, lingua in altum protenditur, fluvibus Amphimali sinus ad orientem opposita. In occidentali ejus ora prope fauces pelago imminet plano loco Cydonia, vetustissima Samiorum colonia, quam Veneti, dum Gretam in potestate habuere, firmaverant quinque rostratis propugnaculis & lata fossa. Turcæ postmodum duas addiderant semilunares munitiones; alteram rostrum propugnaculi, quod a S. Demetrio nomen habet; alteram eidem propugnaculo continuata sinistrorsum mœnia protegentem. Assanus, qui Patris Peloponnesiacis, cum oppido Veneti potiti sunt, nunc Cydoniæ præerat; ei-que consilii socius at longe præstantior militari arte assidebat Barbus Epidauri & ipse Limeræ dudum præfectura diuturnaque propugnatione clarus. Hi Venetos vallum ducentes, immisso frequenter armatorum agmine inflictaque majori quàm referrent clade, divexabant. Oppidanis erumpentibus faciebat animos ostentans quotidie sese in proximis collibus tumultuario delectu conquisita suorum turba, occasionem ac locum, quā in oppidum perrumperet, circumspiciens. Verum ubique obstruebat aditum ductus per mille quingentos passus ad iithmi

*Urbis situs ac munitiones.*

*Oppugatio describitur.*

1692.

*Turcarum tur-  
bam aggredi de-  
cernunt.*

isthmi angustias a Venetis agger, fossa atque undecim castellis munitis, æquo spatio distinctis. Nec per infrequentes illuc stationes penetrare spes aderat, excubantibus ubique hostibus, qui tamen ad tutandum aggerem ingenti numero distracti lentius vicissim agebant ad muros vineas trahebantque moram. Itaque, ut facinus accelerarent, submovere longius collectitiam illam Turcarum manum decernunt. Dum promoveantur signa, Barbari intra nemus se condiderant arte simulantes fugam, rati sic hostem, ut minus sibi caveret, in negligentiam iuductum iri. Nec spes eos decepit. Karæ Muræ veterano militi, qui expugnandæ jam olim Cydoniæ interfuerat, confectoque Cretico bello partem proximi Rhitimnensis agri merito virtutis acceperat, datum ab insulæ prætore negotium fuerat ut rap-  
tim conscripto milite opem vi aut arte, prout occasio ferret, oblectis daret. Is facto quatuor millium agmine, modò huc modò illuc globatim, ut fatigaret falleretque Venetos, concursabat. Postquam inani successu diu vagatus, iis ludibrio se potius quàm timori esse credidit, equites aliquot, peditem singulos ab tergo excipientes nemore abdidit, quod mare contingebat; conditoque oppidanis ut concubia nocte haud procul inde hostem aggredierentur ejusque omnem in se curam averterent, dum interim per nota vada quidpiam paratæ

ratz opis clam perrupturum in urbem foret. Centum pervaserant, cum fraus innotuit, crebroque telorum ictu via ceteris, ne pergere audent, obsepta est. Kara minori licet quam speraverat eventu latus novas ex ipso nemore struxit insidias. Hostes lignandi causa illud intrantes, & Illyriorum turmas ad extremam oram, ut praesidio lignantibus essent, stetisse videt. Ed usque dum fascies colligerent, quievit. Deinde ab latere ab fronte palatos invadit, plures obtruncat; nec equitatus fugientibus tutum receptum dabat, ipse pariter in discrimen adductus. Quo comperto Trautmetstorffus omne confestim illuc adduxit equestre robur re-tuditque promiscua caede Turcarum impetum. Interea oppidani concitatas auxere turbas. Foras egressi, magnam obsidionalis aggeris partem æquant, solo stratis excubiis. Jamque pergebant ad corrumpendas machinas, ni legiones Romana & Melitenfis eos transversis jaculis male multatos coegissent sibi, relato pede, prospicere, pluribus utrinque desideratis. At clades longe major Venetis ex fuga morbisque accidebat. Milites aperto caelo solis æstum notisque intemperiem plures jam dies exceperant tabernaculis destituti. Hinc passim dissoluta corpora aut moriebantur aut febris correpta viribus deficiebant. Et mille amplius Gallici nominis, in Italia conscripti e deserto colluvio-

1692.

vione, catervatim ad Turcas diffugerant; libero inde commeatu, quo vellent, discessuri. Non ideo tamen deseruere Veneti vincendi spem; quin ad magis ad accelerandum incensi, quod plures dira calamitas inuiti mora quam ferarum absumptura videbatur. Igitur severiori studio excussa gregariorum segnities aut negligentia, qua plurimum adhuc in expediendis machinis promovendoque vallo capti fuerant. Triquetram munitionem ante Demetriani rostrum propugnaculi (quippe alibi fossoribus malignus ager) oppugnandam susceperant, illinc, ut olim Turcæ, in oppidum pervasuri. Parum per tricenos dies processerant vel incuriose productæ vineæ vel hostium vi dissipatæ. Nunc brevi ad fossæ labrum adductæ apertisque arietibus lateribus data facilis ad irrumpendum & lata via. Sine mora concurritur. Agmen ducebant Eques Hierosolymitanus Hieronymus Minuccius & Comes Bartholomæus Soardus. Erant in fronte pyrochitrophori, a tergo pyrobalistis armati ducenti Melitensium. Ad primos ictus Barbari vacillarunt nec diu sustinuerunt hærentem vestigiis hostem; cui tamen, dum vallo se contegit, plures ex oppidi lorica telis obruti adempti sunt. Nunquam deinde ea statio quieta nec sine cæde. Quin erumpente flamma ad intimam propugnaculi oram e nitrato pulvere, paullo ante ab oppidanis incur-

cuniculum inducō , iisque irruentibus tantus  
cœpit Venetos pavor , ut nemo non jugulum  
aut terga dedisset , nisi Ludovicus Cittadella  
Veronensis eques Hierosolymitanus ad primos  
legionis suæ , quæ ibi fortè præsidio erat , pro-  
gressus ordines , torpentibus animos restituisset  
coegissetque , pulsus post diuturnum certamen  
Thracibus , gradu insistere . Magni locus ad rei  
summam momenti erat . Ex ejus quippe latere  
Demetrianum munimentum celeri eventu arie-  
tibus quatiebatur , unde ad mœnium ruinas  
promptum ac tutum iter . Fossa , ne subituris  
moram faceret , æquanda erat . In id subverti  
ejus marginem sulphurati vi pulveris , illam-  
que ruinis potius quàm fascibus complere Traut-  
mestorfus satius duxit . Non uno loco rupit ag-  
gerem furens ignis abstulitque casu partem se-  
milunaris operis , in clivumque ex adversum op-  
pido defedit humus . Oblatam occasionem Thra-  
ces arripere , proflientesque in Melitensium co-  
hortem , quæ tunc ibi stationem agebat , fero-  
citer adeo impressionem dederunt ut ei stare  
non licuerit . Victoriæ prosequuti , parum ab-  
fuit quin machinis potirentur . Sed obstitit Ve-  
netorum globus , qui suis auxiliatum in tem-  
pore accurrit . Integrata isthic magno strepitu  
fera pugna , e vallo e mœnibus immisso iavi-  
cem recenti milite ; utrinque ratis , in ea muni-  
tione oppidi fortunam vertere . Nec prius cer-

*Tom. II.*

G g g

tan-

1692.

tandi finis, quàm fracta demum Turcarum ferocia & promiscua nece Veneti, unde protrusi fuerant, se restituerint. Hinc iis superandi oppidi oblata spes, quamquam dimidia parte imminuto exercitu pervicacia oppidanorum vincenda erat. Et hi quidem, diruta machinis propugnaculi fronte multaque nece debilitati, jam tandem obnitendo haud satis erant, nec ulla, quamobrem obdurescerent, celeris validique subsidii lux affulgebat. Non enim ex insula tantum conscribi licuerat Turcarum ut ad viam ferro sibi aperiendam suffecturi viderentur. Et Murfa, qui rursus per vada bis centum aliis immisis in urbem equitibus excubias iterum fefellerat, diligentius observabatur. Mari verò plus adeo poterant Veneti, ut Barbari classe aut nihil aut frustra ausuri essent. Quamobrem isti, quod proximum auxilio erat, Peloponnesum invadunt, Cydoniæ periculum graviore Venetis oblato discrimine propulsaturi. Liberius Geracharus erat Lacon magni inter Græcos nominis, quòd audaces turbulentosque animos gereret, dum suæ gentis reliqui servirent. Collectis quinque popularium millibus ad Turcas Peloponneso dejectos accesserat, odiosum ceteroquin auxilium superbe dudum in Græcos veluti in servos dominatis; faciebatque recuperandæ provinciæ spem clientum ope suaque inter populares auctoritate, quibus ostenti simile

vi.

*Turce Peloponnesum invadunt.*

*Quibuscumque Græcorum plures coniunguntur.*



videbatur, longius repetita vetustatis memoria, strenuus Græcus & armis potens. Igitur postquam in Cretam Veneti se distraxerant, non dimittendam occasionem professus, Turcarum prætori, qui propinqua in Bœotia castris se continebat, detulit: advenisse tempus, quo datam de liberanda Peloponneso fidem persolveret; & quid in animo sibi agendum proposuisset, exposuit. Laudibus promissisque oneratus, potestatem, quæ vellet, agendi accepit, simulque equitum plures certamque sponsonem, se mox cum omni exercitu, si fortuna cœptis arrideret, sequuturum. Re comperta Michaelius diligentem ad isthmi fauces intercludendas convertit curam. Isthmus, ubi latior decem; ubi angustior, quinque fere patet passuum millia. Ei statim e Peloponneso difficiles occurrunt montes, qui tria tantum provinciam intrantibus præbent itinera. Quod ad dexteram flectitur in Corinthiacum sinum, asperrimum identidem ac plerumque jumentis fere impervium. Alterum in Saronicum mare versum trahendis impedimentis facile, sed per aliquod spatium angustissimum, hinc imminente pelago illinc prolixa rupe. Tertium ad Corinthi sinistram sub ipso colle non adeo lene, verum nulli obnoxium periculo ac brevius in mediterranea ducit. Duo extrema Michaelius aliquo angustis locis præsidio satis obsepit. Medium, quâ coniecta-

*Isthmi Peloponnesiaci descriptio.*

1692.

bat adventurum hostem, contractis, quot potuit, legionariis militibus vicenisque insuper provincialium Græcorum centuriis, Fabio Lanorjæ legionis instructori muniendum concludendumque attribuit. Ad tumuli, ubi Corinthus jacet, radices magna continuo tractu eminent saxa in valli speciem. Ibi tutissimo in loco, qui vel militiæ inexpertis addere potuisset animos, Græci locati, levi negotio pyroscorpionibus transgredi nitentem hostem cohibituri; in ulteriori proxima valle legionarii, quibus dextrum latus ala equitum contegebat. Istac Liberius, ut opinio fuerat, quadrato agmine faciebat iter succedebatque saxis propter imum collem assurgentibus. Cum collectitius ille popularium globus, priusquam hostes interiores fierent, nullo ipsorum damno vix jaculatus in apertam fugam per abruptos colles se dissipavit, abjectis animis statim ut eos ad se audacter venire vidit. Expedito illic itinere Liberii agmen progrediebatur, cum procedenti legionarii Veneti a fronte, equites ab latere se se obiecere. At citò repulsi ab Turcarum ala, quam Liberianis prætor præsidio dederat, quæque irruens, hostium ferocioribus obtruncatis, reliquos celeri cursu abeuntes dispersit. Michaelius, cum in eo rerum discrimine aliud non posset, misit illico, qui palatos colligeret revocaretque Corinthum pedites, Naupliam equites ire

ire juberet, præsidium aucturos. Aperto in provinciâ aditu quinque Turcarum millia cum ipso prætore prægressis cum Liberio Græcis præstito fuerunt. Argos profecti, & quâ blanditiis quâ minis popularium fidem sollicitare adorti, nihil proficiunt; misera gens ærumnis jamdiu stupida, & quo consilio fugeret ingruentem pestem, ignara, sylvestres deviolque in montes se abdiderat, relictis domibus exiguisque pauperum larium fortunis. Quod ubi hostes vident, nec se præda satiari posse, cuncta ferro flammaque devastantes, exurunt vicos agrorumque instrumenta, obtruncant armenta, herbas frugesque corrumpunt, nulli frugiferæ arbori parcunt. Inde periclitaturi, quid posset illatus pavor, Naupliæ se se ostendunt. Vi tormentorum submoti laceratique, nec ausi interius se inferre, metu ne Venetorum exercitus classe redux Isthmum intercluderet, referunt signa, Corinthum, si cæptis fors annueret, invadere cogitantes. Aderant inibi cum Michaelio pro prætore hominum tria millia; nec Turcæ ad verberanda mœnia machinas adduxerant. Vim proinde præsidariis haudquaquam veritis, una hostes manebat spes expugnandæ arcis, aquatio interdicta, quàm plurimum ab externo fonte oppidani petebant. Nam qui mirabili substructione intus emicat, ut non ante, nunc minus, aucto virorum numero, suffecturus repu-

*Receduntque.*

*Corinto frustra tentata.*

1692.

*Mocenigus au-  
dito Peloponne-  
si periculo illuc  
a Cydonia redi-  
re statuit.*

*Praefectis mili-  
taribus repu-  
gnantibus, at-  
que uno & al-  
tero navalium  
ducum.*

putabatur. Itaque circumfesso tumulo Turcæ,  
& latice extra minoris teli coniectum surgen-  
te potiti, quid sitis suatura obsessis foret, ex-  
pectabant. Aliquot ibi morati dies, cum com-  
perissent, jugem interiorem aquam parce uten-  
tibus satis præbere potus; consilii quoque ho-  
stilem classem mox affuturam, suburbiiis incen-  
sis isthmum remearunt. Mocenigus imperator  
ad primum turbatæ Peloponnesi nuntium, plus  
ei veritus est quam res postularet; missisque re-  
pente bellicis navibus cum ipsarum præfecto  
Hieronymo Priulo, qui retardaret Thracum con-  
silia; ipse de Cydonia deferenda castrenses ma-  
jores primum duces, dein navales, quibus rei  
decernendæ jus erat, consuluit. Castrensum  
una sententia fuit: ab urbe jam prope enecta  
non discedendum, nec dimittendum, brevi in-  
terjecta mora, tot laborum, sanguinis gloriæ-  
que fructum; quem certò referendum porten-  
derent. & vineæ ad fossam productæ; & femi-  
lunare captum opus, & nudata mœnibus con-  
tigni frons propugnaculi, & consternati cives  
ædium ruina ( id enim ollarum nunquam in-  
termissa tempestate evenerat ), milites plurima  
suorum nece; quodque facinus certum redde-  
ret, desperatum obsessis auxilium intercluso  
mari contractisque ex insula, quotquot diutur-  
no delectu contrahi militum potis fuerit, non  
ea tamen frequentia, quæ inimicum vallum  
au-

auderet perfodere ac superare. Interea de Peloponneso nullam habendam solitudinem. Etenim quæ ibi essent munitæ arces, nihil sibi timere ab incondita fugacissimaque & nullis instructa machinis, ut modò res erat, hostium colluvie. Populationibus autem nil nisi privatorum cieri lacrymas, quæ faciliè pari Principis beneficentia restinguantur. Ad hæc Trautnestorsus addidit: se de Cydonia in potestatem redigenda spondere posse; de incolumi exercitu tantoque belli apparatu ad naves reducendo haudquaquàm posse. Cum ex infelici successu plerumque flaccescant animi; iisque fractis, dissolvi disciplinam, quæ una tuti recessus munimentum est: Castrensi Mocenigus sententiæ non acquiescebat; secum reputans, qualecumque Peloponnesi discrimen victa Cydonia pluris ducendum esse, ab eo præsertim cujus imperio fideique commissa foret rerum summa. Nam communis consultationis infelix eventus reliquis imprudentiæ, imperatori delicto vertitur. Huic proinde, si quid anceps deliberandum proponitur, cauta consilia probabiliora. Ceteri, quibus, deferente fortuna, parum noxæ; aridente præmii & gloriæ plurimum futurum sit, lubentius audent. Duodecim, agebat, huc adduximus armatorum millia. Horum tria mors abstulit; duo intercipit incommoda valetudo; decem amplius centuriæ signa de-

deseruerunt; totidem non ita multo post Auxiliares discedent. Duo minimum capta Cydonia, medio sita hostili solo atque interiecto mari, millia praesidio sibi postularet. Quid pro tota Peloponneso reliquum? Et exiguis adeo, quae superarent, viribus tanta provincia Reipublicae servanda foret, appetente hyeme, qua nullum Venetiis supplementum; ac facile ad superandas urbes redituro cum majoribus catapulis hoste, si modò, iis imparatus, irrita expeditione signa referat? Illuc igitur, quacunque parte res expendatur, dimissa Cydonia redeundum videri ac reputandum: aequè militari viro, prout ferat occasio, laudabile: arduis tentandis gloriam querere, ac deferendis contemnere. Huic sententiae Petrus Quirinus comitatu praefectus, bellicarumque navium Bartholomaeus Contareus adversabantur, effati: modò nullum Peloponneso ab tumultuaria latronum potius quam militum irruptione periculum procreari. Quae deinde eventura timerentur, non uno remedio praecaveri posse. Certam verò praedam, qualis Cydonia crederetur, metu abijcere non improvidi solum sed exilis animi esse; praesertim cum illa in ditionem redacta, non vana Cretae recuperandae exurgeret spes, quam quis rerum prudens vel non aliquo discrimine fovendam censeat? Verum Aloysius Foscarus heptem ductor imperatori assen-

assensus æquatique suffragiis ; ad hujus arbitrium , ut Senatusconsulto decretum fuerat , rem contulit . Quocirca vasa colligi solvique obsidionem & naves extemplo conscendi , iustum . Dimota primum a militari aggere curulia tormenta ; quidpiam flammiferarum ollarum bellicique apparatus , ne prægravarent , igne discerptum . Dein milites quadrato agmine iter ingressi . Quievire Turcæ , quoad illi vallo exiissent . Mox in oppidum pervadentes Mursæ copiz , compositoque cum præsidiariis agmine viam per occulta vallium præripientes , a fronte abeuntibus se se obtulere , subita irruptione haud parum territis ; & augebat metum anxietudo , ne simul a tergo urgerent . Dum pugna incerto Marte jam jamque nutantibus Veneris pugnatur , Melitenses Romanique auxiliares in latius circumducti , jaculorum vi fracto hostium impetu , iis recedendi consilium indidere . Iter illi ad litus continuarunt , tresque ibi dies nullo impedimento morati sunt , vento prohibiti naves ingredi . Interea certior redditus Moenigis , Peloponnesum hostes deseruisse , non tamen discedendi sententiam mutavit , secundaque navigatione Naupliam appulit . Sex & quadraginta dies Cydoniæ oppugnatio stetit , præterque gregarios , quos memoravimus , abripuit Ludovicum Mutizi Comitem instructorem exercitus , undecim equites Hierosolymitanos , &

*Veneri ab Cydonia discedunt & quomodo.*

*Quamquam Peloponneso nihil timendum , certiores facti .*

*Tom. II.*

H h h

quid-

1692.

*Naupactum  
Turca adoritur.*

*et repelluntur*

quidpiam minorum ducum. Horum vicem non æqua rependit lance dum millium Cretenſium turba, quæ cum ad Venetorum ſigna conveniſſet, ſibi, ni ſolum verteret, ab Turcis metuens in Peloponneſum traduci voluit, ibique Rei-publicæ beneficio domicilii ſedem agroſque obtinuit. Quæ dum illic geruntur, Naupactum in adverſo Corinthiaci ſinus litore magnum diſcrimen adiit. Turcæ Græcique iſthmum egreſſi haud longe caſtra poſuerant, in eam urbem intenti. Quid in animo haberent, Marcus Venerius, qui rebus per id locorum moderabatur, ex ipſorum vicinitate ſuſpicatus, conſtitim periculi, ut opem afferrent, admonuit majores duces. Quinque hominum millia mixta provincialium Thracumque turba ( illos Liberius, hos Calilus ductabat ) eò proceſſerant, atque aggerem, tuò ſubeundis ſubruendiſque mœnibus, moliebantur; quæ quamquam tenuiſſima, faciebant moram, ariete, quo Turcæ carebant, non vulnerata. Parum tamen, cuniculis jam prope ſuffoſſa, duratura videbantur, ni tempeſtively Vincentius Vendraminus cum quatuor quinquaginta milites, & mille affuiſſent a Mœcenigo ſelecti milites, reſtituiſſentque obſeſſa tutandi ſpem oppidi, ſuperandi oppugnatoribus ademiiſſent. Praſidium, hac ope ad tria millia ſuppletum, non tenuit otium. Concubia nocte Iſtus Tribunus maritima portâ, quæ maxi-

me



me ab hostium operibus averſa erat, cum ſep-  
tingentis Illyriis egreſſus, imminentem oppido  
collem aſcendit, ad cujus radices Turcæ ten-  
toria locaverant indeque brevi tractu immiſe-  
rant ad muros aggerem. Et hunc ex altera  
parte aggreſſuros, mille ducentos Volus inſtru-  
ctor legionis dubia adhuc luce propius eduxit.  
Dato ſigno, Iſius citato gradu ſe demittens,  
primus accendit pugnam. Incurioſius ibi dege-  
bat hoſtis, ratus nihil ſibi ex abrupto clivo ti-  
mendum eſſe. Itaque repente impuſſus conſter-  
natusque, dum nec audet obniti nec ſe in  
aciem inſtruere, cuncta metu ac tumultu im-  
plevit. Primi aut vulneribus conciſi ſunt aut  
jugulum præbuere; reliqui in apertam vallem  
fugientes, vix tandem audiere præſectorum vo-  
cem ad ſigna clamantium, utque ſaltem ſe re-  
ſpicerent numero longe præſtantioreſ, colligerent-  
que animos. In eos ordine digeſtos utrinque  
Veneti dedere impreſſionem. Turcæ ad tantam  
procellam vacillarunt, non tamen ut terga ver-  
terent. Obſtabant duces haſtilibus minitantes  
tergo trepidantium. Verùm Iſio inter ſuos di-  
ſcurrente magniſque vocibus acriter inſtigante,  
ut ne remitterent neve ſinerent turbatos aciem  
reſtituere, Illyrii ſtriſtis gladiis vehementeſ adeo  
ſe ſe intulerunt ut nemini ex adverſum ſtare  
gradu licuerit. Fuſos tandiu Veneti perſequuti  
ſunt, dum hoſilem equitatum ad ſuos e fuga

1692.

*Venetorum in  
finitimas Dal-  
matia provin-  
cias populatio-  
nes.*

*Turca vicem  
per Dalmatiam  
reddunt.*

excipiendos movisse compererunt. Horum quin-  
gentos mors delevit; Venetorum haud amplius  
quadraginta. Naupactoa metu libero, suos intra  
fines uterque constitit. Hæc per id temporis in  
Græcia variante fortuna, gesta. Dalmatiam fi-  
nitimasque provincias sædæ populationes aut re-  
tinenda prædæ lucro popularium fide, aut illa-  
tis injuriis sollicitanda, misere divexarunt. A Ve-  
netis in Croatiam, in Epirum ad primam-  
que usque Macedoniæ oram, quod nondum  
penetratum fuerat, perventum est. Sata ibi  
& rusticana tuguria igne absumpta; vis pec-  
corum ingens abrepta; pauci hostium cæsi,  
capti aliquot; plures sacro Baptismate initiati  
sponte abducti; quibus, cum nihil relinquerent,  
ubique futura esset patria; & satis censebant pos-  
se, divisa sibi, ut condixerant, Ardubensis agri  
parte aratro vivere. Barbari primum popula-  
bundi peragrarunt Cettinæ circumjacentia loca.  
Deinde adulto nondum autumnio Solymanus  
Epiri prætor justî prope belli more Cettignem  
( id Græcorum cœnobio nomen est ) aggredi  
instituit. Confragroso jacebat colle viamque  
ad Orbelum montem aperiebat, unde facilis in  
Macedoniam aditus. Orbelienses, montana &  
& fera gens, Christianam græco ritu religio-  
nem colunt, fretique saltuum, quos incolunt,  
asperitate suis prope legibus vivunt. Non ita  
multo ante in Venetorum tutelam se dederant;  
iique,

isque, ut illuc sibi ad omnem armorum strepitum tuta pateret via, subitariis munitionibus validoque præsidio cœnobium firmaverant, quod Ascrivio distat duodeviginti haud amplius passum millibus, ab eaque parte in Orbelum montem claudit iter. Hujus incolæ, capta ex eo munito loco Turcis obnitendi spe, vestigal, quod annuum pendebant, petenti Solymano negare ausi. Is incensus injuria infligatusque iteratis a Byzantio nuntiis, octo contraxit populum millia, ornatuque bellico apparatu Cetrignem duxit, haud falsè arbitratus, ea monitiuncula in ditionem redacta Orbelienses in potestate se habiturum; quos intra abruptos difficilesque saltus aggredi, longum nec tutum erat. Re illi cognita, Ascrivium suppetias oratum mittunt. Præerat ibi Nicolaus Erizzus, qui facta Dalmatarum manu additisque trecentis legionariis eò statim signa duxit, coram, quid e re foret, deliberaturus. Comperto, nimis præcellere hostes numero, optimum visum est, angustias viarum obsidere provincialium parte, se prope arcem cum reliquis copiis edito stare loco. Creditum quoque, Turcas illuc per obiectas difficultates non peruasuros. At longe secus evenit. Dalmatæ subeuntium non arma, non impetum, non prope minaces oculos sustinuerunt, arrepta confestim fuga. Illi prospero successu elati, continenti cursu in altum

*Cetrignem munitionum locum recuperant.*

cva-

1692.

*Antium Ele-  
florum Impe-  
rialium Colle-  
gium.*

*Quomodo, quan-  
do, & quo nu-  
mero institutū.*

evadentes tentarunt tectam vallo Venetorum  
aciem. Repulsi autem obstinato prælio, ad ar-  
cem flexere gradum, ipsam deinde expeditis  
machinis verberare aggressi. Mœnia tumultu-  
uario compacta opere, bidui spatio facta in-  
genti ruina, fregere penitus prædiorum ani-  
mos. Quamobrem Erizzus pactus pro deditione  
Orbeliensibus veniam, suis discedentibus mili-  
tare decus, Monachis incolumes deletis mu-  
nitionibus ædes, illinc digressus Ascrivium  
rediit. In eo solum a Barbaris violata promissi  
fides, quodd, ut in suspecto loco, nihil non  
solo æquatum. Annus hic fuit insignis ob au-  
ctum Augustalium collegium creando Cæsari.  
Principiò, cum e Caroli magni, cui primum  
ab tertio Leone P. M. datum fuerat, stirpe ad  
Germanos Romani nomen Imperii delatum est;  
illudque hæreditate obiri desiit, cuncti provin-  
ciæ Reguli comitiis habitis augustum novò  
Candidato munus demandabant. Dein vel exi-  
guorum Principum incuria vel ignota nunc  
lege, cum numerus quotidie accresceret, res  
ad potentiores pervenit. Hinc non uni eidem-  
que Dominatui affixa tantæ dignitatis sedes;  
nec semel variavit, quoad ei stabilem ac firmam  
dedit anno MCCCLVI. quartus Carolus Impe-  
rator celeberrimò aureæ Bullæ diplomate;  
sanxitque, apud Moguntia, Trevirorum, Co-  
loniaque Agrippinensis Archiepiscopos, Comi-  
tem

tem itidem Palatinum, Saxoniz Ducem, Brandenburgi Marchionem perpetuè mansuram; quibus, si pari numero dividerentur, additus arbitrio Bojœmi Rex. Omnium ordinum celebrata consensu, firmataque diuturni temporis auctoritate lex, ad unum tantum comparandum Germanis otium soluta semel fuerat. Nam cum Federicus Palatinus rebellantibus adversus secundum Ferdinandum Cæsarem Bojœmis, accepto ab iis regni diademate, accessisset, Augustali proinde nudatus jure eoque in gentilem suum Maximilianum Bojœmiz Ducem transfuso; non alia in Monasteriensis conventu post diuturnum bellum: iniri potuit ratio reconciliandæ Germanicæ pacis, quam ut pristino Palatinæ Domui restituto decore, Bojœmius ad septemvirale collegium octavus ascriberetur, addita lege, ut alterutra extincta stirpe, nemo in ejus locum sufficiens esset. Tres tunc in ipso collegio diversam ab Romana religione sectam sequebantur, Misnienſis, Palatinus, Brandenburgensis. Verum cum superioribus annis Palatinus ad Catholicam Neoburgensium Principum familiam traductus fuisset, qui eorum duo manebant reliqui, de reintegrando suorum numero cum Ernesto Augusto Hannoveræ Duce, inter Germanos Calvinianæ Lutheranzque sectæ Principes post Brandenburgensem Misnienſemque præstante Imperii viribus, facta ipsi honoris adipisce-

*Octavus in eo  
locus additus,  
& qua de caus-  
sa.*

1692.

*Honos Hanno-  
vera Duci da-  
tus, & quare.*

piscendi spe, conspirarunt. Arduum erat in hanc sententiam adducere Leopoldum religiosissimum Cæsarem, Octoviroque reliquos vera imbutos religione; non tamen adducendi intermissum studium. Ernestus Cæsarem, Turcico fatigatum bello, submissis ingentibus auxiliis sibi obstrictum, expugnare aggressus, obtinuit denique ut Octovirum augendo numero assentiretur. Semel autem assensus, in proposito permansit, ratus haudquaquam in eo collegio imminutum iri Catholicæ partis auctoritatem, si reliquis duobus ab hac dissentientibus unus tantum accederet; excusavitque apud Pontificem maximum rem illi adeo molestatam & frustra officiis omnibus oppugnatam, objecta temporum difficultate, cui sibi modò subservendum esset. Nihilo secius Innocentium mansit aliquandiu spes, id legitimo suffragiorum numero nunquam statuendum fore, quin etiam antiquari posse; contendentibus Germaniæ Regulis liberisque Civitatibus; aliis æmulatione, aliis invidia, aliis pietatis studio tanti momenti negotium nonnisi omnium Ordinum consensu decerni oportere. Quæ quidem ad irritum cecidit spes. Etenim Cæsar, officiis Moguntino, auctoritate Bojoario genero in suam sententiam adductis, adversantium dolorem solertiamque elusit. Sextodecimo Kal. Nov. Moguntinus orator, Octoviri sui, cujus id erat mu-

*Pluribus dis-  
sentientibus.*

muneris , nomine Collegas rogavit : vellent , juberent , Hannoveræ Ducem Ernestum posterosque ejus suffragii donatum jure in Collegium cooptari . Trevirensis , Colonienſis , Palatinus rogationem rejecerunt . Quinque annuerunt . Sed , qui duo nuper ad Cæſaris voluntatem acceſſerant , ea conditione conſenſerunt ut ſi alterutra Bojoaria Palatinaque ſtirpes ; reliqui , ſi utraque exareſceret , alter extemplo Catholici nominis aſcribendus in Collegium foret . Leopoldum ſimul obteſtati ſunt , ne prius decretæ dignitatis diploma daret quàm rursus communi definirent conſilio , quid inibi ( idque non multo poſt accidit ) conſcribendum eſſet novarum legum . Quod ubi factum , Germania fremere atque objurgare : datum ampliſſimum magiſtratum ab uno tantum provincialis Conventus Collegio , duobus reliquis Principum liberarumque Civitatum non præteritis modò , quod vel antea non ſemel ; ſed quod nunquam , reſuſtantibus . Imminutam proinde Germanici Concilii majeſtatem ; fractas ſocialis fœderis leges ; irritum decretum , dicere . Metus erat , ne præſenti diſſidio ulcus ſerperet ; in partesque diſtracti , re , ſi non verbis , reſtinguerent belli ardorem , quo tum maxime in Gallos ferebantur . At ne quidpiam remitterent , fecit priſca inveterataque ejus gentis in iſtos æmulatio , quæ nunc in odium degeneraverat . Alii deinde

*Quæ paſſæ con-  
ditiones .*

1692.

*Qui rei finis.*

*Federicus Regis Danie filius  
varias Europe  
regiones peragravit.*

*Terræmotus in  
Siciliâ, & Melita,  
magnæque Græciæ  
ingenti clade.*

officiis emolliti, aliqua alii utilitate; plures tempore, quod sedandis hujusmodi contentionibus valet plurimum, post aliquot annos quieverunt, datumque illustri familiæ Augustale decus non amplius exagitarunt. Adco rerum maximarum initia plerumque difficillima ac turbulenta; progressiones laboriosæ; prosperi ac læti exitus, si obtinendis occasio sagacitateque opem afferant. Hoc anno Federicus Daniæ Regis filius & regni hæres, Italiam prius, deinde Galliam, Belgiumque pervagatus, omnium in se oculos convertit, insueris hoc ordine viris egrediendi suæ ditionis fines. Ubique quantum ipse tulit voluitque, occultato licet natalium splendore, magnifice exceptus. Romæ duos degit menses, vestigiis haud minus veteris majestatis quam præsentis amplissimæque illectus monumentis. A vero Dei cultu quamvis dissidenti nulla non exhibita vel a Pontifice maximo honoris significatio, facta nunc etiam fide: Romæ priscum Reipublicæ ingenium adhuc manere, cunctis, præterquam religionis turbas cientibus, amicum & familiare. Exacto jam prope autumno crebri terrarum motus Siciliam, Melitam, magnamque Græciam afflictarunt, concussis terrore civibus, clade nondum affectis. Hæc tandem atrox est consequuta. a. d. tertium quintumque id. januar. ea Italiæ pars, Siciliaque præsertim interno ictu quasi

fatæ



fatæ misere vacillarunt. Catana, Augusta-  
 præter murorum loricam, solo æquata. Motuca,  
 Tauromenium, Siracusæ, Leontini, Ætna, aliæ-  
 que ignobiliores urbes, quadraginta oppida,  
 centum amplius vici ruinis obruti. Aliquid  
 Messanæ dirutum; quicquid prope reliquum  
 dilaceratum. Nec Panormum damno vacuum.  
 Hominum per totam Insulam ad centum mil-  
 lia deleta, faucii ad vicena millia. Cum Me-  
 lita magnaue Græcia mitius actum, paucis &  
 levissima mortalium cæde decussis ædibus. Ter-  
 ra deinde plures menses non quievit. Quodque  
 civibus vix non præ metu spiritum exhaurie-  
 bat, frequenter auditus per interiores cavernas  
 horribilis cum tremore aliquo boatus. Arma  
 quoque per id temporis ad Rhenum Colmam-  
 que Belgii flumen obstrepuere, contempta ab  
 Gallis hyemis asperitate, dummodo urgerent  
 hostem fatigarentque. Sub anni finem Tallardi  
 Comes Rhénofeldam adduxerat octo millia  
 Gallorum ea spe, ut præsidio parum firmata  
 facile potiri posset. Sedet illa ad sinistram Rhe-  
 ni ripam supra collem coni specie fastigiatum,  
 municurque ex loci opportunitate vario operum  
 genere. Ad ejus radices, brevi distractum inter-  
 vallo, situm est ab S. Gothardi nomine dictum  
 oppidum, tenuiori clausum muro & lata fos-  
 sa. Præerat arcis Baro Gortius, urbi tribunus  
 Montus. Ad hanc primò Harcurti Marchio, qui

*Galli Rhénofel-  
 dam adiuvantur.*

*Oppugnatio nar-  
 ratur.*

statim in Tallardi locum successerat, pyroscorpionis vi, dum propius speculaturus munitiones subit, graviter icti, signa vertit circumfessamque corona repentino impetu superare aggredditur. Repulsus non sine cæde, medium inter ipsam arcemque occupat spatium, unde utramque verberaret, mutuamque impediret opem. Machinæ, vehementer corruptis hyemali tempore itineribus, quidpiam tardarunt. Adductæ demum expeditæque mœnium non uno loco stragem ediderunt. Prosperi eventus spes in rei gerendæ celeritate posita erat. Nam Germani ad Rhenosfeldæ periculum, quâ, traducto amne, iter in Hassiam Moguntinamque regionem aperiebatur, contrahebant e proximis hibernis copias, auxiliatum ituri. Itaque Harcurtus re semel ferociusque tentata, in unius pugnæ casum tradendum ratus quicquid militum longior cautiorque oppugnatio consumptura foret, utrinque ad fossæ labrum, in eam descensurus, certamen accendit. Magnis ibi, utpote in quo rerum summa versari videretur, viribus animisque pugnatum est. Ter Galli impressionem dedere, tantumque perduruerunt dimicando atque impellendo ut Germani tandem impetu abrepti cesserint loco. Sed citò regressi majori numero, illos aggere nondum contextos vicissim repulere, conspersa cadaveribus humo. Nec ita multo post duode-

devicenis catapultis in adverſa ripa , ad quam occupandam vires Harcurto non fuerant , conſtitutis , intermediam Gallorum ſtationem ita divexarunt ut illinc abire abduſtasque machinas interius locare , quò jacula non pervaderent , neceſſe habuerit. Nihilo ſecius animos Harcurtus non demittebat , urgebatque vineas iterum irrupturus ; quamquam præſidarii , ex adverſa ripa novo quotidie milite recreati , ſæpius erumperent carperentque non ſine mutua cæde quidpiam producti ac ſubeuntis aggeris. Quod ubi Landgravius Caſſellensis , cui ea provincia mandata fuerat , compertum habuit ; veritus ne ſi diutius cunctaretur ſuppetias ferre , arx obſtinate concuſſa in diſcrimen veniret , Rhenum , conſtrato decem millium exercitu , ad Conſuentes trajecit , cum hoſte congreſſurus priuſquam novis accreſceret copiis , quas idcirco apud Montem regalem conveniſſe noyerat. Harcurtus cùm paratam ſibi opem in tempore non affuturam. percepifſet , priuſquam impar elici ad pugnam poſſet , poſtridie Kal. Jan. obſidionem ſolvit . Nulla ſe referentibus perniciēs obtigit. Præmiſſæ machinæ atque impedimenta . Pedites deinde ſubſequuti. Equitatus agmen clauſit. Steterat autem in ſuos diſpoſitus ordines , quouſque pedites atque impedimenta præceſſiſſent , ut Germanis , ne impedirent abeuntibus iter , tempus aut animos præ-

*Germani ad  
opem ferendam  
ſigna movent.*

*Galli diſcedunt*

1693.

*Britanni Dnr-  
querque in-  
diantur.*

*et Gallis elusi.*

*Qui pariter ab  
Huyo oppugnan-  
do recedunt.*

præriperet. Duo curulia tormenta, pyroſmus & parum bellici apparatus, quibus revehendis jumenta non ſuppeditarunt, in oppidanorum poſteſtatem concedere. Galli, quâ cæſi quâ vulnerrati, prope mille. Germanis deſenſæ arcis urbiſque gloria minoris ſtetit. Non eadem fortuna Fœderatos in Belgio manſit. Furnas Dixmudamque a Gallis deſertas Angli dudum ingenti molimine ſepſerant externis propugnaculis firmaverantque frequenti præſidio atque omni militari inſtrumento commeatuque; ſpe Dunquerquam inde, maritimum fortiſſimumque oppidum in proximo ſitum, primo vere in ſuam ſubigi ditionem poſſe. Quod avidè percupiebant & quia non multos ante annos ab ſe divelli ac pretio diſtrahi Ludovico Regi, ægre viderant; & quia nunc piratica ſibi inſenſam experiebantur. Spem diremit Beuſſerſi Marchio, qui per eos ipſos dies, quibus Tallardus Rhenoſeldæ, Guiſcardi Comes Huyo ad Moſam, Furnis copias admovit. Vicena ſecum adduxerat hominum millia. Oppidum cum quatuor millibus tuebatur Horni Comes, qui ubi hoſtem comperit ad ſe venire, ſuppetias Oſtovi-ro Maximiliano rogatum miſerat. Is ancipiti primùm diſtractus cura (nam & Huyo timebat) incertuſque quid iret ipſe, majoreſque intenderet vires, Furnas tandem, urgentibus Britannorum ducibus, quorum præcipue res intererat

rerat, potiores habuit. Itaque ad Tserclaium Leodienſium copiarum præfectum, qui circa Tillemontium hyemabat, unam peditum legionem, decem levis armaturæ equitum, duas ſagittariorum duci juſſit, quibus ille ſuas conjungeret, Huyoque depulſis hoſtibus, Leodium, quod illinc parum diſtat, extra ditcrimen poneret. Nec mora viam ingreſſus, eos citò conyallaſſe ſibiſque conſuluiſſe reperit. Guiſcardus enim ſimul ac novit Tſerclajum adventare, ſigna Namurcum retulit, contentus, ut Rex eventurum putaverat, e Flandria illuc non parvam diſtraxiſſe Fæderatorum manum. Bojorius Neoportum, unde Furnæ ſex tantum diſtant paſſuum millia, progreſſus, e vicinis oppidis ad tricena millia coegerat, quærebatque Furnenſibus opem ferre. Loci naturam ſpeculatus, rivis plurimum ac ſtagnantibus aquis impediti; quâ verò iter patebat, occupati ſubitariis munitionibus, quas per eos dies Galli conſtruxerant; naſcuſque, ſi vim inferret, certum ſibi periculum adeundum; inducere in circumjacentem oram apertis cataractis oceanum atque obruere, ni recederent, hoſtium caſtra, conſilium cœpit; cùm præſertim non ignoraret, Villarti Marchionem prolegato quinadena armatorum millia propius Beuſlerſum adduxiſſe, ut hujus ope, ſi foret uſus, exercitum augeret. Flandria provincia, ut reliquum Belgium, qua parte

*Furnis ſuperandis inſiſtunt.*

*Ab apertis cataractis laudiquaquam damno affecti.*

1693.

*Quid Cataractæ,  
varumque  
usus.*

te mari alluitur, humili jacet solo, quod eminentes fluctus inundarent, ni continui arenarum tumuli, vel naturæ beneficio vel æstu ferente agglomerati, litus circumsepirent. Horum præsidio tellus ibi olim inculta, horridis vepribus ac paludibus occupata, cultum accepit, feracissimaque nunc splendet gleba. Unde verò certa incolis proditura perniciēs videbatur, nunc salus custoditur. Quippe ab nobilioribus, quæ ad mare sedent, oppidis, si nequeant armis, pelagi alluvione hostem prohibent. Nam aggere identidem perforato, demissæ cataractæ retinent furentes aquas; suspensæ, terribili fragore in longum terrarum spatium admittunt. Quæ proximæ Neoportui sunt, castello muniantur ne invitis oppidanis e cuiuspiam arbitrio recludi queant. Eò statim Beuflerius legiones adduxerat, ratus præsidium concussum metu, vi non expectata, se dediturum. At postquam, accepto feroci responso, fidem non deserturum comperit, eas circa Furnas reduxit, veritus parabilem, quandocunque hostis vellet, ex oceani alluvie sibi cladem; excitavitque ad subitos casus per editiora loca munitiones, quas memoravimus. Mare, aperto aditu, terras ingressum oppositam potius oram, utpote humilio-rem, Brugas versus inundavit. Quocirca Beuflerius, Villarsi copiis ad se vocatis expeditisque arietibus urgere Furnas instituit. Unum dura-

duravere diem, cum Hornus præfectus, honestas præsidio pactus conditiones, ita siquidem a Bojoario acceperat, Neoportum discessit. Dixmuda, priusquam hostis accederet, vacua deserta. Hujus decussa propugnacula; alterius re-tenta infessaque frequenti milite, cui victum commeatus ingenti copia utrobique inventi præbuere. Mox, hyems namque læviebat, reditum in hiberna. Quæ dum foris aguntur, ubique domi per idem tempus Principum ac popu-lorum sollicitarunt animos non leves curæ: Vilhelmo Regi sustinendæ erant Britannorum querelæ, qui Furnis Dixmudaque amissis, argumentum ex eo capiebant, prorsus Dunquer-quæ recuperandæ spem defecisse; quo nomine tantam ab Concilio pecuniam expresse-rat, quanta in reliquum bellum suffectura videretur. Famæ quoque suæ metuebat, infelici armorum, se duce, adversus Gallos eventu debilitatæ; quod nihil periculosius novo Principi, una præsertim virtutis ac bellicæ laudis opinione majestatem tutanti, civium benevolentiam rerum gestarum gloria atque utilitate. Verum, ut erat moderandæ avertendæque popularis procellæ expertissimus, compressit omnium voces turbandi-que voluntatem, facta iterum spe melioribus auspiciis, invadendi maritimam Galliæ oram, simul ac mare fidum navigantibus se se aperiret. Non enim illam ab se repulsuram fune-

*Tpm. II.*                      *K k k*                      *stam*

*Hinc Britan-norum querela in Vilhelmum Regem.*

*Quæ facile dis-sipat.*

1693.

*Ludovici Regis molesta cura qua providentia discessit.*

*Ejus terrarumque bellicus apparatus.*

*Cesar quomodo ad utrumque bellum se comparat.*

stam calamitatem, aperto victrici classi pelago, nec ubique munitionibus excubiisque clauso litore. Hæc vicissim in graves injiciebat curas Ludovicum Regem, jam prope desperantem sibi & Jacobo Regi usui fore sæpius inaniter commotos Britannicos tumultus; ac metuentem ne tanta suæ gentis multitudo dudum a Calvini erroribus revocata, quos tamen nondum penitus animo expulisse opinio erat, domesticas turbas agitare. Accedebat annonæ caritas, qua non parum hoc anno Gallia conflictabatur. Nihil tamen a providentissimo Rege non explicatum. Rei frumentariæ consuluit partim investis partim conqueri & in publicum educi jussis, quæ occultabantur, frugibus æquissimeque distributis; maritimæ verd circa oceanum oræ, aucta classe ad bellicas duas & nonaginta naves, incendiarias septem supra tricenas; excitatis, ubi opportunum appellendo litus est, munitionibus; datoque triginta millium exercitu, nihil alibi imminutis viribus, Aurelianensium Duci; quo, ne descenderent aut ne manerent, vetaret hostes. Nova hinc pariter Viennensi Aulæ fluctuandi materies, reputanti Gallicas copias, usque adhuc ad Oceanum distractas, circa Rhenum minori numero excubasse; liberum proinde fuisse Cesari, Turcicum urgere bellum majori exercitu ac refragare Barbarorum audaciam, qui elati animo, quod



quodd ab Hemskerchio Pagetoque legatis ad  
 fœdus reconciliandum effuso nimirum studio soli-  
 citarentur, surdas ejusmodi officiis præbebant au-  
 res. Nunc autem ex tanto Ludovici Regis appara-  
 tu clam non erat, nihil Germanis pristinae soli-  
 citudinis decessurum. Et ea Cæsarem mordebat  
 cura, quodd Sarmatæ jampridem ærumnarum  
 tædio & nunc variis suspitionibus exagitati  
 alienam ab Turcico bello voluntatem gerebant.  
 Metus illos incefferat, seorsum Cæsarem de  
 componendis cum Thrace discordiis per eos  
 ipsos legatos agere instituisse. Ab his enim  
 cum diu nullæ aut inanes literæ Viennam ad-  
 venissent, quocirca Fœderatos latebat, quid  
 Adrianopoli de statuendæ pacis negotio fieret;  
 Sarmatis silentium istud suspectum evaserat ex-  
 citaveratque eò liberiores finiendi belli sermo-  
 nes, quod, vexato hibernis Cepusio, nihili se fi-  
 eri nullamque sui duci rationem acerbe dolo-  
 rent. Hujus provinciz ad Carpathios montes,  
 quibus Polonia ab Hungaria dividitur, pars ma-  
 jor anno quinidecimi seculi duodecimo a Si-  
 gismundo Cæsare Uladislao Sarmatiz Regi ob  
 florenos Prageneses octogies mille pignori oppo-  
 sita nec deinceps unquam repetita, in Lubo-  
 mircorum Lithuanorum procerum potestatem  
 pretio addicta concesserat. Immunem adhuc  
 militari licentia intempestive Germanorum glo-  
 bus traducendis hibernaculis acceperat, incen-

*Polonis suspe-  
 ctis & quare.*

*De captis in  
 Cepusio hiber-  
 nis insimulatur*

1693.

tum, necessitate aut in Principem odio, qui modò illic rerum potiebatur, eratque illorum opinione Gallicæ factioni obstrictus. Is enim vero causam Reipublicæ cum sua conjunctam orare aggressus, tantas ubique commovit turbas ut missum ab Cæsare Comitem Nostitium, qui Regem, Senatum, Concilium gentis, per id temporis Grodnæ coactum, ad bellum incenderet ostenderetque: unam hanc esse viam, qua sibi timere ab Turcis desinerent stabilemque salutem retinerent; contracta fronte audierint, haud taciti, fœdus prope dissolutum iri, nisi Cepusium Germani vacuum relinquerent, sponderetque Cæsar eò non redituros, nec se unquam vetera in eam regionem jura Hungarici regni persequuturum, quæ Rodolphus Imperator Pannoniæ Rex, reddito sibi Maximiliano Archiduce, in prælio a Sarmatis capto, pace sequestra dimiserat. Res aliquot menses cum Samuele Poschio Joannis Regis legato Viennæ discussa. Leopoldus declinandæ sagaciter contentioni, quæ non suo tempore incensa videbatur, nunc se inconsulto illic Germanos hyemasse, dicere; nunc dare fidem, ne rursus accidat, cautum fore. Abnuere simul, solemnî diplomate in eam provinciam quaecumque sibi adhuc superesset, jus abdicare. At cum Sarmatæ nihil remitterent, in ipsorum denique (sed jam æstas abierat) sententiam concessit.

Quam-

*Eaque excusat.*

Quamquam iis alia suberat causa longe major inclinandi ad pacem animos, jamdiu fessis militiæ labore, fractis tædio atque ærumnis. Rex, ut lege jubetur, provinciarum conventibus, quicquid Scytharum legatus, adhuc Senatus consulto apud se detentus, de componendis Regulo suo auctore cum Thrace diffidiis attulisset, renunciaverat. Id avide magnisque lætitiis ubique auditum. Ante omnium quippe oculos obversabantur inflicta populationibus aut privatim sibi aut Reipublicæ facta vulnera & prope inulta; quæque metus erat, nisi ab armis cessatum foret, mox accipienda esse, neglecto exercitu solutaque disciplina. Satis superque, vociferari, pro tuendo sacro fœdere datum sanguinis aut damni acceptum. Nec sibi, si tandem post acerbissimas calamitates prospiciant honesta pace, ullam violatæ fidei notam inuri posse, cum primas curas naturæ lege patria sibi vindicet; atque impietatis arguatur, quisquis ejus perniciæ aliena commoda curare velit. Itaque suis ad totius regni concilium legatis mandaverant, ii præsertim, qui vastitatis periculo propiores erant, ut pacis negotium urgerent; & quam Sarmatarum gratiam, oblati injuriis diuturnaue animorum alienatione, Germani contemnere viderentur, Achmeti ultro illam æquissimis conditionibus postulanti addicerent. Res in concilio agitari cæpta, mole-

*Sarmata pacem cum Turcis instaurare cupiunt.*

1693.

lestissimis contentionibus involuta est; quæ dein-  
de ad jurgia, ad tumultus, ad arma inter dis-  
sidentes progressæ, illud turbarunt dissolverunt-  
que. Socialem fidem tandiu prosequutis reti-  
nendam ad belli usque finem, nec levi decli-  
nando, quod super sit, incommodo corruppen-  
dum fructum servati non sine ingentibus ærum-  
nis adhuc fœderis, Rex & quotquot Austriacæ  
factionis erant, suadere adnitebantur. Quos cum  
expugnare pars major legatorum non posset,  
omnium deterrimum consilium inivit, infecta  
pace, enervandi belli, non decreta militibus  
in stipendium pecunia conventuque dirempto.  
Id enim Sarmatis, ut alias narravimus, in prom-  
tu est, lege reliquis nationibus non infusa so-  
lum sed prope incredibili; qua tanti momen-  
ti negotium concidit, si vel unus legatorum  
ab aliis in aliqua re gerenda dissentiat, dis-  
sensuque publice denunciato, cœtui se subri-  
piat. Quod nunc evenit, duobus inventis, qui  
eroganda in bellum tributa tolerandaque hiber-  
na repudiaverint, clam illic elapsi, metu ne  
in aliorum sententiam vi adigi possent; ut non  
raro apud ipsos consuescit. In tantis animorum  
fluctibus, ne respublica naufragium faceret vi-  
sum est Regi ac Senatui obsecundare civium  
desiderio, decreta Revonskii Chelnæ prætoris  
ad Scytharum Principem legatione, qua quæ  
per internuntium de reconcilianda concordia  
pro-

*Frustra omni-  
tente Rege.*

*Decernunt le-  
gationē ad Scy-  
tharum Regem  
lum, ut de con-  
ditionibus in-  
quirat.*

proposuisset, magis in apertum proferrentur: Senatusconsultum Rex Fœderatos, exoneraturus quodammodo fidem suam, latere noluit admonuitque se invito expressum, sed curaturum ne ullum inde communis causa detrimentum faceret. Hæc ed magis Cæsarem sollicitabant, quò ab Sarmatis prope desertus ægrius barbarici belli ferebat onus. Ceterum nunquam ratus, Turcas nisi penitus fractos ad ignobilem, nec e pristina fortuna, pacem adductum iri, omnes in Hungarico instaurando exercitu ornandaque ibi re militari commeatibusque parandis contendebat nervos, mandata horum procuracione Heuslerio prolegato dataque Comiti Antonio Carrafa, qui ea minus belle ob imperiosam indolem defunctus fuerat, Romana legatione; quam tamen illum obire, mors brevi morbo accelerata vetuit. Simul corrogata, unde magis licuit, pecunia collectisque ab Octoviro Brandeburgensi militum sex millibus, quatuor a Brunsvicensi Regulo, acceptoque iis legionibus supplemento, quas antea Dania Rex, Bojovarius, alique submiserant, exercitum quadragies millium, præter legiones ad Transylvaniæ tutelam Veteranio datas, Croiz Duci gubernandum attribuit. Nam Badensem finitimæ Rheno provinciæ supremum belli per ea loca moderatorem ab Cæsare obtinuerant, verito ne si negasset, adire

*Crozæ Dux ad Hungaricæ exercitum moderandum missus.*

*Badensis ad Rhenum.*

am-

1693.

*Veneti urgen-  
do bello provi-  
dent .*

amplius tot ærumnarum, quas hæcenus pertu-  
lissent, periculum nollent, induciasque cum  
Gallis paciscerentur. Cæsarem Turcico urgendo  
bello vehementer intentum Veneti pari studio  
prosequebantur, sagaciter arbitrati, cum utrin-  
que lassescerent vires, parum adhuc sævire bel-  
lum posse; & postremos conatus, aucta hinc  
roboris opinione, dum pacificandi condiciones  
aguntur, eas meliores vel ab invitis eripere.  
Ubi Venetias sub autumnii finem appulit nun-  
cius improspere ad Cydoniam expeditionis va-  
stataque Peloponnesi, non magis, quid mo-  
dò fortuna tulisset, perculit patres, quam quid  
in posterum minitaretur, nisi frænum jam  
prope discedenti imposerent. Prima ipsorum  
fuit cura, novum legionibus imperatorem  
præficere; qui melioribus auspiciis bellum  
gereret; insito mortalibus ingenio calamita-  
tum culpam eo conferendi, ubi facilius pia-  
ri queant. Mocenigus veteri apud civium  
complures invidia flagrabat neglectæ aliquan-  
do, si quidpiam ipse melius se cogitasse cre-  
deret, Senatus auctoritatis, rigidique in æmu-  
los animi, virtutis fiducia, contemptu repul-  
sæ atque asperitatis, quibus non semel ejus  
dicendi agendique libertas compressa fuerat.  
Dux recenter ad invidiam inflammandam accef-  
serant causæ; una, quod Antonium Zenum  
Peloponnesi prætorem repetundarum accusatum,  
ab

*Mocenigo im-  
peratoris infensi,  
& qua de causa.*

ab Senatu quæstionem jussus instituere, in carcerem condi mandaverat; isque fuga Venetias dilapsus, purgato crimine, sui misericordia impleverat Senatorum animos, ac superbæ contentionis æmulum infumalaverat, quam fatiare civis ignominia, magistratus dedecore voluisset. Altera, quodd rei apud Cydoniam male gestæ redarguebatur, quasi pavidò, non cauto abeundi consilio facinus corrupisset. Sic enim Senatui Trautmestorfus renuntiaverat, primum literis, mox præsens, citò Venetias advectus purgandæ præcipue causa male ab se institutæ Cydonienſis oppugnationis, quo nomine a Mocenigo severe accusatus fuerat. Huic igitur cum majora comitia creandis magistratibus haberentur, Veronæ prætura (sic enim ab exercitu tacitè abducebatur) mandata est; ejus ætati gestisque honoribus non æquum munus. Ubi de successore deligendo consilium haberi cœptum, in Franciscum Maurocenum, supremo fungentem reipublicæ magistratu, pars major Senatus inclinare visa. Ille rogatus, an suam tractandis armis ducendaque classe navare iterum patriæ operam vellet, ætatem (natus erat annos quatuor & septuaginta) excusavit. Verum extimulatus communi plausu, fatigatusque admonentium precibus: ejus ductu auspicioque auctam rempublicam & modò ab aliis minus commode gestam, ut vel vincendo rursus

*Illum ab exercitu revocant.*

*Armorum imperium Mauroceno Reipublicæ principi mandant.*

1693.

augeſcat vel ſaltem ne detrimentum faciat, fortiffimi imperatoris præſidium quærere, nec quidquam dolentiùs laturam quàm, quod ab ejus virtute promptum paratumque ſibi crederet, non retuliſſe; ſe ſe in reipublicæ poteſtate futurum dixit. Res ad univerſum patrum Concilium delata, lætis animis accepta eſt, decretumque: oblectrandum ab Senatu Ducem ut armorum imperium, quod tæ antea ſumma cum laude geſſiſſet, nunc denuo moderandum ſuſciperet, cumlaretque novo rerum maximarum decore patriæ gloriam. Geſtiens ille tam illuſtri civium de ſe judicio, e ſella curuli aſurgens detraxit capiti cornutum regium inſigne; quo ſalutationis genere Princeps reipublicæ nunquam utitur, niſi cùm primùm patribus acceptæ ſupremæ dignitatis gratias agit. Paucis deinde, ut illi neruoſus potius quàm facundus ſermo erat, Senatum alloquutus: non ego, inquit, Patres conſcripti, otii dulcedine patriæ ſubducebam quod parum adhuc mihi ſupereſt vitæ, dum ruruſ veſtra ducere ſigna detrectabam. Verebar ſolùm ne, quando non eædem corpori vigente licèt animo ſuppetunt vires, quas, tamdiu pro ſalute publica militiam ſequutus, conſumpſi; tanti muneris locum non ſine reipublicæ damno melioribus occuparem. At cùm alia, qualiſcumque ſit, vos maneat ſententia, non eam ſequi, religio mihi eſt.

*Huius ad Senatum ſermo.*



est. Vestræ igitur voluntati morem geram, & quod bonum faustumque Veneto sit nomini, ad bellum iterum proficiscens, precor venerorque Superos immortales ut, qua dudum, felicitate fortunare arma velint; me verò ea cumulent gloria, ut vestrum Imperium, quod non multo ante bonis auspiciis dilatavi, moriens in ampliores iterum productum fines novisque tropæis ornatum relinquam. His omnibus læto murmure plausus datus, putantibus aliis aut Mauroceno Principe aut non alio imperatore Venetam armorum fortunam excitatum iri; blandientibus aliis, ne aliena dolere laude viderentur. Sapientum, uti vocant, Collegium, gravissimus in ea Republica magistratus, suboscure missitaverat: militare imperium supremæ dignitati non committendum. Hinc enim libertati non semel paratæ insidiæ, creatumque periculum nec facile dissipatum. Non tamen publice in Senatu, ut moris est, ea de re verba facere, induxit animum, præoccupatis mentibus opinione futuræ Mauroceni ductu felicitatis; nec facile succurrebat, (post longam meditati olim sceleris oblivionem, potentioresque nunc hominum cupiditatibus leges) perversa invadendæ libertatis consilia, cuiuspiam cadere in animum unquam posse. Deinde ad gerendum pro Principis majestatem bellum conversam omnium cura. Legati primum in Græciam

*Datum Duci armorum præfecturam non omnes probant; nemo palam dissentit.*

1693.

*Quæ ad bellum  
e dignitate ge-  
rendum erant,  
sedulo provisæ.*

dimissi, qui rerum statum inquirerent, ut, eo comperto Senatus perpenderet, quid ibi opus foret. Cito renuntiavit, exercitum ad octo millia redactum, quorum duo morbo aut vulneribus laborarent; navales apparatus imminutos; reliqua valere; hostem in rem bellicam sedulo incumbere, ac minitari non se suis finibus contenturum. Itaque Senatus consilium exercitum ad sexdecim millia suppleri iussit, conscriptosque ingenti sumptu milites in Rhætia, Italia, Germania, Helvetiis transportari, classemque navium numero augeri atque instrui ad terrestres expeditiones armis & comœatu. Qui armorum præfecturam gereret, creandus erat; nam Trautsmendorfo eam rursus committere patres abnuerant; nondum extincta apud Mocenigi præsertim fautores suspitione rei ad Cydoniam ejus incuria non bene gestæ. Secundas averfabatur, quas demum ea conditione accepit, ut operam locaret, ubi nemo, qui signa duceret, sibi præficeret; sic enim vel cum Polano conventum fuerat. Neque verò curandæ pecuniæ neglectum studium. Centum Venetorum ducatorum millibus voluntariæ provincialium largitiones ærarium locupletarunt; non levi summa civium societates, venditumque octavi Alexandri Pontificis maximi auctoritate patrimonium Cænobii a Carceribus nuncupati; exules convento pretio restituti; aliquot familiis cum suffra-

fragii jure, centum erogatis millibus, data civitas; tres patritiæ gentis in Marciorum Procuratorum collegium quinis vicens millibus ascripti. Hæc latis animis agebantur, nihil nisi augendæ reipublicæ spem cogitantibus virtute auspicioque Mauroceni Ducis. Ad quam & ipse spem cives eò magis erigebat, quò firmatis mentis alacritate corporis viribus, ubique præfens aut urgendæ navium constructioni aut civilibus & militaribus expediendis negotiis impigre aderat. Ad eam quoque fovendam faciebat rumor, qui plurimus de Byzantinæ Aulae tumultu, quamquam fallente fama, per hos dies invaluerat. Ineunte anno decesserat quartus Mehemetes, jampridem solio detrusus detentusque domi liberali sed arcta custodia, ut narratum fuit. Veneno sublatum fratris jussu communis opinio fuit, nec res ab suspitione abhorrebat. Fertur enim Achmeti suboluisse, in Regia conspiratum ut, se in ordinem coacto, iterum Mehemetes ad moderandum Imperium adhiberetur; quem magna Purpuratorum pars regnandi potentiolem novisset, & modò calamitate molitum, alienis consiliis faciliorem crederent; Achmetem verò politicæ artis imperitum, sui arbitrii atque obfirmatæ mentis (qua Principis indole nihil non reipublicæ metuentum) reputarent. Hæc inter veteres Mehemetis amicos familiaribus agitata sermonibus, &

*Mehemetes Turcayum Rex priorem exauctoratus moritur.*

*Que inde in Achmetem conjurationis oborta suspicio, & quomodo dissipata.*

non-

1693.

nondum Aulam egressis, Visirio atque ararii præfecto placuisse dicebantur; relataque Achmeti ( ut levi plerumque impetu dominandi cupiditas ad atrociora impellitur ) fratri mortem properasse. In animo quoque ei fuisse, duos illius liberos neci dare, ne conjuratio haberet ultra quò se conferret. Satis quippe Othomanorum conservandæ stirpi in geminis aliis cautum esse, quos dudum sibi uno partu ediderat regia coniux; huiusmodi autem consilio abstinuisse, ab summo falsæ religionis Antistite severe admonitum: Principum vitia vulgus ferre, nisi inhumana; hæc horrere atque ulcisci. Quæstor Visiriusque in exilium pulsus nec ita multo post capitis condemnatus. Supremus magistratus Mustapho Byzantii prætori datus, cui Regis nupserat germana soror. Ancipites illi fortunæ casus cogitanti, licet in bellum intento, non displicebat pacis mentio, quæ sibi statim ab Hemskerchio Pagetoque legatis injecta fuerat. Verum cum ipsius Regis ac Purpuratorum sententia in contrarium tenderet, obniti non est ausus. Igitur eò diligentius, quò suo periculo rem neglexisset, ab omni amplissimi Imperii parte milites, pecuniam, commeatus colligere; Danubianam augere classem; ubique obiecta hostibus munire oppida; Scythas, unde ingentem equitatum attraheret, sibi conciliare, in solium restituto Selimo Cercio, cujus dudum

ex-

*Thurcum ad  
bellum diligens  
apparatus.*

exauthorati desiderio infrequentiores ad Turcica signa superiori anno convenerant, & modò hac mercede non pauciores triginta millibus se adventuros pollicebantur; Selinum quoque, misso gemmato ense atque acinace & quinque aureorum Venetorum millibus, quin & ipsum in Aulam vocando, ut rebus communi consilio decernendis interesset, privatim demulcere. Nec sui oblitus, Mehemetem Janizarorum præfectum, quem sibi æmulatione adversum opinabatur, clam calumniatus, eo insigni militari imperio dejectum, Damascum dimitti, prætoris ingrato munere defuncturum, & alium in ejus locum substitui ab Rege obtinuit. Iis explicandis ætas adoleverat. Interea Germani principio Veris, ne tempus, quo expectandi auxiliares erant, otio traducerent, Hungariæ cis Marisum flumen oram, quæ Transylvaniam contingit in ipsamque facilem præbet aditum, coacto duodecim millium exercitu Heuslero duce, ab Turcarum prædiis expediendam statuunt. Jenum primò propiùs fines positum aggre-diuntur. Ocho inerant armatorum centuriæ cum feroci præfecto, qui ad deditionem invitatus, machinarum boatu responsum dedit. Itaque vis adhibita. Oppidum indefensum portas aperuit. Ad arcem bidui spatio (cùm præsidium intra mœnia se contineret) vallum promotum, dispositæque machinæ tantam brevi mœ-

*Cæsariani Jenum in Hungaria occupant, prius cum cæde repulsi.*

mœnium stragem edidere ut per ruinas tentari aditus posset. Ad hujusmodi facinus mille peditum expertæ strenuitatis selecti, quibus exercitus omnis in aciem eductus auxilium, si foret opus, simul hostibus terrorem laturus erat. Præfuit rei gerendæ Carolus Thomas Principis Valdemontii filius (nam fortè Heuslerus ægrotabat) qui juvenili ardore, dum prælium exaucuit, dimicantibus se se immiscuit, leviter telo caput ictus. Verùm cum Turcæ vestigio non se moverent adimerentque irruentibus perimpendi spem, ille agmen retulit quadringentis imminutum, postridie instauratis viribus rediturum. Quod oppidani faciliè suspicati, facta honestis conditionibus deditione anteverterunt novam pugnam, cui se fore impares arbitrabantur, suorum ducentis eo pariter die ferro consumptis. Triginta inibi repertæ majores catapultæ, parum bellici apparatus, annona vix non deficiens. Vilascovarum deinde castellum sponte cecidit, tradentibus præfidiariis, qui centum quinquaginta numero Temesuarium & ipsi incolumes abire permissi sunt. Julia supererat, quam circumfulam per eos dies stagnantibus aquis, quia moram fecisset, intactam reliquerunt, veriti ne indicta sibi ad conveniendum cum reliquo exercitu dies abiret. Media tandem æstate, contractis undique auxiliis, ad Petri Varadinum coaluerat. Ibi majores militiæ

litæ præfectos Crojæ Dux ad se vocatos , quod  
signa verti oporteret , consuluit . Nam Viennæ  
id unum deliberatum fuerat apud Cæsarem ,  
quidpiam scilicet in Turcas memorabile au-  
dendum esse ; non aliter quàm rursus terrore  
fractos , oppida & quicquid amiserant , pacis  
pretium in aliena potestate relicturos . Variatum  
tantummodo sententiis fuerat , quodd alii Te-  
mesvarium , alii Albam græcam oppugnandam  
suaserant ; illud utpote subigendo facilius ,  
Transylvaniæ simul Hungariæque periculosum ;  
hanc non minoris utilitatis , sed longe majori  
metu ac dolore Barbaros , gloria Cæsarem cu-  
mulaturam . Rejcta ad militare consilium rei  
summa , Crojus , postquam dicendo plurimum  
contendisset , vicit ad Albam græcam signa  
duci ; quod ingenti omnium alacritate plausu-  
que auditum est , imbutis falsa opinione ani-  
mis : Turcas ferendo obsessis auxilio non tanti  
fore . Enimvero quid ipsi militum collegissent ,  
quodve profecturi essent , clam Germanos tam-  
diu fuit , donec hostem in conspectu habuere .  
Idque seu incuria seu præmii tenacitate acci-  
derit , magnam perniciem iis attulit , sua mo-  
deratis consilia ex incerta opinione . Thraces  
conscriptisse hominum haud amplius quinquage-  
na millia , eorumque partem , Scythici præ-  
sertim nominis , cum Tehelio in Transylvaniam  
iter arripuisse , partem ab Achmete non disces-

*Collegis undi-  
que Copijs . quid  
agendum delibe-  
rant .*

*Albam græcam  
oppugnandam  
decernunt .*

1693.

suram, in quem conjuratum iterum fuisse, atque Aulam Imperiumque intestinis discordiis vehementer discerpi mendax rumor obscuris auctoribus dissipatus increbruerat. Prosperi quoque successus faciebat omen astute deceptus Temesvarii prætor. Scripserat Segeduni præfecto, hanc falsam in Turcas opinionem inducturus Crojæ Dux, ut commeatus expediret legionibus mox illac Temesvarium progressuris. Literæ commissæ vago per ea loca Rustico in Temesvariensis prætoris manus pervenerant, prompto facilique eventu, sic enim Crojus putaverat, ab ejus oppidi præsidiariis, quos late insidiari itineribus noverat, interceptæ. Ille fraudem non suspicatus atque oppido metuens, opem illico ab Alba græca, unde solum dari poterat, accersivit, impetravitque militum tricenæ centurias, arma, commeatus, aliquot etiam tormenta; imminutis proinde illic ad obsistendum viribus. Rebus ita dispositis, jussuque Veteranio legato insidere, quæ iter patebat, Transylvaniæ saltus, Germani ad quadragies millies, Savum cupide trajecturi, signa sequuti sunt. Amnis supra ripas effusus late stagnaverat interceptæque viam, quam tentare per ignota vada uliginosumque solum, temeritatis potius quàm audaciæ plenum videbatur. Anxiis, quid agerent, exemere curam agrestium plures, qui obviam progressi pactique præmium monstrarunt, quæ

*Savum super-  
rant.*



quâ humiliores aquæ nec fallens humus transi-  
tum darent. Emerſus de palude ac tandem in  
ſicco ſigentibus pedem flumen tranandum erat.  
Præmiſſi, qui ulteriorem ripam ſpecularentur,  
quini viceni milites vacuum reperiſſe dedere  
ſignum. Extemplo lintribus quingenti alii tra-  
ducti Vidone Starembegio duce, qui ſubita-  
rio vallo tutum redderent tranſmittentibus lo-  
cum. Quamquam nullum obiecere Thraces im-  
pedimentum, omnique liber ſolitudine exer-  
citus in adverſum ripam tranſuectus eſt. Cro-  
jus ſælici ſucceſſu lætus, confirmataque opinio-  
ne, modico inſideri præſidio Albam græcam;  
quippe quod extenuatum inveſta Temesvarium  
ope non ſe ſe ſuperantibus amnem oppoſuiſſet;  
leve proinde negotium exhibiturum, ed infe-  
ſta promovit ſigna. Ab Savo ad Danubium,  
ſignato non ſemel tramite, erigi jubet vallum;  
dein bifariam militarem aggerem ad urbem  
duci. Vix parum proceſſerat, cum quatuor  
præſidiariorum millia ab externis munitionibus  
in ſtationes erumpunt, quæ præoccupata opinione,  
detineri metu intra muros hoſtem & nihil au-  
ſurum, incurioſe diverſabantur. Trecenti ſer-  
ro abſumpti, reliqui fuga intra vallum ſe con-  
dunt; deletur congeſta humus, idque levi Tur-  
carum cæde. Nec ed ſtetiſſet incepta clades,  
ni Crojus ipſe cum aliquot legionibus periculo  
ſe ſe objeciſſet, retudiſſetque ingruentium fero-

*Oppugnatio Al.  
be Græce de-  
ſcribitur.*

dejecerant ut illac instructo agmine tentari aditus posset. Steterant hæc Germanis multo gregariorum sanguine, cumula verantque damnnum instructor exercitus Comes Archintus; atque obsidionalium operum Keiserofeldus; pyroscorpionum ictibus, dum ulteriorem circumeunt urgentque aggerem, interempti. Nec ab extremo vitæ discrimine Crojus absuit, telo pyrobalistæ ab ejus capite parum adeo declinante ut pileum transverberaverit. Itaque vel majorum ducum ipsiusque imperatoris præsentia milites, qui quotidie hostium eruptionibus dilacerati, quamquam non inulti, deficiebant jam prope animis, ad vineas properandas acuere opus erat. Virgilius enim suppetias laturus gradum accelerabat. Creditum primò quinquaginta illum non amplius adducere hominum millia, quibus propulsandis, dimissa nequaquam oppugnatione, vires adhuc sibi sufficerent; cum præsertim Veteranio mandatum foret, ut quandoquidem nullum Transylvaniæ periculum modò instaret, per saltum, cui portæ ferrea nomen est, Danubio admoveret copiarum partem, Turcas prohibiturus opem transmittere in Albam græcam, ad quam injecto ponte structoque ad hujus caput valido munimento illinc patebat aditus & facilis militum commeatumque transactio. Interim Heuslero Crojus negotium dederat ut cum octo legionibus imminens illud ponti castellum ag-

*Veteranius Albam suas Copias e Transylvania adducit.*

aggredéretur; factamque inde subsidiis spem hosti subriperet. Frustra conatus, infensum nimis catapultarum, quæ frequenter ex urbe laxabantur, jaculis locum citò deseruit. Potuit tamen suis & ipse machinis quodam in ripæ sinu locatis munitisque circumposito vallo, hostiles cymbas adeo divexare ut relicto lævo amnis latere in oppositum ad oppidi mœnia se recipere, necesse habuerint. Crojus cum omni equitatu, & quo majori posset peditum agmine, constituerat e vallo egressus, circa Samandriam, quâ permeandum hosti erat, castra ponere, acie conficturus ni gradum ille sustineret. Verùm aliis super alios advenientibus nuntiis certior jam tandem redditus, Turcarum sexagenis millibus, Scytharum tricenis constare exercitum, Danubiumque ad Bydenam transmittere, suorum salutem certo periculo in tam dispari numero committendam non arbitratu, intra vallum se continuit; consultisque majoribus ducebatur, eò vicissim revocandum quicquid ubique militum in viciniam digressus fuerat, atque audaci consilio (quod unum in aliquam prosperi eventus spem tentandum supererat) de ipsorum sententia aperta mœnia repente aggredi statuit; ut, si virtus aut fortuna strenue inruentibus arrideret, oppido potiti, vallum deinde omni alia soluti cura tutarentur. Quamquam existimari posset, Visirium inutili periculoque præ-

*Crojus cū exercitus parte advenienti Visirio obviam iturus, repente subsistit.*

1693.

*Urbem extre-  
mo conatu ag-  
gredi statuit.*

*Ingenti mili-  
tum plausu.*

prælio non se se amplius impliciturum, ubi nos-  
set Albam græcam in hostium potestatem abiis-  
se. Nondum vineæ ad fossæ labrum pervene-  
rant, distabantque octogenos passus. Vorandum  
tamen hujusmodi incommodum (res quippe  
moram non patiebatur) cunctis visum. Dum  
fasces, & quicquid ad subitarias munitiones est  
opus, parantur, atque acies instruitur, dies in  
vesperam inclinaverat. Tantæ moliendæ rei  
Crojus aderat, qui reputans brevi adhuc luce  
pugnam in noctem, plerumque magnis ausis  
inimicam, producendam fore, postridie mane  
pugnandam edixit. Ægre id a milite accep-  
ptum, damnabatque querelis pavidum aut ni-  
mis cautum Ducis consilium. Hunc proinde  
legati præfectique circumstetere suadentes: se-  
queretur animorum ardorem, quo nullum vin-  
cendi melius auspiciam; cunctando illum re-  
slingui; & ubi inconsulto naturæ impetu res  
agitur; audaciæ, si detur cogitandi spatium,  
metum succedere: rara apud intactos gloriæ  
stimulis ea virtute, quæ non horreat pericu-  
lum, nisi ignotum. Parum quidem ad supe-  
randa mœnia superesse temporis. At ubi rei ge-  
rendæ alacritas addit animos properatque faci-  
nus, nullum huic absolvendo breve spatium;  
ac sapius momento fieri, quod quis factum  
velit. Ad ea Crojus: non ego, inquit, hanc  
strenuo militi retundam injecta mora certan-  
di

di alacritatem ; quo telo ad conciliandam victoriam nescio an aliud potentius sit. Verebar, ille ne adeo eluctari posset ut priusquam Sol occidat, victoria potiretur. At cum se posse arbitretur, & suas melius ipse internoscat vires, Superis bene iuvantibus in prælium ruat, memor quid sibi de se promiserit, quidve sponderit imperatori suo. Dixit, datoque signo acies incescit. Triplici vadebant agmine. In fronte sexcenti pyrochitrophori, quibus totidem scorpioniferi tegebant latera. Horum duodecim insuper brevi intervallo centuriæ a primis distabant. Longius ad subitos casus dubiosque Martis eventus quatuor millia ducenti subsequebantur. Dextrum regebat cornu Vido Staremburgius, lævum Seybelsdorfius Bojoariorum ductor, medio agmini auxilium præfecti moderabantur. Nihil ea pugna ferocius. Nam opidani in via testæ locaverant militum robur; haud ignari, Germanos extrema conaturos, quippe quibus hoc uno prælio male defunctis illico abeundum, ne cum Visirio certandum sibi esset. Citò, quod jaculis patebat, confectum iter. In extremo fossæ margine conferta pugna. Machinæ ex alto postremos subeuntium ordines dilaniabant, frons hastilibus repellebatur non sine sanguine ac cæde. Ad primos ignescentium ollarum ictus Barbari vestigio se tenere. At percussis cum quidpiam ordines

*Datur impetus,  
& quo ordine.*

*Tom. II.*

N n n

dis-

1693.

*Primum felici  
successu.**Germani rece-  
dere cognuntur  
a manibus.*

dissolvissent, se se Germanus in viam rectam  
mediamque fossam intulit, immixtusque hosti-  
bus quâ igne, quâ ferro, quâ corporum ni-  
su expediebat supervenientibus locum, tantum-  
que auctus numero atque ira percitus potuit  
ut denique Turcas per apertos ruinis aditus oc-  
cultasque portas intra munitionum claustra de-  
truserit, & ipse firmandæ stationi jam daret ope-  
ram. Verum sædissima telorum tempestate,  
vixdum respirare a prælio cœperat, correptus  
cessit invicem, ac salutem consulere satis habuit.  
Magnam oppidani fabrefacti ignis, manualium  
majorumque ollarum vint in ultimam obniten-  
di spem paullo ante ad mœnia congesserant.  
Hanc omnem in subiectos hostes effundunt.  
Erupt quaquaversum sese late diffundens in-  
genti fragore concepta prius flamma, globo-  
rumque fragmentis confertissimam turbam dis-  
cerpsit. Pars vita decessit, reliqui vulneribus  
ac pavore in fugam coniecti. Adhærese tergo,  
aucta cæde, oppidani jam antea ad erumpen-  
dum parati; non tamen ultra viam rectam pro-  
gressi. Nox enim, quæ supervenerat, sicut igna-  
ros, quid hostis ageret; ita quid sibi agendum  
esset, incertos reddidit. Hæc pariter Germanis  
in causa fuit ne, quamquam non ultra impel-  
lerentur, pedem fixerint in fossæ margine, ve-  
riti hostium insidias inexploratumque antea lo-  
cum. Re male gesta, non amplius inter ma-  
jores

jores duces de dissolvenda obsidione , sed quo pacto decdere feliciterque dissolveretur, deliberatum . Id belle quidem atque e sententia evenit . Unum in castris moratus diem , ne festinando minuerentur militum animi , quibus confirmatis ad rem ordine gerendam opus erat, exercitus quatuor millium nece ac pari fere fauciorum numero debilitatus duplici ponte Savum traducitur , præmissis machinis bellicoque apparatu , cujus & commeatum quidpiam igni traditum ne discedentibus moram adderet . Nam Virgilius adventabat , jamque Scytharum præcursores in conspectum se dederant & aliquot abduxerant boves sub ipsum vallum pascentes . Præsidarii , quorum ad tria millia oppugnatio consumpserat , facto cum quatuor Scytharum millibus globo , postremum abeuntium agmen , priusquam flumen trajiceret , carpere ac morari adorti , ferociter propulsi sunt , non sine Comitis Hotkirkii laude , cujus in eam exercitus partem imperium erat . Rediere tamen , Savum transgressi ad propinquum Sabatium oppidum , novis ausi Scytharum turmis , transversisque itineribus hostem assequuti . At multati aliqua cæde , ab incessendo rursus abstinuere . Quietum deinde sed lentum Germanis iter , jussu temperare ita gradum ut cymbas tardo nisu adversum relegentes amnem non desererent , secus futuras barbaricæ classis prædam . Et

*Deseruntque incipit facinus , & quare .*

*Non semel in itinere Turcas repellunt .*

1693.

*Visirius invadenda Transylvaniam consilium deferit.*

*In Albam Græcam intentus.*

illud moram inferebat , quodd acie instructa progrediebantur , metu ne repente Visirius adesset cum omni exercitu , ut is quotidie rumor ad ipsorum aures accidebat . Verum Mustaphus Albæ græcæ constiterat ; incertum , parum ne fidens tyroni militi , quo plurimo legiones constabant ; an aliquo refecturus otio fessos longo acceleratoque itinere , priusquam pugnandi copiam faceret . Etenim Adrianopoli discedens , iter in Transylvaniam incæperat ad eam recuperandam aut vi , si Germani non multo illic numero in prælium descenderent ; aut urbium proditione , si se intra mœnia continerent . Hanc enim Tehelius , qui secum aderat , faciebat spem , fretus popularium vel erga se benevolentia vel in ipsos Germanos odio . Dein per portam ferream Danubium adeundi animus erat , ut ex opposita ripa Albæ græcæ suppetias , quantum foret opus , submitteret , ipse quoque , si hostis illinc non discederet , cum omni exercitu transmissurus . Moldaviam peragrabat conjuncto secum Selymo Scytharum Regulo , qui , quem diximus , equitatum adduxerat ; cum ab Albæ prætore nuntium accepit : urgeri oppugnationem nec longam spondere moram : quare illuc festinanter signa vertit . Ad Visirii adventum discesserant hostes ; & ipse dato legionibus , quantum fatis fuit , ad se reficiendas quietis intervallo , rursus ad Transylvaniam , qua capta nihil sibi glorio-

rio-



riofius, nihil hoſti dolentius, adjecit animum. Ergo quinis denis Scytharum millibus Galga, Reguli filio, duce, octo addita Turcarum millia, quatuor Araviſcorum, quos modò Raſcia-nos vocant, & aliquot Hungarorum perduel-lum cum ipſo Tehelio, eam in expeditionem ire jubet. Priuſtamen ut Juliam Temelſvarium-que victu ac milite recrearent. Jenum deinde aut Lippam, quod non magni fore negotii vi-debatur, in poteſtatem redigerent, tutum adi-tum, & ſi reſlaret fortuna, redditum habituri. Simul ut ne Germani pluribus oppreſſi curis, & in ancipiti re tardiores, captum conſilium, turbare poſſent ingenti conatu, Tybiſco miua-tur oppido, admota claſſe; ponte Savum con-jungit, paucisque Semlinum traduſtis legioni-bus, ceteras ſe mox tranſmiſſurum, ſpeciem of-ferat, ratus hoſtes, qui adhuc circa Petri Va-radinum in ſtativis erant, ſui metu ſolicitos, copias ad opem aliò ferendam non diſiſuros. Tantam undique impendere procellam ubi co-gnitum Crojæ Duci, haudquaquam deſpondit animum, ad eam repellendam continuo ag-greſſus. Sex aliis muralibus tormentis armat adverſus claſſem Tybiſci mœnia, duabus cohor-tibus præſidium augeat. Dat octo equitum le-giones partim levis armaturæ, partim ſagitta-riorum Hoſkirckio prolegato, quibus Maſiſum tranare annem Turcis prohibeat, ſe ſequere, ubi

*Iterum de Trā-  
ſylvania cogi-  
tat.*

*Alquam Ger-  
mani accurrant  
in alias partes  
tutandas inten-  
ti Crojo aucto-  
re.*

res

1693.

*Ac Veteranii  
Arennitate.*

res ita postulet, cum Veteranio jungat, quem reliquam ad Transylvaniæ fines regionem, uti & Lugum & Karansebem, tutaturum non dubitabat. In ipso enim ejus retinendæ provinciæ præcipuum momentum erat; nec ille spem fecellit, circumducto suorum agmine, quodcumque discrimen se se offerebat. Ad primum nuntium: Moldaviam Thraces peragrarè: Stephanopolim accurrerat, proximos saltus, quâ iis ab ea parte progrediendum erat, infessurus. Statim ut Turcæ ad Danubium inflexere signa, citato gradu mediamque provinciam transgressus, Marisum obsepire in ejusque ripa insidentes urbes frequentioribus præsidiis munire antevertit. Quod postquam eò commigrantibus Barbaris compertum fuit, pars Temesvarii, quod commeatus adduxerant, constitere; pars Juliam annona pariter ac milite reficiendam ire pergunt. Jam propius accesserant, cum Scythæ (duodecim millibus constabat agmen) paulum ad lævam declinantes in superiorem Hungariam præcipiti cursu avolant, permissa Visirio, post navatam ea in expeditione suis impositam operam, Tybiscum inter ac Transylvaniam, muneris loco ad illicendam ipsorum fidem, agros vicisque depopulari ac prædas agere. Quatuor reliqua Turcarum millia cum clitaris jumentis pacato gressu Juliam iter continuant. Hofkirckius per idem ferme tempus

Ca.

Canadium pervenerat . Re percepta , nulla interposita mora movet signa . Citatis equis Turcas sub ipsam Juliam assequitur , qui jam com-  
meatus in inferius oppidi septum inferebant . Non unus alterum latuit . Procul conspecti conspicientesque ad pugnam se comparant atque arma expediunt pari Martis ardore , & pari erant numero . Turcæ primum vestigiis ante vallum steterē ; dein permittentibus equos Germanis : & mox in pedes desilientibus , ex humiliori vallo primum depulsi , in arcem denique tutum receptum habuere , majori accepta quam illata cæde . Hic finis certandi fuit . Victor Germanus , parta jumentorum camelorumque ad mille quingentos præda , consumptisque igne com meatibus ad Marisi ripas se circumegit , opinatus , se ab Scythis quoque , dum remearent , illatæ Hungaris calamitatis pœnas repetiturum . Illi Debrecinum usque processerant , nactique sui nimium securos negligentisque populares , quamquam a Tehelio vel communis patriæ miserto vel indignato suis eripi , quicquid alii prædarentur , clam in tempore admonitos ; circumpositam regionem deultis villis abactisque sex mortalium millibus , boum quinque , atrocissime divexarunt ; mox incolumi præda Juliam , dein sæliciter elusis hostibus Temesvarium regressi . Ibi plures morati dies audique nova Turcarum manu suspicionem dabant ,

*Certatum inter aliquot Germanorum & Turcarum legiones apud Juliam .*

*Ingens Scytharum populatio .*

1693.

bant adhuc Transylvaniæ, si occasio ita ferret, insidiandi. Quamobrem Veteranio, inhorrescente licet hyeme, opus fuit, Marisum proximisque saltus & occupata prædiis ad provinciæ fines loca non deserere. Crojo quoque Cæsarianos equites (nam qui sociorum erant, eorumque peditatus domum hyematum redierant) Segedunum mittere, unde trans Tybiscum flumen traducti ulteriorem Marisi ripam hostibus interdicerent. Ita obsepta undique Barbaris ad irruendum via, & cum asperum anni tempus sub dio longius morari vetaret, in hiberna denique discessum est. Hæc eo anno in Hungaria gesta magno belli apparatu, exiguo rerum successu; quem tamen æque Germani Thracæque ex antecapto unusquisque consilio sibi faustum existimarunt. Crojus enim ideo solum, ut Barbaros a Transylvania dimoveret, Albam græcam oppugnandam suscepisse; Mustaphus, ut ab hac urbe periculum, Transylvaniæ minitatus fuisse, ajebant; uterque damnatus & compos voti. Cæsarem sua recuperandæ Albæ spe dejectum, erumpente in publicum lætitiæ Achmetis jussu, Turcæ ubique plaufere adeo, ut nimium rei pretium statuisse visi fuerint. Sed instigabant provinciarum prætores, gnari, ut opinione vulgus impellitur, hinc præteritas calamitates, unde tantus emerferat pavor, oblitteratum iri, se seque facilem ab consopitis.

præ-

*Utrique in hiberna discessum.*

*Dataque pars sibi victoria signa.*

præfenti gaudio militem pecuniamque ad bellum habituros. Cæſar vultus hilaritate infidentem animo texit curam ; ceterum cum interioribus amicis non ſemel queſtus , tanto ærarii, ſociorum, civium conatu nihil memorabile geſtum , quo territi comprimerent Barbari exurgentem audaciam & ad pacem inclinarent . Nunc eos arrogantius bellum quærere atque offerre novum diſcrimen, quod ſibi non tantis, ut dudum fortæſſe, viribus ſuſtinendum ſit. Viſirius enim Adrianopolim ad Regem diſſoluto exercitu profeſtus, exceptuſque privatim donis lætiſſimaque fronte, publice triumphali fere pompa, omnem abruperat de inſtauranda pace ſermonem . Jam tum cum ad arma diſceſſerat, Pagetum Byzantium dimiſerat, Britannorum negotia Vilhelmi Regis nomine curaturum . Hemſkerckium retinuerat, caute etſi liberaliter cuſtoditum ut, ſi per æſtatem quidpiam nutaſſet belli fortuna nec Mars cœptis arriſſet, haberet cum quo reconciliandi conſilia ſœderis agitare . Nunc tandem abire juſſerat, quamquam, dum iret, ſeptem menſes arcta ſed honorifica in ſpeciem cuſtodia, ut Othomanicis apud Cæſarem legatis evenerat, Albæ græcæ detentus eſt ; injuriæ vice barbarico faſtu reddita . Ad belli producendi propoſitum apud Viſirium non parum valuerant irriti Venetorum conatus eluſaque opinio, qua hi plu-

*Cæſar tamen  
interius anxio,  
& quam obrê.*

*Turcæ ad bellum intenti.*

1693.

*Soluti Venetorum mensu.*

*Mauroceni cum pompa ad Classē discessus describitur.*

rima detenti fuerant , exagitandum Maurocēni virtute atque auspiciis superiori æstate fuisse Ægæum classe , terrestri agmine Græciam , Byzantium quoque propius admoto belli turbine . Idque Multaphum sollicitum habuerat non periculi magnitudine , sed metu ne inquieta falsisque suspicionibus percita plebes tumultuaretur . Enimvero nihil sibi Senatus reliquum fecerat , quo magis bellum urgeret , comparata ingenti pecunia , suppleto largissime exercitu , aucta classe , re militari celeriter explicata . Quæ cum per hyemem gesta forent , IX. Kal. Jun. Dux paludatus in D. Marci descenderat assiteratque Patriarchæ rem divinam facienti . Illic suscepto ex ipsius manibus Reipublicæ vexillo , per anteriorem Templi aream , veluti e portu cōfestim discessurus , processerat ad regiam navem , præeuntibus primū Aulicis , militiæque præfectis , postmodum Clero & Sacrorum Antistite ; regentibus ejus latera Pontificis maximi , Christianissimique Regis Oratoribus , ponē subeuntibus sexvirū assidentium Principi magistratu , Marciis deinde Curatoribus , quos Georgius Benzonus & Augustinus Sagredus sequebantur , Mauroceno ab Senatu dati , ut cum iis consilia digereret ; clauderantque pompam Senatus ipse & quotquot Ducem familiaritate ac necessitudine attingebant . Nihil æque tamen huic diei celebritatem addidit

dit ac immensa popularium advenarumque multitudo, quæ terra marique, unde spectaculum videri poterat, Principem lætis vocibus prosequabatur acclamabatque: iret dextro Numine; tropæis Rempublicam cumlaret, se gloria. Cum extremam senectutem publicæ felicitàti devovisset, nominis immortalitate vitam produceret. Insignis tot rerum gestarum decore, clarior hac in se uno posita patriæ spe, impleret expectationem atque omnium vota. Redux tandem profligatis hostibus cum ingenti meritorum fœnore civibus otium, se civibus restitueret. Cuncta inibi ex Veneta magnificentia; erecti triumphales arcus, ornati aulæis parietes, expressum pictis tabulis positumque in civium conspectu quicquid Mauroceno auctore bene ac feliciter gestum fuerat; prodiga in decernendis honoribus Republica ad excitanda virtutum semina; parca tradendæ auctoritatis, ne supra civilis potentæ modum luxuriaret; quam idcirco ultra suetos militaris imperii fines dilatare ne illi quidem, principe licet honestaretur loco, haudquaquam annuit. Ductus ad extremam æstuarii oram e sacraque D. Nicolao insula in hexerem, pratoriam navem, conscendens, non ita multo post, sedato pelago, in Peloponnesum proras direxit. Naupliam appulsus, compertoque prius, quæ sibi quæ hostibus vires essent, de re gerenda consilium habuit. Chalcis illi-

1693

*Consilio habito,  
variae de re ge-  
rendae sententiae  
dicuntur.*

co in sermonem venit ; ab aliis de repetenda Cydonia dictum ; plures contendebant , armatus cum Turcarum exercitu , qui prope Thebas castra posuerat , periclitanda ; reliqua deinde in proclivi & promptu fore . Dux in aliam sententiam eundum , repudiatis quæ adhuc dictæ fuerant , brevi & gravi sermone disseruit . Chalcidem , retulit , novis operibus circummunitam ; quatuor ibi armatorum millia præsidio esse ; castellum quoque in adversa continentis ora frequenti milite insideri . Utrique , sicubi sit opus , auxilium non defuturum , eodem loci hostili exercitu se continente , unde illud vetari nequeat . Non esse proinde , cur ab re difficillima & sane immatura initium agendi fiat . Cydoniam integris iterum munitionibus , copiis , & belli apparatu vigere . Satis videri semel in ea tentanda peccatum esse . Nam ut providi vel felices potius imperatoris est per futuri caliginem , quod raro mens humana pertingit , prævidere mala ; ita stupidi magis quam incuriosi foret , aperta monstrataque insigni aliquo luctu non devitare . Hostem pugna la-cessendum superesse . Verum quis dubitet in aciem non proditurum , nobis numero longe minorem , ac satis habiturum , se aggere tectum nostra eludere consilia ac sua tutari ? Intra vallum igitur petendus erit . Quod nobis certam perniciem pariturum , nemo non profitebitur , cui

*Maurocenus  
classe quæren-  
dum hostem sua-  
det , ejusque  
oratio .*



cui ab inanis gloriæ stimulis nonnihil conquiescat animus, nec velit speciosis opinionibus sed vera & solida virtute inniti. Esto multò nos frequentiores (quippe illi non plus decem millibus in castris habent) meliores quoque, si lubet, quamquam novo delectu legiones plures conscripsimus, impressionem daturus. Quid si extemplo e vicinis præidiis accrescant? Quid si curulibus tormentis, priusquam manus conferantur, stragem edant? Si ponè aggerem, vulnere intacti, firmitus nulloque metu figant jacula ac tela ingerant? Quid tum? Refereamus pedem? at non sine ignominia nec sine damno. Actutum inferemus? At quanto discrimine & quanta clade. Stabimus castra illic metati? At quid Turcis incommodi, commeatus e feraci amicaque ab tergo regione affatim habituris? Quid nobis non sollicitudinis, longius illos e pelago nec brevi & infesta via petituris? Quæ quamvis gravissima tantique per se momenti sint, ponderosiora tamen evadunt, si rei gerendæ affuturum Principem Reipublicæ in mentem veniat. Ejus quippe non est, dubia sequi, ne, si male contingant, vulnus aliquod majestati ac decori publico inferatur. Ceteros audacter in incertam aleam dare se posse, qui si spe decipiantur, nomini tantum officiunt suo. Principi nihil improsperum, quod non sit omnibus calamitosum. Huic declinando periculo  
duo

duo videri maxime profutura ; unum, quieto milite negligentiam in hostes inducere ; alterum, illo aucto atque exercito ipsos cum redeat vernum tempus, ubi minus sibi metuere compertum fuerit, faciliori eventu impellere ac profligare . Interea per reliquum æstatis Ægeum classe pervagari, & si occurrant bellicæ Turcarum naves, quæ ibi ad reficiendas victu ac milite suas urbes navigent ; aut piraticæ, priusquam in Africam redeant ; cum iis vix non certa victoria pugnam conferere . Cantum & non prisco ejus more animosum, Ducis consilium, velut qui satur gloria nollet jam sibi partam in discrimen dare, visum est . Nemo tamen dissensit, veritus inexpiabilem culpam, si quid secus proposuisset, cui non belle succederet . Datis itaque Antonio Zeno sex milibus sexcentis peditibus, equitibus mille ducentis, quibus isthmum Turcis occluderet ; iussuque Bartholomæo Gradenigo navium præfecto cum hepteribus sex, quatuor quinquereuib; ac septem bellicis navibus tutari Saronicum sinum ; Dux classem reliquam in altum duxit, septem auctam Melitenium quinquereuib;, nec ita multo post quinque Romanis, tardius profectis . Non enim eas prius e Centumcellis solvere Innocentius voluerat, quàm quædam oborta paullo ante, ad Ferrariensium fines insidia Veneti ex ipsius sententia composuissent .

Pe-

Pelagum circumvagatus, novit hostes illatis, quod constituerant, auxiliis jam discessisse. Quocirca pertæsus inutilis navigationis, medio autumno in Naupliæ portum se restituit; ubi sub anni finem febris ac disuria correptus, postridie Id. Jan. duodecimo, postquam morbo confictari cœperat, die fato cessit. Vitam a prima adolescentia ad ultimam senectutem re nautica exercuit, ejus peritissimus ingenio & usu. Nactus Rempublicam Cretico primum; non multos post annos sacro adversus Turcas implicatam bello, per omnes navalis imperii gradus egregiam illi nec intermissam navavit operam; quater, quod nunquam alteri ab eo Senatu, suprema donatus maris præfectura; idque non gratiæ sed virtuti datum, qua ceteris major creditus. In ea gerenda, varia usus est armorum fortuna, prout Othomanorum vires ac tempora variarunt. Imperator iterum, Creta cedere jam prope a Turcis subacta, opus habuit, sed illam pretium conciliatæ pacis constituit. Qua de re uti reus causam dixit; at postquam paullum amissæ resedit dolor, tacite laudatus. Tertio præturam adeptus, devicta Peloponneso factum in Cretæ jactura damnum instauravit, retulitque (quod in libera civitate præmium omnium amplissimum) honores, titulos, & principem locum. Nonnihil ejus fama hæsit ad metas ob infelicem Chalcidæ op-

1693.

*Frustra quaesita  
hostili classe  
Naupliam re-  
dit.*

*Moritur, ejus-  
que elogium.*

1693.

*Valerius Princeps Reipublicæ eligitur, armorum Imperium Zeno datur.*

*Quod Principi Reipublicæ nova lege impeditur.*

*Dalmatia undetrinque populationibus dividitur.*

oppugnationem. Sed citò deteriori comparatione per hominum ora sæliciter adeo vagata est ut unus ille, cujus auspiciis armorum prosperitas revivisceret, spem dare potis fuerit; vel eo sælix, quodd implendæ tempus defuerit; ita nullo incerti eventus discrimine in civium opinione ac memoria permansuræ. Præter bellicam laudem, quicquid in eo reliquum, mediocre, nec magnis virtutibus nec magnis vitiis. Sylvestro Valerio consularis magistratus; armorum imperium Antonio Zeno Peloponnesi prætori datum. Addita lex, ne de rogando in posterum Duce, ut illud suscipiat, sermonem fieri in Senatu liceat, nisi Sexviri solio Principis adsidentes, tresque trinis capitalium quadragenarumvirum collegiis præsides, ex triplici divisione duæ partes, auctores fiant; neve, si Senatus judicio res ad majora comitia deferatur, rata sit, nisi octingenti haud minus suffragia ferant, nec plus tertia parte dissentiant. Ita sagaciter obfessa iterum supremæ dignitati ad imperium via, quam atavi periculosam experti, ut primum potuere, obstruxerant non sine arduo conatu consilioque. Adeo ingentes honores facillè moderationis obliviscuntur & ni sint inermes, audent imminentque publicæ libertati. Bellum hoc anno in Dalmatiæ finibus non juxto exercitu, non ullo memorabili facto, sed incondito popularium ad prædandum concursu, mole-

lestisque invicem populationibus gestum. Qui circa Jaderam incolunt, conflato ad sex millia peditum equitumque globo tribus additis equestrium legionariorum centuriis Bosniam ingressi, longius quàm unquam aliàs ferrum flammamque intulere. Turca prætor inopinata licet percussus clade, suis & ipse provincialibus ultra mille peditum totidem equitum centuriatis, tacitus occultusque saltum, quàm redeundum hostibus erat, insedit, aggressusque referentes prædam, partem abstulit, majori tamen suorum cæde. Sed æquavit Venetorum damnum Cruttæ, quo duce utebantur, mors. Ascrivientes in prædam primum effusi, mox Cloubuchum tentare ausi, Mustapho Chelmiæ prætori plurium morte pœnas dederunt. Is deinde, Bosniæque prætor alter, proxima suis finibus loca pari propemodum eventu misere divexerunt. Non eadem apud Sarmatas vicissitudo, Scythis ibi latissime depopulatis vix non impune. Hi Vere nondum adulto progressi, Camenæcum ingenti agmine commeatus adduxerant; tacitis intra suas munitiones, quibus itinera obsepiebantur, Sarmatis ne longe impares in aciem prodirent. Illi comperto, nullum adhuc eorundem exercitum ad signa convenisse, Russiam nigram Leopolim usque, quod ejus est caput, hostiliter peruagati, magna ubique feritatis vestigia reliquerunt, abacta ingen-

*Et Sarmatia a  
Scythis acerbi-  
ssime.*

Tom. II.

P p p

ti

1693.

482

## HISTORIARUM

*Maxima sui  
Regis indigna-  
tione.*

ti præda quadragenisque, ut fama fuit, mortalium millibus. Rex ad tantam suæ gentis calamitatem vehementer exarsit; indignum, clamitans, bellicosissimam Polonorum nationem quondam armis invictam nunc desidia negligentiaque captam Scythi latronibus ludibrio esse; rapti quotidie in vincula; indefensam addici sævissimæ servituti; malle cum extrema perniciæ, dummodo otietur, conjunctum dedecus quam gloriam aliquo labore partam. Quodd si qui genere aut divitiis præstant, parum plebis ac rusticorum captivitate, ipsi intra munitas urbes hoc vacui periculo, moveantur; sciant, deserto agrorum cultu opes dilabi; quarum, si careat luce, parum splendescere avitum decus. Una erat origo tot malorum, quodd exercitus ornari, suppleri, ex hibernis educi sine pecunia; & isthæc, nisi aut jussu a majoribus comitiis tributo aut voluntarie in provinciali conventu exhibita, contrahi haudquaquam posset. Comititia, cum plura iis celebrandis præmittenda forent, tempus, ut priusquam hyems appeteret, haberentur, non suppetebat. Erogandæ igitur in emerita saltem stipendia pecuniæ Rex edixit, provinciales illico celebrari cœtus, ubi simul, ut moris est, quid singuli ad commune gentis concilium referendum putarent, decerneretur. Unus Massoviensis conventus vix reveritus ipsum Regem, qui aderat atque hortabatur.

*Comitiis Provincialibus vix  
non frustra ad*

1693.

*pecuniam & remedium expro-mendum convo-catis.*

*Pacem instau-randam postu-lantibus.*

*Invito Rege.*

*Qui Scythas comprimendos curat.*

tabatur, quidpiam in bellicum ærarium tributi sibi imposuit, sed in iram adeo efferatis animis ut ad arma itum fuerit multaque cæde pollutum Augustianorum Templum, in quo legati proceresque convenerant. A reliquis nihil datum, causatis accepta in re familiari vulnera & alibi desertos agros, alibi sata bello depasta. Omnium autem sententia fuit: obsecrandum Regem ac Senatum, ut ne ulterius pacem reconciliandam differrent ac tandem apud se statuerent, quærendam, quocunque liceret modo, afflictis provinciis requiem, amolientas calamitates, quibus jam nimium laceratæ fuerant, vitandumque funestum excidium, quod ab Scythis imminebat ni statim pax conveniret. Sic enim legatus, qui per eos dies ab Selimo novo Regulo, illum in principem sedem restitutum officii gratia renuntiaturus advenerat, palam nulloque metu venditabat. Hæc popularis finiendi belli consensus, magis quàm ipsum bellum, Regem sollicitabat; cum nec istud tractari pro dignitate, exhausto ærario impeditoque delectu, posset; nec pax, in-violata sociali fide, separatim componi. Quod medium erat, supremos Polonæ Lithuanæque militiæ duces Leopolim ire iussit; ubi collectis, quot plurimas possent, copiis tueri a Barbarorum excursionibus fines, commeatibus diligentius Camenæcum occludere, iisdemque

1693.

Moldaviæ oppida in Reipublicæ ditionem redacta referare conniterentur. Ex huiusmodi consilio Sarmatia Scythis prædonibus minus patuit, nonnunquam etiam ipsorum sanguine resperfa est; nova prope Vasiloum munitione arctius obstructæ Camenæco fauces; compressaque præsidii licentia, late ad prædam suo licet non semel damno vagantis; nec subactæ in Dacia urbes neglectæ. Per id prope tempus, quo hæc gesta sunt, Mars ferocius inter Christianos Principes bellum exasperavit, quod nunc retexendum exordior. Magna erat hominum expectatio, an aliquo insigni vulnere debilitatum, quod prope eventurum videbatur, Galliæ regnum sibi tandem timere inciperet. Hostibus enim, qui terra marique ad illud invadendum supremis prope viribus se comparaverant, undique circumfufum, patebat graviter perculsum iri. Centum millium exercitus juxta ejus fines e Belgio irrupturus erat; quinquagenum ab Rheno, totidem ex Italia; vicenum e Catalonia; e classe, quam centum bellicæ naves constabant, quinum vicenum. Non minus ad eos repellendos se se instruxerat Rex Ludovicus, pari navium numero collecta classe, quod post acceptam superiori anno navalem cladem vix credi poterat; nec impari terrestri robore, non militum multitudine sed celeri ipsorum discursu, quod ferret usus. Auxerat ad se stre-

*Bellici Christianorum Principum apparatus.*



strenue gerendos præfectorum alacritatem, aucto præmio. Priusquam enim discederent ex hibernis, novum diversis distinctum gradibus instituit equestrem Ordinem D. Ludovico sacrum, in quem centum quinquaginta militum præfectos, dena saltem eo gradu stipendia meritos cooptaret donaretque, servato dignitatis discrimine, annua pensione ab octingentis nummis Turonicis ad sena millia; in id trecenties millium ærario constituto. Liberalitatem honoribus cumulavit, eoque præcipue, quod Regem Cæsar moderatorem ac præsidem habituri forent. Nihil verò ad acuendum militare studium stimulos æque addidit ac promulgatum ipsius Regis cunctorumque regio sanguine Principum ad bellum iter. Quippe qui oculis percepturi erant, quid quisque pro Galliarum decore strenuitatis impenderet. Augescit enim spe laudis ac præmii conspecta virtus. Philippus Aurelianensis maritimas ad oceanum provincias cum duodecim legionariorum millibus, & provincialium quot erederet, custodiendas accepit. Reliqui in Belgium, ubi præcipua armorum sedes, iter habuerunt. Jam Ver incæperat, cum undique Galli, prævertentes hostem, hiberna deserunt. Prior Lorgeus, cui prorogatum ad Rhenum imperium fuerat, amne per Philippoburgi pontem transmissis, hominum tricena millia Haidelbergam ducit. Hanc Germani instauratis mu-

1693.

*Novus equester Ordo a Ludovico Rege institutus.*

*Rex Ludovicus cum pluribus Regie Domus in Belgium ad Exercitum.*

*Aurelianensis ad Oceanum.*

1693.

*Galli Haidel-  
berga posu-  
erunt.*

486

# HISTORIARUM

munitionibus præsidio firmaverant duum mil-  
lium quingentorum, quibus instructor exerci-  
tus Georgius Everardus Heudersdorfus præerat.  
Suburbium tenui propugnaculo claudebatur,  
quod prædarii, superato facile, vixdum ho-  
stis locaverat ad verberandum machinas, clam  
reliquere, in urbem, ubi minus periculi, se se  
abdituri. Qui vineas agebant, re cognita sta-  
tim irrumpunt, scandunt aggerem, hærentes-  
que discedentium tergo, postremos ordines ferro  
carpunt. Primi, qui portam intraverant, obiectis  
foribus nonnihil irruentium vim retar-  
darunt. Sed citò dolabris effractæ dedere inun-  
dantibus aditum. Fuga inde prædiorum in  
arcem; qua exclusi, ne simul se se immitteret  
hostis, trecenti positis armis capti asservatique  
majori in Templo, bis centum fortiter pu-  
gnando ultique suam vicem interimuntur.  
Nec mora Lorgesius expediri atque intendi ma-  
chinas in arcem jubet, extrema præfecto mili-  
tibusque minitatus, ni statim cedant. Ille ter-  
giversari, tempus ad exquirendam Badensium  
Principis, qui prope Hailbrunam cum exerci-  
tu morabatur, sententiam petere. Ed-vehemen-  
tius impellitur, quod fluctuabat. Non parvi ope-  
ris munimenta ac mille octingentum præsi-  
dium spem dabant, posse aliquot dies repelli  
hostem ac sumi spatium ad expectandam opem.  
Verum & metus erat ne nimia oppidanorum  
stra-

strage, qui omnis ætatis ad quindecim millia  
 intus confugerant, inutilis moræ luenda pœna  
 foret. Namque ubi pyrophorarum ollarum tem-  
 pestas in refertissimam degentemque sub dio tur-  
 bam grassari cœpisset, nullum acerbissimæ cla-  
 di modum impositum iri. Qua re permotus  
 Heudersdorfus, quamquam a Badensi iussus ad  
 extremum obistere, Gallis postridie portas ape-  
 ruit, pactus, incolumes oppidanos cum singu-  
 lis vestimentis, præsidium armatum sed taci-  
 tum cum duodecim onustis plaustris abiturum.  
 Civium discessus vere miserabilis fuit, mulie-  
 rum ac puerorum lacrymis, incerto virorum,  
 quò irent, consilio; omnium extrema inopia.  
 Patriæ calamitas augebat luctum; pavor durio-  
 ris, quæ in posterum impenderet, ærumnæ cum-  
 mulabat. Plures fame, lassitudine, incommo-  
 dis periere. Heudersdorfus, postquam ad suos  
 venit, causa e vinculis dicta capite damnatur.  
 Quocirca exutus insignibus Teutonici equestris  
 ordinis, quibus erat ornatus, lictori traditur.  
 At ubi legionibus in aciem directis sui spe-  
 ctaculum e suggestu præbuit, vita donatus  
 pellitur in exilium. Morti tamen non se se eri-  
 puit, ab agrestium manipulo, dum iret, ve-  
 luti publicorum causa malorum contrucidatus.  
 Heidelbergæ in potestatem redacta, Galli in  
 prædam opimam ruunt, cum tempus civibus  
 ea subducendi, quæ sibi cariora haberent, non suf-  
 fe-

1693.  
*Præfelli non  
 parum ignavia.*

*Multa Civium  
 pernicie.*

*Illataque Præ-  
 fecto infamia.*

1693.

*Execranda Hal-  
delbergæ Casti-  
tas.*

fecisset. Nihil a furibundo milite prætermis-  
sum, quo captæ urbes obrui malis ac funestari so-  
lent. Et illud execrandum nec moris humani  
gestum est, quod apertis Palatinorum princi-  
pum sepulcris, ubi quidpiam ad ornanda ca-  
davera inesse pretiosum fama ferebat, ossa dis-  
siparunt, oculis quoque plumbeis abductis,  
furto æque sordido atque irreligioso. Tanta im-  
manitas fæditasque in centurionum præcipue  
invidiam cessit, qui rem atrocem nec sibi igno-  
tam non vetassent. Rex Ludovicus illam sum-  
moperè averfatus, quod unum modò erat pia-  
culum, statim jussit reliquias iterum compo-  
ni ac fato defuncta corpora tandem quiesce-  
re. Ingens in arce reperta sulfurati pulveris  
telorumque vis, parataque Misnienfibus legioni-  
bus frumenti copia. Utraque Philippoburgum  
traducta viliorē annonam ornatiorēque bel-  
li apparatus Gallis fecit. Ædibus flamma  
injecta, captivorum primum fraude, quibus  
spes erat, per tumultum e custodiarum mani-  
bus evadendi; deinde pluribus locis militari li-  
centia; quæ si furit impune, nullum facit sæ-  
viendi finem. Mœnia quoque urbis dilacerata;  
arcis, ut quandocunque vellent, diruerent, su-  
spensa caveis. Insecta signa faustis auspiciis in  
eam Germaniæ oram inducta consternatosque  
late circum provincialium animos Ludovico Re-  
gi mutandæ, quam statuerat, administrandi hoc  
anno

anno belli sententiæ occasionem præbuisse, opinio fuit. In Belgium processerat, lustratoque prope Gemblursum exercitu centuriata repererat equitum duo supra quadragena millia, peditum octo ac triginta. Fœderati nondum pari numero convenerant circa Lovanium, quod condixerant; lento Germanorum ex hibernaculis digressu & longa sæpius via. Rex igitur deliberandum susceperat, in quodnam se dignum facinus operam daret; & Caroloregium præter cetera opportunum se se offerebat, arx Namurcum inter Montesque munitissima, unde non rarò intercepti suis legionibus commeatus, iisque commigrantibus ultro citroque infensum iter. Cum accepto, Germanicam expeditionem sæliciter inchoatam majora, si acrius illic vires intendantur, de se promittere; ab ea parte urgere bellum ac temperare in Belgio audacioribus consiliis, induxit animum. Ægre id sibi imperasse dicitur, cupido quidpiam nunc etiam patrandi coram æmulo, quod suam, ut superioribus annis, extolleret gloriam, ejus minueret. Non desuere tamen, qui reputarent, oblatam se in Regiam restituendi occasionem libenter arripuisse; plena semper sollicitudinis parta semel insigni laude, nec rursus in incertam aleam facile committenda. Itaque sexdecim, pari equitum peditumque numero, armatorum millibus Belgico exercitu, cujus im-

*Rex Ludovicus Delphinum ad Rhenum, cum ingenti exercitu mittit.*

1693.

*Germani ad  
Nierum amnem  
tuto loco castra  
ponunt.*

perium Luxemburgio dederat, extenuato, Delphinum Beuflersio legato comitatum cum hoc supplemento ad Rhenanas legiones misit, arma illic adversus hostes vehementius concitaturum; ipse Versalias rediit. Interea Lorgesius victorem exercitum hosti admoverat, qui trans Nierum amnem prope Hailbrunam tuto maxime loco diversabatur. Hunc ponendis castris elegerat Badensium Princeps, ne, priusquam ad se frequentiores advenissent ex hibernis copiae, invitus ad pugnam elici posset. Modò quina tricena solum sibi erant hominum millia, miseratque quaquaversum, qui reliquos, ut statim accurrerent, adhortarentur. Non enim in sena Cassellensium millia, quos Landgravius; non in dena Misnensium, quos Octovir ducebat, ullum ipsi imperium erat. Nicer amnis utrumque exercitum interfluebat; quo impedimento Galli, ne committerent praelium, vetabantur. Itaque superandum aggressi, paullum ad laevam inflexo itinere, cymbis e proxima Klingemburgo ripa tria peditum duo equitum millia tranare incipiunt. Non improvisò adveniant, & Badensis quinque illuc ex adverso legiones præmiserat, quæ telis adeo navigia trajicientesque turbarunt ut post levem pugnam inhibere satius duxerint. Cum hac non successisset, alia transitum tentant via. Mons erat prærupto dorso, fluvio imminens, e

re-

regione hostium castris . Ibi tricenas statuunt  
 machinas nullaque requie in sinistrum cornu,  
 quod misilibus interius jacebat , jaculantur .  
 Fremebat Germanus miles , quod impune &  
 ignobili nece sterneretur ; postulabatque aut  
 in aciem educum honesta morte occumbere ,  
 aut vitando periculo mutare locum . Annuit  
 Badensis , circumactumque nonnihil agmen op-  
 pido texit , quod fortè illic interiacebat . Galli  
 tamen in vacuam ripam evadere non perten-  
 tarunt , veriti par discrimen ab hostium cata-  
 pultis ; majus ab eodem agmine , raptim in  
 primos transmittentium ordines , priusquam pe-  
 dem firmarent , decursuro . Sed facta septingen-  
 tum manu pontem Hailbrunæ conjunctum de-  
 repente invadunt ; spe , aliò intentos Germanos ,  
 incuriosos isthuc repertum iri . Propulsi ferociter ,  
 non remisere aliquà perrumpendi curam . Bi-  
 dui spatio interposito , in adversa Cornelie op-  
 pido , quod nunc Vimfenam dicunt , ripa plures  
 improvisè legiones se offerunt cum magno ad  
 iniiciendum pontem navali apparatu . Præsto ibi  
 quoque fuere Germani ; commissaque eminus  
 pugna non ultra paucorum vulnera ac mortem ,  
 sponte recedentibus Gallis , processit . Lorgesins ,  
 desperato ad hostes aditù , signa ad Eppingam  
 Brettenamque retulit , late inde Palatinatum  
 depopulatus . Medio ad alterutram expeditione-  
 nem loco stativis positis , nonnihil Badensis an-

*Galli Nicrum  
 traicere ten-  
 sant sed frustra.*

*Populabundi  
 alio se versunt.*

1693:

ceps hærebat, ab dextra ne in Virtembergensem oram, an ab sinistra in circumfusam Nicro Manoque amnibus arma ferret. Ubi verò Lorgesio patuit, illum castra Morbacum transulisse, veluti Virtembergensi provinciæ Badensique regioni suæ metuentem, in lavam protinus vertit signa, Nicrumque e regione Lademburgi non procul a confluente traducit, secum adductis quatuor ac viginti armatorum millibus, jussuque Melaci Comite, itinera cis amnem cum aliquot legionibus impedire atque obsidere, quoad bellica ferret ars, hostium consilia. Transgresso Gallico exercitu, in fugam undique populares consternati sunt; deseratque militari licentiæ ora in primis Germaniæ nobilis oppidorum numero, civium frequentia, agrorum cultu. Hinc mixtæ gemitu ac lacrymis liberæ, ut fit, in extremo dolore quiritantium voces: male sibi consuluisse, cum tantam in bellum juventutem armaverint, pecuniam contribuerint, imperium Badensi dederint. Pactis, quæ ab Gallis offerebantur, induciis, otium longe minori pretio redimi potuisset. Nunc se nimis credulitatis pœnas luere. Quid enim Badensis ipse ceterique provinciæ. Principes non promiserint? Tanto exercitu Galliam pervasuros ut hæc ad sua curanda nedum inferenda vulnera non satis virium habitura foret. An promissum eos tenuisse? abdito

in-

*Ingenti Germanorum luctu acerbisque querelis.*



intra munitionum claustra imperatore suo, ducum reliquis negligenter contrahentibus copias, dum interim provinciales hostium rapacitatem sævitiamque satiarent. Inter hæc Galli peragrata regione se se manubiis, Lorgesus late oppidis indicta pecunia ærarium locupletabant. Ventum erat ad impeditum maxime locum, ubi Zuringerberga claudit saltum, quæ Darmstatiensis tractus oraque ad Mænum usque recluditur. Sex Misnienſium centuriæ mœnia tutabantur. Eò cum trium millium agmine Chamilii Comes prolegato immittitur, qui frustra sollicitato ad deditionem præfecto, moræ impatiens (nam alterum mille ducentum hostium globum illuc properantem noverat) impetum dari iussit. Refractis foribus, sagittarii equites, qui primi ex equis desilientes certabant, bis repulsi. Sed incensæ concitatique ducum vocibus, tanto iterum conatu se se intulere ut præſidiarios vestigio moverint ac tergo adhærentes magnam eorum partem necaverint. Capti bis centum, pauci inter tumultum evasere non incruenta Gallis victoria, qui statim, aperto saltu, in ulteriorem plagam se diffuderunt; iussu tamen abstinere cæde ac rapinis, placata a miseris civibus non levi sumptu victoris ira. Terrore Francofurtum, in adversa jacens Mæni ripa, vehementer perculsum est; & Moguntia, quæ inde parum distat, sibi timuit. Quamquam citò

*Reprimuntur.*

1693.

citò utriusque cives collegere animos, freti Misnensium & Cassellensium copiis, quæ ad strepitum illatæ prope se cladis citatò gradu illuc progressæ præsidia firmaverant, & castris in propinquo locatis spem dabant, hostem, si quidpiam tentaret, non sine damno repulsum iri. Nec ita multo post affluxere undique ingentibus auxiliis Brandeburgeneses alique, interiori provinciæ haud parum veriti. Et Badensium Princeps Baraiti Marchionem iusserat dena armatorum millia lociis adducere, moveratque omnem exercitum, ut ipse Gallis, dum alii frontem urgerent, a tergo insisteret. Quamquam non ultra Vimfenam profectus, gradum continuit, ne si longius abiret, male consultum Sueviæ Franconiaque foret. Verùm Lorgefius accepto nuntio, Delphinum jam transmississe Mosellam amnem & ad Rhenum accedere, viam rediit, illumque ad Philippoburgum suas traducentem copias est assequutus. Habito illic de re gerenda consilio, una majorum ducum, eaque Delphino placuit, sententia fuit, rectà ad Badensem ire &, si faceret pugnae copiam, configere aperto Marte; sin minus, castra oppugnanda, priusquam ille circumjacentibus sociorum legionibus vires auget. Ita uno prælio debellari posse. Siquidem eo victo, reliquas contractas alibi minores copias sua sponte aut levi negotio dissipari posse.

Ce-

*Lorgefius cum  
suis Copiis ob-  
viam delphino  
fit.*

*Coniunctis le-  
gionibus ad bo-  
stem pergunt.*

Cetera Delphino duce minus utique videri digna; clarissimique imperatoris esse, quidpiam arduum tentare; quod si bene vertat, quicquid reliquum celeri deinceps cursu fama vincit; si male, ipsa, magnanimæ virtutis indicium, audacia terret hostes. Re deliberata, duplici agmine ad Nicrum amnem ire pergunt, quem longius ab hoste incerto, quò in alterutrum tenderent, nullo impedimento traducunt. Iter deinde conjuncto agmine ad eum continuant. Castra Badensis tutissimo statuerat loco. Ab tergo Nicer interfluebat lato alveo, latera Kocherus Jaythusque parva flumina, sed præruptis ripis, tegebant; in fronte duo erant colles, quos triplex vallum castellaque identidem structa armataque magno tormentorum apparatu occupabant. Ad eum quoque pervenerant Saxones Cassellensesque, adeout æquaret jam prope militum numero Gallorum exercitum. Nichilo secius intra munitiones se continere de consilii sententia, cui Misnienſis Octovir Landgraviusque interfuerant, constituit. Non enim, aiebant, pari cum hostibus conditione certandum sibi esse; his, si pugnaverint adverso Marte, facile suos fines interposito Rheno multoque validissimarum arcium robore tutaturis; se, si fortuna sefellerit, profligatis, Germaniam certo periculo maximisque difficultatibus implicari posse. Non parum autem ei fœliciter succede-

*Quem aggredi  
intra claustra  
non audent.*

*Et ille apertam  
pugnam detre-  
ctat.*

dere, ac satis vincere, qui hostem deiiciat consilio suo. Se se tantis auctos copiis pugnaque abstinentes, dum hostis interim prædas aget atque impunè depopulabitur, vulgi sermonibus discerpendos esse. At cui unquam ob-  
tigit bellicæ prudentiæ laus & boni nomen imperatoris, qui nescierit salutem ante rumorem ponere? Itaque vallo pedem non extulit, sed acie tantum instructa, si fortè Galli per-  
rumpere niterentur, repellendos, induxit animum. Cornu dextrum Octovir, sinistrum Landgravius, medium Badensis ( sic enim, dimissa conten-  
tione, quæ non huius temporis videbatur, in-  
ter eos tandem convenerat ) moderaturi erant agmen. Interea Delphinus cum exercitu im-  
minentem Otmarshaimo vico ascenderat col-  
lem, unde in conspectum hostile dextrum cor-  
nu sese offerebat. Speculatus inexuperabile val-  
lum, continuit gradum, relictoque ibi Beu-  
flersio cum parte legionum, ipse comitatus  
Lorgesio Choiseleque ceteras inflexo itinere per  
jugi dorsum propius ad lævam castrorum, si  
fortè illac faciliior aditus aperiretur, admove-  
re statuit. Mille vix passus aberat, cum exi-  
guo nemore superato, ab ea quoque parte Ger-  
manorum apparuit acies tot undique munitio-  
nibus circumsepta, erectisque ad viarum flexus  
propugnaculis ita clausa ut ab hostili incur-  
su timere nihil posset; quin eò penetrantibus cer-  
tam

tam perniciem minitabatur. Quapropter se interius immittere haudquaquam ausus. Sed in aciem directo exercitu pugnandi copiam fecit, quietis intra castra Germanis nec nisi paucas ad levia certamina turmas identidem producentibus. Quod ubi per tres continentes dies, & frustra provocata pugna, gestum vidit, increpans Delphinus, Martios Germanorum animos tandem fractos, qui tanto belli apparatu excitaque undique juventute id unum pensi habuissent, abdere se intra claustra munitionum, & Gallis de virtute ac gloria concederent; æger tamen erepta sibi victoriæ agendique aliquid, quod esset ad rei summam, spe agitare cum legatis cœpit, quò signa verteret. Hailbruna in proximo erat magni momenti oppidum, quippe ubi pons Nicri ripas coniungens in ulteriorem provinciam præbebat aditum; sed munitum recentibus quoque operibus, frequentissimoque inleßum præsidio atque apertum subsidiis ex ipso exercitu, a quo brevi intervallo distabat. Ulma illiciebat, nobile emporium nec satis validum; sed a tergo & difficili com meatuum vectura, interiectis hostibus. E re proinde magis visum, eundem iterum tranare Nicrum, castrisque prope Stugardam Virtembergensis ditionis caput locatis, oram illam Danubium usque vestigalem reddere. Simul in occasionem intentos circumspicere, si quod no-

*Desperata pugna Galli recedunt.*

*Interni oborti  
motus in Ger-  
mania ob La-  
wenburgensem  
hereditatem.*

vum Germania consilium agigaret, distracta domesticis discordiis, quæ jam eruperant & longius flammam latutz videbantur. Dudum enim extincta virili stirpe Ducum Lavenburgensium, altero Saxonice principis familie surculo, ejus Imperii cuinam jure bono cernenda foret hæreditas, ambigebatur. Ex eo, qui postremus regnaverat, duæ superstites erant filie, quibus Luneburgi Dux aliique præferri cupide postulabant. Quin Luneburgius, judicio nondum constituto, sibi statim vendicaverat finitimum oppidum Raczburgum firmaveratque militum quatuor millium præsidio validisque munitionibus, ut armorum patrocínio sua invalescerent, aliena facilius conticescerent jura. Verum non ita res accidit. Tertius hoc nomine Federicus Danie Rex suspiciosum haud minus quam indecorum sibi esse ratus, muniri proximum illud Holsatiane avitæ ditioni suæ oppidum, rei novitatem cum Luneburgio primum questus nec auditus moverat arma, eò progressus cum duodeviginti armatorum millibus & magno ad ferienda mœnia obruendasque domos machinarum apparatu. Ille ceteros familie Principes propius admovere suas copias, tamquam suppetias ituros, impetraverat. Quo Rex obiecto metu acrius exarsit, expeditisque tormentis tri-duo urbem concussit laceravitque. Ad belli strepitum currere illico Cæsaris, Britanni, Ba-

1693.

Batavorum, Brandeburgensis legati, serpentem flammam, suadendo minitandoque, priusquam latius manaret, compressuri. Pactæ quindecim dierum induciæ, per quas restituendæ pacis consilia versari possent. Jam prope expiraverant, cum tandem convenit, æquari solo Ranceburgi munitiones, præsidium dimitti præter bis centum milites, qui Luneburgio aliquam retinerent imperii speciem, quoad prolatum, ad quemnam oppidum jure bono pertineret, judicium foret. Sedato eo tumultu evanuit pavor, quo plurimo per eos dies Germania commota fuerat: Danicæ Regent discessisse in Gallorum partes quærentemque Rhenano bello diverticulum, querelas atque arma ad Albim amnem movisse. Cum præsertim Rex provinciarum Principum legatis iterum apud Ratisponensem Conventionem, quo eadem fama pervenerat, hanc mentitam redarguens, iterum spondisset se illacessitum ab otio non abiturum. Delphinus dejectus spe Germanici tumultus, qui sibi, distractis Regulorum viribus, claustra provinciæ reclusurus erat; nec sibi ultra blanditus hostem extrahere in aciem posse, confessionem detrectantium certamen pro victoria habuit. Mox Wirtembergensibus imposito præsentis quadringentum scutatorum millium tributo, centumque millium, quoad bellum maneret, in annos singulos, quibus regionis vastitatem re-

*Citò, & quibus conditionibus sedati.*

1693.

*Delphinus di-  
viso exercitu  
Versalias redit.*

*Exercitus ut-  
rinque hyema-  
tum pergit.*

*Rhoda a Gal-  
lis oppugnatur.*

dimerent ; sulfuratoque pulvere iussa discerpi Heidelbergæ arce , exercitum divisit . Duodecim millia in Italiam , ubi Gallica res longe impar copiarum numero laborabat ; decem millia cum Beuflerso in Belgium dimittit . Quicquid reliquum in duo partitus corpora , Lorgesio Choise-loque legatis conjunctim aut separatim , prout usus foret , moderandum attribuit . Ipse inutilis otii inter arma pertæsus , ætate jam senescente ad patrem se recepit . Legati ultra Rhenum Badensi in ditione per eam provinciam haud longe a ripa tandiu morati , quousque consumptis pabulis , jamque sæviente frigore transgressi flumen , proximis in oppidis hiberna peregere . Et Germani , qui quantum recederet hostis , pedetentim subsequuti vestigia , per citeriorem ripam ad hyemandum pars major se diffundere ; renuentibus primum acceptasque obtendentibus calamitates civibus ; deinde acquiescentibus , metu ne sine militum præsidio majora perpassuri forent ab hoste vulnera , & ne huic , quod fociis negassent , uberiori ærumnarum sænore pendendum esset . Adulto Vere , quo hæc per Germaniam peragi cœpta sunt , in Cataloniam Galli Noallio duce , trito sæpius itinere , se promoverant . Militum erant ad viginti millia , rectæque Rhodam prope Ruscinonensis oræ fines contendérant . Jacet oppidum in ipso litore quinque septum rostratis



tis majoribus propugnaculis , quorum duo fluctibus obijciuntur , ibique portus pandit in altum brachia . Rostrium singulis , intermedia fossa , semilunares protegunt munitiones , interiorcentem loricam triangulares . Mare subsidii clauderat classis duum supra viginti bellicarum navium Eltræo præfecto , quæ pridem Telone Bajas digressæ ad verberandas Hispaniensium naves ; irritò eventu ( quippe sub arcem difficili ad pervadendum Bajano sinu , brevibus intersepto , & longe micantibus tormentorum jaculis ) isthuc in tempore advenerant . Nec ita multo post Aphrodisium promontorium tenuere quinque ac triginta quinqueres pro prætore Noallio , procerum uno equestri Melitenfis Ordinis ; portus ostium , si quis furtim aut vi ferre tentaret obsessis opem , diligentius prohibetur ; quamquam jam tandem supervacanea cura . Nam oppugnatio , sædis licet imbribus impedita , plusquam opinio fuerat , acceleraverat . Vineæ bifariam ad maritimum lævum propugnaculum eique proximum campestre ductæ , promuralem loricam triduo contigere . Ad eas perpetuo vallo conjungendas , muniendasque objecto aggere duodevicenas machinas & aliquot pyrolmos biduum consumptum . Ingens deinde in mœnia tectaque urbis jaculorum ollarumque flammiferarum vis edita ; cui reprimendæ nulla facta a præsidiariis eruptio , quamquam

1693.

*In deditionem  
accipitur.*

*Obviti nequa-  
quam auso im-  
pari Hispano-  
rum exercitu.*

quam duo millia quadringenti forent; frequen-  
tissima solum ingesta tela non sine hostium cæ-  
de ac vulneribus. Missilium procellam spreve-  
re Galli, in viamque rectam impavidi se de-  
mittentes tenere stabili pede locum, ubi ea  
circa rostrum flectitur semilunaris operis, in  
ipsoque angulo latius patet. Quod postquam  
gestum, nulla mora terram moliebantur, in  
fossam leviori periculo descensuri; cum vocatus  
ad deditionem Petrus Robles, apud quem  
summum oppidi imperium erat, facile annuit,  
quamquam nondum apertis propugnaculis, nec  
ultra octavum diem oppugnatio processisset.  
Fregerant ejus animum ollæ incendiariæ frag-  
mento discerptum brachium ex coque vulne-  
re maximi cruciatus, quibus confectus paullo  
post Gerundæ occubuit; quò duo prædialiario-  
rum millia cum omni militari decore binis-  
que æneis tormentis Rhoda discedens adduxe-  
rat. Excusarunt immaturam deditionem despe-  
ratum auxilium reservatique opportune tot mi-  
lites in reliquum belli usum. Non enim apud  
Medinæ Sidoniæ Ducem, armorum per ea lo-  
ca præsidem, plus novem ad signa convenerant  
hominum millia, quos cum hosti obijcere haud-  
quaquam e re duceret, validis præditiis firma-  
te munitas urbes difficilesque saltus, & aspera  
insidere loca ne longius ille vagari auderet,  
consilium cœpit. Gerundam, quæ Rhoda parum di-

1693.

distat ab eaque parte Cataloniam tuetur , progressus sub ipsis mœnibus castra posuit , sollicitè circumspiciens , quò sibi e re nata auxilium ire & quid præcavere opus esset . Noallius , capta Rhoda , confestim moverat , litus classis ope , quoad posset , longius explicaturus . Primum vicinis Emporiis admovit signa , Phocensium olim coloniarum , priscis scriptoribus celebratissimarum ob severiorem disciplinam , qua una stetit crevitque inter ignotos populos ; atque ob invictam , dum punica vigerent bella , erga Romanos fidem ; nunc exiguarum molis castello , quod vix expositis machinis in potestatem accepit . Dein Palamum versus iter prosequutus , cum parum abesset , Rhodam regreditur . Rumor ad eum pervenerat , ubique Hispanos ad arma cieri bellicoque apparatu cuncta perstreperè . Adeo Rhoda , præter opinionem paucis diebus erepta , consternerat illorum animos , negligentiamque , ut sit , excusserat anceps metus . Quocirca deficiente per eos dies ærario , sponte non parum pecuniarum collatum a magistratibus proceribusque , Regis conjuge ac matre præeuntibus ; nobilioresque civitates , delectu habito , aliquot legionibus exercitum suppleverant . Noallius , quid hæc animorum concitatio datura hostibus virium esset incertus , ratusque repentinos impetus , nisi obnitariis , brevi concidere , nihil ultra tentandum statuit ; impositisque in quinquere-  
& qua-

*Emporii urbs  
Gallis cedit .*

*Palamus itidem .*

*Hinc excussit  
Hispani plura con-  
ferunt ad bel-  
lum sustinen-  
dum .*

1693.

*Galli longius  
non progrediuntur.*

*Quid Classibus  
gestum.*

*Jacobi in Bri-  
tannia exani-  
mati quiescunt.*

& quatuor bellicas naves, ut dudum ab Rege jussus fuerat, hominum sex millibus, qui Nicæam ad Catinatium irent, reliquum ætatis instativis traduxit. Estræus cum duodeviginti navibus in fretum Gaditanum vela dedit, quod iis Tourvillus maris præfectus cum oceani classe (novem ac sexaginta bellicæ, triginta incendiariæ naves erant) obviam processerat, ne ullum adirent discrimen a Britannis Batavisque, duarum supra nonaginta navium classe præter incendiarias jamjamque mare ingressuris. Harum sex & quinquaginta instruxerant Angli, Fœderati Ordines sex ac tricenæ. Nunquam tantum maritimarum virium collectum fuerat. Nimis enim ad rerum summam pertinebat, alterum alteri pelagi imperio non cedere; seu frequentandis commerciis, unde opes publicæ privatæque; seu intestinis dissidiis repellendis, quæ nisi uterque invicem alieno litore prohiberetur, commotum iri fama ferebat. Quamquam & hæc in dies senescebat, impedito crebris munitionibus, tormentis stationibusque in Galliam descensu; & fida Jacobo Regi Britannorum ingenia ad res novandas magis magisque retardaverat editum sub navigandi tempus publicisque ab eo consignatum literis diploma, quo se non vi sed suorum civium voluntate in avitum solium redire velle profitebatur; spe, ipsos opem fidemque præ-

præstaturōs redeunti, atque hoc recenti merito præteritas obliteraturos injurias, quas & ipse perpetua oblivione delendas constituisset. Tanta enim moderatio animi, cum hæcenus armis redditum sibi patefacere pertentasset, visa est non ex ingenio sed ex virium diffidentia, qua opinione debilitantur amicorum studia; & ingentia facinora nemo, nisi animo auctus, audet. Serius quàm Gallica, Fœderatorum classis discesserat ex Anglico Torbai litore, non ita facilè sese expedientibus onerariis, quas ingenti numero maximisque refertas divitiis ab hostium incurfu tutatura erat. Britannicum oceanum egressa, parum meridiem versus navigavit, nimium fidenter opinatis majoribus præfectis Killegreto, Lavallio, Schovelo, qui tripartito ejus agmini moderabantur, illinc onerariis in fretum Gaditanum, per quod in Asiam Italiamque tendebant, tutum ab hostibus fore iter; quamquam ignaris, quam pelagi plagam Gallicæ tenerent naves. Igitur datis equiti Roo-ko propretore septem Batavis, sexdecim Britannis bellicis navibus, quibus centum quinquaginta onerarias præsidii causa prosequeretur, ipsi in Galliam primum direxere proras; mox in Angliam circumagentes, appulere iterum ad Torbai litus commeatus inopia; quosque jam cœperat morbus, nautas, ne contagio serperet, exposituri. Ventus interea secundo cursu fere-

*Navalis Gal-  
lorum victoria,  
partaque ingens  
præda refertur.*

bat Rooki classem ad promontorium sacrum, ubi ultima Europæ terrarum ab occasu in meridiem Algarbia inflectitur. Ponè illud ante Lacobricæ portum anchoras Tourvillus jecerat, Elstræum opperiens, Rooko simul insidiaturus. Noverat enim, hunc vix in altum provectum, aliquo solum navigaturum præsidio bellicarum navium; reliqua hostium classe in Galliam intenta, e qua nondum navale robur e portu digressum, opinio apud eos erat. Sic enim inter se utriusque gentis prætores maioresque præfecti taciti constituerant. Sed prodidit arcânium consilium Britannorum aliquis, ut fama tenuit, & non unum insimulavit, sed incomperto crimine. Certior Tourvillus per dispositam speculatoriam navem factus, Rookum appropinquare, Gabaretum archinavarcum cum duabus ac viginti navibus præmisit, qui superato promontorio adventantes eluderet exigui specie agminis detineretque. Juvit consilii calliditatem incendiaria navis, astu per ea maria vagari jussa ut in hostium incidens classem, illos aut flammis læderet aut capta, quod accidit, in insidias duceret. Nam referentibus, qui inibi erant, nautis, paucas ad Lacobricæ portum stare Gallicas naves, Rookus veluti ad certam prædam urgere cursum institit; edque magis, cùm explicari vidit, falsa opinione præoccupatus, Gabareti agmen. Ibat bellicas naves, septem additis

ditis validioribus onerariis , in fronte ducens .  
 Citò utrisque accelerantibus , prope ad iutum  
 e majoribus tormentis jaculandi spatium ven-  
 tum est . Quin & duz bellicæ Batavorum cum  
 tribus Gallicis , ceteras prægressis , pugnam in-  
 lerant ; cum Rooko signum datur , alias super  
 alias e promontorio se se aperire hostium na-  
 ves . Ad rem inopinatam contrahere vela jubet ,  
 compertoque , totam ipsorum classem in se irrue-  
 re , tardiores imbecillioresque onerarias monuit  
 ut ad litus , quò possent , se se admovent .  
 Reliquas , quid agerent , dubias nox oppressit ,  
 neutrò digressas ( nam ventus occidente Sole  
 non parum conciderat ) & luce prima , quò me-  
 lius salutem quærent , consultaturas . Batavæ  
 interea duz illæ , quæ cum tribus Gallicis ad  
 manus venerant , tormentis laceræ in eorum po-  
 testatem se dediderunt . Et Gabaretus in latus  
 hostium , transversum excipiens flatum , nocte  
 provehitur . Quod ubi illucescente die , Tour-  
 villumque cum tanto navali robore haud pro-  
 cul ab se distare , Rookus vidit , navarcos in  
 prætoriam vocatos de re gerenda consulit .  
 Sententiæ , ut sit in re trepida , variarunt . Ob-  
 lique increbruerat ventus , quo alii Beticæ Al-  
 garbiæque portus petendos arbitrabantur ; spei  
 non ita obseptum ab hostibus illuc inter ut  
 fallere ipsorum conatus arte & celeritate naves  
 quaquaversum dispersæ non possent . Alii proras

nulla mora in Hiberniam, remenso itinere, dirigendas; rati, Gallos non sequuturos adversæ classis metu, quam facile sibi occursum timere poterant. Hæc Rooko sententia placuit, in eamque, accelerato quàm maxime cursu, remeandi signum dedit. Prætoriam pars major bellicarum, dimidiaque fere onerariarum sequutæ sunt. Reliquæ arbitrio suo (ut cuique, dum salus agitur, liberum sibi prospiciendi iudicium est) celerrima fuga se dissipantes, cursum per medios hostes in australem oram continuarunt. Refertum mare vagantibus navigiis erat; Gallica etiam dissoluta classe, ut fugientes arriperet concideretque. Quæ Rookum comitabantur, eas Tourvillus retento suarum apud se robore perniciter insectabatur, postremasque assequutus feriebat crebris ictibus bellicas aliquot Batavas, quæ agmen cgebant. Maximum discrimen aderat ne iis superatis quicquid reliquum, onerariæ præsertim, præda irruentium forent. Verùm non diu fuit, cum trepidas jam jamque tumultuantes Gallicus prætor hoc metu solvit omisitque, ut vulgò increbruit, absolvendi facinoris occasionem; seu suspicatus, longius abeunti periculum ab integrâ sibi Fœderatorum classe imminere; seu veritus, dubiam dum inhiaret prædam, certam, quæ ponè se erat, dimittere. Itaque circumflexis retro proris hostiles plures, quas a tergo reliquerat, in-



invadit ; eas a suis jam circumventas , verberatasque partim arripuit , partim oppressit . Bidui spatio duæ bellicæ , septem ac viginti onerariæ in ejus potestatem venerunt . Quinque quadragenæque incendio aut mari absorptæ . Ad sexagies centena scutatorum millia hostium damnum pervenisse dicitur . Quatuor Britannicæ unaque Batavorum ditissimæ incensæ memorabili casu . In Calpes ad fretum Herculeum sinu sub arcem se se abdiderant . Ed cum novem navibus missus Coetlongus eques archinavarchus ( quippe tutum non erat ad eas feriendas se se admove-  
re , arce ipsisque ferociter jaculantibus ) eminus ollis incendiariis obrui jussit . Suo periculo ter-  
riti fractique , alveis prius immerfis , in conti-  
nentem evadunt . Iis lembos applicuere Galli  
& , cum adhuc pars earum aliqua extaret , in-  
jecto igne penitus corruerunt . Plures in peni-  
torem Gaditani portus recessum penetraverant ,  
quibus frustra exitium , ni se se in deditionem  
traderent , Tourvillus minitatus , postquam de-  
cem ante ipsum portum dies in anchoris ste-  
terat , discessit . Statim deinde præmissis ma-  
nubiis fretum ingressus , conjunctisque sibi Estræi  
navibus , quæ nondum in illud vento repulsæ  
penetraverant , Telonem petiit victoria latus ,  
sed non integra , ut vulgò ferebatur , cumula-  
tus gloria , quodd capiendæ aut perdendæ peni-  
tus hostilis classis occasionem dimisisset . Quam-  
quam ,

1693.

*Quanti steterit  
Fœderatis ac-  
cepta clades .*

*Hinc magnæ in  
Britannia que-  
relæ.*

quam, cujus id vitio accidisset, certo argu-  
mento decerni haudquaquam posset, & quis-  
que majorum ducum alios culparet, ab se so-  
amoliretur incuræ noxam. Nuntius acceptæ  
cladis Britannos Asiaticis commerciis implici-  
tos præter modum consternavit, veritos etiam  
ne hinc in foro periret fides. Itaque palam li-  
beræ audiebantur voces inclamantium: tan-  
tum impensum pecuniæ ad augendas maritimas  
vires, quibus freti negotiatores auderent ditis-  
simas pelago merces committere, non alio fru-  
ctu quàm ut hostibus inde belli subsidium, ex-  
trema sibi perniciēs oriretur. Rumor hic par-  
tim dolore partim rerum novandarum spe con-  
citatus, mixtus quoque atroci fremitu in clas-  
sis prætores, quod onerarias in incertam alæam  
dedissent, ciebat popularium tumultus; cui  
sedando regiæ conjugii ac senatui visum est,  
mercatoribus publicam obligare fidem; cala-  
mitatis auctores doli aut negligentiae pœnas per-  
soluturos; & in posterum, ne quid hujusmo-  
di, provisum iri. Hostibus autem breuem illati  
damni lætitiā fore, incustodito, postquam fre-  
tum Herculeum intrassent, Gallico oceani li-  
tore & mox Britannicarum procella vapula-  
turo. Minuit ærumnæ sensum vindictæ spes;  
quievitque vulgus, in feliciores eventus inten-  
tis animis. Adeo mentes hominum facillè im-  
pelluntur, si vel tenuē, quod inclinant, mo-  
men-

mentum addas . Nihil tamen eduſta iterum claſſe profeſtum eſt , vetito ubique in Galliam deſcenſu ſervatoque domi otio procerum cura & civium indole . Quocirca Torbajum regreſſa , cū in ſocios navales non deſineret graſſari morbus , plureſque intabefcerent , exarmatur . Ea ſubduſta , conſeſtim ingenti numero piratæ Macloviopoli , Rupella , Brivateque in altum eveſti , quamaxime infeſtam Fœderatis navigationem reddiderunt non ſine magni momenti præda ; qua dudum iſtorum commerciis illatum vulnus acerbiffime recrudit , irritavitque ad ulciſcendam injuriam Britannos adeo ut vel ſub ipſam hyemem duodecim tranſmiſerint bellicæ naves cum quatuor pyromophoris , Macloviopolim verberaturæ . Naveni ſecum adduxerant ignipotentem , quæ ventre continebat cados centum ſulfurati pulveris , ducenos quadragenosque globos ( pharetras vocant ) omni reſertos miſſilium genere . Ubi oppidum in conſpectu fuit , primò ad imminentem peſtem proluſum incendiariis ollis , iſſque identidem repetitis occupatæ penitus oppidanorum curæ ne ad exitialem repellendam machinam curas obverterent . Hæc deinde ſublucſtri nocte reſluenteque pelago mœnibus admoſveri incendi que juſſa , domorum hominumque ſtragem , dum vehementiſſime diſcerperetur , editura . Forte fortuna , inſcite illam per tenebras

1693.

*Fruſtra a Fœderatis tentatus in Galliam deſcenſus .*

*Igninomens machina in Macloviopolim incendiariis ollis verberatura immiſſiſſa .*

1693.

bras moderantibus nautis, cæco illiditur adhæsitque scopulo, qui ab urbe non longius pyrobalistæ jactu sub undis mergitur. Admittenti per vulnus aquam navarchus, priusquam madefactus pulvis corrumpetur, admovit ignem; eaque immenso strepitu dissiliens vomensque conceptam flammam sic aerem diverberavit ut ædes diffractis specularibus, civibusque pavore attonitis, sed nulla cæde, nutaverint. Britanni, cum res sefellisset, confestim sublatis anchoris iter remearunt, metu ne sibi Gallicæ impenderet classis, quæ paullo ante Brivatem Rupemque fortem Tourvillo duce redux pervenerat. Dum hæc mari geruntur, bellum in Italia ad alpium radices vario Marte pugnatum est. Suas ibi Fœderati vires instauraverant suppleverantque ad quinquies & quadragies, ut superiori anno, hominum millia, eratque idem auxiliorum genus iidemque duces. Quamquam enim Germanis Hispanisque eò mittere suarum legionum partem incommodum fuerat, maluerunt tamen datam Allobrogi servare fidem, ne, cum adeo a Gallis sollicitaretur, mutandæ occasionem caperet. Non priusquam æstas inciperet, undique prope Augustam Taurinorum convenerant, serò Germanis hibernacula deferentibus, unde militi laxior annona, præfectis in reliquum annum pecunia. Parum inter majores duces de gerendi belli ratione deliberatum,

*Bellum in Italia gestum describitur.*

tum , licet sententiis maxime discreparent ; contententibus Leganesio & Caprara prius opugnandum Casalem finitimis infensum , Mediolanensi provinciæ nimis periculosum ; Sabaudo Pinarolium , unde Galli plerumque in Italiam effundebantur . Hujus illi adhæresere dicto , sed pudore potius quam voluntate , dubium pensantes facinus , veriti autem Principis querimonias , si sociorum causa acceptas ærumnas non e sua saltem sententia ultum iret . Non tamen relicta penitus Casalis obtinendi cura . Quinque illic excubare iussa armatorum millia , qui obsidentes itinera , comitatibus oppidum prohiberent . His aditum castellum adhuc aperuerat , ab S. Georgio nuncupatum , quod tenui munitione exiguoque infessum præsidio in proximo surgebat . Nunc verò , vix admotis curulibus tormentis , in deditionem acceptum prorsus occlusit . Interim exercitus , militum supra tricena millia , iter ingressus , fallendo Catinatio Segusium ire simulavit . Castra ille posuerat in Fenestellæ tumulto , ubi alpes desinunt , medius inter eam urbem ac Pinarolium . Militum secum habuerat quatuordecim haud amplius millia ; quorum quatuor ad obstruendam Barcinonis vallem Larræi Marchioni prolegato dederat ; duobus suppleverat Pinarolii præsidium ; nunc totidem Segusii , cui timebat ; reliquos tuto detinebat loco , supplementum

*Casale a Fede-  
ratia obsidetur .*

1693.

*Pinarolii situs  
& forma de-  
scribuntur.*

*Oppidum quan-  
do a Gallis per-  
veneris.*

tum opperiens, quod sibi mox ingens affutu-  
rum, ab Rege perceperat. Victorius Amadeus  
ubi accepit, ducto in adversam partem exer-  
citu, nullam Pinarolii negligentiam in Gal-  
los inductam, ad istud oppugnandum protinus  
convertit signa. Est in alpium finibus ad am-  
nem Chisonem collis, quâ per Perusæ val-  
lem in Taurinorum planitiem descenditur. La-  
to sed inæquali extollitur vertice, cujus in-  
feriorem partem Pinarolium tenet. Arx, quæ  
ipsi ad lævam conjungitur, nonnihil emi-  
net. Nullus e Gallia in Italiam facilior in-  
gressus aperitur; edque non ardua, prout in  
tanta locorum asperitate, militaris e Delphi-  
nato via ducit. Oppidum per ea tempora  
vi subactum Galli restituerant Allobrogum Du-  
ci, pacis, Claraſci anno MDCXXX. conven-  
tæ, lege; arcana tamen conditione, ut paullo  
post ad se rediret pretio redemptum. Quod  
ei, rerum humanarum vices non cogitanti,  
tum quidem haud injucundum accidit; cum  
ita sibi promptum crederet, parasse ab Gallis  
auxilium, & se non amplius Hispanis, quos  
graves expertus fuerat, obnoxium fore. Nec  
sane defuit promisso fides. Quippe inſequenti  
anno illis traditum, novisque deinceps operibus  
communitum, sui momentum ac speciem au-  
xit. Urbs modò rostratis vigeat majoribus pro-  
pugnâculis, quibus triangulares interiacebant  
par-

1693.

*Quibus constaret munitionibus.*

parmæ, circumfundebatur fossa, munitusque lorica tectus agger. Eadem arcem propugnacula protegebant, sed exterius longe plura diversi generis opera, quæ totam verticis aream, prout loci patiebatur indoles, occupabant. Alter intra catapultarum coniectum supereminet ad sinistram collis D. Birgittæ sacer, cui quadrata forma castellum impoluerant, junxerantque arci, in promptam invicem opem, continuo vallo. Supremum illic armorum imperium penes Tescum Comitem prolegato erat, habebatque militum ad quatuor millia, contractis intra mœnia exiguis prædiis, quibus adhuc Perusam aliaque in montium jugis invalida ad resistendum loca obtinuerat. Is filium equitem Hierosolymitani Ordinis sejunctæ munitioni cum valido præsidio, quod ex occasione suppleturus erat, præfecit. Huc enim res ipsa admonebat primos hostium conatus editum iri. Nec secus accidit. Fœderati siquidem circumacto exercitu, Perusaque, militarem insidente viam quæ in Galliam itur, capta, impeditaque proinde obsessis ope, vineas ad Birgitteum castrum agere instituunt. Et quamquam a fronte nulla esset machinarum jaculantium quies, ab latere e tribus mapalibus, quibus clam prædiarii se continuerant, ingens telorum procella irrumperet; nihilo secius dejectis insidiis neglectoque missilium periculo eas tridui spatio prope

*Oppugnatur a Fœderatis.*

1693.

ad fossam perducunt ; castellum ad lævam , quod aggerem interiacentem oppido Birgitteæque munitioni tutabatur , vi & non intermisso certamine capiunt . Incensum enim majorum minorumque ducum ardore milites præcipuo studio ad rei exitum contendebant . Nondum stationes firmaverant , cum decem præsidiorum centuriæ luce palam erumpentes atrocem illic integrarunt pugnam , quam principibus Fœderati ægre sustinentes , recedebant . Sed composito rursus agmine ac recente ausu milite illam instaurantes , hostem rursus loco deturbant . Facile dein vallo potiti , viam in castrum ab arce novis auxiliis interrompunt . Immoti steterunt primum ad frequentissima tela e muralibus utrinque catapultis immissa , quibus agger patebat ; mox erumpentibus mille quingentis oppidanis cedere coacti sunt . Non semel deinde sese intulerunt . Verum nulla fuit tanta irruentium vis ut iterum Galli detrudi possent . Tota igitur in castrum obversa oppugnantium cura . ductis ad fossam vineis varia illic pugnae fortuna bis terque congressi sunt , dejectis primum oppidanis , mox ipsi promiscua repulsi eade . Cum nihil ferociam remitterent , & ad novum discrimen se compararent , Tessæus præfectus præsidarios prope omnes sub vexillis eduxit , consertaque manu tantam improvisam impressionem dedit ut qui ad vineas excubabant , deleta ipsarum parte ac mil-



mille desideratis, fuga se subriperint. Id enim-  
vero Fœderatos in acerbum furorem impulit  
adeo ut non labore non periculo fracti urge-  
re opus ac fœlici absolvere eventu se se obfir-  
maverint. Ira ac pudore extimulantibus resi-  
ciunt everfas vineas; in viam tectam descen-  
dunt; muros catapultis jam antea quassatos  
aperiunt; cuniculo subeunt mox congressuri. At  
declinarunt præsidarii novum pugne discrimen  
clam noctu Pinarolium, præmissis curulibus tor-  
mentis bellicoque apparatu, se proripientes,  
admoto prius igne ad sulfuratum pulverem,  
qui paullo post exardescens aliquam abstulit  
mœnium partem. Fœderati castrum quatuor-  
decim oppugnatum dies in potestatem habue-  
re, bis mille suorum interemptis, quos inter  
Bernexi Marchione instructore exercitus; longe  
minori Gallorum cæde nulloque illustri sangui-  
ne nobilitata. Dum laceris ibi sarcinendis mœ-  
nibus datur opera, Sabaudus, consilio cum Le-  
ganesio & Caprara sæpius habito, Pinarolii op-  
pugnationem procrastinandam, una in muni-  
tione periclitatus, vi superare munitissimum  
oppidum præsentis nec temporis nec virium  
esse; discerpendum verbò ollis incendiariis tor-  
mentorumque telis ac labefactandum ruina  
statuit. Ex hac sententia quicquid in rem fo-  
ret opus, eo convehitur. Divisis copiis, Lega-  
nesius per ea loca suas continuit, coercendo Pi-

*Deserta oppu-  
gnatione Fœde-  
rati signa cir-  
cumferunt.*

1693.

Pinarolii præsidio obsidendiſque itineribus , ne quid illuc penetrare poſſet . Miſſus Parellæ Marchio cum aliquot legionibus ad Sturam amnem , hoſtem ne longius pervaderet interdicturus . Nam Larræus Salutias uſque , Uſſenus per Barcinonis vallem prædatum in ſubalpinam planitiem deſcenderant impleverantque provinciam metu atque æumnis ; quibus , ne longius ſævirent , redimendis promiſſa pecunia a popularibus fuerat datique obſides . Agmen alterum cis Duriam flumen prope Avellanam proceſſit , aditus , ubi anguſti ac difficiles , Seguſio progreſſis Gallis impediturum . Allobrox cum exercitus robore Caprara ſecum adducto primos , peragrata Peruſæ valle , Cottiarum alpium flexus ingreditur , rectâ Fenestellæ tumulum petens eo conſilio ut Catinatium vel intra caſtra , priuſquam adventantibus auxiliis accreſcerent ejus copiæ , invaderet contunderetque . Quo proſtigato certa ſibi quoque aſfulgeret Pinarolii expugnandi liberandæque provinciæ ſpes . At ubi propius confragoſum iter , abruptum collem erectasque munitiones ſpeculatus vidit , ſi eo loci hoſtem tentaret , manifeſto periculo ſe commiſſurum , retro ad Pinarolium ſigna vertit , ei & circumjacentibus agris perniciem quammaximam poſſet jaculando populandoque illaturus ; repudiatis aureorum quadragenis millibus , quibus cives hanc amoliri ab ſe

pe-

*Ad Catinatium  
intra vallum  
aggrediendum  
pergunt .*

*Deterriti loci  
munitione ſe  
ſe ad Pinaroli-  
um ollis incen-  
diarijs , ac re-  
gionem viſita-  
te labijs ſtan-  
dam verſunt .*

pestem conati sunt . Itaque dispersa foris ædificia , in his ex privata animorum alienatione Sacerdotii , quod in Eltræi Cardinalis tutela erat , ædes solo æquatæ , excisæ arbores , vineta & quicquid frugiferum ferro & igne deletum . Dein triduo mœnia tormentis , quatuor igniferarum ollarum millibus tecta urbis verberata , popularium damnum leniente præfecti liberalitate , qui viritim frumenti modiis duodeviginti millibus distributis , non aliud , quàm quod Regi staret , pretium nec nisi post senos annos relaturus , viliores sagaciter annonam fecit . Illud verò per hos ipsos dies Catinatus , red-  
 dita cumulate vice , ultus est . Ad eum missa undique citato gradu auxilia tandem pervenerant . Primus e Provincia quinasdenas centurias adduxerat Vindocini Dux , Larræus e Barcinonensi vallè vicenas , eoque ex Hispania confluerant militum sex millia , duodecim ab Rheno , quatuor ab oceani litore , ubi omnia extra discrimen posuerat Aurelianensium Dux , legionariosque post illatam hostibus mari cladem huc & illuc dimiserat . Cum hoc exercitu Catinatus ( peditum septemdecim erant millia , equitum quatuordecim ) Segusium profectus est , inde in Taurinos campos . Magna ibi late vel circa urbem ejus imperii caput agrorum ipsorumque arborum vastitate sævitum est ; ruinis etiam dejectisque ornamentis sædata villa Principis

*Galli collectis  
 undique auxiliis  
 vicem reddunt .*

*Sabaudus contra illos exercitum ducit.*

*Dissuadentibus reliquis Fœderatorum ducibus prælium conferit.*

cipis magnificentissima, quam ex loci amœnitate Veneriam vocant. Is ad primum vagantium hostiliter Gallorum nuntium contractis undique suis copiis deletaque nitrati pulveris impetu Birgittei castelli, quod antea retinendum sibi proposuerat, munitionum parte Pinarolio discesserat, populationem prohibiturus. Ubi comperit, eò progressam militum licentiam ut odio & nocendi libidine ruri suburbano, quod regię domui in deliciis erat, non pepercisset, tanto exarsit animi dolore ut ad pugnam acceleraverit, publice fatus, acceptę injurię se brevi pœnas repetiturum & captivorum neminem vivere permissurum. Galli simul obviam pergebant, nec diu fuit quin alter alteri in conspectum venerit. Chisoli rivus in medio erat, quo si alteruter pro fossa uti vellet ac vallum in ripa jacere, apparebat difficilem hosti fore transitum. Rem non aspernandam Leganesius Capraraque suadebant, nec jam senescente Autumno, cùm Gallis intra suos fines recedendum esset, subalpini Imperii fortunam dubio Marti committendam. Pari se quidem haud incompertum habebant vigere legionum numero, robore fortasse antecellere, debilitatis Gallorum copiis longo citatoque itinere. At dispar utriusque victorię præmium. Siquidem nobis ajebant ( quod omen avertant Superi ) acie victis nostro cedendum solo

solo est ; Gallis fugatis profligatisque parum vel nihil admodum perit . Verum Allobrogum Dux in tanta florentissimæ regionis suæ clade cunctationem indignatus : Quid , inquit , arma ferimus ? Quid undique immenso studio exquisitoque apparatu conquesti milites , auctus exercitus , exhaustum ærarium , si tantum otiose spectanda erat meæ gentis calamitas , nosque ludibrio futuri hostibus , ferrum flammamque quod velint impunè inferentibus ? Placent in alieno malo cauta remedia ? At quem morbus absumit , ea salutaria solum putat , quæ celeriter quamquam incerta restituendæ valetudini conferre queunt . Igitur deliberandum non utrum , sed quomodo cum hoste superbissimo conferenda signa , quibusque artibus illicienda in nostras partes victoria sit . Ex ejus auctoritate decreta pugna , hoc ordine acies instruitur . Lævum cornu cum aliquot Germanorum turmis Hispani equites , dextrum Cæsariani claudebant . In medio peditatus aliquot identidem distinctus equitum ordinibus , prout loci natura patiebatur . Quicquid Hispani Germanique nominis , juxta suos equites locatum est . Succedebant Sabaudi Hispanis ; tres Calvinianorum e Gallia exulum legiones Britannica stipendia merentes , Germanis . Catinatius ab dextra prætorianos equites constituerat , ratus ibi Martem ferocius grassaturum . Peditatum in medio con-

*Quod describitur.*

*Tom. II.*

V u u

tinua

tinua fronte direxerat ; sinistrum cornu sagittariis equitibus firmaverat , ad eorumque latus propinquam sylvam infederat alio peditum globo . Nec minus dextrorsum cavere sibi studuit , præoccupato , dum eò simul tenderent hostes , Piosaco oppido , quod illic alto surgebat tumulo ; unde subjecta late planities infestis jaculis aperiebatur . Quo cognito , Fœderati longius ab tumulo declinarunt prope Marsallam vicum , unde huic prælio nomen ; & cum antea statuisent , ferociorem ab sinistro cornu impetum in hostes dare , quocirca frequentiori illud ala communierant ; nunc amissa collium opportunitate in dextrum traduxerant , quas ibi prius locaverant , equitum Germanorum legiones . Directa in hunc modum acie , silentio noctis rivum transmittunt se seque hosti propius admovent . Catinatius transfugæ monitu certior factus , equestre inimicum robur mutasse locum , huic & ipse prætorianos equites opposuit . Dein suos paucis hortatus , ut memores cum iis , quos non semel adhuc concidissent , certandum esse , tenerent pristinae virtutis propositum ; machinas extemplo micare ad proludere prælio iussit . Hæ utrinque per totam frontem dispositæ diu animos corporum laceratione ad certamen irritarunt . Duodevicens ab dextro lateri apte locatis in Hispanos Galli jaculabantur . Nec illi , equites præcipue , vi dira tem-

pestatis impulsu, facile composito stabant ordine. Quod ubi Catinatus vidit, statim ab ea parte (hanc enim sibi moderandam susceperat) movit agmen, jussu peditatu, omissis telis armatisque spiculo pyrobalistis impressionem dare. Et Vindocini Dux, qui laevum ductabat cornu, nullam quin illico irrumperet, accepto signo, moram fecit. Inito praelio diversa primum sorte pugnatum est. Ab laeva Fœderatorum equitatus permittentem ferocissimo impetu equos hostem parum sustinuit, ad primosque idus terga dedit. Quocirca equitum præsidio nudatis Hispanis contentis viribus laborandum fuit ne a fronte ab latere percussu dissiparentur. Dia vestigio se tenere. Verum & ipsi conterriti tandem plurimum ingravescente suorum cæde, in pedes se conjecerunt. Ab altera parte Germani equites densato agmine se se inferentes obnitentesque non minus perumpendi oblatione quam equorum mole, prætorianos Gallos moverunt loco; & pedites cum Calvinianorum exulum globo in adversas hostium legiones tela frequenter adeo ingerebant ut hæc jam inclinarent nec facile servarent ordines. Nutantibus præsid fuit Vindocini Dux, subsidiario agmine in primos succedere ordines ac firmare vacillantem aciem jussu. Ad adventantium conspectum rediere prætoriani equites ad pugnam, quam & pedites revocatis animis

1693.

eodem fere tempore integrarunt. Utrinquē deinde fulti recenti ope bis terque variarunt vices illato relatoque pede, prout in alterutrum inclinaret armorum fortuna. Mars ibi ferocissimus fuit, & quatuor haud minus horas perstitit pugna. Finem attulit additus, ut fit, Gallic animus ex inchoata ab dextero cornu victoria; dejectus Germanis, quodd se jam prope circumventos conspicerent, redeunte cum suis legionibus ad reliquum certamen Catinatio, postquam, quos in fugam consternerat, penitus dissipasset. Igitur salutem, quā quisque potuit, alii catervatim, dispersi alii, pedibus consulere; pars major Augustam Taurinorum arripuit cursum. Galli non eos multum insequuti sunt, vepretis vineisque impedito, quā eundum erat, nimium solo. In Victoris potestatem venire quatuor ac triginta murales machinæ, signa militaria sex supra centum. Federatorum in acie aut mox vulneribus occubere ad octo millia. Præcipua clades Hispanos atque exules Gallos percudit; illos, ut ad extremum conarentur, suadente insito genti militari decore; hos rerum suarum desperatione, qua vel acceptas ulciscendas ærumnas vel morte finiendas proponere sibi consuevit animus. Auxit luctum mors plurium inelyta nobilitate aut præfectura; in his fuit Pimentellus legatus, Emanuel Velascus tribunus militum,

So-

*Marfallensis  
pugna & itus  
Gallis faustus.*



Soleræ Marchio Leganefii Mediolani prætoris filius, Scombergique Dux Carolus. Inter faucios, quorum ingens numerus, Commercii Princeps, Carellæ Marchio, aliique illustri genere recensiti. Capti militum prope ad duo millia, majorum ducum septem, tribuni militum sex, protribunis quinque, duo ac sexaginta centuriones. Nec levi pretio parta Gallis victoria est, trium videlicet millium nece; affatim vulnerum plures alii retulere. Nomen inter illos dedit Huquettæ Marchio prolegato, Druifus prætorianorum equitum instructor, Robinus agminis ductor, quatuor tribuni militum, totidem centuriones; inter faucios Vindocinus magnæ Crucis eques Hierosolymitanus. Fœderati non prius fugiendi finem fecerunt quàm sub Augustæ Taurinorum mœnibus posuerint metum. Ibi collectis animis, & pluribus quaquaversum dispersis eò convenientibus, revocatisque a Casale obsidendo, quotquot illic manserant, copiis, castra circa Moncalerium tuto loco metati sunt. Sua Galli, transmissa Pado, ad Polongheram locarunt, unde per omnem longe lateque provinciam digressi, provinciales ad grave biennii tributum coegerunt. Exactum pecunia aut frumento; unoquolibet, ut melius poterat, agros domosque a ferro ac flamma redimente. Qui non ita induxerunt animum, incendio rapinisque multati sunt.

Non

*Qui magnas  
exprimunt a  
Provincialibus  
tributa.*

1693.

Non tamen inulti ; ab extrema siquidem , ut fit , calamitate in furorem versi , magnam ex insidiis eadem grassantibus incuriose Gallis intulerunt . Catinatius interea oppugnandum ne Cuneum foret , ab Rege exquisivit , isque ad ejus arbitrium rem ob anni tempus ambiguam rejecit . Dum anceps hæret an fatigatum exercitum sub autumnii finem adinoveret oppido natura & operibus valido , quod etiam post Marfallæ pugnam ad vetus præsidium accesserant reliquæ per devia itinera immissæ Gallorum exulum , strenuitatis in ipso prælio compertus miles , & fide ob desperatam ab hoste veniam haudquaquam dubia ; ab eo consilio detinere continentes imbres , quæ auctum Stura flumen , illac præterfluens , late inundaverat . Itaque ad hiberna convertit animum ; quæ cum subalpina regio penitus expilata præbere nequaquam posset , in finitimas Galliarum provincias , inita hyeme sed nondum obsessis nive itineribus , legiones dimisit ; victu prius ac milite recreatis Casale , Segusio , Pinarolio , munitaque prædiis Barcinonensi valle aliisque difficilioribus Cottiarum alpium saltibus , unde sibi promptus ac facilis foret , quandocumque vellet , in Italiam reditus . Fœderati , postquam Gallos discessisse norunt , relictis , quibus adhuc se continuerant , ad Moncalerium castris , ubi jam equos stramenta longius quoque invec̃ta deficiēbant , alii

*Deinde in hiberna ducuntur.*

*Isidemque Fœderati.*

alii

aliud ad hyemem sub tectis traducendam digressi sunt; neglectis civium eorumque Italix Principum, quos hujusmodi perniciēs degravabat, querimoniis, frustra conclamantium pecuniarum com meatibusque subministrandis se non amplius sufficere. Fœlicius quoque Gallis per idem tempus in Belgio res cecidere. Hi cum non satis ad tuendos illic ubique fines, simul ad resistendum Vilhelmo Regi, qui suis Lovanium ad conveniendum diem edixerat, copiarum haberent, continuum ab Schaldi Ipras usque duxerant vallum, non multo milite citiorem ab hostium populationibus interdicturam, in idque Valletæ Marchioni quatuor millia armatorum dederant. Reliquum exercitum (sexagenis constabat millibus) Luxemburgius e pabuli opportunitate stativis haud semel mutatis hostibus in solo retinebat, sed ita ut nunquam ab hostibus demitteret oculos, Mosamque amnem a tergo haberet, quâ aliquot etiam Fœderatorum legionibus migrandum erat ad consularein exercitum, iisque viam obsepiebat. Etenim Vilhelmus Rex, priusquam e castris prope Lovanium prodiret, sub signis habere constituerat ad quadragies sex equitum millia, duo ac tricena peditum; quorum adhuc, præter valida præsidia, quinque fere millia Trajecti ad Mosam, Leodii plures diversabantur. Qui Trajecti inanes erant, in viam se dare ausi

*Quo numero armatorum Gallicus exercitus in Belgio.*

*Quo Fœderatorum.*

Tyl-

1693.

Tyllio duce; vixdum comperto, validum obviam sibi ab Luxemburgio immissum globum; Tungris, quod pervenerant; celeri fuga ad suos remigrarunt; carpti tamen ab hoste amissis que impedimentis... Et Leodienfes iter ingredi non audebant. Itaque Vilhelmus, ne inutilem diutius traheret moram, his non expectatis quidpiam tentare statuit. Decem millium agmen pari equitum peditumque numero, cui proximarum arcium præsidia magnum datura incrementum erant, Virtembergio a tergo dimittit, eoque propinquis præsidiis aucto, ire jubet ad superandum interiacentem Schaldi Legizque amnibus aggerem populandamque intactam adhuc ibi Gallorum oram. Ille statim profectus, militum ad sexdecim millia trifariam divisa vallo admovit, ratus hostem in plura distractum nullo satis fore loco ad obnitendum. Nec res consilium fefellit. Dato impetu cessere ubique Galli, relato in proximas arces pede, paucis desideratis. Transmisso vallo, quod celeriter æquari solo imperavit, florentissimum illum Flandriæ Gallicanæ tractum vel ultra Insulam urbem terrore ac flammis implevit. Ingens ab incolis tributi nomine corrogata pecunia; accepti obsides ad vestigal in posterum; nec a præda vicorumque ruinis temperatum. Unum vi captum Lenonii oppidum, quod mœnibus cinctum ducem prædiarii tutabantur, lique

*Horum globus  
Flandriam Gal-  
licanam popula-  
tur.*

*Lenonium occu-  
pat.*

*Ab Artesia en-  
cluditur.*

*Galli Huyum  
invadunt.*

iique ad internecionem deleti, cæde haudqua-  
quam inulta . Tentanti in Artesiam pervadere  
impedimentum attulit Marques fluvius, cujus  
interiorem Vallettæ Marchio ripam armaverat  
regionario milite ac frequenti provincialium ag-  
mine, qui ad primum rerum suarum discrimen  
arma cœperant. Eo quoque celeriter tra-  
ducta duo millia armatorum e Normanniæ li-  
tore, postquam nihil ibi timendum patuit ab  
hostili classe. Nec ita multo post Virtember-  
gensis ad reparandum suis copiis concussus in-  
genti clade consularem exercitum revocatus a  
Vilhelmo Rege, omnem illic ademit curam.  
Nam Luxemburgius, ut illum novit imminu-  
tum Flandrica expeditione, confestim Villore-  
gium legatum cum peditum septem millibus,  
equitum decem pergere ad Huyum oppugnan-  
dum, quod sibi a tergo erat, jussit. Ipse retro  
ad Mebaignam amnem, quo veluti fossa ute-  
retur, castra retulit, Fœderatis iter ad obsessos  
interdicturus. Non enim ambigebat, quin in-  
stincti pudore & rei momento suppetias ferre  
annisuri forent. In dextra Mosæ ripa jacet op-  
pidum, cui arx supereminet, & huic in edi-  
to colle muniio Puicerdæ nomine. Illud unum  
tenuit diem, portas aperientibus civibus, qui-  
bus ut suis legibus viverent concessum est. Mi-  
lites in arcem se retulere. Mille ibi erant;  
Puicerdæ castellum quingentos habebat. Hoc

*Tom. II.*

*X x x*

*prius*

1693.

*Eoque potius-  
tur.*

prius oppugnari cœptum verberatumque arietibus, signum post diem alteram deditionis extulit. Liber commeatus & militares honores, ni simul arx dederetur; prædianiis negati; quod cum præstare non possent, captivi Namurcum deducti sunt. Impetus illico in arcem versus, quæ bellico apparatu probe ornata, & vivo insidens saxo, cum nec perfodi cuniculis nec temere adiri vallo posset, non ita facile in hostium potestatem concessura videbatur; non tamen plus biduo se se obfirmavit, domita olis incendiariis, quæ immisæ e quatuor pyrolmis confertos angusta in area prædianos fædissime dilaniabant. Abeuntibus, ut omni decore ad suorum exercitum se reciperent, permissum est. Is ad primum circumfessæ urbis nuntium e castris moverat, ei opem laturus. Nimis enim intererat imminentem retinere Mosæ locum, propinquum Leodio (distat quindecim passuum millia) cui, eo capto, periculum procreabatur. Ubi ad S. Trudonis Fanum perventum est, consistere signa, comperto in Gallorum potestatem Huyum cecisse. Quocirca Vilhelmus Rex, habito prius cum Bojoario maioribusque sociorum præfectis consilio, itinere ad lavam inflexo haud procul inde tutissimo loco inter Getam amnem rivumque Landen castra posuit; æque sibi ac Leodio prospiciens, quò iturum hostem arbitrabatur. Nec falsus fuit.

fuit . Ad Leodium siquidem Luxemburgius animum primò intenderat ; sententiam verò mutaverat , e proximo speculatus , difficilem exitu oppugnationem fore . Leodieneses enim circa suam non satis munitam urbem latiori spatio aggerem duxerant distinctum propugnaculis , armaverantque curulibus tormentis & omni missilium genere . Iplis quoque ad eum tutandum satis militum suppetebat , cum octo sibi pedum , duo equitum adessent millia . Haudquaquam proinde Luxemburgio e re sua vitum est , in conspectu inimici exercitus desperatæ prope spei facinus aggredi ; sed ejus simulatione fallere potius hostem , & hujus debilitare consilium cœpit . Milites lignatum ire duosque in oppugnationis usum parare unumquemque sibi fascis jubet . Quod Vilhelmus ubi novit , nulla mora quinquaginta ad Leodii præsidium pedum centurias addere antevertit , haud dubius hostem eò tendere ac mox affuturum . Lætus imminuto ejus exercitu inductaque ad excitandam incuriam falsa opinione Luxemburgius iter silentio ad Fœderatos ita præcipere constituerat ut sub lucem ( unum & viginti passuum aberat millia ) imparatos ad pugnam eliceret . Obstitit consilio nox sæda imbris ac perobscura . Postridie mane quadruplici profectus agmine , ad vesperam primas in hostium conspectum legiones obiecit . Renuntiato per ante-

*Ab oppugnando Leodio abstinens .*

*Ad hostem pergit .*

1693.

curlores Gallorum adventu , e præoccupata ,  
 Leodium eos ituros , opinione vix in animum  
 Rex inducebat , cunctos isthic adesse. Verum cum  
 aliquo equitatu parum ipse ac Bojoarius pro-  
 gressi , rem non aliter se habere , oculis per-  
 ceperunt. Decretum illico , exercitum in lo-  
 cum natura munitissimum , quem in hujus-  
 modi occasionem Rex secum antea designave-  
 rat , nonnihil interius reducere ne non inte-  
 gro suarum virium robore ad pugnam invitus  
 cogi posset. Lenis erat tumultus , quem ab sini-  
 stra præruptis ripis Landen rivus ; ab tergo tu-  
 mens per eos dies pluvialibus aquis Geta præ-  
 terfluebant. Frontem dimidio amplius spatio te-  
 gebat scissa humus profundo hiatu prope collis  
 radices. Dextrum latus Neervindum vicus , un-  
 de postea prælio nomen , & ponè ipsum brevi  
 spatio vicus alter Laer dictus , ductumque inter  
 eos per noctem subitarium vallum ; quo &  
 acies a fronte munita fuit , præsertim ubi na-  
 turali munimento nuda erat . Octoginta curu-  
 les machinæ per gyrum intentæ vulnera ac ne-  
 cem , quibus eò peruadere animus foret , mini-  
 tabantur . Simul Getam conjunxit pluribus ad-  
 tutum receptum pontibus ; ripamque ulterio-  
 rem , quò traduci graviora impedimenta jussit ,  
 sagittario insedit milite post virgultorum sepes ,  
 quæ forte illic surgebant , ut si transire tenta-  
 ret hostis , ex occulto jaculis confoderetur . Pe-  
 di-

*Nervindensis  
 pugna locus de-  
 scribitur .*

*Ordo .*



ditatum in acie prima secus aggerem , equitatum a tergo disposuit . Neervindum ac Laerem interiacensque vallum , quàm solum interiorius penetrare posse hostem , metus erat , duodeviginti fere armatorum millibus instruxit . Dextrum cornu Bojoarius moderandum habuit . Nullum Rex sibi locum delegit , ubique affuturus . Ex altera parte Luxemburgius triplici exercitum , angusta siquidem fronte pugnandum erat , acie distinxit . Ad lævam adversus Neervindum peditum septem millia , parem prope numerum ad dextram statuit . Inter hæc plures distendit equitum legiones . Secundam aciem peditum octo millia , postremam decem millia tenuere . Turmatim reliquum equitatum huc atque illuc , prout loci ferebat indoles , circum divisit . Statim ut se se dies aperuit , speculatum progressus hostium aciem , & quo pugna modo periclitanda foret , ad repentinam munitionem una tantum nocte acceleratam ipsamque ( sic enim erat loci natura ) aditu difficillimam vix non contraxit animum ac se cohibuit . Veritus deinde sinistram ignaviæ famam ( qua nihil in ancipiti bello deterius ) , reputansque , armorum felicitàti plus declinatum quàm obitum discrimen detrimenti allaturum ; quasi metu , non consilio abstinendum prælio constituisset ; fortunæ aleam , quandoquidem jam prope jacta foret , strenue subire fatius

1693.

*Luxemburgi  
concio ad suos.*

tius duxit. Itaque instructos jam militum suorum ordines circumvectus, iis pugnae desiderium indidit, ostentata hostium timiditate quoddam intra munimenta concluderant. Illos, dixit, praedamnata vincendi spe, latebras, quaeis periculo se subtrahant, quaesisse; nec tamen, nisi undique sibi munitiones circumdeditissent atque impeditissimo stetissent loco, satis eos cautum salutis suae reputasse. Verum abstrusiora fuisse Namurci moenia, quae ipsi penetrasset; difficiliorem ad Fleurusium aggeres, quos transiissent. Irent magno atque erecto animo, palamque facerent: Gallorum strenuitatem oblati periculis acui, non retardari. Laeti imperatorem suum milites audierunt, vultu annuentes, se, quod ille duceret, sequuturos. Par Foederatos infederat pugnandi ardor, indignatos, usque eum se despicere, ut vel protecti vallo munitissimoque situ, velut impares, peterentur. Tantam vero hostium audaciam in ludibrium suum vertentes, ad eam puniendam inter se invicem conjurabant. Ab hac animorum concertatione concursum ad arma est. Galli utroque simul peditum cornu, ut ancipiti terrore hostem percellerent, irruere. Dextrum, cui Villoregius legatus praerat, exiguo nemore, unde statim Foederati recesserant, superato ad Landem riuum pervenit. Ibi diu telis certatum; quibus cum atrocius Galli aperto ad ictus corpore lacerarentur, morae per-

*Prælii varietas.*

pertæsi per altam ripam ad hostem subeunt. Stabat ille densatis ordinibus in ipso margine nec dabat urgentibus locum. Hi contra, ut in summo periculo, majori tumultu contentisque ad extremum viribus conabantur. Et quamquam difficilis ascensus erat, atque ex alto certissimis telis confangebantur, plerumque in alvéum detrusi; tamen corporum ingenti nisu, animorumque pertinacia alicubi dillictiis gladiis in mediam aciem se se immiserunt, non quidem pœna immunes; capti siquidem ad unum omnes aut trucidati. Dum ita frequentiori suorum cæde inhorrescit pugna, Luxemburgius frustra periclitatus: an aliquà ad sustinendos pedites perrumpere equitatus posset, cani demum receptui jussit, circumseptoque validissimis stationibus nemore ac rivo, prælii summam transtulit in lævum cornu. Joyeuse legatus Neervindo Laerique illud admoverat, tantoque se se intulerat impetu ut Fœderatis (Hanoveriani ac Brandenburgenses primas illic partes agebant) retro cedere opus fuerit. Quamquam brevi collectis animis, recreatique recenti milite, quin & ipso pudore acuate vires, pepulere invicem Gallos ad extremas ædes. Hoc rerum statu ed Luxemburgius ab dextro cornu advenit. Commotam suorum aciem inclinatamque conspiciens, mente simul complexus aut unum illud perfodiendum latus aut

*Maxima utriusque partis  
frenuitas.*

tur-

turpiter nec sine ingenti periculo referenda signa ; Borbonii Ducem ad se vocat . Viden , inquit , ut ferociter propulsum nostrorum agmen fluctuet . Mox in fugam se consternabit , nisi nova suffultus ope instauret pugnam ac se corroboret . Dignum illud tua virtute defero tibi munus . Alacriter secundam , cui præses aciem , infer . Non faces gloriæ cupido subijcio nec addo monita . Sed qui te Regis Gallicique decoris tenet amor , una tibi rei gerendæ sit norma . Ab hac exhortatione impiger adolescens legiones movit ; quæ triplici agmine ruere in hostem jussæ , illum invicem ad intimas vicorum domos retrusum , longius autem ultra medium aggerem perimpentes , majori etiam periculo implicuere . Verum Octoviro primum , deinde Vilhelmo etiam Rege supervenientibus recentemque inducentibus militem , Galli , qui temere hostili turbæ se se immiscuerant , strage ac vulneribus pressi ; alii vel extra vicos detrusi ; alternante belli fortuna . Quod ubi vidit Luxemburgius , veritus ne prospero successu cresceret Fœderatis animus , subiretque suos non ita postmodum facile extinguendus metus & cum metu desidia , extremis viribus conandum statuit . Ab dextro cornu partem peditum ac tertiam aciem accersi jubet . Et illuc ad bombardarum strepitum , unde commissæ pugnæ coniecturam fec-

ce-

cerat, Huyo tria equitum millia, maxime sagittariorum, Harcurtus prolegato adduxerat; totumque ibi prope collectum Gallorum robur. Has Luxemburgius copias trifariam nunc pariter distributas in ultimum certaminis discrimen dimisit. Joyeusa sinistrum, Borbonius medium, ipse dextrum duxit agmen. Atrox ubique redintegratum praelium multaque diu caede pugnatum. Galli tandem, superante numero, prevaluere, hostemque interius propulsum atque a latere circumfusus telis obruebant. Ad tantum suorum periculum Vilhelmus non se continuit, quin arreptis Anglorum legionibus, ante signa, voce ac manu exacuens pugnam, se protulerit vitæ prodigus. Quo spectaculo efferatus miles extremos in hostem conatus edidit. Sed Gallos quadrato jam agmine dimicantes movere loco, vanum fuit. Cum præsertim equitatus deleto vallo in omnem diffundi partem cœpisset. Primus Carnotensium Dux cum quinque turmis e dextro ad Neervindum aggere se se immiserat. Vix autem in aperto campo intruxerat ordines, cum circumventi Germanorum equitatu tantum non pœnas audaciæ dederunt celeriter ad pedites arrepta fuga, quorum jaculis defensi sunt. Plures tamen occisi. Ipse Carnotensium Dux manum confertus, ne præda hostium fieret, gladio telisque vix tandem se explicuit. Rex interea si-

*Vilhelmus Rex  
eximia virtute  
præcellit.*

Tom. II.

Y y

ni-

1693.

*Bellica egregius  
arte suos e præ-  
lio reducis.*

nistrum cornu citato ad se gradu venire jusserrat. Verum distabat adeo, ut Gallicus equitatus dissipare alterum cornu anteverterit. Turmatim quippe in medios inductus hostes turbavit pedestrem aciem; quam ubi commotam trepidantemque vident Luxemburgius, duoque regio sanguine Principes Contiacus Borboniusque, & Villoregius Joyeuseque legati, qui alii aliud turmas induxerant; movent instigantque milites, ut ferociter percussis insistent nec sinant aciem restitui. Atrox ibi aliquandiu stetit pugna, Rege non semel ad pedes digresso ut novas ipse obijceret legiones, certantium confirmaret animos, cedentibus redderet. Donec obrutus numero, ac vacillantibus ubique signis, Odoviro indicit ut disiectam illam exercitus partem trans Getam abducat, sibi de sinistro cornu curæ fore. Dedit ille receptui signum. Sed pars major, moderante gressum metu, cum dissoluto pergeret agmine, atque hæreret vestigiis hostis, nonnisi pluribus desideratis ulteriorem tenuit ripam. In eam nimis infestam pyrobalistarum jaculis Galli evadere haudquaquam ausi, cursum insecunt in lævum cornu, rati contritum alterius clade facile concisum iri. Ed Rex pervenerat cum equitum ala, tuto receptui consulturus. Jam primæ legiones prærepto itinere flumen adversus Lærum oppidum tranabant, cum reliquas victor hostis est

est assequutus . Nihil iis tamen inferre damni aut moræ , potis fuit . Rex enim ad objectum discrimen impavidus opportuno loco aciem constituit cum quatuor curulibus machinis , quas tantum in eo tumultu licuerat secum avehere . Sensim inde recedens ac frustra divexatus , incolumi traducto amnem exercitu , in tutum se recepit ; vera ob id laude splendidissimaque , quippe vel ab hoste , condecoratus ; bellica virtute sæpius aliàs , hac tamen pugna , victus licet , præcipue memorabilis . Munitissimum natura delegit locum ; operibus una nocte firmavit ; adversæ fortunæ , si qua incidere , non immemor , Getam amnem , qui a tergo erat , non uno loco pontibus conjunxit . Aptè ad æmulationem mutuamque opem distributis legionibus , in minori virium robore parvisus . Ab una parte detrusit hostem , ab altera non semel repulit . Ille submittendo fessis integros , præsens inferendis auxiliis , pugnando ante signa , obeundoque periculo pugnam integravit ; ille ruentem retinuit , quandoque victor . Demum cum haud dubia Gallorum victoria esset , ut inde sibi detrimenti minus foret , egregie obtinuit . Suos Octovir Tilemontii collegit , Diestæ Rex ; unde ad Senam fluvium progressi , conjunctoque ibi agmine castra metati sunt . Abeuntibus Galli nihil incommodi aut moræ attulerunt , multa & ipsi eade

*Gallis penitus  
victoria cessit .*

1693.

*Quo utrinque  
numero cæsi.*

contusi . Quot in prælio utrinque ceciderint , quisque e suæ gentis ingenio varie prodidit , studuitque majorem hostium cladem reputari . Galli vicena millia Fœderatos amisisse , se non plus duobus millibus . Vicissim , illi incerto licet numero , plurium nece ac vulneribus atrox facinus hosti quàm sibi stetisse publicis literis consignarunt . Alteros ipsum pugnæ genus , quæ quatuor amplius , alternante fortuna , desæviit horas ; alteros acies dispersa , receptusque fugæ similis , falsi redarguit . Ego præterquamquod nihil e præoccupatis opinionibus haustum velim : duodecim Fœderatorum millia , octo Gallici nominis , multos dein vicissim ex vulneribus occubuisse , optimæ fidei auctores habeo . Capta a Gallis sex ac septuaginta ænea tormenta , octo pyrolmi , signa militaria octoginta duo , hominum ad mille trecentos , quos inter Ormondi Dux . Abrepta invicem a Fœderatis aliquot hostium signa & quidpiam militum , in his Barvici dynasta . Ab hac pugna , ut se se utrique rescicerent , nonnihil temporis quieti datum . Interea Vilhelmo , revocatis Virtembergensis copiis , extenuatisque interioribus præsidiis , & classiariorum agmine ad se celeriter venire jussu , par pristino exercitus coaluit . Et suum Galli supplerunt reduce , qui ad Rhenum jerat , Beuflersii globo , & alio e maritima Normanniæ ora illuc transgresso . Nec ab istis otio deinceps

*Fœderati suum  
exercitum sup-  
plevit, Galli au-  
gent .*



deinde tempus traductum; immissa quinum  
millium equitum ala in Sylvæ Ducis oppidi  
agrum, indeque abducta ingenti præda spon-  
soribusque numerandæ pecuniæ, qua incolæ va-  
stilitatem redemerunt, dederuntque pœnas illatæ  
dudum Flandriæ provinciæ calamitatis. Per idem  
tempus contraxere Galli quicquid bellici appa-  
ratus ad oppugnandum Caroloregium satis fo-  
ret. Nimis enim eorum intererat potiri oppi-  
do, quod medium intra Montes urbem ac  
Namurcum iisdem vehementer oppidis incom-  
modabat; & per æstatem infestum fuerat com-  
meatibus ad alendum exercitum in Brabantiam  
traductis, quorum aliquando decerpserant par-  
tem prædiiarii sub signis illinc educi; & pa-  
rum abfuit quin semel ditissima præda poti-  
rentur. Maximam commeatuum signatique ar-  
genti vim ad exercitum transfuehendam, illos  
sexcentis plaustris, istud duobus, Galli Monti-  
bus comparaverant. Vertilaccus hujus urbis præ-  
fectus, Ximenes Malbodii cum aliquo armato-  
rum præsidio tutum carris iter præbuerant Bel-  
lomontium usque. Namurcum, unde ad suos  
viæ reliquum expeditum, progressuri erant pro-  
pe in conspectu Caroloregii. Ne quid inde ne-  
gotii exhiberi posset, in occursum cum alia  
militum manu Guiscardus Namurci prætor ve-  
nerat, collatisque copiis ita inter se convene-  
rant, ut ipse cum quinque peditum, duode-  
cim

*Caroloregium  
oppugnare sta-  
bunt.*

*Certatum ibi  
inter aliquos  
utrinusque par-  
tis legiones, qua  
occasione, quo  
exitu.*

cim equitum centuriis præiret vehicula , cum totidem Vertilaccus subsequeretur , Ximenes cum aliquot sagittariorum turmis lævum , hostibus obversum , latus protegeret . Hoc ibant ordine , cum non procul a Bosso oppido ex insidiis erupit Fœderatorum agmen , quod sylva rectum propius angusta viarum se continuerat . Duo millia erant peditum e Caroloregii præsidio , equites ad tria millia , pars major clam in id facinus a Bojoario submissa . Hi postquam plaustra arctum iter intraverant , postremos Gallos a tergo invadunt . Vertilaccus ad rem inopinatam , ipso , ut fit , periculo addente animos , signa sistere vexillarios jubet , instruit aciem , ad primosque raptim convolans ordines , paucis milites adhortatur ut quandoquidem , obstruentibus vehiculis intermedium spatium , ab suis abscissi equestrem hostium impetum sustinere debeant ; quod numero desit , suppleant virtute . Primi ferociter permittant equos , positisque telis , gladiis decernant . Fore ut illi non se respiciant in eo tumultu , nosque ex audacia , non ex virium momento ponderent metuantque . Hæc ubi dederat dicta , subdentes equis calcaria , ruunt perneciter , ingruentium ab hoste jaculorum oblici , quibus , in his Vertilacchus , confossi sunt . Movere tamen ferocia ipsa obversas turmas , quæ parum conferta manu in fugam effusæ non prius quàm peditum suc-

suorum aciem sint assequutæ, instauratis ordinibus se collegerunt. Nonnihil & in primo agmine pugnatum est pari successu, dispari utrobique cæde. Nam Fœderatorum octingenti ceciderunt; periit Gallis eorum non plus dimidio. Plaustris deinde liberum fuit omnique vacuum molestia reliquum iter. Carolo-regium Galli oppugnare adorti, copias dividunt. Pars maxima ad Pietonem amnem castra locat, opem obsessis interditura. Quatuordecim peditum octo equitum millia Villoregio legato duce ad mœnia subeunt. Est locus in læva Sabis ripa, ubi quidpiam, sed brevi gyro, tellus extollitur. Hunc olim Charnojus vicus, modò ab annis vicenis septem arx tenet, quæ ab Hispanis condita, ex ipsorum rege, secundo Carolo nomen ascivit. Hexagonum refert, cujus in quolibet angulo majus rostratum propugnaculum; parmæ intermediam loricam protegunt, & qua parte fluvium excipit, cornutum opus. Hic ad tumuli radices amnis ipse objecto muro late stagnat; obicem tuetur triquetra munitio, medioque e stagno castellum surgit. Arcem omni bellico apparatu & quatuor millium quingentum præsidio Bojoarius instruxerat, jamdiu suspicatus, hostes illam oppugnatuuros; eoque idcirco paullo ante præmiserat Franciscum Castilli Marchionem præfectum fabrum, qui arte atque imperio ad vim repellendam, si hæc for-

*Carolo-regii munitio refertur.*

1693.

*Oppugnatio de-  
scribitur.*

forte ingrueret, uteretur. Nec diu absuit occasio. Ineunte autumnō mœnibus infestas legiones Villoregius admovit, vallo circum haudquaquam jacto, cum Luxemburgius ad externam prohibendam opem incumberet. Duplices vineas, ab læva secus amnem & adversus medium propugnaculum agi jubet. Non lente processere, quoad propius fossam adactæ; quamquam prædiiarii non semel ingenti numero ad eas delendas irruissent, nec die noctuque jaculari e machinis intermitterent. Ibi conscius, cuniculis interiora suspendi, inductumque nitratum pulverem, si flammam conciperet, stragem ruinarumque subeuntibus minitari, Vaubanus operum moderator, caute & prius tentato solo, nec aliò quàm ad lævam progredi molientes imperat, ratus oppidum, ne nimio staret pretio, magis effossa terra quàm militum sanguine in potestatem redigendum esse. Rem quoque primo aspectu longe difficillimam, sed evitando cavearum periculo nimis utilem repente aggreditur. Angustum, quod medio erat stagno, castellum una custodiebat Hispanorum cohors. Illuc obvertit e margine curules machinas ac pyrolinos, unde prædiiariorum plures, ut in arcto, absumpti. Sex deinde lintribus, binis invicem colligatis, Galli succedunt humiliori munimenti muro, quàm possent, pervasuri. Hos ubi appropinquare centurio vidit, nec

nec sibi plusquam tres ac viginti superesse milites, lembo in oppidum digressus, vacuum advenientibus deferuit locum. Ferociter inde verberari semilunare cœptum opus, quo aquarum claustrum tegebatur. Nec ibi diu se tenuit cohors altera. Tormentis enim discussa loricula telis aditum aperuerat, quibus lacerati milites vitam cedendo redemere. Obice diruto, stagnantes aquæ naturali cursu in desidentem amnem fluxerunt, detecto solo. Versa itaque in eam partem spes curaque major superandæ arcis. Adversus cornutum opus, quod primum se se offerebat, duodequingenta dispositæ curules machinæ celerrima strage sternunt muros, perque ruinas immissi undique pyrochitrophori brevi pugna obnitentem hostem detrudunt. Ita ad interiores munitiones perventum est; ubi, ut in proximo laborum fine, ferocius utrinque Mars exarsit. Prodiere oppidani ad retardandos hostes mille quingenti. Mutua hinc cædes & varii eventus; sed ille postremus, ut inundante multitudine præsidarii intra mœnia recesserint. Quamquam iterum mox egressi, Gallis recenti agmine se se inferentibus ad viz testæ margineem obviam sunt. Ter illic bidui spatio commissum prælium, quod nusquam per eam oppugnationem atrocius, nec tantum exorruit sanguinis. Vicit denique oppidanorum ferociam obstinata irrumpentium vis, abstulitque viz te-

*Fæderati ad  
opem ferendam  
insurgunt.*

*Quo desperato  
ad populandum  
se vertunt.*

At aream objectam perculsi rostro propugnaculi. Inter hæc sexaginta arietes utramque ejusdem propugnaculi faciem, finitimique alterius adversum latus muro nudaverant; in triquetramque munitionem, quo vineæ pariter ducebantur, Galli transcenderant. Nihilo secius ab deditione alienum præfectus animum ostentabat; incertum, auxilii spe, an jussus ad extremum obistere, ut hosti sua tempora, ne quid per reliquum autumnum posset agere, moraretur. Vilhelmus enim, ubi primum acceperat, Carolo regium oppugnari, contractis undique Fæderatorum copiis conflatoque septuaginta millium exercitu Ninivam castra movebat propius hostem, speculaturus, quo is loco sua posuisset, & an quispiam sibi suppetias itinero pateret, aut fieri posset aditus. Cognito, cuncta Gallis ad vim eludendam assatim esse, ac temeritati verius quàm audaciæ adscribendum fore, si suos nondum ab acceptæ dudum cladis metu confirmatos in anceps discrimen rursus committeret; de ope oblessis ferenda abjecerat prorsus animum. Quod proximum auxilio erat, quidpiam in hostem moliri ut ad sua revocaretur, hoc gerendum susceperat. Itaque Bojoarium cum Virtembergensium Duce, & quindecim armatorum millia, ad quos e propinquis quidpiam addendum præsidii erat, in Flandriam provinciam dimiserat, eam Gallici

lici Imperii oram damno, quo posset maximo, perculsurum. Quamquam non ita multo post certior factus, Vallettæ Marchionem cum quatuor millibus, mox cum aliis deceni Harcurtium prolegato illuc iter præripuisse, & Luxemburgium cum reliquo exercitu ad se venire, pugnam provocaturum; sibi veritus, distractas copias, quæ fere ad Schaldim processerant, viam in castra redire iusserat. Paucos ibi moratus dies suffectoque sibi Maximiliano Octoviro, qui hostium consilia obsideret, Loum discesserat, ne ingloriam apud signa, nihil agendo, traheret moram. Quamobrem Luxemburgius prima in castra se retulerat, ut submisso novo milite obtentaque auxilii desperatione præsidarios ad deditionem perpelleret. Nec absuit res ab eventu. Non prius tamen, quàm Galli stationem in fossa communissent, cuniculoque sub apertum ariete propugnaculum inducto, dissipataque vallorum sepe, crepidini circumducta, ad transgrediendum per mœnium ruinas se compararent. Quo viso præfectus, ne præsidii inter necione diutius obniteretur, de arce dedendâ transegit, pactusque discedentibus omne militare decus & quatuor majora tormenta, secum abduxit mille ducentos milites, qui adhuc integri, reliquis interfectis aut vulneratis per sex ac viginti dies, quibus obduruit oppugnationo. Capto Caroloregio, itum utrinque in hi-

*At repulsi.*

*Caroloregium  
Gallis deditur.*

548 HISTORIARUM  
1693. berna, quamquam hyemis nondum appeteret.  
Sed milites tot confectos laboribus ac lassitudi-  
ne, cui ferendæ amplius non sufficebant, ma-  
turius quiete reficere opus fuit.

*Finis Libri Decimi, &  
Tomi Secundi.*



IN-



## INDEX

## RERUM NOTABILIMUM.

## A

## B

**A** Bassius Michael Transylvaniæ Regulus moritur. 148. Ejus Filius a Cæsare successor datus. *ibid.*

Abdua Ferdinandus Londini Legatus *Romanus*. 8. honorifice dimittitur. 51.

Achmetes in Byzantii solium adducitur. 241.

Alba Græca a Turcis oppugnata, & capta. 164. insigne illhic incendium. 166., & Germanorum *clades*. 167.

Alexander VIII. Pont. Max. Venetis auxiliatur. 177. moritur, ejus laus. 312.

Alicantes ollis incendiariis a Gallis affligitur. 310.

Anna Neoburgensis Carolo Regi nubit. 142.

Apulia pestilentia laborat, & convalescit. 333.

Arausionensis. *Vide* Vilhelmus Rex.

Atlona describitur. 280.

Avellana in Gallorum potestatem venit. 315.

Aulon a Venetis oppugnata, & capta. 181. a Turcis recuperata. 270.

**B** Adensis Hermanus moritur. 333.

Badensis Ludovicus pacem, cum Turcis dissuadet. 68. Cæsariani exercitus ductor in Hungaria. 91. Turcas aggredditur. 95. Tertium cum Turcis pugnat insigni victoria. 103. Naissum superat. 105. Confilium gerendi belli proponit, nec probatur. 158. in Transylvaniam pergit. 159. spe pacis decipitur 245. insigni victoria pugnat ad Salenchemenum. 249. Supremus exercituum Cæsarianorum Dux renuntiatur. 357. Varadinum oppugnat. 358. infausto eventu. 260.

Bagnaschi Marchio Momilianum defendit. 323.

Barcinon a Gallorum classe, verberatur. 330.

Bellum inter Christianos Principes unde ortum. 2. cur dilatatum ad hoc tempus. 4. Sabaudienfis belli causa 218.

Belverum in Gallorum dittonem cedit. 329.

Bo-

## 550 Index rerum notabilium.

- Boioarius Maximilianus Olo-  
vir in Italiam pergit cum  
aliquot iis legionibus. 115.  
a Victorio Amadeo Au-  
gustæ Taurinorum excipi-  
tur. 118. cum suis legio-  
nibus in Germaniam re-  
meat, Belgii Prætor renun-  
tians. 121.
- Bonna a Germanis subigitur.  
124.
- Britanniæ Comititia de Iacobo  
Rege consilium habent. 52.  
quid & a quibus pro ipso  
oratur. ibid. quid contra  
ipsum. 122.
- Britannicus tumultus descri-  
bitur. 18.
- Britanni in Galliam descen-  
dunt exiguo successu. 111.
- Brixelli mœnia diruuntur. 122.
- Bona a Germanis expugna-  
ta. 106. a Turcis recupe-  
rata 163.

## C

- Camenæcum a Polonis fru-  
stra oppugnatum. 83.
- Canina a Venetis relinqui-  
tur. 168.
- Canisia in Cæsaris potestatem  
venit. 150.
- Caprara Aeneas in Italiam co-  
pias Germanorum ducit.  
141.
- Carmaniola Gallis cedit. 115.
- a Federatis recuperatur. 120.
- Caroloregium Galli invadunt  
inani euentu. 371.
- Carolus Lotharingæ Dux.  
*Vid.* Lotharingius.
- Carrara Antonius ad Italicum  
exercitum missus molestus  
Sabaudia Duci. 112. Prin-  
cipum ibi quærelis immo-  
tus hiberna distribuit. 334.  
A Cæsare in Germaniam  
revocatur. 340.
- Carrara Gregorius Ierosolym.  
Equit. magnus Magister mor-  
ritur. 233.
- Casalis Urbs a Gallis oc-  
cupatur. 224.
- Catellmainus Romæ Britan-  
nicus legatus. 8.
- Cataractæ Belgicæ describun-  
tur. 440.
- Catinatus Allobrogum Du-  
cem conditionibus illigare  
studet, & quibus. 224. Sa-  
lutias oppugnat, & in pote-  
statem accipit 228. ingenti  
Allobrogum strage ad Staf-  
fardam pugnat. 229. & vin-  
cit. 230 plura occupat loca  
in subalpina regione. 306.
- Avellanam & Carmanio-  
lam expugnat. 115. Cu-  
neum frustra invadit. 316.  
Subalpinam provinciam  
acerbe divexat. 119.
- Chiuperlius Mustaphus Visirius  
Turcas ad bellum illicet 153.  
Pirotum recipit. 160. Byde-  
nam,

# Index rerum notabilium : 551

- nam, & Spenderobim expugnat. 163. Albam Græcam aggreditur. 164. & superat. 166. pacem petentibus Germanis Legatis illudit. 337. in Transilvaniam irrumpit irritò eventū. 338. simulat de pace agere. 242. pugnans moritur. 254. laudatur. 256.
- Christina Svecorum Regina Romæ moritur, ejusque laus. 140.
- Clemens Bojarius Coloniensem Archiepiscopatum petit. 4. a Pont. Max. confirmatur. 6.
- Comitia Britanniae normam statuunt Regiæ successione. 56. pluribus obnitiuntibus. 57.
- Concio Badensis pacem cum Turcis dissuadentis. 68. ejusdem ante Salenchemensem pugnam. 248. Eugenii Principis ad Leopoldum Cæsarem. 309. Iacobi Regis in primo Regni tumultu. 35. Lotharingii pacem cum Turcis suadentis. 63. Mauroceni ad Senatum. 450. de belli ratione gerenda. 476. Rebenachi ad Italiæ Principis. 335. Ruthii ante pugnam. 383. Venetorum castris ducum de Cydonia non deferenda. 422. Vilhelmi Regis ad Batavorum Senatum. 291. Vitruvii Halii pro bello prosequendo. 400.
- Cornelius Hieronymus Belium in Dalmatiam transfert. 181. Aulonem occupat. 182. Dyrrachium frustra invadit, & moritur. 183. Crenantii Marchio callide Cafalis potitur. 324.
- Croyæ Dux Sclavoniam recuperat. 357. Albam Græcam frustra oppugnat. 457.
- Cuneum inani eventū a Gallis invaditur. 316.
- Cydonia oppugnata a Venetis describitur. 413.

## D

**D**Elphinus Galliae Regis filius Philippoburgum expugnat. 18. Germaniam invadit magnis populationibus. 215. Germanos urget ad Nicrum amnem 490. & 495.

## E

**E**Bredunum in Fœderatorum ditionem venit. 314. Eberemburgum a Germanis frustra invaditur. 388. Edimburgum Vilhelmitis deditur. 139.

Elc-

## 552 Index rerum notabilium.

Electoralis Collegii institutio. 431.

Electorum Imperialium Collegium auctum; quare, & quomodo. 430.

Epidaurus Limeræ describitur. 86. a Venetis oppugnetur. *ibid.* in potestatem redigitur. 180.

Episcopi aliquot Britanni Iacobo Regi obnuntantur, & multantur. 11.

## F

**F**edericus Octovir Brandenburgensis moritur. 60.

Federicus Daniæ Regis Filius varias Europæ regiones peragrat. 434.

Feuquiereſi Marchio ſubalpinam regionem depopulatur. 304. Avellana propellitur. 305.

Furnæ in Gallorum potestatem veniunt. 439.

Furtembergius Card. Vilhelmus Colonienſis Archiepiſcopatum petit. 5. a majori parte Collegii Canonico-  
rum poſtulatur, & a Pont.  
Max. reiicitur. 6.

## G

**G**alli Sabaudia potiuntur. 327. Segusium ob-

tinent. 322. Navali pugna cum Britannis congregiuntur in ligni victoria. 191.

Itidem ad Fleurusiū vincunt. 211. Leodium ollis incendiariis labefactant. 300.

Fœderatos aggrediuntur nullo memorabili ſucceſſu. 303.

Moguntia inſidiatur, & deteguntur. 325. Urgelam obtinent. 329. Barcinonem, & Alicantem incendio affli-

ſtant. 330. Rhenoſeldam aggrediuntur. 435. & deferunt. 437. Heidelbergam in potestatem recipiunt ſeda-

& ingenti clade 486. & 488. Huyum in ditionem redigunt. 529. Fœderatos ingenti pugna ſuperant prope

Neervindam. 532. Caroloregium capiunt. 541.

Gallicinus Moſchorum ductor Moſcæ veluti victor poſt cladem acceptam excipitur. 81.

Galliam Ghincleus expugnat. 286.

Garabuxæ arx a Venetis ad Turcas deficit, & quomodo. 408.

Germani in Servia cladem accipiunt. 145. Sclavoniam deferunt. Orſovam amittunt. 237.

Ghedicus ſeditiones apud Turcas movet, ubi, & quomodo. 76.

Ghin-

Ghincleus Hibernicum bellum  
urget. 277. plura occupat  
loca. 278. Atlonam superat.  
280. Oppidis aliis potitur.  
286.  
Gvillestra a Fœderatis occupatur.  
373.

## H

**H**Alius Visirius ob crudelitatem exauthoratur, & punitur. 394.  
Halius alter Visirius ad bellum se comparat. 400.  
Halia occupatur a Gallis 301.  
Hannoveræ Dux in Collegium Electorate cooptatur; quare, & quomodo. 432.  
Heidelberga Gallis cedit 486.  
Heudestorffius Heidelbergæ prætor infamia notatur. 487. a popularibus occiditur. *ibid.*  
Heyslerius legatus cum Teshelio pugnat infelici eventu. 154. Ingenti Germanorum strage capitur. 156.  
Hispani ærumnis irritati diligentius ad bellum se comparant. 331.  
Humieresus Legatus plures arces in Gallorum potestatem redigit. 21.  
Huyum Galli occupant. 21. pridem dimissum rursus invadunt, & capiunt. 529.  
*Tom. II.*

## I

**I**acobus Britannæ Rex leges constituit Catholicis secundas. 7. in eum conjuratur, & a quibus. *ibid.* Liberum religionis usum Catholicis, Luteranis, & Calvinianis concedit invito Regni Conventu. 9. inobedientes magistratu deiecit. 10. minuit Civitatum iura 11. in illum iterum apertius coniuratur. 13. Classen & exercitum auget. 16. recusat opem sibi a Ludovico Rege oblatam, & quare. 17. a conjuratis timet, & copias auget. 27. abolet quicquid pro Catholicis decreverat. *ibid.* subdititiæ suæ prolis fabulam evertit, & quomodo. 33. se opponit primis Regni commotis turbis. 34. insidiis petitur; a quibus, & quomodo elusis. 37. Conjugem, & Filium in Galliam mittit inani eventu 41. Arausionensem frustra placare studet. *ibid.* Valliæ Principem, & Matrem e Britannia in Galliam iterum transmittit. 43. ipse illuc navigaturus retinetur 44. Londini honorifice excipitur 45. Clam ab Arausionensi permittitur e regno abire. 47.

A a a

in

## 554 Index rerum notabilium.

in Galliam appulsus summis honoribus recipitur. 49. a Ludovico Rege invistitur, ac sperare jubetur ibid. ejus ex Anglia discessus ratio 50 a Britannicis Comitibus, & Scotis in ordinem redigitur. 55 Hiberniam repetit, & quare. 119. Neolondinum oppugnat. 131., & deserit. 135. Illum in Angliam revocandum plures conjurant irritum eventum, & quare. 186. simul in Scotiam. 187. prælium cum Vilhelmo Rege committit exitu infelici. 194. in Galliam redit. 198. cum maximis auxiliis ad traiciendum in Angliam se parat. 344. spondet Anglis præteritorum veniam. ibid.

Jacobæorum in Hibernia motus. 273. & in Scotia. 274. Hibernico bello profligantur. 286.

Jenum a Germanis occupatur. 455.

Innocentius XI. Pont. Max. Card. Fürstembergii viam ad Col. Arch. intercipit. 5. Clementi Bojario illum adjudicat. 6. moritur, ejus elogium. 141.

Innocentius XII. Pont. Max. renuntiatur. 312. frustra adversus Gallos incitatur. 337.

Ioannes Poloniæ Rex pacem.

Turcis negari adnititur. 82. ad bellum incitatur propositis conditionibus. 172. legatum ad Moschos mittit, eos ad bellum incitaturus, sed frustra, & quare. 263. in Moldaviam exercitum ducit nullo proventu. 264. Soracam deinde expugnat. 265.

Joseph Austriacus Romanorum Rex eligitur. 143.

## K

Kaiservertum a Brandeburgensibus expugnatur. 120.

## L

Lauzuni Comes Gallici auxilij ductor strenue se gerit in pugna. 197.

Lenonium a Fœderatis occupatur. 528.

Leopoldus Cæsar pacis conditiones à Turcis oblatas respuit. 62. ad pacem cum Turcis æquis conditionibus inclinat inani eventu. 234. pacis instaurandæ dat negotium Britannico, & Batavo Pyzantii legatis. 235. Oratores in Poloniam, & Moscoviam mittit ad bellum exacuendum. 243. Bojarium suadet in Italiam cum suis legionibus ire. 314.

Lim-

## M

Limmericum oppugnatum, describitur. 200.

Lippa a Germanis deseritur. 171.

Lotharingus pacem cum Turcis suadet. 62. Moguntiam invadit, & subigit. 112. Bonnam itidem. 124. moritur, & laudatur. 149.

Ludovicus Badensis. Vide Badensis Ludovicus.

Ludovicus Galliae Rex bellum movet adversus Germanos, & Baravos. 6. ingentem opem Iacobo Regi in Hiberniam, mittit. 190. Montes Henoviae oppidum in potestatem redigit. 298. Tourvillo imperat, ut cum adversa classe omnino pugnet, & quare. 345. in Belgium ad exercitum progressus Namurcum superat. 399. Navam equestrem Ordinem instituit, quare, & quibus conditionibus. 485 iterum ad exercitum in Belgium aliquid tentaturus regressus, mutato consilio Versalias redit. 490.

Luneburgi Dux Racemburgum invadit illhinc abire, iussus, & quare. 498.

Luxemburgius prope Fleurum ingenti hostium clade vincit. 207. iterum ad Stenocherchum majori discrimine quam cade. 265.

Lymmericum oppugnatum, describitur. 287.

Macloviopolis a Foederatis verberatur ollis incendiariis. 511.

Maria Aloysia Hispaniae Regina moritur. 141.

Marianne Galliarum Delphina moritur. 233.

Marianne Neoburgensis Carolo Regi Vxor in Hispaniam ducitur. 188.

Marleborugi Comes australem Hiberniae oram Vilhelmo Regi acquirit. 202.

Maurocenus Franciscus Dux Reip. Epidaurum Limeram inani eventu oppugnat. 86.

Venetas redit. 89. Armorum imperium iterum suscipit. 449. cum pompa ad classem discedit. 474. Aegæum

navigat nullo proventu. 478. moritur, ejusque elogium. 479.

Meaemetes Rex pridem exauthoratus moritur. 453.

Melgari Comes Guzmanus Mediolani prætor controversas cum Mantuae Duce componit, & quibus conditionibus. 316.

Misnienfis Octovir Cæsari iratus, & quare. 381. moritur. 328.

Mocenigus Dominicus Caninam moenibus nudatam de-

A a a a 2

se-

## 556 Index rerum notabilium.

serit. 268. Cydoniam invadit, & deserit. 411. ab armorum præfectura revocatur, & quare. 449.  
 Moguntia oppugnata describitur. 112. Germanis deditur. 119.  
 Molinus Alexander Citclutum invadit inaususto successu. 90.  
 Momilianum à Gallis oppugnatur irritò eventus. 305. eius arx describitur. 321. iterum a Gallis invaditur. 322. in potestatem redigitur. 324.  
 Monclarus in Germania plura oppida in deditionem accipit. 22.  
 Montium Henoviz oppidi celeberrima oppugnatio. 293.  
 Moschi adversus Scythas exercitum movent, ac Taphras oppugnant. 78. eorum Aula magnis discordiis exagitur. 175.  
 Murfa a Turcis oppugnatur. 169. & deseritur. 170.

## N

**N** Aissum Germanis cedit. 161. a Turcis oppugnatum & captum. 162.  
 Namurcum describitur. 356. Gallis deditur. 362.  
 Naupactum a Turcis invadi-

tur, & deseritur. 426.  
 Nicæa describitur: a Gallis occupatur. 306. & 308.  
 Niecmagen Polonis cedit. 175.  
 Nigrellus prolegato suppetias in Transylvaniam adducit. 158.  
 Noallius legatus Cataloniam infesto exercitu ingreditur, & recedit. 217. Rhodam invadit, & occupat. 500.

## O

**O** ppugnatio describitur Albæ Græcæ a Turcis. 164. a Germanis 459. deserta 467.  
 Athlonæ a Ghincleo. 280.  
 Aulonis a Venetis 182. Bonnæ a Germanis. 122. Bydenæ a Germanis 106. a Turcis 163. Caiferverti a Brandeburgensibus. 120 Camenæci a Polonis 83. Carolore-  
gii a Gallis. 554. Carmaniolæ a Gallis. 315. Cunei male a Gallis. 316. Cydoniæ inani  
eventu a Venetis. 413. Epidauri Limeræ a Veneris, deserta. 86. iterum a Veneris. 179. Gallovidiæ a Vilhelmitis. 286. Haidelbergæ a Gallis. 486. Huyi a Gallis. 529. Jeni a Germanis. 456. Limerici a Vilhelmitis frustra. 200. iterum



# Index rerum notabilium. 557

rum ab iisdem & capti. 288.  
 Momiliāni a Gallis. 322.  
 Montium a Gallis 393. Na-  
 murci a Gallis. 357. Naif-  
 si a Turcis. 162. Neolon-  
 dini a Jacobæis. 135. Ni-  
 cæa a Gallis. 306. Pescaba-  
 ræ a Turcis. 395. Pinarolij  
 a Fœderatis. 515. & 518.  
 Philippoburgi a Gallis. 18.  
 Rhénosfeldæ a Gallis. 435.  
 Sarocæ a Polonis. 265. Ta-  
 phræ a Moschis. 78. Vara-  
 dini frustra a Germanis 258.  
 iterum & capti. 391. Urge-  
 læ a Gallis. 329.  
 Osmanus Gengien tumultua-  
 tur ubi & quomodo. 75.  
 Othobonus Petrus Pont. Max.  
 eligitur. 142.

## P

**P**alatinus Octovir Philip-  
 pus moritur. 233.  
 Palatinatus acerbè a Gallis di-  
 vexatus. 22. & 109.  
 Pax a Turcis proposita, & re-  
 pudata a Germanis. 62. ite-  
 rum infecta re. 144. in Hi-  
 bernia composita memora-  
 bili conditione. 289.  
 Peloponnesus a Turcis inva-  
 ditur, & ejus Isthmi descri-  
 ptio. 413.  
 Petrus Magnus Dux Mosco-  
 rum conjuratione petitur,

& liberatur. 176.  
 Philippoburgum in Gallorum  
 potestatem venit. 21.  
 Pinarolium quando in Gal-  
 lorum potestatem cesserit.  
218. oppugnatur a Fœderatis.  
515.  
 Pirotum a Germanis expu-  
 gnatum. 107. a Turcis re-  
 cuperatum. 160.  
 Poloni pacis condiciones po-  
 stulant. 62. 336. cum Cæ-  
 sare queruntur de Cepu-  
 sio hibernis occupato. 443.  
 legationem ad Scythas de-  
 cernunt. 446. Male cum  
 Scythis pugnant. 174. Mol-  
 daviā ingrediuntur. ibid.  
 Socidavam & Niecmagem  
 capiunt. 175.  
 Portum Molui Hispani fru-  
 stra invadunt. 330.  
 Portzeimum Gallis cedit. 386.  
 Pugna Germanorum cum  
 Turcis ad Samandriam. 06.  
 in Transylvania 155. prope  
 Moravam. 98. iterum  
 ibi 103. ad Salenchemenum  
251. apud Iuliam 471. Ve-  
 nnetorum ad Aulonem 269.  
 Navalis cum Turcis. 185.  
 Polonorum cum Scythis.  
174. Gallorum ad Fleuru-  
 sium. 207. ad Staffardam.  
229. ad Stenochercum. 365.  
 ad Marfallam 521. ad Ner-  
 vindam. 532. Navalis con-  
 tra Fœderatos 193. 350. 506.  
 Vil-

# 558 Index rerum notabilium.

Vilhelmitarum contra Jacobzoros 139. 194.

## R

**R** Acemburgum a Luneburgio oppugnatum, & desertum 498.

Rebenachi Comes a Ludovico Rege ad Italix Principes legatus. 335.

Rechebus Turcarum ductor infeliciter cum Germanis pugnat. 98.

Rhenofelda oppugnata, & desertum 435.

Ruthius Gallus Jacobzorum in Hibernia ductor quomodo Jacobi Regis consulit ibi rebus 180 quomodo ad pugnam se comparat. 181. primum feliciter pugnat, & in pugna moritur. 285.

## S

**S** Chombergius in Hiberniam appulsus pugnam detrectat. 136. pugnans moritur. 197.

Scoeningius a Germanis capitur, & quare. 381.

Scultonus conjurationem aperit Jacobo Regi nec auditur. 45. in carcerem conicitur, & quare 18.

Scythæ Poloniam acerbissi-

me depopulantur. 81. 471. 481.

Seditio Britannica, ejusque causæ. 24.

Sigetum a Germanis fame viduum. 92.

Slegum a Jacobæis frustra oppugnatum. 138.

Socidava in Polonorum potestatem venit. 175.

Solymanus Rex magno apparatu ad bellum se comparat. 152. ingenti conjuratione petitur, sed frustra. 240. moritur. 241.

Soraca Polonis deditur. 265. a Turcis oppugnatur, & deseritur. 407.

Sparus Carolus in Aulonis propugnatione occiditur. 269.

Spenderobes a Turcis in potestatem redigitur. 163.

Spenferus Sunderlani Comes in exilium pulsus, & quare. 29. an perfidiæ reus. 10.

Sulficarus, & Maurocordatus Turcarum legati Viennam adducuntur. 61. infecta pace discedunt. 144.

## T

**T** Ehelius Transylvanorum Regulus eligitur a Solymano Rege. 148. Transylvania discedit. 160. iterum Trans-

# Index rerum notabilium. 569

- Transylvaniam ingreditur, & cum Germanis pugnat. 155. Transylvanos ad se illicere frustra studet. 157. illhinc raptim discedit. 160. a Cæsare Transylvaniam petit irritò eventum. 235. Germanorum legionem trucidat. 239.
- Terremotus in Samnio, & Campania. 100. in Sicilia, Melita, magna Græcia. 434.
- Toringtonus Britannicæ classis præfectus causam dicit de infausito pugnae eventu, & absolvitur. 202. sed exauthoratur, & quare. 203.
- Tourvillus ingenti navali prælo pugnat adversus Federatos, & vincitur. 349. insigni navali victoria, & præda potitur. 506.
- Tyrconellus Hiberniæ Prætor in Galliam appulsus spem facit Jacobo Regi melioris fortunæ. 273. in Hiberniam adducit magna Gallorum auxilia. 279. moritur. 287.
- Germanis iterum invaditur, & in potestatem redigitur. 390.
- Vastalla munitionibus nudatur. 332. Vincentio Gonzagæ traditur. 379.
- Veneri Epidaurum Limeram invadunt. 179. Aulonem aggrediuntur. 182. desertam a Turcis occupant. 183. Dvrrachium frustra invadunt. 183. quas pacis conditiones proponunt. 236.
- Veteranius Comes Federicus ingens facinus ad Bvdenam edit. 106. Transylvaniæ tutandæ consulit. 470.
- Victorius Amadeus Allobrogum Dux ad bellum contra Gallos inclinat, & quare. 219. Venetias petit. 220. Clam ibi de bello adversus Gallos convenit cum Abbate Vincentio Grimano. 221. quibus conditionibus. 222. Bellum Gallis denuntiat. 225. Calvinianis reditum in Cortias valles permittit, & quo consilio. 226. in Galliam cum exercitu profectus Gvillestram occupat. 273. item Ebredunum. 374. morbo correptus in Italiam redit. 377. Pinarolium oppugnat, & deserit. 515. 16. pugna congregitur adversus Gallos ad Marsallam infelici eventum. 521. Clam a Gal-

## V

- Valerius Sylvester Dux Resp. Venetæ eligitur. 480.
- Varadinum frustra oppugnatur. 92. describitur, & iterum oppugnatur. 259. 2.







